

ЗАБУР

Кириш

Забур китоби Худога бағишлиңган турли мазмундаги шеърларнинг мажмуасидир. Уларни баъзан қўшиқ қилиб куйлашган, баъзан эса якка тартибда ёки гуруҳда ибодат сифатида айтишган. Китоб 150 та санодан иборат бўлиб, аксарият саноларнинг муаллифи шоҳ Довуд ҳисобланади. Санолар йиллар давомида тўпланган. Исройл халқининг Худога сажда қилишида бу санолар муҳим ўрин эгаллайди.

Саноларда иброний шеъриятининг параллелизм деб аталган усули кенг қўлланилган. Одатда бу усул бирор ғояни тасдиқлаш, унга урғу бериш ёки қўшимча маъно ифодалаш мақсадида ишлатилади. Параллелизм ҳосил қилишда мазмунан яқин бўлган гаплар жуфт мисраларда бирин-кетин, турли сўзлар билан такрорланади. Мисол учун,

“Эй шоҳлар! Энди ақл билан иш қилинг.
Эй замин ҳукмдорлари! Огоҳ бўлинг.” (2:10)

Саноларда Муқаддас Китоб таркибидаги кўп китобларнинг бош ғояси ўз аксини топади. Бу ғоялар ҳамду сано, шукrona, имон, умид-ишонч, гуноҳ оқибатидаги қайғу, Худонинг содиқлиги ва мадади кабилардан иборат. Барча саноларнинг туб мағзида Худога бўлган қаттиқ ишонч, Унга нисбатан самимий иззат-хурмат ётади. Саноларнинг ижодкорлари ўзларининг чинакам ҳис-туйғуларини ифодалаб, Худони чексиз марҳамати учун олқишлийдилар, қийинчилик пайтларида эса юракдаги дардларини тўкиб соладилар.

Қадимги Исройлда санолар мазмунига кўра турли ҳолатларда қўйидагича ишлатилган:

Худога ҳамду сано айтиш учун (масалан, 104-сано),
қайғу-ғамларни ифодалаш учун (масалан, 12-сано),
таълим бериш учун (масалан, 1-сано),
Исройл шоҳига иззат-хурматини ифода этиш учун, унинг ҳукмронлиги даврида адолат устун бўлишини тилаб, Худога ибодат қилиш учун (масалан, 71-сано),
жамики борлиқ устидан ҳукмрон бўлган Худонинг қудратини эътироф этиш учун (масалан, 46-сано),
Куддусга бўлган севгини изҳор этиш учун (масалан, 121-сано),
байрамларни нишонлаш учун (масалан, 125-сано).

Албатта, аксарият санолардан биттадан ортиқ мақсадда фойдаланилган.

Исо Масиҳ ваъз қилганда ва таълим берганда санолардан фойдаланган. Янги Аҳд муаллифлари ҳам саноларнинг баъзиларини ўз китобларида қайд этиб ўтганлар. Илк масиҳийлар ҳам сажда қилганларида, таълим берганларида, Исо Масиҳ ҳақидаги Хушхабарни бошқаларга ҳикоя қилиб берганларида санолардан фойдаланганлар.

1-САНО

- ¹ Шундай инсонлар саодатлиди:
Улар фосиқлар маслаҳатига юрмайды,
Гуноқкорлар йўлида улар турмайды,
Мазахчилар орасида ўтирумайды.
- ² Ҳа, улар Эгамизнинг қонунидан завқ олади,
Туну кун таълимотининг мағзини чақади.
- ³ Ундей инсонлар оқар сув бўйига ўтқазилган
Дараҳтларга ўхшайди.
Улар ўз мавсумида мевасини беради,
Барглари асло қуримайди.
Улар неки қилса, муваффақиятга эришади.
- ⁴ Фосиқлар эса бундай эмаслар,
Шамолда тўзғиб кетадиган сомонга ўхшайди.
- ⁵ Ҳукмда фосиқлар оқлана олмайди,
Солиҳлар жамоасидан гуноқкорлар жой
ололмайди.
- ⁶ Эгамиз солиҳнинг йўлини қўриқлайди,
Фосиқнинг йўли ҳалокатга етаклайди.

2-САНО

- ¹ Нега қутуради халқлар?!
Нега беҳуда фитна қилар элатлар?!
- ² Замин шоҳлари Эгамизга
Ва У танлаган шоҳга қарши саф тортадилар.
Ҳукмдорлар фитна қўзғаб, шундай дейдилар:
- ³ “Синдирайлик улар солган кишанларни,
Олиб ташлайлик бўйнимиздан сиртмоқларни.”
- ⁴ Самода ҳукмрон бўлган Раббий эса
Уларни масхаралаб, устидан кулади.
- ⁵ Раббий ғазаб билан уларни огоҳ этади,
Қаҳрини сочиб, ваҳимага солиб айтади:
- ⁶ “Мен Сионга*, Ўзимнинг муқаддас тепалигимга
Ўз шоҳимни жойлаштирудим.”
- ⁷ Эгамизнинг сўзларини шоҳ эълон қилмоқда:
“Эгамиз менга шундай деди:
«Сен Менинг ўғлимсан,
Бугун Мен сенга ота бўлдим*.
- ⁸ Тила, халқларни сенга мулк қилиб бераман,
Ернинг тўрут томони сеники бўлади.
- ⁹ Темир хивчин ила уларни уриб эзасан*,
Сопол кўзани синдиргандай уларни
парчалайсан.»”
- ¹⁰ Эй шоҳлар! Энди ақл билан иш қилинг.

Эй замин ҳукмдорлари! Огох бўлинг.

¹¹ Қўрқув ила Эгамизга сажда қилинг!

Ваҳима ила тавба қилинг!*

¹² Унинг ўғлига* таъзим қилинг,

Бўлмаса У ғазабланади,

Йўлингизда йўқ бўлиб кетасиз,

Унинг ғазаби тез аланга олади.

Нақадар баҳтлидир Унда паноҳ топганлар!

3-САНО

¹ Ўғли Абсаломдан қочиб кетгандан кейин*

Довуднинг айтган саноси.

² Эй Эгам! Ғанимларим нақадар кўпdir!

Менга қарши қўзғалганлар қанчалар кўпdir!

³ Кўплар мен ҳақимда:

“Худодан унга нажот йўқ”, деб айтадилар.

⁴ Эй Эгам, Менинг қалқонимсан!

Шуҳратим Сенсан!

Сен бошимни юксалтирасан.

⁵ Эгамиздан мадад сўраб қиламан фарёд,

Муқаддас тепалигидан* У менга беради жавоб.

⁶ Эгамиз мени ҳимоя этгани учун

Ётиб ухлаб, яна уйғонаман.

⁷ Ҳар томондан мени қуршаб турган

Ўн мингларча ғанимларимдан қўрқмасман.

⁸ Қўзғалгин, эй Эгам!

Нажот бер, эй Худойим!

Ҳамма ғанимларимнинг юзларига урасан,

Қабиҳларнинг тишларини синдирасан.

⁹ Эй Эгам! Нажот Сендан келади!

Баракаларинг халқингга келсин!

4-САНО

¹ Ижрочилар раҳбарига. Торли асбоблар

жўрлигida айтиладиган Довуд саноси.

² Эй менинг одил Худойим!

Илтижо қилганимда жавоб бер!

Кулфатда қолганимда мени озод қилдинг.

Менга шафқат қилиб, ибодатимни эшиш.

³ Эй инсонлар, қачонгача шаънимни ерга
урасиз?!

Қачонгача пуч сўзларга кўнгил боғлайсиз?!

Қачонгача ёлғонларни излаб юрасиз?!*

⁴ Унутмангки, Эгамиз Ўзи учун танлайди

тақводорни,
 Илтижо қилганимда, Эгамиз эшитади мени.
⁵ Ҳатто ғазабланганингизда ҳам гуноҳ қилманг*,
 Тунда ётганингизда ўйланг, сукут сақланг.
⁶ Муносиб қурбонликлар келтиринг,
 Умидингизни Эгамизга боғланг.

⁷ Кўп одамлар айтади:
 “Яхши замонларни ким бизга кўрсатади?!” деб.
 Эй Эгам, жамолинг бизга нурларини сочсин!
⁸ Дон ва шароби мўл бўлганлар қувонади,
 Сен юрагимга ундан ҳам кўпроқ шодлик бердинг.
⁹ Ётганимда хотиржам ухлайман,
 Эй Эгам, ёлғиз Сен мени омон сақлайсан.

5-САНО

¹ Ижрочилар раҳбарига. Най жўрлигида
 айтиладиган Довуд саноси.

² Сўзларимга қулоқ тут, эй Эгам!
 Диққат қилгин нолаларимга.
³ Эшитгин, мадад сўраб илтижо этаман,
 Сен ҳам Шоҳимсан, ҳам Худойимсан!
 Шу боис Сенга ибодат қиласман.
⁴ Эй Эгам! Тонг чоғи овозимни эшитасан,
 Субҳидамда Сенга ёлвораман,
 Сендан жавоб кутаман.

⁵ Қабиҳликдан мамнун бўлмайдиган Худосан Сен,
 Сенга меҳмон бўлолмас гуноҳкор инсон.
⁶ Такаббурлар хузурингда тура олмайдилар,
 Ҳамма бадкирдорларни Сен ёмон кўрасан.
⁷ Ёлғон гапирадиганларни Сен қириб ташлайсан,
 Эй Эгам, қонхўр, ёлғончилардан Сен жирканасан.

⁸ Мен эса содиқ севгингнинг мўллиги сабаб
 Сенинг уйингга кираман.
 Муқаддас Маъбадингда таъзим қиласман,
 Кўркув ила Сенга сажда қиласман.
⁹ Нақадар душманларим кўп, эй Эгам,
 Одиллигинг билан мени сўқмоғингдан етакла,
 Ўз йўлларингни менга равшан қил.

¹⁰ Душманларим оғзидан ҳақиқат чиқмайди,
 Уларнинг юраклари балою оғатдир.
 Очиқ қабр кабидир оғизлари,
 Тиллари хушомад қиласми.
¹¹ Эй Худо, уларни жазолагин!
 Ёмон ниятлари ўзларининг бошига етсин.
 Улар Сенга қарши исён қилганлар.

Гуноҳлари кўплиги учун уларни ҳайдаб юборгин.

¹² Сенда паноҳ топганларнинг ҳаммаси севинсин,
То абад шодлиқдан улар куйласин.

Уларни Сен ҳимоя қилганинг учун,
Сени севганлар севинч ила жўшсин.

¹³ Эй Эгам! Сен солиҳ қишиларга барака берасан,
Сенинг ҳимматинг уларни қалқондай ҳимоя
қиласди.

6-САНО

¹ Ижрочилар раҳбарига. Саккиз торли асбоб
жўрлигига айтиладиган Довуд саноси.

² Эй Эгам! Ғазаб билан менга танбеҳ бермагин,
Қаҳринг сочиб, менга жазо бермагин.

³ Эй Эгам, мадорим йўқ, раҳм қил менга,
Суякларим зирқирайди хасталиқдан,
Эй Эгам, шифо бер менга.

⁴ Азоб чекмоқда жоним,
Қачонгача куттирасан, эй Эгам, қачонгача?

⁵ Кел энди, эй Эгам, қутқар жонимни,
Содик севгинг ҳақи озод қил мени.

⁶ Ахир, ўлганда эсламас ҳеч ким Сени,
Ўликлар диёрида* ким шукур қилас Сенга?!

⁷ Оҳ-воҳ қилавериб чарчадим,
Тунлари кўз ёшларим туфайли ўрним хўл бўлди,
Йиғлаганимдан тўшагим шалаббо бўлади.

⁸ Кўзларим нури сўнди ғамдан,
Заифлашди кўзларим душманларим дастидан.

⁹ Йўқолинглар кўзимдан ҳаммангиз, эй
бадкирдорлар!

Нола-йигиларимни Эгам эшилди.

¹⁰ Эгам эшилди менинг илтижоимни,

Эгам қабул қиласди менинг ибодатимни.

¹¹ Жамики душманларим уялиб қолади,
Ҳаммаси ваҳимага тушиб қолади,
Ўша он шарманда бўлиб, қайтиб кетади.

7-САНО

¹ Бенямин қабиласидан бўлган Кушнинг
қилмишлари туфайли Довуднинг Эгамизга
айтган марсияси.

² Сенда паноҳ топаман, эй Эгам Худо,
Пайимга тушганлардан халос эт, қутқар мени.

³ Йўқса, улар мени шердай ғажиб ташлайди,

Бурда–бурда қиласы, хеч ким мени
қутқаролмайды.

⁴⁻⁵ Эй Эгам Худо!

Агарда кимгадир ноңақлик қилган бўлсан,
Дўстимни душманига сотган бўлсан мабодо,
Ғанимимни сабабсиз талаган бўлсан,
Ҳа, агарда у ишларни қилган бўлсан,
⁶ Душманларим таъқиб қилсин, тутсин мени,
Танамни тупроққа қорсин,
Жасадимни ерга ташласин.

⁷ Қани, ғазабингни сочгин, эй Эгам!

Қўзғал ёвларимнинг қаҳрига қарши!
Кўриб, адолат қилгин!

⁸ Халқларни атрофингга тўплагин,
Баланддаги тахтингда ўтириб,
Улар устидан ҳукмронлик қилгин.

⁹ Эй Эгам, олий Ҳакам Ўзингсан,
Сен халқларни ҳукм қиласан.

Эй юксалган Эгам,
Ҳукм пайтида юзимни ёруғ қил,
Биласан–ку, солиҳман, бегуноҳман.

¹⁰ Фосиқларнинг ёвузлиги барҳам топсин,
Солиҳлар барқарор бўлсин.
Онгу юракларни синагувчи Сенсан,
Эй одил Худо!

¹¹ Менинг қалқонимдир юксалган Худо,
Покдилларга У нажот беради.

¹² Адолатли ҳакамдир Худо,
Қабиҳга У доим ғазабини сочади.

¹³ Агар инсон тавба қилмаса,
Худо қиличини чархлайди,
Камонини тайёр қилиб туради.

¹⁴ Қирғин қуролларини шай қилиб қўйган,
Оловли ўқларини тайёрлаб қўйган.

¹⁵ Ана, қабиҳлар қабиҳликдан уруғ орттиради,
Дарду балолардан ҳомиладор бўлади,
Охир–оқибатда ёлғонни туғади.

¹⁶ Улар чуқур қазийдилар,
Аммо чоҳга ўзлари қулайдилар.

¹⁷ Уларнинг дарду балоси ўзига қайтади,
Зўравонлиги ўзларининг бошига етади.

¹⁸ Эгамизга, адолатинг учун шукур, дейман.
Эгамиз — Худойи Таолога ҳамду санолар
куйлайман.

8-САНО

¹ Ижрочилар раҳбарига. Соз жўрлигида айтиладиган Довуд саноси.

² Эй Эгам, бизнинг Раббимиз!

Бутун ер юзида Сенинг номинг улуғвордир!

Осмондан ҳам юксакдир Сенинг шуҳратинг!

³ Душманларингнинг, қасоскорларнинг

Овозини ўчирай дея,

Сен болалар ва чақалоқларни

Ўз қудратингни сўйлашга ўргатдинг.

⁴ Кўлларинг ижоди бўлган осмонингга қарадим,
Ўзинг жойлаштирган юлдузлару ойга бокдим.

⁵ Инсон зоти недирки, у ҳақда ўйлагайсан?!

Бандалар* недирки, Сен уларни ардоқлагайсан?!

⁶ Сен уларни Ўзингдан* андак паст қилдинг,
Иzzату шараф тожини уларга кийгиздинг.

⁷ Жамики яратганинг узра уларни ҳукмрон
қилдинг*,

Бор нарсани уларнинг оёғи остига қўйдинг:

⁸ Жамики молу қўйларни ҳам,

Барча ёввойи ҳайвонларни ҳам,

⁹ Самодаги қушларни ва денгиздаги балиқларни,
Денгизда сузуви ҳар хил маҳлуқларни.

Ҳа, уларнинг устидан инсонни ҳукмрон қилдинг.

¹⁰ Эй Эгам, бизнинг Раббимиз!

Бутун ер юзида Сенинг номинг улуғвордир!

9-САНО

¹ Ижрочилар раҳбарига. “Қизлар*” қуийига айтиладиган Довуд саноси.

² Бутун юрагимдан, эй Эгам, Сенга шукур айтаман,

Барча ажойиб ишларингни сўйлайман.

³ Сен туфайли шодланиб, қувонаман.

Қўшиқ айтиб, Сени мадҳ этаман,
Эй Худойи Таоло!

⁴ Душманларим чекиниб қочганларида,
Қоқилиб, нобуд бўлди Сенинг хузурингда.

⁵ Сен адолат илиа ҳукм қилиб тахтга ўтирдинг,
Мени ҳукм этиб, юзимни ёруғ қилдинг.

⁶ Ҳалқларни Сен ваҳимага солдинг,
Қабиҳларни қириб ташладинг.

Уларнинг номини бир умрга ўчирдинг.

⁷ Вайроналар ичра душманимиз то абад ғойиб
бўлди,

Уларнинг шаҳрини Сен вайрон этдинг,
Уларнинг хотираси тамоман ўчди.

⁸ Эгамиз эса то абад Ўз тахтида ўтиради,
У тахтини ҳукм қилиш учун қургандир.

⁹ У оламни адолат билан бошқаради,
Халқларни одилона ҳукм қиласди.

¹⁰ Мазлум учун Эгамиз қалъадай бўлади,
Ҳа, қайғули дамларда У паноҳ бўлади.

¹¹ Эй Эгам, Сени танийдиганлар
Ўзингга умид боғлайди.
Сенга юз бурганларни тарк этмайсан.

¹² Ҳамду сано куйланг Қуддусда* тахт қурган
Эгамизга!

Унинг ишларини эълон қилинг халқлар орасида!

¹³ Қасоскор Эгамиз мазлумларни ёдида тутади,
Жафокашлар фарёдини У унутмайди.

¹⁴ Раҳм қил менга, эй Эгам, қара!
Мендан нафратланган ғанимларим азоб
бермоқда!

Ўлим оғзидан мени қайтарадиган Сенсан!

¹⁵ Шу боис гўзал Қуддус дарвозалари олдида
Сенга ҳамду сано айтайн,
Менга нажот берган Сенсан,
Шу боис ҳам қувонайин.

¹⁶ Халқлар ўзлари қазиган чуқурга ўзлари
йиқилди*,

Яширган тўрларига оёқларидан илинди.

¹⁷ Эгамиз адолатли ҳукми ила
Ўзининг кимлигини кўрсатди.
Қабиҳлар ўзлари қўйган тузоқقا илинди.

¹⁸ Қабиҳлар ва Худони унугтан жамики халқлар
Ўликлар диёрига* тушар.

¹⁹ Мұхтожни Худо бир умрга унугтас,
Бечораҳолнинг умидини то абад йўққа чиқармас.

²⁰ Қани, эй Эгам! Инсон зоти ғолиб чиқмасин,
Халқлар ҳузурингда ҳукм қилинсин.

²¹ Уларни қўрқувга сол, эй Эгам!
Халқлар инсон зоти эканлигини билсин.

²² Нечун, эй Эгам, узоқда турибсан?
Қайғули дамларда Ўзингни яширасан?

²³ Такаббур қабиҳлар бечорани таъқиб қиласди,
Тўқиган иғволари ўзларининг бошига етсин.

²⁴ Қабиҳлар ёвуз эхтирослари билан мақтанади,
Очкүзлар Эгамизни лаънатлайди, Ундан
нафратланади.

²⁵ Худога интилмайди ўзига бино қўйган
қабиҳлар,

“Худо йўқдир”, деб доим ўйлади улар.

²⁶ Қабиҳларнинг доим иши юришади,
Худонинг амрларини улар тушунмайди,
Душманларини писанд қилмайди.

²⁷ Улар ўз кўнглида ўйладилар:
“Биз ҳеч қачон қоқилмаймиз,
Ҳеч қачон кулфатларга дуч келмаймиз.”

²⁸ Қабиҳларнинг оғзидан лаънат, ҳийла, пўписа
чиқади,

Сўзлари билан улар одамларни яралаб, барбод
қиласди.

²⁹ Улар қишлоқларда яшириниб олади,
Бегуноҳ инсонни пойлаб ўлдиради.

Кўзлари ожиз қурбонни қидиради.

³⁰ Шерга ўхшаб панада кутиб туради,
Бечорани ушлайман деб, писиб ётади,
Заифни ўз сиртмоғига илинтириб, ушлаб олади.

³¹ Қабиҳлар ўз кучи билан заифни йиқитади,
Уни ётқизиб, эзиб ташлайди.

³² Улар ўз кўнгилларида: “Худо
қилмишларимизни унутган,
У кўзларини юмиб олган, ҳеч нарсани кўрмайди”,
деб ўйлади.

³³ Қани, эй Эгам! Ургин қабиҳларни,
Эй Худо! Унутмагин мазлумларни!

³⁴ Нечун қабиҳлар Сендан нафратланади?
Нечун ўз кўнглида улар:

“Худо Мендан ҳисоб сўрамайди”, деб айтади?

³⁵ Сен эса кўриб турасан,
Билиб турасан кулфату азобда қолганларни.
Қўлларингни уларга узатасан,
Ожиз ўзини Сенинг паноҳингга топширади,
Сен етимга доим ёрдам бергансан.

³⁶ Қабиҳлару ёвузларнинг қўлини қирққин,
Қилмишлари учун улардан ҳисоб сўра,
Токи улар бошқа ёвузлик қилмасин.

³⁷ Эгамиз Шоҳдир то абад,
Ўзга халқлар йўқ бўлади Унинг юртидан.

³⁸ Эй Эгам, мазлумларнинг истакларига қулоқ
соласан,
Уларнинг юракларига далда берасан.
Етиму мазлумнинг додини Сен эшишиб,

³⁹ Ер юзида банды уларни вахимага солмасин дея,
Уларга Сен адолат қиласан.

10-САНО

Ижрочилар раҳбарига. Довуд саноси.

- ¹ Эгамизда мен паноҳ топаман,
Қандай қилиб сиз менга:
“Күш каби учиб кетгин тоғларга”, дейсиз?
² Сизлар менга:
“Қара, покдилнинг юрагини панадан отмоқ учун
Қабиҳлар ёйларини тайёрлади,
Үқларини шайлаб, мўлжалга олди.
³ Қонун оёқ ости бўлганда,
Солиҳ нима қила олади?!” деб айтасиз.
- ⁴ Эгамиз Ўзининг муқаддас Маъбадидадир,
Эгамизнинг тахти самодадир.
У инсонни кўздан қочирмайди,
Нигоҳи инсонни текшириб туради.
⁵ Эгамиз солиҳни ҳамда қабиҳни синайди,
Зулмни севувчидан У ниҳоятда нафратланади.
- ⁶ Қабиҳнинг устига чўғ, олтингугурт ёғдиради*,
Уларга улуш қилиб гармселни* беради.
⁷ Эгамиз адолатлидир, У тўғри ишларни севади,
Тўғри юрадиган инсон
Унинг марҳаматидан баҳраманд бўлади.

11-САНО

- ¹ *Ижрочилар раҳбарига. Саккиз торли асбоб жўрлигига айтиладиган Довуд саноси.*
- ² Нажот бергин бизга, эй Эгам!
Тақводор бир инсон қолмади,
Сенга содиқ инсон йўқ бўлиб кетди.
³ Ҳамма бир-бирига ёлғон сўзлайди,
Хушомадгўйлик билан бир-бирини алдайди.
- ⁴ Хушомадгўй тилларни Эгамиз кесиб ташласин,
Мақтанчоқ оғизларни У қириб ташласин.
⁵ Ахир, улар: “Оғзимиз билан эришамиз ҳар нарсага,
Тилимиз ўзимизники, ким хўжайин бизга?!” деб айтади.
- ⁶ Эгамиз айтмоқда: “Муҳтоҷ эзилиб кетди,
Бечора нола қилди. Энди қўзғаламан,
Ўзлари интилган нажотга етказаман.”
⁷ Эгамизнинг ваъдалари ғоятда покдир,

Унинг сўзлари ўчоқда
Етти карра тозаланган кумушга ўхшайди.

⁸⁻⁹ Ҳар тарафда қабиҳлар дайдиб юради,
Ҳар ёқда одамлар ёмонликни мақтаб юради.
Эй Эгам! Булардан бизларни сақлагайсан,
То абад бу наслдан бизни ҳимоя қилгайсан.

12-САНО

¹ *Ижрочилар раҳбарига. Довуд саноси.*
² Эй Эгам, қачонгача мени унутасан?
Наҳотки мени то абад унутсанг?!
Қачонгача мендан юз ўгирасан?
³ Қачонгача жоним азобда қолади,
Кун бўйи юрагим ғамга тўлади?
Қачонгача душманим мендан устун келади?
⁴ Жавоб бер, эй Эгам Худо, боқ ҳолимга!
Кучимни қайтаргин, токи кетмайин ўлим
уйқусига.
⁵ “Уни енгдим”, деб айтмасин душманим,
Йиқилганимда севинмасин ёвларим!

⁶ Мен умид боғлайман содик севгингга,
Нажотингдан қалбим тўлади қувончга.
Эй Эгам, қўшиқ айтаман Сенга,
Зеро, Сен иноят айладинг менга.

13-САНО

Ижрочилар раҳбарига. Довуд саноси.

¹ Аҳмоқлар* ўз кўнглида: “Худо йўқ”, дейди.
Улар ярамаслардир, қилмиши жирканч
ишлардир,
Яхшилик қилувчи бирон зот йўқдир.

² “Идрокли бирон зот бормикан?
Бормикан Менга юз бурган?” дея
Инсонга Эгамиз самодан боқар.
³ Ҳаммаси адашган, бирдай бузилган,
Яхшилик қилувчи бир кимса йўқдир,
Ҳатто биронта ҳам йўқ!

⁴ Улар идроксиз, бадкирдор,
Халқимни бир луқма нондай еб юборади,
Ҳеч қачон Эгамизга сажда қилмайди.
⁵ Ана, босаётир уларни қаттиқ ваҳима,
Худо солиҳлар биландир бирга.
⁶ Бадкирдорлар мазлумнинг ниятини пучга
чиқарса ҳам,

Эгамиз мазлумларнинг паноҳидир.

⁷ Эҳ, Куддусдан* Исройлга нажот келсайди!
Эгамиз Ўз халқини яна фаровонликка
эриштиrsa,
Ёқуб насли шод бўлгай, Исройл севингай!

14-САНО

Довуд саноси.

¹ Эй Эгам, ким яшайди Сенинг масканингда?
Ким макон топади Сенинг муқаддас тоғингда?*

² Тўғри юриб, тўғри иш қилганлар яшайди,
Юракдан ҳақ гапни айтганлар яшайди.
³ Бошқаларга бўхтон қилмаганлар яшайди,
Дўстларига ёмонлик қилмаганлар яшайди,
Қўшниларини ҳақорат қилмаганлар яшайди.
⁴ Разил кимсалардан нафратланганлар яшайди,
Эй Эгам, Сендан қўрқсанларни иззатлаганлар
яшайди,
Ўзига зарар бўлса ҳам, аҳдида турганлар яшайди.
⁵ Қарз бериб судхўрлик қилмаганлар яшайди.
Айбисизга қарши гувоҳлик бериш учун пора
олмаганлар яшайди.

Буларни қилганлар тинч–омон бўлади.

15-САНО

Довуд қўшиғи.

¹ Ўзинг сақла мени, эй Худо!
Мен Сенда паноҳ топаман.

² Эгамга айтдим: “Менинг Раббимсан,
Сендан бошқа менинг буюк баҳтим йўқ.”
³ Нақадар улуғвордир юртдаги тақводорлар,
Улардан мен ғоят завқ оламан.
⁴ Сохта худоларга эргашганларнинг кулфати
ортади.
Уларнинг ичимлик назри қон экан,
Мен уларнинг бу назрларига қўшилмайман,
Сохта худоларнинг исмларини тилга олмайман.

⁵ Эй Эгам! Барқарорлигим Сенсан,
Муваффақиятим ҳам Ўзингдирсан,
Келажагимни Сен таъминлайсан.
⁶ Ҳосилдор ерни мерос олган инсонга ўхшайман.
Ахир, Сен мени ажойиб мулкнинг соҳиби
қилдинг!

⁷ Эгамни олқышлайман,
У менга йўл қўрсатади,
Тунда ҳам қалбим менга ўгит беради.

⁸ Мен доим Эгамга кўз тикаман,
У ўнг томонимда бўлгани учун
Мени ҳеч нарса қўзғата олмас.

⁹ Шу боис, эй Эгам, юрагим қувончга тўла,
Жоним ҳам қувонади.
Танам хавф–хатарсиз яшайди.

¹⁰ Мени ўликлар диёрида* қолдирмайсан,
Тақводорингни* қабрда чиритмайсан.

¹¹ Менга ҳаёт сўқмоғини Ўзинг қўрсатасан,
Хузурингда шодлик мени қамраб олади,
Менга боқий хузур–ҳаловатни Сен берасан.

16-САНО

Довуд ибодати.

¹ Эй Эгам, ҳақли даъвоимни эшит,
Фарёдимга эътибор бер.
Ҳийласиз оғзимдан чиққан
Ибодатимга қулоқ тут.

² Бегуноҳлигимни кўрсатгин Сен,
Адолатни кўрсин кўзларинг.

³ Ҳатто юрагимни тафтиш қилиб,
Тунда мени синаб қўрсанг,
Агар мени имтиҳон қилсанг,
Ёмон ниятни менда топа олмасдинг.

⁴ Инсонлар қилмишини мен қилмадим,
Сенинг амрингга мен итоат этдим,
Зўравоннинг йўлларидан ўзимни сақладим.

⁵ Қадамларим сўқмоқларингда собит бўлди,
Оёқларим ҳеч қачон тойиб кетмади.

⁶ Сенга илтижо қиласман, эй Худо,
Биласман, Сен менга жавоб берасан.
Менга қулоқ тутиб, сўзларимни эшитгин.

⁷ Содиқлигингни зоҳир эт ажойиб ишлар ила.
Рақиблардан қочиб Сенга борганларга
Ўнг қўлинг билан нажот бергувчи Сенсан.

⁸ Мени кўзларинг қорачифидай асрагин,
Мени қанотларинг соясида яширгин,

⁹ Мени талайдиган фосиқлардан асрагин,
Атрофимда шай турган ашаддий ёвларимдан
яширгин.

¹⁰ Уларнинг юрагида шафқатга жой йўқ,

Оғизлари билан киборларча гапиради.

¹¹ Улар мени таъқиб қилиб, ўраб олганлар,

Ерга урмоқ учун менга кўзларини тикади.

¹² Душманларим мени ғажимоқчи бўлган шерга
ўхшайди,

Пана жойда писиб ётган йиртқич шерга ўхшайди.

¹³ Кел, эй Эгам! Уларга қарши юз бур,

Тиз чўктиргин уларни!

Қиличинг ила фосиқлардан қутқаргин мени!

¹⁴ Эй Эгам! Қудратинг ила

Мени бундай инсонлардан қутқаргин,

Уларнинг насибаси фақатгина бу дунёдадир.

Тайёрлаб қўйган аччиқ қўргиликларинг билан

Уларни тўйдиргин,

Ҳатто болаларига ҳам етсин,

Набиралари ҳам тотиб қўрсин.

¹⁵ Солиҳ бўлганим учун мен Сени кўргайман,

Уйғониб, жамолингни кўрганимдан рози

бўлгайман.

17-САНО

¹ Ижрочилар раҳбарига. Эгамизнинг қули Довуд саноси. Эгамиз Довудни жамики душманлари ва Шоулнинг қўлидан озод қилгандан кейин Довуд Эгамизга атаб шу қўшиқни айтди.

² Сени севаман, эй Эгам, менинг қудратим.

³ Эгам суюнган қоямдир*, менинг қалъям,
қутқарувчимдир.

Ҳа, Худодир менинг қоям, Унда паноҳ топаман.
Удир менинг қалқоним, қудратли нажоткорим*,
қўрғоним.

⁴ Эгамга илтижо қиласман,
Ғанимларимдан У мени халос қиласди.
Эгамизга ҳамду санолар бўлсин!

⁵ Мени ўлим тўрлари чирмаб олганди,
Бало–қазо селлари даҳшат ила босиб келганди.

⁶ Ҳа, ўликлар диёрининг* тўрлари мени ўраб
олганди,

Ўлим ўз тузоғига мени асир қилганди.

⁷ Кулфатда қолганимда Эгамга илтижо қилдим,
Ҳа, нола қилдим Худойимга.

У Матьбадидан туриб, овозимни эшитди,
Оху нолам қулоғига етиб борди.

⁸ Ўша замон ер юзи титраб, тебранди,

Тоғларнинг пойдевори ларзага келди,
Эгам ғоят ғазабга минган эди.

⁹ Бурнидан тутун буруқсаб чиқарди,
Оғзидан оташ пишқиради,
Олдидан қип-қизил чўғ ёғиларди.

¹⁰ У кўкларни ёриб, пастга тушди,
Оёқлари остида — қора булут.
¹¹ Эгам бир карубга* миниб учди,
Ел қанотлари узра учеб келди.

¹² Атрофини зулмат билан ўради,
Қуюқ, қора булутларни Ўзига чайла қилди.

¹³ Улкан нур Эгамнинг олдидан чиқди,
Дўл ва қип-қизил чўғ қоп-қора булутларни
парчалади.

¹⁴ Эгамизнинг овози қўкларда гулдиради,
Худойи Таолонинг садоси эшитилди*.

¹⁵ Ўқларини отди,
Чақмоқ чақтириб, ёвларини тирқиратди,
Уларни саросимага солди.

¹⁶ Эгамизнинг таҳдидларидан,
Унинг қаҳрли нафасидан
Денгизнинг туби кўриниб қолди,
Замин пойдевори* яланғоч бўлиб қолди.

¹⁷ Эгам юқоридан қўл узатиб, мени тутди,
Баҳайбат сувлардан мени чиқариб олди.

¹⁸ Мени кучли ғанимларим қўлидан,
Мендан нафратланган ёвларимдан қутқарди,
Улар мендан кучли эдилар.

¹⁹ Қора кунимда улар менга ҳамла қилдилар,
Аммо Эгам менга таянч бўлди.

²⁰ Мени бехавотир жойга чиқариб қўйди,
Мендан мамнун бўлиб, нажот берди.

²¹ Эгам солиҳлигим учун мени мукофотлайди,
Айбисизлигим учун мени тақдирлайди.

²² Зеро, мен Эгамнинг йўлидан юрдим,
Ахлоқсизлик қилмадим, Худойимдан юз
ўгирмадим.

²³ Унинг ҳамма қонун-қоидаларига риоя қилдим,
Фармонларини четга суриб қўймадим.

²⁴ Унинг олдида бенуқсон бўлдим,
Гуноҳ қилишдан ўзимни сақладим.

²⁵ Шу сабабли Эгам мени пок деб билди,
Солиҳлигимга яраша мукофот берди.

²⁶ Эй Эгам! Сенга содик бўлганга Сен содик
бўласан,
Яхши инсондан яхшилигингни аямайсан,

²⁷ Пок кишига поклигингни кўрсатасан,

Эгрининг айёрлигини ўз бошига соласан.

²⁸ Аҳли камтарга эса нажот берасан,
Димоғдорни ерга урасан.

²⁹ Эй Эгам Худо! Чироғимни ёқувчи Ўзингсан,
Зулматни мен учун ёруғликка айлантирасан.

³⁰ Эй Худойим! Сенга суюниб лашкарни йўқ
қиласман,
Сенга суюниб деворлардан ошиб ўтаман.

³¹ Худонинг йўли комилдир,
Эгамизнинг каломи чин ҳақиқатдир,
Паноҳ излаб борганга У қалқондир.

³² Эгамиздан бошқа Худо ким экан?!
Худойимиздан бўлак суюнчиқ Қоя бормикан?!

³³ Мени қудратли қилувчи Худодир,
Йўлимни йўзи бехатар қиласми.

³⁴ У оёқларимни кийик оёғидай қиласми,
Чўққилар узра мени бехатар юргизади.

³⁵ Кўлларимни жанг қилишга ўргатади,
Бармоқларим бронза ёйни бука олади.

³⁶ Эй Эгам, Сен менга зафар қалқонингни
бергансан,

Үнг қўлинг менга таянч бўлади,
Мададинг эса мени юксалтиради.

³⁷ Оёқларим учун йўлимни кенг қилгансан,
Оёқларим сира оғиб кетмайди.

³⁸ Ганимларимни қувлаб, тутиб олдим,
Уларни йўқ қилмай ортга қайтмадим.

³⁹ Шундай эздимки уларни, тура олмадилар,
Оёқларим остида чўзилиб қолдилар.

⁴⁰ Сен менга қувват бериб, жангга юбординг,
Менга қарши отланган ёвни олдимда бош
эгдирдинг.

⁴¹ Ганимларимни мендан қочирдинг,
Мендан нафратланганларни мен йўқ қилдим.

⁴² Улар мадад сўраб фарёд қилдилар,
Нажоткорни эса тополмадилар,
Эй Эгам, ғанимларим Сенга ёлвордилар,
Аммо Сен жавоб бермадинг.

⁴³ Шамолнинг чангидай уларни эздим,
Йўлдаги лойдек сидириб ташладим.

⁴⁴ Сен мени халқнинг уруш-жанжалидан халос
этдинг.

Мени элларга йўлбошли қилдинг,
Ўзим танимаган элат менга қарам бўлди.

⁴⁵ Овозимни эшитибоқ қулоқ тутди,
Ёт эллар менга бўйин эгди.

⁴⁶ Ёт эллар ҳолсизланиб йиқилди,
Қалтираб манзилидан чиқиб қочди.

⁴⁷ Эгам барҳаётдир! Суянган Қоямга олқишилар
бўлсин!

Нажоткорим Худо юксалсин!

⁴⁸ Қасдимни олган Худодир,

Халқларни менга У тобе қилган,

⁴⁹ Мени ғанимларимдан У қутқарган,

Босқинчилардан мени устун қилган,

Мени зўравонлар қўлидан халос этган.

⁵⁰ Шу боис, эй Эгам, халқлар ичра

Сенга ҳамдлар айтаман!

Сени куйлаб сано айтаман!

⁵¹ Эгамиз Ўз шохини улуғ зафарларга
эриштиради,
Ўзи танлаган шоҳ Довуд ва унинг наслига
То абад содик севгисини кўрсатади.

18-САНО

¹ Ижрочилар раҳбарига. Довуд саноси.

² Худонинг шуҳратини самолар намоён қиласди,
Унинг ижодини фалак тоқи айтиб туради.

³ Осмон кундан-кунга буни билдиради,
Ҳар тун бундан хабардор қиласди.

⁴ Само, фалак айтмас бир гап, ё бир жумла,
Чиқмас улардан ҳеч бир садо.

⁵ Аммо хабарлари* ҳар томонга тарқалади,
Оламнинг четигача етиб боради.

Худо самоларда қуёш учун чодир қурган.

⁶ Қуёш гўшангадан чиқсан куёвга ўхшайди.
Қаҳрамонларга ўхшаб ғайрат билан йўлагидан
боради.

⁷ Самоларнинг бир четидан у чиқиб,
Айланиб, бошқа бир четига йўл олади,
Унинг тафтидан ҳеч нарса яширина олмайди.

⁸ Эгамизнинг қонуни мукаммалдир,
Бизга янги куч ато этади,
Эгамизнинг фармонлари ишончлидир,
Соддаларга донолик беради.

⁹ Эгамизнинг буйруқлари тўғридир,
Қалбларни шодликка тўлдиради,
Эгамизнинг амрлари равшандир,
Улар кўзларга нур беради.

¹⁰ Эгамиздан қўрқиши поклиқдир,

Бу то абад давом этади.
 Эгамизнинг қоидалари ҳақиқатдир,
 Ҳаммаси ғоят адолатлидир.
¹¹ Улар соф олтиндан ҳам аълодир,
 Тоза асалдан ҳам ширироқдир.

¹² Эй Эгам, қоидаларинг менга, Ўз қулингга ўгит
 беради,
 Қоидаларингга итоат этганлар буюк мукофот
 олади.

¹³ Ким ўз хатосини била олади?!
 Яширин хатолардан мени Ўзинг поклагин.
¹⁴ Мен, қулингни ошкора гуноҳдан сақлагин,
 Устимдан гуноҳ ҳоким бўлмасин.
 Шунда мен айбсиз бўламан,
 Оғир гуноҳдан ҳам холи бўламан.

¹⁵ Эй Эгам, суянган Қоям, Кутқарувчим!
 Оғзимдан чиққан сўзлар,
 Юракдаги ниятларим Сенга маъқул бўлсин.

19-САНО

¹ Ижрочилар раҳбарига. Довуд саноси.

² Кулфатда қолганингда, Эгамиз сенга жавоб
 берсин,
 Бобомиз Ёқубнинг Худоси сени тинч–омон
 сақласин.

³ Муқаддас масканидан У сенга мадад юборсин,
 Қуддусдан* У сенга таянч бўлсин.

⁴ У сенинг ҳамма назрларингни ёдда тутсин,
 Куйдирилган қурбонликларингни қабул этсин.

⁵ Кўнглинг истаганини Эгамиз сенга инъом
 қиласин,
 Ҳамма режаларингни рўёбга чиқарсин.
⁶ Шунда биз зафарингни севинч ила куйлаймиз,
 Худойимиз номи билан байроқлар ўрнатамиз,
 Ҳамма илтижоларингни Эгамиз рўёбга чиқарсин.

⁷ Биламан, Эгамиз Ўзи танлаган шоҳга нажот
 беради,
 Эгамиз муқаддас самосидан унга жавоб беради,
 Эгамиз ўнг қўли билан унга буюк ғалаба ато
 қиласи.

⁸ Баъзилар жанг араваларига ишонади,
 Баъзилар отлари билан мақтанади,
 Биз эса Эгамиз Худога ишонамиз.

⁹ Улар ҳолсизланиб йиқиладилар,
 Биз эса кучайиб қад ростлаймиз.

¹⁰ Эй Эгам, шоҳимизга ато қилгин ғалаба,
Илтижо қилганимизда, жавоб бергин бизга*.

20-САНО

¹ Ижрочилар раҳбарига. Довуд саноси.

² Эй Эгам! Сенинг қудратинг туфайли шоҳ
кувонади,

Сен берган зафарлардан у нақадар лаззатланар!

³ Кўнглидаги истакларини рӯёбга чиқардинг,
Унинг тилакларини рад қилмадинг.

⁴ Улуғ баракани унга ато қилдинг,

Унинг бошига соф олтин тож кийгиздинг.

⁵ Сендан умр сўраганда, умр бердинг,
Узоқ ҳамда боқий умр бахш этдинг.

⁶ Шоҳнинг шуҳрати Сен берган зафарлар
туфайли улуғдир,

Унга дабдаба, улуғворлик ато қилган Сенсан.

⁷ Сен то абад унга барака берасан,

Унга жуда яқин бўлиб,

Уни шодликка тўлдирасан.

⁸ Эгамизга шоҳимиз умид боғлайди,

Худойи Таолонинг содик севгиси туфайли

У ҳеч қачон қоқилмайди.

⁹ Эй шоҳимиз, қўлинг барча душманларингни
мағлуб қиласди,

Ҳа, ўнг қўлинг сендан нафратланганларни
мағлуб қиласди.

¹⁰ Сен зоҳир бўлганинг замон

Қизиган тандирдай уларни ёндирасан.

Эгамиз Ўз ғазаби билан уларни ютиб юборади,
Аланга уларни ёндириб ташлайди.

¹¹ Эй шоҳимиз, уларнинг наслини

Ер юзидан қириб ташлайсан,

Зурриётини инсоният орасидан йўқотасан.

¹² Душманларинг сенга қарши ёмонликни режа
қиласалар,

Улар сенга қарши фитна қўзғасалар,

Ҳеч нарсага эриша олмайдилар.

¹³ Камонингдан уларга ўқлар отасан,

Ортига қочишга мажбур қиласан.

¹⁴ Ўз қудратинг туфайли юксалавер, эй Эгам,

Қудратингни қуйлаб, ҳамду сано айтамиз.

21-САНО

¹ Ижрочилар раҳбарига. “Тонгда чиққан кийик”
куйига айтиладиган Довуд саноси.

² Эй Худойим! Нега мени тарк этдинг?!
Нега мендан узоқдасан шу қадар?!
Эй Худойим! Нечун менга нажот бермайсан?!
Оҳу нолаларимни эшитмайсан?!

³ Эй Худойим, кун бўйи илтижо қиласман,
Сен эса жавоб бермайсан.
Тун бўйи ёлвораман,
Аммо менга тинчлик йўқ.

⁴ Барибир Сен Муқаддас Худосан,
Исройлнинг ҳамду саноси қуршаб олган
тахтингни.

⁵ Ота-боболаримнинг умиди Сенда эди,
Сен уларга нажот бердинг.

⁶ Улар Сенга нола қилиб, нажот топдилар,
Улар Сенга ишониб, уялиб қолмадилар.

⁷ Ахир, мен инсон эмас, бир қуртдирман.
Одамлар ҳазар қилган, халқлар нафратланган.

⁸ Мени кўрган ҳар ким устимдан кулар,
Мени ҳақоратлаб, бош чайқаб дерлар:

⁹ “Эгангга ишон, Ўзи қутқариб олар,
Эганг сендан мамнун бўлса, У нажот берар.”

¹⁰ Онам қорнидан Сен мени чиқарган эдинг,
Онам бағрида Ўзинг мени омон сақлаган эдинг.

¹¹ Сенга таянаман туғилганимдан буён,
Менинг Худойимсан онам дунёга келтиргандан
буён.

¹² Мендан узоқ бўлмагин!
Ахир, кулфат ёнгинамда-ку,
Менга мадад бергувчи бирон кимса йўқ!

¹³ Бир гала буқалар* Мени қуршаб олган,
Ҳа, Башан ўлжасининг* қучли буқалари Мени
ўраб олган.

¹⁴ Ўкириб ўлжасини пора қиласдан шерга
ўхшаб,
Мен томон улар оғизларини катта очган.

¹⁵ Ҳаётим сув каби тўкилди,
Суякларим бўғинидан бўшашди,
Юрагим мум каби ичимда эриб кетди.

¹⁶ Мадорим қуриб, сопол парчасидай бўлиб
қолдим*,
Тилим танглайимга ёпишиб қолди,

Мени ўлим түшагига ётқиздинг.

¹⁷ Атрофимда қўппаклар изғииди,
Бадкирдорлар тўдаси мени қуршаб олгандир,
Қўлу оёқларимни улар илма-тешик қилади*.

¹⁸ Ҳамма суякларим кўриниб туради,
Душманларим кўзларини чақчайтириб,
Еб қўйгудек бўлади.

¹⁹ Кийимларимни улар ўзаро бўлишган,
Либосим учун қуръа ташлашган.

²⁰ Мендан узоқ турма, эй Эгам!
Кучим манбай Сенсан! Тез кел, ёрдам бер!

²¹ Жонимни қилич дамидан қутқар,
Ҳаётимни қўппаклар чангалидан қутқар!

²² Шерлар оғзидан қутқаргин мени!
Ёввойи буқалар шохидан асрагин мени!

Сен илтижоимга жавоб бердинг.

²³ Биродарларимга Сен ҳақингда айтаман,
Жамоа орасида Сенга ҳамду сано ўқийман.

²⁴ Уларга шундай дейман:
“Эгамизга ҳамду сано айтинг, эй Ундан
қўрққанлар!

Эгамизни улуғланг, эй Ёқуб насли!
Эгамизни иззатланг, эй Исройл насли!

²⁵ Кулфатда қолган бечорадан Эгамиз юз
ўгирмади.

Унинг қайғуларидан ҳазар қилмади,
нафратланмади.
Бечоранинг нолаларини Эгамиз эшиитди.”

²⁶ Улуғ жамоа ичра
Ҳамду сано айтишимнинг сабаби Сенсан.
Сендан қўрққанлар олдида онтимни адо этаман.

²⁷ Эй Эгам, қашшоқлар еб тўядилар*,
Сенга юз бурганлар Сени мадҳ қиладилар,
Улар дунё тургунча турсинлар!

²⁸ Эгамизни эслаб, Унга юз бурсинлар
Ер юзидағи жамики инсонлар!

Жамики уруғу элатлар
Унга сажда қилсинлар!

²⁹ Эгамиз ҳокимияти мутлақдир,
Элатлар устидан У хукмрондир.

³⁰ Жамики бойлар ҳам зиёфат еб, Унга таъзим
қилади.

Тупроқ остига кетаётганлар ҳам Унга сажда
қилади,
Хатто ўз ҳаётини сақлай олмайдиганлар таъзим

қилади.

³¹ Авлодлар Унга хизмат қилади,

Келгуси насллар Раббий ҳақида эшитади.

³² Улар келиб Эгамизнинг нажоти ҳақида эълон
қилади,

Унинг қилганларини ҳали туғилмаган халқларга
айтади.

22-САНО

Довуд саноси.

¹ Эгам Менинг чўпонимдир,

Мен муҳтоҷлик қўрмасман асло.

² Ям-яшил яйловларда У менга ором беради,
Сокин ирмоқлар бўйида У мени етаклайди.

³ У менга қайта куч бахш этади.
Ўзининг номи ҳақи-хурмати
Мени тўғри йўлга бошлайди.

⁴ Эй Эгам!

Ҳатто зулмат водийсида* юрсам ҳам,
Хавф-хатардан қўрқмайман,
Ахир, Сен мен билан биргасан.
Сенинг чўпон таёфинг*,
Хивичинг* мени ҳимоя қилади.

⁵ Душманларимнинг кўз ўнгида
Мен учун дастурхон тузайсан.
Бошимга мой суртиб,
Сен мени хурмат билан кутиб оласан.
Косамни лаззатли неъматларга лим-лим
тўлдирасан.

⁶ Умрим бўйи Сенинг меҳр-шафқатинг изимдан
юради,
Эй Эгам, Сенинг уйинг то абад менинг масканим
бўлади.

23-САНО

Довуд саноси.

¹ Эгамизницидир замин, ундаги бутун борлиқ,
Оlamу унда яшовчи жамики жонзот.

² У оламни ўрнатган денгизлар узра,
Мустаҳкам қилган уни уммонлар узра*.

³ Ким туриши мумкин Эгамизнинг муқаддас
маконида?

Ким чиқиши мумкин Унинг тепалигига?*

⁴ Кўли ҳалол, қалби тоза инсонлар,
Сохта нарсаларга кўнгил қўймаганлар,

Ёлғондакам онт ичмаганлар.
⁵ Эгамиз уларга барака беради,
 Нажоткор Худо уларни оқлады.
⁶ Эгамизга юз бурган жамоа ўшандайдир.
 Ҳа, Худога интилган Ёқуб насли* шундайдир.

⁷ Қаддингизни ростланг, эй дарвозалар!
 Очилинглар, эй азалий эшиклар!
 Токи кира қолсин улуғвор Шоҳ!
⁸ У улуғвор Шоҳ ким экан?
 Жангларда ғолиб бўлган,
 Кучли, қудратли Эгамиз Шоҳдир!
⁹ Қаддингизни ростланг, эй дарвозалар!
 Очилинглар, эй азалий эшиклар!
 Токи кира қолсин улуғвор Шоҳ!
¹⁰ У улуғвор Шоҳ ким экан?
 Сарвари Оламнинг Ўзи улуғвор Шоҳдир.

24-САНО

Довуд саноси.

¹ Юрагимни очаман Сенга, эй Эгам!
² Сенга умид боғлайман, эй Худойим!
 Шарманда бўлишимга йўл қўймагин,
 Душманларим мендан устун келмасин.
³ Сенга ишонганлар асло бўлмасин шарманда.
 Шармандалик келсин
 Сенга асоссиз хиёнат қилганларнинг бошига.
⁴ Эй Эгам, йўлларингни менга кўрсат,
 Сўқмоқларингни менга ўргат.
⁵ Ўзинг мени бошлаб боргин,
 Ҳақиқатингни менга ўргатгин,
 Нажоткорим Худо Ўзингсан,
 Кун бўйи Сендан умид қиласман.
⁶ Ёдингда тут, эй Эгам, буюк шафқатингни
 Ҳамда севгида содиқлигингни.
 Ахир, азалдан Сен шундай қилгансан.
⁷ Ёшлиқда қилган гуноҳларимни эсга олмагин,
 Итоатсизликларим учун мени жазоламагин.
 Содик севгинг ҳақи ёдга ол мени,
 Ахир, Сен яхвисан, эй Эгам!
⁸ Эгамиз яхши, адолатлидир!
 У гуноҳкорларга йўл-йўриқ кўрсатади.
⁹ У камтарни тўғриликка бошлайди,
 Камтарин инсонни Ўз йўлига ўргатади.
¹⁰ Эгамиз қилган ҳар иши орқали
 Унинг аҳдига риоя қилганларга

Севгисиу садоқатини күрсатади.

¹¹ Менинг айбларим кўп.
Эй Эгам, Ўз номинг ҳақи
Айбларимни кечиргин.

¹² Агарда инсон Эгамиздан қўрқса,
Эгамиз унга тўғри йўл танлашни ўргатади.
¹³ Ўша инсон умрини фаровонликда ўтказади,
Унинг насли юртни мулк қилиб олади.

¹⁴ Эгамиз Ундан қўрқадиганларга
Ўз ниятларини ишониб билдиради,
Ўз аҳдини уларга маълум қиласди.

¹⁵ Нигоҳим доимо Эгам томондадир,
У оёқларимни тузоқдан халос қиласди.

¹⁶ Эй Эгам, ҳолимга бок, меҳрибонлик қил.
Мен ёлғизман, тушкунликка тушганман.

¹⁷ Юракдаги ғамларим ортиб бормоқда,
Шу кулфатдан мени қутқаргин.

¹⁸ Кулфату ғамларимни кўриб,
Барча гуноҳларимдан ўтгин.

¹⁹ Қара, душманларим нақадар кўп,
Мендан қаттиқ нафрат қиласлар.

²⁰ Ҳаётимни асра, қутқаргин мени,
Шармандали аҳволга солмагин мени,
Зотан, Сенда паноҳ топаман мен.

²¹ Ҳаққонийлик, тўғрилик сақласин мени,
Зотан, Сендан умид қиласман мен.

²² Эй Худо, қутқаргин Исройлни
Жамики кулфатларидан!

25-САНО

Довуд саноси.

¹ Эй Эгам, тўғри юрганим учун
Мени оқлагин.

Қоқилмасдан Сенга таяндим.

² Синаб, имтиҳон қил мени, эй Эгам!
Юрагимни, ниятимни синаб кўр!

³ Сенинг содиқ севгинг кўз ўнгимдадир,
Сенга доим содиқман*.

⁴ Ёлғончиларга мен шерик бўлмайман,
Мунофиқлар билан дўст бўлмайман.

⁵ Фосиқлар тўдасидан нафрат этаман,
Қабиҳларга мен шерик бўлмайман.

⁶ Намоён қилмоқ учун айбизлигимни

Күлларимни юваман, эй Эгам.
 Қурбонгоҳинг атрофида юраман,
⁷ Баланд овоз ила шукронада қўшиғини куйлайман,
 Жамики мўъжизаларинг ҳақида айтаман.

⁸ Эй Эгам, севаман Сен маскан қилган уйни,
 Улуғворлигинг порлаган жойни.
⁹ Гуноҳкорлар қатори жонимни олма,
 Қонхўрлар қатори ҳаётимга чек қўйма.
¹⁰ Уларнинг қўллари тузади ёвуз режа,
 Ўнг қўллари порага тўла.

¹¹ Мен эса пок ҳаёт кечираман,
 Қутқар мени, қил менга шафқат.
¹² Тўғри йўлдан оғмайман,
 Эй Эгам, улуғ йиғинларда Сени олқишлийман.

26-САНО

Довуд саноси.

¹ Эгам нурим ва нажотимдир,
 Кимдан қўрқаман?!
 Эгам ҳаётимнинг қалъасидир,
 Ким мени қўрқита олар?!

² Мени ўлдирмоқчи бўлиб,
 Ёвузлар устимга бостириб келганда,
 Ҳа, ғаниму душманларим менга ҳужум қилганда,
 Қоқилиб, йиқилиб тушадилар.

³ Ҳатто бутун лашкар мени ўраб олса ҳам,
 Юрагимда асло қўрқув пайдо бўлмас.
 Ҳатто менга қарши жангга отланса ҳам,
 Ишончим ҳеч ҳам йўқолмас.

⁴ Бир нарсани Эгамдан сўраганман,
 Ҳа, Ундан истаганим битта нарсадир:
 Эгамнинг уйида то абад яшай,
 Эгамнинг жамолини кўрай,
 Маъбадда туриб, Унга муңтазир бўлай.

⁵ Кулфатда қолган қунларимда
 У мени Ўз чайласида омон сақлади.
 Чодири остида мени яширади,
 Баланд қоя тепасига ўтқазиб қўяди.

⁶ Энди эса ҳар тарафдаги ғанимларим устидан
 Бошим мағурур кўтарилигандир.
 Шодликдан ҳайқириб,
 Эгамнинг Чодирида қурбонлик келтираман.
 Эгамни олқишлиб, қўшиқ айтаман.

⁷ Эшитгин, эй Эгам, илтижо қилганимда,

Шафқат қылгин, жавоб бер менга.
⁸ “Менга интил!” деганингни қалбим эшилди,
 Ҳа, эй Эгам, мен Сенга қиласан.
⁹ Мендан юз ўғирмагин,
 Фазаб ила мен, Ўз қулингдан воз кечмагин,
 Мададкорим Сен бўлгансан-ку, эй Эгам.
 Рад этма, тарк айлама мени, эй нажоткорим
 Худо!
¹⁰ Ота-онам мени тарк этса ҳатто,
 Эй Эгам, Сен мени қабул қиласан.
¹¹ Йўлингни менга кўрсат, эй Эгам,
 Душманларим пойлаб тургани учун
 Мени тўғри сўқмоқларингдан етакла.
¹² Ганимларим қўлларига топширма мени.
 Ахир, сохта гувоҳлар, ноҳақ айловчилар
 Менга қарши чиқдилар.
¹³ Шубҳам йўқ, тириклар диёрида
 Эгамнинг эзгулигини албатта кўраман.
¹⁴ Эгамизга умид боғла,
 Дадил бўл, юрагингга далда бер,
 Эгамизга умид боғла!

27-САНО

Довуд саноси.

¹ Сенга илтижо қиласан, эй Эгам,
 Мени эшилмай қолмагин, эй суюнган Қоям.
 Агар менга гапирмай сукут сақласанг,
 Қабрга тушган одам каби бўлиб қоламан.
² Эшилгин, Сенга илтижо қиласан.
 Муқаддас масканингга* қўлларимни чўзиб,
 Фарёд қилиб, Сендан мадад сўрайман.
³ Мени фосиқларнинг қаторига қўшмагин,
 Уларнинг қилмишлари ёмонликдир,
 Қўшниларига тилёғламалик қиласан,
 Юракларида эса ёвуз ниятдир.
⁴ Қилмишига яраша уларга жазо бергин,
 Ифлосликларига яраша жазолагин.
 Қабих ишларига яраша адабини бергин,
 Хизматига яраша уларга қайтаргин.
⁵ Эй Эгам, улар ишларингни қадрламас,
 Сенинг ижодингга эътибор қиласан,
 Сен уларни йиқитасан,
 Улар қайтиб тикланолмас.
⁶ Олқишлилар бўлсин Эгамизга,
 Илтижоларимни У эшилди.
⁷ Эгам — менинг қудратим, қалқонимдир,

Юракдан Унга умид боғлаганман.
Эгам менга мадад берди, баҳтиёрман.
Қўшиғим ила Унга шукронда айтаман.

⁸ Эгамиз йўз халқининг қудратидир,
Йози танлаган шоҳнинг нажот қўрғонидир.

⁹ Халқингга нажот бер, эй Эгам,
Йўз элатингга барака бергин.
Уларнинг чўпони бўлгин,
То абад уларга ғамхўрлик қилгин.

28-САНО

Довуд саноси.

¹ Эгамизга ҳамдлар айтинг, эй илоҳий зотлар*,
Эгамизниң қудратию шуҳратига ҳамдлар ўқинг.

² Эгамизниң шарафига ҳамдлар ўқинг,
Муқаддас улуғворликка бурканган Эгамизга
сажда қилинг!*

³ Эгамизниң овози сувлар узра эшитилади,
Улуғвор Худо гулдираб садо беради.

Ҳа, азим сувлар узра
Эгамиз гулдираб садо беради.

⁴ Эгамизниң овози қудратлидир,
Эгамизниң овози ҳайбатлидир.

⁵ Эгамизниң овози садр дараҳтларини қулатади,
Ҳатто Лубондаги садр дараҳтларини* парчалаб
ташлайди.

⁶ Лубон тоғларини Эгамиз буқадай сакратади,
Ҳа, Хермон тоғини* ёввойи бузоқдай сакратади.

⁷ Эгамизниң овози чақмоқ чақтиради,

⁸ Эгамизниң овози сахрони титратади,
Эгамиз Кадеш сахросини ларзага солади.

⁹ Эгамизниң овози улкан дараҳтларни эгиб
юборади*,
Үрмонларни яланғочлаб, шилиб юборади,
“Эгамиз улуғвордир”, деб Маъбадида ҳамма
куйлайди.

¹⁰ Эгамиз тўфонни* жиловлади,
У то абад Шоҳ бўлиб тахтда ўтиради.

¹¹ Эгамиз йўз халқига қуч ато этсин,
Йўз халқига тинчлик билан барака берсин.

29-САНО

¹ *Довуд саноси. Эгамизниң уйи бағишиланган*

пайтда айтилган қўшиқ.

- ² Эй Эгам, Сени улуғлайман!
 Қабр оғзидан мени қутқардинг,
 Душманларим менинг устимдан кулишига йўл
 қўймадинг.
³ Сендан мадад сўраб ёлвордим, эй Эгам Худо,
 Менга Сен бердинг шифо.
⁴ Эй Эгам, ўликлар диёридан* жонимни олиб
 чиқдинг,
 Қабрдан мени қутқариб қолдинг.

- ⁵ Эй Эгамизнинг тақводорлари!
 Эгамизга ҳамду сано қуйланглар,
 Унинг муқаддас номини олқишиланг.
⁶ Эгамизнинг ғазаби бир лаҳза давом этади,
 Лутфу карами бир умр тугамасдир.
 Шу боис қайғу-алам тун бўйи давом этса ҳам,
 Тонг билан бирга шодлик ҳам кириб келади.

- ⁷ Ишларим юришганда,
 “Асло қоқилмасман!” дер эдим.
⁸ Эй Эгам, лутфу караминг билан
 Мени тоғдай мустаҳкам қилгандинг.
 Аммо юзингни ўгирганингда,
 Мен даҳшатга тушдим.

- ⁹ Эй Эгам, мен Сенга илтижо қилдим,
 Шафқат сўраб, эй Раббий, Сенга ёлвордим:
¹⁰ Агар мен кириб кетсам қабрга,
 Менинг ўлимимдан не фойда Сенга?!
 Тупроқ Сенга ҳамду сано айтарми?!*
 Сенинг содиқлигингни у сўйларми?!
- ¹¹ Эшиит, эй Эгам, менга раҳм қилгин,
 Эй Эгам, менга мададкор бўлгин!

- ¹² Азамни Сен тўйга айлантирдинг,
 Аза либосини* эгнимдан олиб ташладинг,
 Шодликни менга кийгиздинг.
¹³ Қалбим сукут сақламай, Сени куйлаб сано
 ўқисин,
 Эй Эгам Худо, Сенга то абад шукур айтаман.

30-САНО

¹ Ижрочилар раҳбарига. Довуд саноси.

² Эй Эгам, Сенда мен паноҳ топаман,
 Шарманда бўлишимга асло йўл қўйма,
 Адолатлисан, мени қутқаргин.

³ Қулоқ тут менга, дарров халос қилгин,
 Менинг паноҳ қоям бўлгин.

Нажот топай, мустаҳкам қўрғоним бўлгин.

⁴ Чиндан ҳам Сен суянган қоямсан, қалъамсан,
Ўз номинг ҳақи мени етакла, йўл кўрсатгин.

⁵ Сен менинг паноҳимсан.

Қўйилган тузоқдан мени қутқаргин.

⁶ Ҳаётимни Сенга топшираман, эй Эгам,
Мени қутқарасан, эй содик Худо.

⁷ Сохта худоларни иззатлаганларга
Мен нафратимни сочаман.

Эй Эгам, мен Сенга умид боғлайман.

⁸ Содик севгинг ила шод-хуррам бўлай,
Қайгуларимни Ўзинг кўргансан,
Жоним азобда қолганини биласан.

⁹ Мени ғаним қўлига бермадинг,
Оёқларимни бехавотир ерга қўйдинг.

¹⁰ Раҳм қил, эй Эгам, кулфатда қолдим,
Кўзларим қайғудан толди,
Жону танам адойи тамом бўлди.

¹¹ Ҳаётим азоб билан тугайди,
Йилларим оҳ-воҳ билан битади.
Гуноҳларим* дастидан кучдан қолдим,
Этларим суякларимга ёпишиб кетган.

¹² Душманларим мени ҳақорат қиласди,
Қўшниларим мендан ҳазар қиласди.
Дўстларим ҳам мендан кўрқади,
Кўчада кўриб мени, қочиб кетади.

¹³ Мени унутдилар, гўё ўлганман,
Гўё синган сопол идиш кабиман.

¹⁴ Эшитяпман, кўпчилик ғийбат қиласди,
Атрофимни даҳшат ўраб олган.
Биргаликда менга қарши фитна тўқишиади,
Мени ўлдирмоқни ният қилишиади.

¹⁵ Эй Эгам, мен Сенга умид боғлайман,
“Менинг Худойим Сенсан”, деб айтаман.

¹⁶ Ҳаётим Сенинг қўлингдадир,
Ғанимларим қўлидан,
Пайимга тушганлардан мени қутқаргин.

¹⁷ Жамолинг мен, қулингга нурларини сочсин,
Сен содиқсан, мени қутқаргин.

¹⁸ Йўл қўйма, эй Эгам, шарманда бўлишимга,
Мадад сўраб илтижо қилдим Сенга.
Қабиҳлар шармандаи шармисор бўлсин,

Ўликлар диёрига* жим кириб борсин.

¹⁹ Ўчин уларнинг ёлғончи овозлари,
Зеро, такаббурлик ва нафрат билан

Улар солиҳга қарши сўйлар.

²⁰ О, нақадар буюқдир Сенинг эзгулигинг!
Ўзингдан қўрққанларга уни сақлаб қўйгансан,
Сенда паноҳ топганларга ҳадя қиласан,
Ҳамманинг кўзи олдида инъом қиласан.

²¹ Хузурингда уларни ҳимоя қиласан,
Инсон фитналаридан омон сақлайсан.
Уларни Ўз чодиринг остида
Иғволардан сақлаб турасан.

²² Қамалда қолган шаҳардай бўлганимда
Менга ажойиб садоқатингни қўрсатганинг учун
Эй Эгам, Сенга олқишилар бўлсин!

²³ Вахимага тушиб мен:
“Эй Эгам, Сенинг назарингдан маҳрум бўлдим”,
дегандим.
Ха, мадад сўраб Сенга ёлворганимда
Илтижоларимни эшитдинг.

²⁴ Эй Эгамизнинг тақводорлари, Уни севинг!
Унга содиқ бўлганларни Эгамиз ҳимоя қиласи,
Такаббурларга тўлиқ жазо беради.

²⁵ Бардам бўлинг, дадил бўлсин юрагингиз,
Эй сиз, Эгамиздан умид қилганлар!

31-САНО

Довуд қасидаси.*

¹ Итоатсизлиги кечирилганлар баҳтлидир,
Эгамиз кимнинг гуноҳидан ўтган бўлса,
Ўша инсон баҳтлидир.

² Эгамиз кимнинг айбини ёзмаган бўлса,
Ўша инсон баҳтлидир,
Руҳида ҳийла бўлмаганлар баҳтлидир.

³ Эй Эгам, гуноҳимни бўйнимга олмай, рад
қилганимда,
Танам қоқ суяқ бўлиб қолганди,
Кун бўйи оҳ-воҳ қилиб чиқардим.

⁴ Кечаю кундуз тарбия беришдан тўхтамадинг,
Саратон иссиғидагидай мадорим қуриб қолди.

⁵ Энди олдингда гуноҳимни эътироф этдим,
Айбимни яширмай, ўзим айтдим:
“Эгам олдида итоатсизлигимни бўйнимга
оламан.”

Сен эса менинг гуноҳимни кечирдинг.

⁶ Шу боис ҳар бир тақводор
Вақт борида Сенга ибодат қилсин.

Шунда азим сувлар түфөни
Тақводорларга етиб бормас.
⁷ Сен менинг паноҳимсан,
Мени қулфатлардан Сен асрайсан,
Нажот қўшиғи ила мени ўрайсан.

⁸ Эгамиз айтар: “Сизларга Мен йўл кўрсатаман,
Юрадиган йўлларингизни ўргатаман,
Маслаҳат бераман, сизларни кузатаман.

⁹ Онгиз от ёки хачир каби бўлманглар,
Уларни йўлга солмоқ учун сувлук, жилов керак,
Бўлмаса улар ёнингизга келмайди.”

¹⁰ Фосиқнинг азоби кўпдир,
Лекин Эгамиздан умидворларни
Содик севги қуршаб олади.

¹¹ Эй солиҳлар, Эгамиз туфайли шодланинг,
қувонинг!
Эй барча қўнгли поклар, шодликдан куйланг!

32-САНО

¹ Севинч ила Эгамизга қўшиқ куйланг, эй
солиҳлар!

Унга ҳамду сано айтмоқ покдил инсонларга
муносибдир!

² Лира чалиб, Эгамизга ҳамдлар айтинг,
Ўн торли арфа чалиб, Унга қўшиқ куйланг.

³ Эгамизга янги бир қўшиқ айтинг,
Маҳорат ила тор чалиб, шодликдан ҳайқиринг.

⁴ Эгамизнинг каломи ҳақиқатдир,
Унинг барча ишлари ишончлидир.

⁵ Эгамиз адолату ҳақиқатни севади,
Замин Унинг содик севгисига тўла.

⁶ Самолар бунёд бўлган Эгамизнинг каломидан,
Самодаги жисмлар яралган Унинг нафасидан.

⁷ У дengиз сувларини йиғиб қўйган,
Тубсиз сувларни гўё омборга жойлаб қўйган*.

⁸ Бутун ер юзи Эгамиздан қўрқсин,
Бутун олам аҳли Ундан ҳайиқсин.

⁹ У гапирди, айтгани мавжуд бўлди,
Амр қилди, замин яратилди.

¹⁰ Эгамиз халқларнинг режаларини пароканда
қиласди,

У халқларнинг ниятларини пучга чиқаради.

¹¹ Эгамизнинг режалари то абад событ туради,
Унинг ниятлари наслдан наслга ўтиб боради.

¹² Эгамизни ўз Худоси деб билган халқ
бахтлидир!
Эгамиз, азизим деб танлаган халқ бахтлидир!

¹³ Эгамиз самодан боқар,
Инсон зотини У кўриб туар.
¹⁴ У таҳт қурган жойидан туриб,
Ҳамма ер юзида яшовчиларни кузатар.
¹⁵ У ҳамманинг юрагини яратган,
Ҳамманинг ишларини англаған.
¹⁶ Лашкари кўплигидан шоҳ кутулмайди,
Кучи кўплигидан жангчи ғолиб бўлавермайди.
¹⁷ “Жанг отлари нажот берар” дейиш пуч
хаёлдир,
Улар қудратли кучи билан қутқара олмайди.

¹⁸ Эгамиз кўриб туарар Ўзидан қўрқанларни,
Унинг содик севгисига умид қилганларни.
¹⁹ Эгамиз уларни ўлимдан қутқаради,
Очликдан сақлаб, тирик қолдиради.

²⁰ Жонимиз Эгамизга мунтазирдир,
У бизнинг мададкоримиз, қалқонимиздир.
²¹ Биз Муқаддас Худога умид боғлаймиз,
У туфайли юрагимиз шодликка тўла.

²² Эй Эгам! Сенга ҳамон умид боғлаймиз,
Содик севгинг бизга ёр бўлсин.

33-САНО

¹ Довуд Абумалек олдида ўзини телбаликка солиб,
унинг ҳузуридан қувилгандан кейин* айтган
саноси.

² Ҳар доим Эгамни олқишлийман,
Унинг мадҳи тилимдан асло тушмайди.

³ Эгам боис жоним фахрланади,
Мазлум эшишиб, шод бўлсин.

⁴ Мен билан бирга олқишиланг Эгамни,
Биргаликда улуғлайлик Унинг номини.

⁵ Эгамга юз бурдим, У жавоб берди,
Ҳамма қўрқувлардан У халос қилди.

⁶ Эгамиздан умид қилганларнинг юзларида нур,
Уларнинг юзлари асло шувут бўлмайди.

⁷ Бу бечора илтижосин Эгамиз эшиитди,
Барча уқубатлардан уни қутқарди.

⁸ Эгамиздан қўрқанларнинг атрофида
Эгамизнинг фариштаси қароргоҳ қуриб,
Уларга нажот бахш этади.

- ⁹ Эгамизнинг муруватини татиб кўр,
Эгамиз яхши эканлигини билиб ол.
Нақадар баҳтлидир Унда паноҳ топғанлар.
- ¹⁰ Эй тақводорлар, Эгамиздан қўрқинг.
Ундан қўрққанлар асло муҳтоҗлик кўрмас.
- ¹¹ Ҳатто йиртқич шерлар овқатсиз,
Улар очлиқдан азоб чекади.
Эгамизга юз бурганлардан эса
Фаровонлик айрилмайди.
- ¹² Келинг, эй болалар, тинглангиз мени,
Ўргатайин мен Эгамиздан қўрқиши.
- ¹³ Ҳаётдан завқланишни,
Бахти узоқ умр қўришни истайсизми?
- ¹⁴ Демак, тилингизни ёмон сўзлардан тийинг,
Оғзингизни ёлғон гаплардан асранг.
- ¹⁵ Ёмонликдан қайтинг, яхшилик қилинг,
Тинчлик истанг, ҳа, тинчлик пайида бўлинг.
- ¹⁶ Эгамиз солиҳларни кузатиб туради,
Уларнинг ноласини Эгамиз эшитади.
- ¹⁷ Бадкирдорлардан эса юз ўгиради,
Уларнинг хотирасини ер юзидан ўчиради.
- ¹⁸ Тақводорлар ёлворади, Эгамиз эшитади,
Барча балолардан уларни Эгамиз қутқаради.
- ¹⁹ Кўнгли чўкканларга Эгамиз яқиндир,
Руҳан эзилганларни У қутқаради.
- ²⁰ Солиҳларнинг қайғулари кўп бўлса,
Ҳамма қайғулардан Эгамиз халос қилас.
- ²¹ Уларнинг ўзини Эгамиз сақлади,
Биронта ҳам суяги синдирилмайди.
- ²² Фосиққа ўз ёвузлиги ўлим келтиради,
Солиҳдан нафратланган маҳкум бўлади.
- ²³ Эгамиз Ўз қулларининг ҳаётини қутқаради,
Эгамида паноҳ топувчилар маҳкум бўлмайди.

34-САНО

Довуд саноси.

- ¹ Эй Эгам, менга қарши чиққанларга Ўзинг қарши
бўл.
Менга хужум қилганлар билан Ўзинг жанг қил.
- ² Қалқону совутингни ол,
Қани, менга ёрдамга кел.
- ³ Мени таъқиб қилганларга қарши
Найзаю болтангни олгин.
“Сенга нажот бераман”, деб
Ўзинг менга ваъда бергин.

- ⁴ Менинг жонимга қасд қилғанлар
Шармандаю шармисор бўлсин!
Менга қарши фитна қилаётганлар
Уятга қолиб, орқага қайтсин!
- ⁵ Эй Эгам, Сенинг фариштанг уларни қувсин.
Ҳа, улар худди шамолда учган сомондай бўлсин.
- ⁶ Қоронғи, сирпанчиқ бўлсин уларнинг йўли,
Эй Эгам, Сенинг фариштанг уларни қувсин.
- ⁷ Сабабсиз менга тузоқ қўйдилар,
Мени тутиб олиб ўлдирмоқ учун
Сабабсиз менга чуқур қазидилар.
- ⁸ Тўсатдан уларнинг бошига ҳалокат келсин,
Қўйган тузофига ўзлари ўралиб қолсин,
Қазиган чуқурга ўзлари йиқилиб, битсин.
- ⁹ Шунда, эй Эгам, Сен туфайли шод бўламан,
Нажот берганинг учун қувонаман.
- ¹⁰ Бутун вужудим хитоб қилади:
“Сенга ўхлаши йўқ, эй Эгам,
Бечорани зўравондан қутқарасан,
Фақирни талончидан қутқарасан.”
- ¹¹ Ёвуз ниятли гувоҳлар пайдо бўлади,
Билмайдиган нарсаларимни мендан сўрайди.
- ¹² Улар яхшилигимга ёмонлик қайтаради,
Ўзимни тамом ёлғиз ҳис қиламан.
- ¹³ Улар хаста бўлганларида эса
Мен қанор кийиб, рўза тутиб, қайғу чекардим*.
Бошимни қуи солиб, ибодат қилардим*.
- ¹⁴ Дўстим, биродарим, дея ташвиш тортардим,
Туққан онам учун аза тутгандай,
Қайғудан бошимни эгиб юрадим.
- ¹⁵ Қоқилганимда эса улар шод бўлдилар,
Менга қарши йиғилишиб келдилар,
Бехабар эканман, улар каллакесар экан,
Тўхтовсиз менга бўхтон қилдилар.
- ¹⁶ Шаккоклардай аёвсиз масхара қилдилар,
Менга қараб тишларини ғижирлатдилар.
- ¹⁷ Эй Эгам, қачонгача қараб турасан?
Қутқаргин мени уларнинг ҳужумидан,
Халос қилгин жонимни ўша шерлардан!
- ¹⁸ Буюқ жамоа ичра Сенга шукур айтаман,
Халқ йиғинларида Сенга ҳамдлар ўқийман.
- ¹⁹ Асоссиз менга душманлик қилғанлар
Устимдан кулмасинлар,
Мендан сабабсиз нафрат этганлар
Кўзларини ўйнатмасинлар.

²⁰ Тинчлик сўзини оғизга олмас улар,
Аммо юртда тинч яшаётганлар устидан
Ёлғон сўзларни ўйлаб топарлар.
²¹ Менга қарши шанғиллаб айтарлар улар:
“Аҳа, кўзларимиз билан кўрдик қилмишларини.”

²² Ўзинг кўргансан, эй Эгам, сукут сақлама!
Эй Раббий, мендан ҳеч узоқлашма!
²³ Қани, бўл, ҳимоя қилгин мени,
Мен учун жанг қилгин, эй Худойим, Раббим!
²⁴ Сен одилсан, эй Эгам Худо,
Шу боис мени оқлагин.
Душманларим асло устимдан кулмасин.
²⁵ Улар ўзларига ўзлари:
“Аҳа, истаганимиз бўлди-ку!” деб айтмасин.
“Уни ютиб юбордик-ку”, демасин.

²⁶ Кулфатларимдан завқланганларнинг ҳаммаси
Шармандаю шармисор бўлсин.
Мендан ўзларини юқори қўйганлар
Шармандалик, бадномликка ўралсин.

²⁷ Мен ҳақ бўлиб чиқишимни истаганлар
Хурсанд бўлсин, севинч ила қуйласин.
Ҳар доим айтаверсин улар:
“Кулининг саодатидан ҳузурланган
Эгамиз тобора юксалаверсин.”
²⁸ Одиллигинг ҳақидаги сўзлару мадҳинг
Кун бўйи тилимдан тушмайди.

35-САНО

¹ Ижрочилар раҳбарига. Эгамизнинг қули Довуд
саноси.

² Фосиқларнинг гуноҳкорлиги ҳақида
Юрагимда бир башорат бор:

Гуноҳкор инсон Худодан қўрқмайди.

³ Ўзининг наздида у осмонда юради,
Худо гуноҳимни кўрмайди,
Хукм қилмайди, деб айтади.

⁴ Оғзидан манфур, ёлғон сўзлар чиқади,
Доноликдан, яхши ишлар қилишдан у бош
тортади.

⁵ Ҳатто ётганда ҳам фосиқликни ўйлади,
Гуноҳга ўзини бағишлайди,
Фосиқликдан асло юз ўғирмайди.

⁶ Эй Эгам, содиқ севгинг фалакларга етгайдир,
Эй Эгам, садоқатинг самоларга чўзилгайдир.

⁷ Одиллигинг буюк тоғларга ўхшайди,

Адолатинг тубсиз денгизга ўхшайди,
Эй Эгам, инсону жониворларни Сен сақлагайсан.

⁸ Содиқ севгинг, эй Худо, нақадар бебаҳодир!
Қанотларинг соясида инсонлар паноҳ топади.

⁹ Улар уйингдаги неъматлардан еб тўяди,
Лаззат тўла дарёингдан уларга ичирасан.

¹⁰ Ҳаётнинг булоги Сендадир,
Зиё олармиз Сенинг нурингдан.

¹¹ Сени билганларга содиқ севгингни қўрсат,
Юраги софларга Ўзинг нажот бергин.

¹² Такаббурнинг оёғи мени эзмасин,
Фосиқнинг қўллари мени ҳайдамасин.

¹³ Ана, бадкирдорлар ағанаб ётибди,
Қаддини кўтара олмай, ерга қапишиб ётибди.

36-САНО

Довуд саноси.

¹ Фосиқларга ғайирлик қилмагин,
Бадкирдорларга ҳасад қилмагин.

² Улар майсадай тезда қуриб қолади,
Ям–яшил ўтдай тезда сўлиб қолади.

³ Эгамизга умид боғлаб, яхшилик қилгин,
Шу юртда яшаб, ҳаловат топгин.

⁴ Эгамизни ўзингнинг шодлигинг деб бил,
Кўнглингдаги орзуларингга У етказади.

⁵ Йўлларингни топширгин Эгамизга,
Ишон Унга, У мадад беради.

⁶ Солиҳлигингни У тонг каби порлатади,
Ҳақлигингни кундузги қуёш каби қиласи.

⁷ Сабрли бўл, мунтазир бўл Эгамизга,
Ғайирлик қилмагин йўлларини топганларга,
Фосиқ ниятларин амалга оширганларга.

⁸ Ғазабдан ўзингни тий, қаҳрдан қайтгин,
Ич-этингни ема, бу фақатгина заарга олиб
боради.

⁹ Ёвуздар йўқ қилиб ташланади,
Эгамиздан умидворлар юртга эгалик қиласи.

¹⁰ Тез орада фосиқларнинг куни битади,
Сен ҳар қанча қидирмагин,
Уларни бу ердан топа олмайсан.

¹¹ Беозорлар эса юртга эгалик қиласи,
Мўл баҳт–саодатдан баҳраманд бўлади.

- ¹² Фосиқ солиҳларга қарши фитна қиласы, Уларга қарши тишлигини ғижирилатади.
- ¹³ Раббий фосиқларни масхара қиласы, Уларнинг куни битаётир, буни Раббий билади.
- ¹⁴ Фосиқ қиличини суғуриб, камонини тортади, Бечора, мазлумни йиқитишига шайланади, Солиҳларни ўлдирмоқ истайди.
- ¹⁵ Аммо қиличлари ўзларининг бошини ейди, Камонлари ҳам парча-парча бўлиб кетади.
- ¹⁶ Солиҳнинг қўлидаги оз нарса афзал, Жамики фосиқнинг бойлигидан кўра.
- ¹⁷ Фосиқнинг кучи қирқилиб кетади, Солиҳни эса Эгамиз қўллаб-қувватлайди.
- ¹⁸ Айбисизларнинг эҳтиёжи Эгамиз эътиборида, Уларнинг мулки то абад давом этади.
- ¹⁹ Қаро кунларда ҳам улар завол топмайди, Қаҳатчилик кунларда ҳам фаровон яшайди.
- ²⁰ Фосиқлар эса албатта ҳалок бўлади, Эгамиз ғанимлари қирдаги гуллардай қурийди, Улар тутун каби тарқалиб, йўқ бўлиб кетади.
- ²¹ Фосиқ қарз олади-ю, қайтариб бермайди, Солиҳ эса ҳиммат ила инъом қиласы.
- ²² Эгамиз барака берган инсонлар юртни эгаллайди, Эгамиз лаънатлаган одамлар эса йўқ бўлиб кетади.
- ²³ Эгамиз инсоннинг йўлидан мамнун бўлса, Унинг қадамларини событ қиласы.
- ²⁴ Ҳатто қоқилса ҳам йиқилиб тушмайди, Эгамиз мадад бериб, қўлидан ушлайди.
- ²⁵ Мен ҳам ёш эдим, энди кексайдим, Солиҳларнинг тарқ этилганини, Уларнинг зурриёти нон тилаганини кўрмадим.
- ²⁶ Улар доим ҳиммат ила қарз беради, Фарзандлари ҳам барака топади.
- ²⁷ Фосиқликни ташла, яхшилик қилгин, Токи юртда то абад маскан қилгин.
- ²⁸ Зотан, Эгамиз яхши кўради адолатни, Тарқ этмайди тақводорларни, Уларни то абад ҳимоя қиласы, Фосиқлар наслини қириб ташлайди.
- ²⁹ Солиҳ юртга эгалик қиласы, Бу юртда то абад истиқомат қиласы.

³⁰ Солиҳнинг оғзи донолиқдан сўзлайди,
Унинг тили адолатни сўйлайди.

³¹ Юрагида Худосининг қонуни жой олган,
Шунинг учун қадамида адашмайди.

³² Фосиқ солиҳни доим кузатади,
Уни ўлдирмоқни мўлжаллаб юради.

³³ Эгамиз солиҳни фосиқнинг ихтиёрига
топширмайди,
Хукмга олиб келингандা, солиҳ маҳкум
бўлмайди.

³⁴ Эгамиздан умид қил, Унинг йўлларини тутгин,
У сени юксалтиради, бу юртни эгаллайсан,
Фосиқнинг қирилиб кетишини сен кўрасан.

³⁵ Кўрганман фосиқ, золим одамнинг
Ўз юртида ям-яшил дараҳтдай унганини.

³⁶ Кўп ўтмай у ўтиб кетди, йўқ бўлди,
Қанча қидирсам ҳам, топа олмадим.

³⁷ Айбсизга эътибор бер, софдилни кузат,
Тинчликпарварнинг истиқболи ёрқин.

³⁸ Гуноҳкорларнинг ҳаммаси қирилиб битади,
Фосиқнинг келажаги барҳам топади.

³⁹ Солиҳ киши Эгамиз туфайли нажот топгайдир,
Кулфат чоғи Эгамиз солиҳнинг қалъасидир.

⁴⁰ Эгамиздан паноҳ топгани учун
Солиҳга Эгамиз мадад беради, уни қутқаради,
Фосиқдан омон сақлайди, унга нажот беради.

37-САНО

¹ Довуд саноси. Эгамиздан мадад сўраб айтган
илтижоси.

² Эй Эгам! Ғазаб билан менга танбеҳ бермагин,
Қаҳринг сочиб, менга жазо бермагин.

³ Ўқларинг менга санчилди,
Кўлларинг устимга босиб тушди.

⁴ Бутун танам хастадир ғазабингдан,
Соғлигим йўқолган гуноҳларим дастидан.

⁵ Айбларим мени жуда ҳам эзади,
Улар жуда оғир юкка ўхшайди.

⁶ Ақлсизлигим* дастидан
Яраларим сасиб, йиринглаб оқяпти.

⁷ Жуда эгилиб, букчайиб қолдим,
Кун бўйи ғамгин юраман.

⁸ Ичим иситмадан оташ бўлиб ёнмоқда,

Танамда биронта соғ жой йўқ.
⁹ Силлам қуриб, тамом эзилдим,
 Юракдаги аламдан нола қиласман.

¹⁰ Юрагим тубидаги истакларим
 Эй Раббий, Ўзингга равшан,
 Оҳу нолам Сендан яширин эмас.

¹¹ Юрагим титрайди, қувватим кетди,
 Кўзларимнинг нури адойи тамом бўлди.

¹² Дўйст-ёронларим дардим туфайли олдимдан
 қочади,
 Туғишганларим асло ёнимга келмайди.

¹³ Жонимга қасд қилганлар менга тузоқ қўяди,
 Менга ёмонлик истаганлар кулфатдан сўз очади,
 Кун бўйи ёлғон сўйлаб, фитна қиласми.

¹⁴ Мен эса карга ўхшайман, эшитмайман,
 Соқовга ўхшайман, гапира олмайман.

¹⁵ Чиндан ҳам мен соқовга ўхшайман,
 Тили қотиб қолган одамдайман.

¹⁶ Эй Эгам, умидим ёлғиз Сенсан,
 Эй Эгам Худо, жавоб берадиган Сенсан.

¹⁷ Эй Эгам: “Холимни қўриб, душманларим
 шодланмасин,
 Оёқларим қоқилганда, ўзларини катта
 тутмасин”, дея
 Сенга ибодат қилдим.

¹⁸ Ўзим ҳам йиқилай деб турибман,
 Тинмай азоб чекаётирман.

¹⁹ Қилган эгриликларим учун тавба қиласман,
 Гуноҳга қўл урганимдан пушаймонман.

²⁰ Ашаддий душманларим кўпdir,
 Сабабсиз мендан нафрат этувчилар
 сон-саноқсиз.

²¹ Улар яхшилигимга ёмонлик или жавоб беради,
 Эзгу ишларим учун мени иғво қиласми.

²² Эй Эгам, мени асло тарк этмагин,
 Эй Худойим, мендан узоқ кетмагин.

²³ Менга ёрдам бергани шошилгин,
 Эй менинг нажоткорим — Раббий!

38-САНО

¹ Ижрочилар раҳбари Ёдутунга*. Довуд саноси.

² Ўзимга ўзим шундай дейман:
 “Юрап йўлларимни кузатиб борай,
 Гуноҳ сўздан тилимни тийиб юрай,

Фосиқлар ҳамон ўраб тураркан мени,
Қулф уриб ёпиб олай оғзимни.”

³ Жим турдим, сукут сақладим,
Сўзлашдан бўйин товладим,
Ошиб бораверди дардим.

⁴ Қизиб кетаверди ичим,
Ўйлаганим сари ўртанди кўнглим,
Охири тилимни тия олмай ёлвордим:

⁵ “Эй Эгам, умрим ниҳоясини аён қилгин,
Қанча қуним қолганини аён қилгин,
Умрим қанча қисқалигини билайн.

⁶ Елдай ўтиб кетгувчи умр бергансан,
Сенинг назарингда умрим бир лаҳзадир,
Ҳар кимнинг умри бир нафасдир.

⁷ Ҳар кимнинг умри соядай ўтиб кетар,
Инсоннинг ҳаракати бехуда бўлар,
Бойлик йифар, лекин билмас
Ким бойликка эгалик қиласар.

⁸ Кимдан мен умид қилай энди, ё Раббий?
Сенадир менинг барча умидим.

⁹ Ҳалос қилгин мени гуноҳларимдан,
Кулмасин аҳмоқлар менинг устимдан.

¹⁰ Сукут сақлайман, оғзимни очмайман,
Ахир, Сен Ўзинг мени шу аҳволга солдинг.

¹¹ Мендан офатларингни узоқ қилгин,
Сенинг зарбаларингдан ўлай, дедим.

¹² Гуноҳлари учун инсонни жазолаб,
Унга танбеҳ берасан.
Куя егандай қадрли нарсаларини йўқ қиласан.
Шубҳасиз, инсон бир нафасда ўтиб кетади.

¹³ Эй Эгам, ибодатимни эшиитгин,
Нолаю фарёдимга қулоқ соггин.
Кўз ёшларимга бефарқ бўлмагин.
Ахир, мен Сенинг ўткинчи меҳмонингман,
Оталарим каби мусофириман.

¹⁴ Қаҳрли нигоҳингни мендан ўгиригин,
Токи яна хурсанд бўлайин
Бу оламдан ўтиб йўқ бўлмасимдан олдин.”

39-САНО

¹ Ижрочилар раҳбарига. Довуд саноси.

² Мен Эгамизга умид боғладим,
У менга юз бурди, фарёдимни эшиитди.

³ Мени балчиқ чуқурдан,
Ботқоқликдан чиқарип олди.

Эсон-омон мени қаттиқ ерга ўтқазди,
Қадамларимни дадил қилди.

⁴ У оғзимга янги бир қүшиқ солди,
Бу қүшиқ Худойимизга мадхиядир.
Кўплар Унинг ишларини кўриб, қўрқади,
Эгамизга умид боғлади.
⁵ Бахтлидир Эгамизга умид боғлаганлар,
Киборларга суянмаганлар,
Бутпарастлардан ёрдам кутмаганлар.

⁶ Кўп мўъжизалар кўрсатдинг, эй Эгам Худо,
Бизга қаратилган кўп ниятларингни бажардинг.
Бирор зот Сенга тенг кела олмас,
Оғиз очиб, мўъжизаларинг ҳақида айтсан,
Нақадар кўплигини санай олмасдим.

⁷ Сен қурбонлигу назрни истамадинг,
Куйдириладиган қурбонлик ҳамда
Гуноҳ қурбонлигини* талаб қилмадинг,
Итоат қилишим учун Сен қулоқларимни очдинг*.
⁸ Шунда дедимки: “Мана, мен келдим.
Муқаддас битикларда мен ҳақимда ёзилган*.
⁹ Сенинг хоҳишингни адо этишдан завқ оламан,
Эй Худойим, Сенинг қонунинг юрагим
тўридадир.”

¹⁰ Улуғ жамоанг ичра
Нажотинг хушхабарини эълон қилганман.
Ха, эй Эгам, Ўзинг биласан,
Оғзимга бир нафас ҳам дам бермаганман.
¹¹ Кутқарганингни юрагимда яширмадим,
Содиклигинг, нажотингдан ҳар кимга сўйладим,
Севгинг, садоқатингни буюк жамоангдан сир
тутмадим.

¹² Эй Эгам, мендан шафқатингни дариғ тутмагин,
Сенинг севгинг, садоқатинг мени то абад
сақласин.

¹³ Беҳисоб оғатлар атрофимни ўради,
Гуноҳларим ўзимнинг бошимга етди,
Энди кўзларим кўра олмас,
Гуноҳларим бошимдаги сочимдан кўпdir,
Энди жасоратим тамоман сўнди.

¹⁴ Эй Эгам, илтимос, менга нажот бер,
Келгин тезда, эй Эгам, менга мадад бер.

¹⁵ Жонимга қасд қилган ҳаммалар
Шармандаю шармисор бўлсин!
Ҳалокатимни истаганлар
Уятга қолиб, орқага қайтсин!

¹⁶ “Холинг қалай энди?!” деб мени
масхаралаганлар
Шарманда бўлганидан ваҳимага тушсин.

¹⁷ Сенга юз бурганларнинг ҳаммаси
Сен туфайли севинч, шодликка тўлсин.
Сенинг нажотингни севганлар:
“Эгамиз юксалаверсин”, деб доим айтсин.
¹⁸ Мен эса ғариб, бечораман,
Эй Раббий, мен ҳақимда ўйлагин,
Мададкорим, нажоткорим Ўзингсан,
Кечикмагин, эй Худойим!

40-САНО

¹ Ижрочилар раҳбарига. Довуд саноси.

² Бахтлидир бечорани ўйладиганлар,
Кулфатда қолганларида Эгамиз уларни
қутқаради.

³ Эгамиз уларни ҳимоя қиласи, ҳаётини асрайди,
Улар юртдаги баҳтлилардан ҳисобланади,
Эгамиз уларни душманлари ихтиёрига
топширмайди.

⁴ Тўшакка михланиб қолса,
Эгамиз парвариш қиласи,
Хасталигига Эгамиз шифо беради.

⁵ Шундай илтижо қилдим Сенга:
“Эй Эгам, шафқат қил менга,
Гуноҳ қилдим Сенга, шифо бергин.”

⁶ Душманларим ёвуз ният ила шундай дейди:
“Қачон ўлар экан у, номи ҳам қачон ўчаркан?”

⁷ Улар мени кўргани келганда,
Ёлғон-яшиқ гапларни гапиради.
Юракларида эса фисқу фасод туғиб,
Ташқарига чиқади-да,
Ҳамма жойда ёйиб юради.

⁸ Мендан нафратланганларнинг ҳаммаси
Менга зарар беришни режа қилишади,
Бирлашиб, мен ҳақимда пичир-пичир қилишади:

⁹ “Оғир хасталикка чалинган у,
Тўшагидан қайтиб тура олмайди.”

¹⁰ Ҳатто нонимни еган яқин, ишонган дўстим,
Менга қарши бош кўтарган.

¹¹ Сен эса, эй Эгам, менга раҳм қил,
Мени оёққа турғаз.
Қилмишларига яраша душманларимга қайтарай.

¹² Душманларим устимдан ғолиб келмаса,
Мендан мамнун бўлганингни биламан.

¹³ Тўғрилигим учун мени сақлайсан,
Хузурингда то абад мени ўтқазасан.

¹⁴ Олқишлиар бўлсин абадулабад
Исройл халқининг Худоси — Эгамизга!

Омин! Омин!

41-САНО

¹ Ижрочилар раҳбарига. Кўрах наслининг*
қасидаси*.

² Кийик ирмоқ сувларини тусагандай,
Эй Худо, жоним Сени шундай тусайди!

³ Жоним ташна Худога, барҳаёт Худога,
Қачон бориб, Унинг ҳузурида ҳозир бўламан?

⁴ Туз тотмай кечаю кундуз кўз ёш тўкаман,
“Қани Худойинг?” дея масхара қиласар одамлар
доим.

⁵ Шодлик ҳайқириқларию ҳамду санолар остида
Жамоа билан бирга Худонинг уйига борарадим.
Байрам нишонлагани оломон билан борарадим.
Шуларни эслаб, юрагим пора-пора бўлмоқда.

⁶ Нега тушкунликка тушасан, эй жоним?
Нега беҳаловат бўласан ичимда?
Худога умид боғла! Шукур этаман
Яна Унга — нажоткорим, ⁷ Худойимга.

Тушкунликка тушганман.
Шу боис, эй Худо, Сени Иордан диёридан,
Хермон* тизмасидан, Мизор тоғидан* туриб
эслайман.

⁸ Ўқираётган денгизлардай,
Гувиллаётган шаршаралардай
Сен юборган қайғу тўлқинлари
Ўтгандилар устимдан босиб.

⁹ Кундузи Эгам содик севгисини кўрсатади,
Тунлари У менга қўшиқ беради,
Менга умр берган Худога ибодат қиласман.

¹⁰ Худога, суюнган Қоямга айтаман:
“Нега мени унутиб қўйдинг Сен?!
Не учун ғамга ботиб юрмоғим керак
Душманларим сиқуви сабабидан?!”

¹¹ Душманларим ҳақоратидан суюкларим
зирқирайди,
Улар муттасил мендан: “Қани Худойинг?!” дея
сўрайди.

¹² Нега тушкунликка тушасан, эй жоним?
 Нега беҳаловат бўласан ичимда?
 Худога умид боғла! Шукур этаман
 Яна Унга — нажоткорим, Худойимга.

42-САНО

¹ Эй Худо, оқла мени!
 Шаккок халқقا қарши даъвоим бор.
 Ўзинг мени ҳимоя қил.
 Мени бу ёлғончи, адолатсизлардан қутқар.
² Ахир, менинг паноҳим — Худо Сенсан,
 Нега Сен тарқ этдинг мени?!
 Не учун ғамга ботиб юрмоғим керак
 Душманларимнинг сиқуви дастидан?!

³ Йўллагин нурингни, ҳақиқатингни,
 Булар менга йўл кўрсатиб турсин,
 Муқаддас тоғингга* мени олиб борсин,
 Сенинг маконингга мени олиб борсин.

⁴ Шунда бораман, эй Худо, Сенинг
 қурбонгоҳингга.
 Буюк шодлигимсан, севинчимсан Сен,
 Лира чалиб, ҳамду сано айтаман Сенга,
 Эй Худо, менинг Худойим!

⁵ Нега тушкунликка тушасан, эй жоним?
 Нега беҳаловат бўласан ичимда?
 Худога умид боғла! Шукур этаман
 Яна Унга — нажоткорим, Худойимга.

43-САНО

¹ Ижрочилар раҳбарига. Кўрах наслининг*
 қасидаси*.

² Эй Худо, ўз қулоқларимиз ила эшитганмиз.
 Қадимда, ота-боболаримиз даврида
 Қилган ишларингни улар бизга айтган эди.
³ Ўз қўлинг ила қувдинг бегона халқларни,
 Уларнинг юртига ўтқаздинг оталаримизни.
 Кулфатга солдинг бегона халқларни,
 Озод қилдинг Сен оталаримизни*.

⁴ Улар юртни қилич ила олмадилар,
 Ўз қўллари билан ғалабага эришмадилар.
 Улар Сенинг ўнг қўлинг, қудратинг,
 Сенинг юз нуринг ила ғолиб бўлдилар.
 Зоро, Сен улардан мамнун бўлгандинг.

⁵ Сен Шоҳимсан, Худойимсан,
 Амр бер, Ёкуб насли ғолиб бўлсин.

- ⁶ Сен туфайли душманларимизни йиқитамиз,
Номинг ила ғанимларимизни эзамиз.
- ⁷ Ишониб қолмасман мен ўз ёйимга,
Қиличим ғалаба келтирмас менга.
- ⁸ Ғанимларимиз устидан бизни ғолиб қилдинг,
Биздан нафратланганларни шарманда қилдинг.
- ⁹ Эй Худо, кун бўйи Сен туфайли мақтандик,
То абад Сенга шукроналар айтамиз.
- ¹⁰ Энди эса бизни рад қилиб, шарманда қилдинг,
Лашкарларимизни бошлаб бормаяпсан.
- ¹¹ Бизни душманларимиз олдида чекинтирдинг,
Ғанимларимиз бизни талон–тарож қилди.
- ¹² Бизни қўйлар каби емишга бердинг,
Халқлар орасига бизни ёйиб юбординг.
- ¹³ Халқингни қора чақага сотиб юбординг,
Уларни сотишдан ҳеч наф қўрмадинг.
- ¹⁴ Қўшни халқлар бизни масхара қиласди,
Сен йўл қўйиб бердинг.
Атрофимииздагилар бизни ҳақоратлайди,
Кулишларига имкон бердинг.
- ¹⁵ Халқлар орасида кулги қилдинг бизни,
Халқлар бизни масхаралаб, чайқайди бошини.
- ¹⁶ Ҳар доим хижолат бўлиб юраман,
Шармандалик юзимни қоплаган.
- ¹⁷ Эшитганимиз масхараю ҳақорат!
Кўрганимиз қасоскор душман!
- ¹⁸ Гарчи Сени унутмаган бўлсак–да,
Гарчи аҳдингга хиёнат қилмасак–да,
Бу кўргиликлар бошимизга тушди.
- ¹⁹ Биз Сени ҳеч қачон тарқ этмадик,
Сенинг йўлларингдан ҳеч қачон тоймадик.
- ²⁰ Аммо чиябўрилар маконига бизни ташладинг,
Зимзиё зулматга бизни улоқтирдинг.
- ²¹ Эй Худойимиз, ахир, Сенинг номингни унутсак,
Қўлларимизни бегона худоларга очсак,
- ²² Эй Худо, Сен буни билмасмидинг?!
- Ахир, Сен юракдаги сирларни биласан–ку!
- ²³ Сен туфайли ҳар куни ўлимга дуч келамиз,
Бўғизланадиган қўйдай бўлиб қолганмиз.
- ²⁴ Турсанг–чи, нега ухлаётгандайсан, ё Раббий?!
- Қани, бўл, бизни то абад рад этмагин.
- ²⁵ Нега биздан юз ўгирасан?!
- Бошимизга тушган кулфату зулмни унутасан?!
- ²⁶ Биз ағнатилганмиз тупроқقا,
Танамиз ёпишиб қолгандир ерга.

²⁷ Қани, кел, бизга мадад бер,
Содиқ севгинг ҳақи бизни қутқар.

44-САНО

¹ Ижрочилар раҳбарига. “Нилуфар” күйига
айтиладиган түй қўшиғи. Кўрах наслининг*
қасидаси*.

² Шоҳимга шеърларимни бағишлайман,
Юрагимдан гўзал сўзлар тўкилади,
Тилим моҳир котиб қаламига ўхшайди.

³ Эй шоҳим! Инсонлар орасида жуда чиройлисан.
Худо сенга то абад барака бергани учун
Лабларингдан латиф сўзлар ёғилади.

⁴ Эй қудратли шоҳ, белингга боғла қиличингни,
Ҳашамату улуғворлигинг билан зоҳир бўлгин.

⁵ Улуғворлик билан олға бос!
Ҳақиқат, камтарлик, адолат учун ғалаба қил!
Ўнг қўлинг қўрқинчли ишлар кўрсатсин.

⁶ Ганимларингнинг юрагини
Ўткир ўқларинг тешиб ўтади.
Халқлар оёғинг остига йиқиласди.

⁷ Худо берган тахтинг* абадийдир,
Адолат ҳассаси шоҳлигинг ҳассасидир.

⁸ Сен солиҳликни севасан, қабиҳликдан
нафратланасан.

Шу боис Худо сени дўстларингдан устун қилди,
Ҳа, Худойинг шодлик мойини сенга суртди.

⁹ Либосингдан миrrа*, алоэ ва долчиннинг
Хушбўй ҳидлари уфурар.

Фил суяги билан безатилган саройларда
Чолғу наволари сени шод қилар.

¹⁰ Шоҳ қизлари иззатли хонимларинг
орасидадир,
Офир* олтинига безанган малика ўнг қўлингда
ўтирас.

¹¹ Тингла, эй қиз, қулоқ солиб, ўйлагин,
Халқинг, отанг хонадонин унугин.

¹² Жамолингга шоҳ мафтун бўлгандир,
Таъзим қил унга, у хўжайнингдир.

¹³ Тир* халқи ҳадялар олиб келади,
Бойлар сендан марҳамат истайди.

¹⁴ Саройда малика нақадар гўзал!
Либослари олтин билан безатилган.

¹⁵ Нақшли либосида уни шоҳ ҳузурига олиб
келишади,

Ортидан қизлар, унинг дугоналари эргашиб
келади.

¹⁶ Улар шод-хуррамлик ичра келади,
Шоҳнинг саройига улар кириб келади.

¹⁷ Эй шоҳим, ўғилларинг олгайлар оталаринг
ўрнини,
Бутун юртда шаҳзодалар қилгайсан сен уларни.
¹⁸ Қўшиғим туфайли номинг насллар оша яшар,
Шу боис халқлар сени то абад мадҳ этарлар.

45-САНО

¹ Ижроҷилар раҳбарига. “Қизлар” қўйига
айтиладиган Кўраҳ наслининг* қўшиғи.

² Худо бизнинг паноҳимиз, қудратимиздир,
Кулфатда қолганимизда доим мададкоримиздир.

³ Шу боис биз қўрқмаймиз ҳеч ҳам
Ер остин-устин бўлиб кетса ҳам,
Денгиз бағрига тоғлар қулаб тушса ҳам.
⁴ Денгизлар ўқириб, тошиб кетса ҳам,
Шиддатли тўлқинлар тоғларни титратса ҳам
Биз қўрқмаймиз ҳеч ҳам.

⁵ Бир дарё бор, унинг сувлари
Шодлик олиб келар Худо шаҳрига*,
Худойи Таолонинг муқаддас маконига.

⁶ Шаҳарда Худо тургани учун
Шаҳар қуламас асло,
Тонг отганда, Худо ёрдамга келади.
⁷ Халқлар алғов-далғов бўлади,
Шоҳликлар қулайди.
Худонинг овози гулдирайди, ер эриб кетади.

⁸ Сарвари Олам биз биландир,
Ёқубнинг Худоси қалъамиздир.

⁹ Келинг, Эгамизнинг ишларини кўринг,
Ер юзига келтирган кулфатни кўринг.

¹⁰ Бутун оламда У жангни тўхтатади,
Ёйни парчалайди, найзани синдиради,
Қалқонларни* оловда ёқиб, шундай дейди:
¹¹ “Тўхтанг, билинг, Мен Худоман,
Халқлар орасида Мен юксалгайман,
Ер юзида Мен юксалгайман.”

¹² Сарвари Олам биз биландир,
Ёқубнинг Худоси қалъамиздир.

46-САНО

¹ Ижрочилар раҳбарига. Кўрах наслининг* саноси.

² Эй халқлар! Ҳаммангиз қарсак чалинг,
Севинч ҳайқириқлари ила Худони куйланг!

³ Кўрқинчлидир Худойи Таоло — Эгамиз,
Бутун ер юзида Удир улуғ Шоҳимиз.

⁴ Халқларни У бизга итоат эттирди,
Элатларни оёғимиз остига ташлади.

⁵ Ўзи суйган Ёқубнинг фахрли мулкини
Эгамиз биз учун юрт қилиб танлади.

⁶ Шодлик ҳайқириқлари остида Худо тахтга
чиқди,

Карнай садоси остида Эгамиз тахтига ўтирди.

⁷ Ҳамду сано куйланг Ҳудога, мадҳлар куйланг!
Ҳа, Шоҳимизга мадҳлар куйланг! Ҳамду сано
куйланг!

⁸ Бутун ер юзининг шоҳидир Худо,
Унга ажойиб ҳамду сано куйланг!

⁹ Жамики улусларнинг шоҳидир Худо,
Муқаддас тахтида ўтирибди Худо!

¹⁰ Иброҳим Худосининг халқи билан бирга
Тўпланарлар халқларнинг ҳукмдорлари.
Заминнинг шоҳлари* — Худоники,
Фоят баланд юксалгандир У.

47-САНО

¹ Кўрах наслининг* саноси. Қўшиқ,

² Эгамиз буюқdir!
Эгамиз Ўз шаҳрида,
Ҳа, Ўзининг муқаддас тоғида*

Мадҳияларга лойиқdir!

³ Худонинг муқаддас тоғи юксак ва гўзалdir,
Бутун ер юзига шодлик олиб келадир!

Буюқ Шоҳнинг шаҳридаги,
Унинг шимолидаги* Сион тоғи!*⁴

⁴ Худо Қуддуснинг қўрғони ичida туради,
Унинг қалъаси бўлиб, Ўзини намоён этган.

⁵ Шоҳлар тўпландилар,
Биргалалиб Сион тоғига қарши юрдилар.

⁶ Уни кўрдилар-у, шошиб қолдилар,
Ваҳимага тушиб, қочиб қолдилар.

⁷ Туғаётган хотин тортгандай дард
Ўша ерда уларни титроқ босди.

⁸ Шарқдан шамол эсиб,

Таршиш* кемаларини парчалагандай,
Сен уларни қириб ташладинг.

⁹ Худо нима қилганини биз эшитдик.
Нима эшитган бўлсак, энди ўшани
Худойимиз, Сарвари Оламнинг шахрида кўрдик.
Бу шаҳарни Худо то абад сақлар.

¹⁰ Эй Худо, Маъбадинг ичида
Содик севгинг ҳақида ўйлаймиз.

¹¹ Эй Худо, мадҳинг ҳам донғинг каби,
Ернинг тўрт томонига ёйилган,
Ўнг қўлинг адолат ила тўлиб-тошган.

¹² Сенинг ҳукмларингдан
Сион тоғи шод бўлсин,
Яхудо шаҳарлари севинсин!

¹³ Эй Исроил халқи,
Куддус* теварагида юринг.
Атрофида айланиб,
Унинг минораларини санаб чиқинг.

¹⁴ Сионнинг истеҳкомларига эътибор беринг,
Унинг қўрғонларига қаранг!
Буларни кўриб, келгуси авлодларга ҳикоя
қилинг:

¹⁵ “Худо ўша истеҳкомларга ўхшайди.
У то абад бизнинг Худойимиздир,
У то абад бизнинг йўлбошчимиз бўлади.”

48-САНО

¹ Ижрочилар раҳбарига. Кўрах наслининг* саноси.

² Эшитинглар, эй халқлар,
Қулоқ солинг, олам аҳли,

³ Эй инсонлар, жамики одамзод,
Бойлару фақирлар, қулоқ солингиз!

⁴ Оғзимдан тўқилади доно сўзлар,
Қалбимнинг мулоҳазалари ҳам идроклидир.

⁵ Қулоғимни ҳикматга бураман,
Маъносини лира билан англатаман.

⁶ Нега қўрқишим керак қаро кунларда?!
Нега қўрқишим керак таъқиб қилувчилар
Қабиҳ ишлари билан мени ўраб олганларида?!

⁷ Улар мол-мулкига ишонадилар,
Беҳисоб бойликлари ила мақтанадилар.

⁸ Ахир, ҳеч ким ҳаётини* пул тўлаб қутқара
олмас,

Ёки унинг учун Худога тўлов беролмас.

⁹ Инсон ҳаёти учун тўлов ғоят қимматдир,

Хеч қандай тўлов етарли бўлмас.

¹⁰ Йўқса инсон то абад яшарди,
Қабр юзини асло кўрмасди.

¹¹ Донони қаранг, улар ҳам ўлади,
Аҳмоқ, бемаъни бирдай ҳалок бўлади,
Уларнинг бойлиги бошқаларга қолади.

¹² Юртларга ўзларининг номини берганда ҳам,
Мозор то абад уйи бўлиб қолади,
Маскани наслдан наслга ўтаверади*.

¹³ Бойлигига қарамай инсон то абад қолмас,
Ўладиган жонзотга ўхшайди улар.

¹⁴ Ўзларига ишонганларнинг қисмати шудир,
Уларнинг сўзини маъқуллаганларнинг тақдири
шудир:

¹⁵ Улар қўйлар каби ўликлар диёрига
ҳайдаладилар,
Ўлим уларнинг чўпони бўлади,
Тонгда тўғри инсонлар уларнинг устидан
хукмрон бўлади,
Таналари чириб кетади,
Ўликлар диёри* уларнинг қасри бўлади.

¹⁶ Ўликлар диёри ҳукмидан Худо мени қутқаради,
Шубҳасиз, У мени Ўз ёнига олади.

¹⁷ Биронтаси бойиб кетганда,
Уйининг ҳашамати ошиб кетганда,
Ваҳимага тушма!

¹⁸ Оламдан ўтганда, у ўзи билан ҳеч нарса олиб
кетмайди,
Бойлиги ҳам унинг ортидан қабрга эргашиб
бормайди.

¹⁹ Ҳаётлигига ўзини баҳтиёр ҳисоблайди,
Ошиб-тошиб яшагани учун
Кўплар унга ҳамду сано айтади.

²⁰ У ҳам ота-боболари ёнига кетади,
Улар каби ёруғликни бошқа кўрмайди.

²¹ Бойлиги бўла туриб ақлсиз бўлганлар
Ўладиган жонзотга ўхшайдилар.

49-САНО

*Осиф*саноси.*

¹ Худолар Худоси — Эгамиз
Сўйлар, даъват қилас ер юзига
Шарқдан ғарбга қадар.

² Худо Ўз нурини сочар Қуддусдан* —
Гўзалликда комил шаҳардан.

³ Худойимиз келар, сукут сақламас,
Унинг олдида аланга ямлаб юборар,
Атрофида бўрон ғазабдан қутураг.

⁴ Ўз халқини ҳукм этмоқ учун
Еру осмонни гувоҳ қилиб чақирар:

⁵ “Йигиб келинг Менинг тақводор халқимни,
Қурбонлик орқали Мен билан аҳд қилганларни!”
⁶ Самолар эълон қиласр Худонинг одиллигини,
Ҳакам Худонинг Ўзири.

⁷ Худо айтар: “Эшит, эй халқим, Мен сўзлайман,
Эй Истроил, сенга қарши гувоҳлик бераман,
Мен Худоман, сенинг Худойингман.

⁸ Келтирган қурбонликларинг доимо олдимда.
Куйдирилган қурбонликларингдан шикоят
қилмайман.

⁹ Оғилингдаги буқангга муҳтоҷ эмасман,
Сурувингдаги эчкингга ҳам зор эмасман.

¹⁰ Меникидир ўрмондаги жамики ҳайвон,
Минглаб қирлардаги молу қўйлар.

¹¹ Меникидир жамики тоғдаги қушлар,
Меникидир даладаги барча жониворлар.

¹² Оч қолсам ҳам, сендан овқат сўрамасдим.
Ахир, Меникидир олам, ундаги ҳамма нарса.

¹³ Мен буқа гўштини ейманми?!
Ёки эчки қонини ичаманми?!

¹⁴ Мен, Худога шукрон қурбонлигини қил,
Мен, Худойи Таолога онтингни адо қил.

¹⁵ Оғир кунда Менга илтижо қилгин,
Сенга нажот бераман,
Сен эса Менга мақтов айтасан.”

¹⁶ Фосиққа эса Худо шундай дейди:
“Не ҳақинг бор қонунларимни тилга олмоққа?!
Не ҳақинг бор аҳдимни оғзингдага олмоққа?!”

¹⁷ Нафрат ила қарайсан-ку йўл-йўриқларимга,
Отиб ташлайсан-ку каломларимни орқангга!

¹⁸ Ўғрини кўрганингда, дўстлашасан у билан,
Шерик бўлиб оласан зинокорлар билан.

¹⁹ Оғзинг ёмон сўзлар учун доим тайёрдир,
Тилингнинг тўқигани фақат ёлғондир.

²⁰ Ўтириб, биродарингга қарши сўйлайсан,
Туғишганингга ҳам туҳмат қиласан.

²¹ Шу ишларни қилганингда, сукут сақладим,
Мени ҳам ўзингга ўхшаган, деб ўйладинг.
Энди-чи, айбингни бўйнингга қўйиб,
Сени ҳукм қиласан.

²² Эй Мени унуганлар, билиб қўйинг,
Йўқса сизларни парча-парча қиласан,
Биронта нажот бергувчи топилмайди.

²³ Менга шукронда қурбонлиги келтирғанлар
Мени иззат қылган бўлади.
Мен Ўз нажотимни
Тўғри йўлдан юрганларга кўрсатаман.”

50-САНО

¹⁻² *Ижрочилар раҳбарига. Натан пайғамбар келиб,
Довуднинг Ботшева билан қылган гуноҳини фош
этгандан кейин*, Довуднинг айтган саноси.*

³ Раҳм қылгин менга, эй Худо,
Содик севгинг, чексиз шафқатинг ила
Итоатсизлигимни олиб ташлагин.

⁴ Ювиб ташла барча айбларимни,
Поклагин гуноҳларимдан.

⁵ Ҳа, ўзимнинг итоатсизлигимни биламан,
Гуноҳим тураг кўз ўнгимда мудом.

⁶ Сенга, ёлғиз Сенга қарши гуноҳ қылганман,
Сенинг олдингда қабиҳликларга қўл урганман,
Шу боис ҳукм қылганингда Сен барҳақсан,
Айбимни фош этганингда доимо тўғри бўлиб
чиқасан.

⁷ Мана, гуноҳкор бўлиб туғилганман,
Онам қорнидаёқ гуноҳкор эдим.

⁸ Бироқ Сен самими, пок қалбни истайсан,
Асл доноликни Ўзинг менга ўргатгин*.

⁹ Покла мени иссол ўти* ила, тоза бўлайин,
Ювгин мени, қордан ҳам оқ бўлайин.

¹⁰ Яна эшитай шодлик, қувонч хабарин,
Сен эзган суюкларим яна қувонсин.

¹¹ Гуноҳларимдан четга ол кўзларингни,
Олиб ташла айбларимни.

¹² Эй Худо, менда тоза юрак яратгин,
Содик қалбни менга яна бир бор бергин.

¹³ Ҳузурингдан мени улоқтириб ташлама,
Муқаддас Руҳингни мендан олма.

¹⁴ Нажотинг шодлигини менга қайтаргин,
Итоат этишга менда истак уйғотгин.

¹⁵ Шунда итоатсизларга Сенинг йўлларингни
ўргатаман,

Гуноҳкорлар қайтиб келадилар Сенга.

¹⁶ Қон тўкканим учун кечир мени, эй Худо,
Нажот берганингни севинч ила куйлар тилим,
Эй нажоткорим Худо!

¹⁷ Лабларимни очгин, эй Раббий,
Оғзим Сени мадҳ айласин.

¹⁸ Қурбонликни Сен хоҳламайсан,
Қурбонлик күйдирганимда ҳам
Сен хуш күрмаган бўлардинг.

¹⁹ Сенга маъқул қурбонлигим эзилган руҳdir,
Эзилган, тавба қилган юракни
Сен рад этмайсан, эй Худо.

²⁰ Лутфу караминг билан Қуддусни яшнатгин,
Сион шаҳри деворларини қайтадан қургин.

²¹ Шунда муносиб қурбонликлар келтирилади,
Куйдириладиган қурбонликлар Сени мамнун
қиласи,

Қурбонгоҳингда буқалар назр қилинади.

51-САНО

¹⁻² Ижрочилар раҳбарига. Эдомлик Доег Шоулнинг
олдига бориб: “Довуд Охималекнинг уйида”, деб
хабар бергандан кейин*, Довуднинг айтган
қасидаси*.

³ Нечун мақтанасан ёвузлигинг ила, эй зўравон?!
Худонинг содиқлиги доим мен билан, ахир!

⁴ Бало келтираман, дея режа қиласан,
Ўткир устарага ўхшайди тилинг.

Алдашга сен моҳирсан.

⁵ Эзгулиқдан кўра, ёвузликни ёқтирасан,
Ҳақиқатни сўйлашдан кўра, ёлғонни афзал
биласан.

⁶ Ҳалок қиласиган сўзларни яхши кўрасан,
Ёлғончи тилни севасан.

⁷ Худо эса сени то абад ҳалок қиласи,
Сени ушлаб, чодирингдан тортиб чиқаради,
Тириклар юртидан йўқ қилиб ташлайди.

⁸ Солиҳлар буни кўриб, қўрқади,
Фосиқнинг устидан кулади:

⁹ “Қаранг, ўша одам Худони паноҳим деб
билмади,
Мўл-кўл бойлигига умид боғлади,
Бошқаларни қириш туфайли кучайди.”

¹⁰ Мен-чи, ўхшайман Худонинг уйидаги
Кўм-кўк зайдун дараҳтига.
Худонинг содиқ севгисига
Мен то абад умидимни боғлайман.

¹¹ Эй Худо, Сенинг ҳамма қилганларинг учун
Сенга то абад шукур айтаман.
Тақводорларингнинг ҳузурида

Сенга умид боғлайман,
Ахир, Ўзинг яхисан!

52-САНО

¹ Ижрочилар раҳбарига. “Қайғу-алам” куйига
айтиладиган Довуд қасидаси*.

² Аҳмоқлар* ўз қўнглида: “Худо йўқ”, дейдилар.
Улар ярамаслардир, қилмиши жирканч
ишлардир,
Яхшилик қилувчи бирон зот йўқдир.

³ “Идрокли бирон зот бормикан?
Бормикан Менга юз бурган?” дея
Инсонга Худо самодан боқар.

⁴ Ҳаммаси йўлдан озган, бирдай бузилган,
Яхшилик қилувчи бир кимса йўқдир,
Ҳатто биронта ҳам йўқ!

⁵ Улар идроксиз, бадкирдор,
Халқимни бир луқма нондай еб юборади,
Ҳеч қачон Худога сажда қилмайди.

⁶ Ана, босаётир уларни қаттиқ ваҳима,
Бунақасини илгари кўрмаган улар.
Худо сочиб ташлар ғанимларингнинг
суюкларини.
Ахир, Худо рад этган уларни!
Шу боис, эй Истроил, сен уларни шарманда
қилгансан.

⁷ Эҳ, Куддусдан* Истроилга нажот келсайди!
Худо Ўз халқини яна фаровонликка
эриштирасайди,
Шунда Ёқуб насли шод бўлгай, Истроил севингай!

53-САНО

¹⁻² Ижрочилар раҳбарига. Зифликлар Шоулнинг
олдига бориб: “Довуд халқимиз орасида яшириниб
юрибди”, деб хабар берганларидан кейин*,
Довуднинг айтган қасидаси*. Торли асбоблар
жўрлигида айтилади.

³ Эй Худо! Буюк қудратинг ила мени қутқаргин!
Куч-қувватинг ила менга адолатли ҳукм
чиқаргин!

⁴ Эй Худо, эшитгин илтижоимни,
Тинглагин айтганларимни!

⁵ Бегоналар қарши қўзғалди менга,
Зўравонлар қасд қилмоқчи жонимга,
Улар Сени писанд қилмайдилар.

⁶ Эй Худо, менга мадад берасан,
Эй Раббий, менинг жонимни асрайсан.
⁷ Душманларимнинг қабиҳликлари ўз бошига
келсин,
Сен содиқсан, уларни қириб ташлагин!
⁸ Шод бўлиб, Сенга қурбонлик келтираман,
Ўзинг яхшисан, эй Эгам, Сенга шукур айтаман!
⁹ Сақладинг ҳар қандай кулфатдан мени,
Кўзларим кўрди душманларим мағлубиятини.

54-САНО

¹ Ижрочилар раҳбарига. Торли асбоблар
жўрлигида айтиладиган Довуд қасидаси*.
² Ибодатимга қулоқ сол, эй Худо,
Илтикоимни эътиборсиз қолдирма.
³⁻⁴ Эшит мени, жавоб бер,
Душманларим дағдағаси, фосиқларнинг сиқуви
Бошимга ғам-кулфат келтиради.
Улар ғазабланиб, мендан нафратланади.
Эҳ, ўйларим қийнайди мени,
Ғам-ташвишлар қаттиқ эзади.
⁵ Юрагим ҳасратга тўладир,
Ўлим ваҳимаси мени босиб келадир.
⁶ Кўрқув, титроқ менга келмоқда,
Даҳшат мени эзиб бормоқда.
⁷ “Қанийди капитар каби, қанотим бўлса”, дедим,
“Учиб кетиб, ором олган бўлардим.
⁸ Ҳақиқатан, узокларга учиб кутулардим,
Саҳрода макон қилган бўлардим.
⁹ Қутурган шамолу бўрондан қочиб,
Ўзимга бошпана топгани шошилган бўлардим.”
¹⁰ Эй Раббий, душманларимни чалғит,
Уларнинг гапларини чалкаштир.
Шаҳарда зўравонлик, жанжални кўриб турибман.
¹¹ Фосиқлар кеча-кундуз шаҳар девори устида
изғийди,
Ёвузлик, ваҳима шаҳар ичида юз бермоқда.
¹² Шаҳарнинг ўртасида бузғунчилик,
Кўчаларидан зулм ва ҳийла аримайди.
¹³ Ганимларим мени ҳақорат қилганда эди,
Бунга бардошим етган бўларди.
Душманим ўзини мендан юқори қўйганда эди,
Ундан яширинган бўлардим.
¹⁴ Аммо у менинг tengim-ку,

Яқин дўстим ҳамда ҳамроҳим-қу.

¹⁵ У билан дилкаш дўст эдик,
Эй Худо, Сенинг уйингдаги йифинда бирга
юрардик.

¹⁶ Уйлари, юраклари фосиқликка тўла бўлгани
учун
Ғанимларим ўлимга рўбарў бўлсин,
Тириклайн ўликлар диёрига* тушсин.

¹⁷ Мен илтижо қиласман Худога,
Нажот беради Эгам менга.

¹⁸ Оқшом, сахар ҳамда кундуз
Дарду фиғонларимни айтаман.
Эгам менинг овозимни эшигади.

¹⁹ Гарчи менга қаршилар кўп бўлса ҳам,
Бирорта ҳам зарар етказмай
Мени жанглардан қутқаради.

²⁰ Азалдан таҳтда ўтирган Худо
Менга қулоқ тутиб,
Душманларимни мағлуб қиласди.
Ахир, улар ўз йўлидан қайтмадилар,
Худодан улар қўрқмадилар.

²¹ Ҳамроҳим ўз дўстига қарши қўлинни кўтарди,
Мен билан қилган аҳдига у хиёнат қилди.

²² Унинг оғзидан бол томади,
Юраги эса адоваратга тўла.
Сўзлари мойдан ҳам ёқимли,
Аслида қиндан чиққан қиличдайдир.

²³ Ташвишларингни Эгамизга топширгин,
У сенга таянч бўлади.
Эгамиз ҳеч қачон солиҳнинг йиқилишига йўл
кўймайди.

²⁴ Эй Худо, фосиқларни Сен
Ўликлар диёрига улоқтирасан.
Қонхўр, хоин кимсалар асло
Умрининг ярмисини ҳам яшамайди.
Мен эса Сенга умид боғлайман.

55-САНО

¹ Ижроҷилар раҳбарига. Филист ҳалқи Довудни Гат шаҳрида тутиб олгандан кейин*, унинг айтган қўшиғи. “Узоқдаги жим кабутар” қуига айтилади.

² Шафқат қил менга, эй Худо,
Одамлар мени таъқиб қилмоқда,
Ғанимларим қун бўйи мени эзмоқда.

³ Бўхтончилар кун бўйи мени таъқиб қиласди,
Кўплари менга ҳужум қиласди, эй Худойи Таоло!

⁴ Кўркқанимда Сенга умид боғлайман.

⁵ Эй Худо, каломингни мадҳ этаман,
Сендан умид қиласман, қўрқмайман,
Банданг менга не қила олади?!

⁶ Ганимларим ҳар доим гапимни бузиб
кўрсатади,

Менга заарар етказмоқ учун фитналар қиласди.

⁷ Ёвуз ниятда ортимдан писиб келади,

Ҳар бир қадамимни ўлчаб юради,

Улар ҳаётимга чек қўйишни истайди.

⁸ Жиноятлари учун уларни улоқтири*,
Эй Худо, ғазабинг ила уларни ерга ур!

⁹ Сен қайғуларимни ҳисобга олгансан,

Кўз ёшларимни идишингга солиб йиғиб қўйгин.

Ахир, уларнинг ҳар бири китобингда ёзилган-ку!

¹⁰ Сенга илтижо қилган куним

Душманларим ортга чекинади.

Ҳа, биламан, Сен мен томонда.

¹¹ Эй Худо, каломингни мадҳ этаман,

Ҳа, Эгам, Сенинг каломингни мен мадҳ этаман.

¹² Сендан умид қиласман, қўрқмайман,

Банданг менга не қила олади?!

¹³ Эй Худо, Сенга берган онтимни бажармоғим
шарт,

Шукронা назрларимни Сенга атайман.

¹⁴ Жонимни ўлимдан қутқариб қолдинг,

Оёғимни қоқилишдан сақладинг.

Шу боис, эй Худо, Сенинг олдингда,

Ҳаёт нурида юраман.

56-САНО

¹ Ижрочилар раҳбарига. Довуднинг Шоулдан қочиб юрган пайтда ғорда яшириниб қутулганидан кейин* айтган қўшиғи. “Хароб этма” қуиiga айтилади.

² Эй Худо, раҳм қилгин менга, раҳм қил,

Менинг жоним Сенда паноҳ топади.

Ҳалокатли оғатлар ўтиб кетгунча

Мен қанотларинг соясида паноҳ топаман.

³ Ёлвораман Худойи Таолога,

Мен учун қасос олувчи Худога*.

⁴ Самодан нажот юбориб, У мени қутқаради,

Мени топтайдиганларни шарманда қиласди.

Худо йүз севгию садоқатини юборади.

⁵ Мен одамхўр шерлар^{*} орасида ётгандайман.
Уларнинг тишлари найзаю ўқ кабидир,
Уларнинг тиллари кескир қиличдайдир.

⁶ Эй Худо, фалақдан ҳам юқорида юксалавер!
Шуҳратинг бутун замин узра ёйилсин.

⁷ Душманларим оёқларимга тузоқ қўйган,
Қайғу-кулфатдан руҳим чўккан.
Улар сўқмоқларимда чуқур қазиди,
Ўзлари қазиган чуқурга ўзлари қулади.

⁸ Эй Худо, юрагим Сенга содиқ,
Ҳа, юрагим Сенга содиқдир!
Сени куйлаб, қўшиқ айтаман.

⁹ Уйғонгин, эй жоним!
Уйғон, эй арфа, лира!
Тонгни ҳам мен уйғотаман!

¹⁰ Эй Раббий, халқлар орасида Сенга шукронда
айтаман,
Эллар орасида Сенга ҳамду сано куйлайман.
¹¹ Содиқ севгинг самолардай юксакдир,
Садоқатинг булутларга чўзилгандир.

¹² Эй Худо, фалақдан ҳам юқорида юксалавер!
Шуҳратинг бутун замин узра ёйилсин.

57-САНО

¹ Ижрочилар раҳбарига. “Хароб этма” қуиiga
айтиладиган Довуд қўшиғи.

² Эй ҳукмдорлар! Наҳот сиз адолатли қарор
чиқарасиз?!

Наҳот сизлар тўғрилик ила халқларни ҳукм
қиласиз?!

³ Йўқ, ахир, юракларингиз адолатсизликка
тўла-ку!

Ер юзида қўлларингиз зўравонликни
тақсимлайди-ку!

⁴ Фосиқлар онасининг қорнидаёқ адашади,
Ёлғончилар туғилишданоқ йўлдан озади.

⁵ Уларнинг заҳри илоннинг заҳрига ўхшайди.
Кар илондай қулоқ солишни улар истамайди.

⁶ Илон ўйнатувчининг қуини улар эшитмайди,
Унинг маҳорат билан чалган қуига бепарво.

⁷ Синдириларнинг тишларини, эй Худо,
Суғуриб ол шерларнинг қозиқ тишларини, эй
Эгам!

- ⁸ Улар оқар сувдай йүқ бўлиб кетсин,
Уларнинг ўқлари нишонга тегмайдиган бўлсин.
⁹ Балчиққа ботиб кетган шиллиқ қуртдай бўлсин,
Онаси қорнидан ўлик туғилиб,
Хеч қачон қуёш кўрмаган чақалоқдай бўлсин.
¹⁰ Ёнаётган тикан қозонни тез қиздиргандай
Фосиқни шунчалик тез супуриб йўқ қилгин.
- ¹¹ Фосиқдан ўч олингандা, солиҳ севинади,
Уларнинг қонида солиҳ оёқларини ювади.
¹² Одамлар айтар: “Шубҳасиз, солиҳга мукофот
бордир,
Ер юзида ҳукм қилувчи Худо албатта бордир.”

58-САНО

- ¹ Ижрочилар раҳбарига. Шоул Довудни ўлдириш
учун унинг уйини қузатишга киши юборгандан
кеин*, Довуднинг айтган қўшиғи. “Хароб этма”
куйига айтилади.
- ² Ганимларимдан мени қутқар, эй Худойим,
Менга қарши турғанлардан ҳимоя қил мени.
- ³ Бадкирдорлардан қутқаргин мени,
Қонхўрлардан сақлагин мени.
- ⁴ Қара, улар мени пойлаб ётарлар,
Золимлар менга қарши фитна қиларлар,
Гарчи айбу гуноҳим бўлмаса-да, эй Эгам,
- ⁵ Гарчи мен ҳақсизлик қилмасам-да,
Улар менга қарши ҳужум қилмоққа тайёр.
Кўзғал Ўзинг, аҳволимни кўр, кел ёрдамга.
- ⁶ Эй Истроил халқининг Худоси,
Эй Парвардигори Олам — Эгам,
Қани, бўл, барча халқларни жазолагин,
Ёвуз сотқинларга шафқат қилмагин.
- ⁷ Ганимларим ҳар куни оқшомда қайтиб келади,
Итлардай увиллаб, шаҳар изғийди.
- ⁸ Қара, оғизларидан қусуқ чиқади,
Тилларидан заҳар сўзлар чиқади,
“Ким ҳам бизни эшитарди”, дея ўйлайди.
- ⁹ Улар устидан Сен куласан, эй Эгам,
Ҳамма халқларни Сен масхаралайсан.
- ¹⁰ Сенга интизорман, эй Қудратим,
Сен менинг қалъамсан, эй Худо!
- ¹¹ Содиқ севгинг ила, эй Худойим, менга мадад
берасан,
Кўзларимга душманларим мағлубиятини
кўрсатасан.

¹² Уларни ўлдирма, халқым бу сабоқни унутиб
күяр,

Қудратинг билан уларни титрат,
Эй қалқоним Раббий, уларни күтариб ур.

¹³ Уларнинг оғзидан чиққан гуноҳлар учун,
Лабларидан чиққан сўзлар учун
Ўзларининг такаббурлиги орқали илинсин.

Улар айтадиган лаънат, ёлғон учун

¹⁴ Газабинг ила уларни йўқ қилгин,
Битта ҳам қолдирмай қириб ташлагин.

Шунда эй Худо, Ёкуб насли устидан ҳукмрон
эканлигинг

Ернинг тўрт томонида маълум бўлади.

¹⁵ Ганимларим ҳар куни оқшомда қайтиб келади,
Итлардай увиллаб, шаҳар изғийди.

¹⁶ Овқат излаб, дайдиб юради,
Агар тўймасалар, ириллайди.

¹⁷ Мен эса Сенинг қудратингни тараннум этаман,
Содик севгингни тонгда севинч ила куйлайман.
Сен менинг қалъам бўлгансан,
Кулфатда қолганимда паноҳимсан.

¹⁸ Эй Қудратим, Сени куйлаб мадҳ қиласман,
Сен, эй Худо, менинг қалъамсан,
Содик севгисини кўрсатувчи Худосан.

59-САНО

¹⁻² Ижрочилар раҳбарига. Довуд Орам-Нахрайим*
ва Орам-Зўво* ҳалқи билан уруш қилаётган
пайтда* Йўаб қайтиб келиб, ўн икки минг
Эдомликни Туз водийсида* ўлдиргандан кейин,
Довуднинг айтган қўшиғи. “Нилуфар гул
шаҳодати” куйига айтилади. Таълим учун.

³ Эй Худо, бизни тарқ этдинг,
Мудофаамизни ёриб ўтдинг,
Биздан ғазабландинг,
Энди бизни олдинги ҳолимизга қайтаргин!

⁴ Ерни силкитдинг, ёриқлар очдинг,
Ёриқларни тузатгин, ер тебранмоқда.

⁵ Халқингга қўп азблар бердинг,
Гандираклаб юрсин деб, ичгани шароб* бердинг.

⁶ Улар камон ўқларидан яшириниб олсин дея*,
Ўзингдан қўрққанларга ишора бериб, байроқ
кўрсатасан.

⁷ Ўнг қўлинг ила ғалаба ато қилгин,
Илтижоимизга жавоб бергин*,

Суюкли бандаларинг нажот топсин.

⁸ Эй Худо, Ўз муқаддас маконингдан ваъда бергансан*:

“Шодланиб, Шакамни* бўлиб ташлайман,
Сухот водийсими* тақсимлаб бераман.

⁹ Гилад Меникидир, Манаше* Меникидир,
Эфрайим дубулғамдир, Яхудо* салтанат
ҳассамдир.

¹⁰ Мўаб Менинг қўлувгичимдир,
Эдом узра чоригимни отаман*,
Олқишлианг Мени, эй Филистлар!**

¹¹ Эй Худо, қанийди мустаҳкам шаҳарга* мени
олиб борсалар,

Эдомга мени бошлаб борсалар.

¹² Ахир, бизни Ўзинг рад этдинг-ку!

Лашкаримизга йўлбошчилик қилмаяпсан-ку
энди!

¹³ Душмандан қутқариб, бизга ёрдам бер,
Инсоннинг ёрдами бутунлай бехуда.

¹⁴ Эй Худо, Сен билан биз ғолиб бўламиз,
Душманларимизни Сен янчиб ташлайсан.

60-САНО

¹ Ижрочилар раҳбарига. Торли асбоблар
жўрлигида айтиладиган Довуд саноси.

² Эшилгин, эй Худо, оҳу ноламни,
Тинглагин менинг ибодатимни.

³ Ернинг у четидан Сенга ёлвораман,
Юрагим қон бўлганда, Сени чақираман.
Етиб бўлмас баланд қояга мени олиб чиққин.

⁴ Сен менинг паноҳим бўлгандирсан,
Душманимга қарши мустаҳкам минорасан.

⁵ Чодирингда то абад маскан қилай,
Қанотларинг соясида паноҳ топай.

⁶ Ахир, эй Худо, онтимни эшилгансан,
Номингдан қўрққанларнинг мулкидан менга ато
қилгансан.

⁷ Шоҳнинг умрини узайтиргин,
Насллар оша ҳаётини давом эттиригин.

⁸ Эй Худо, у то абад ҳузурингда тахтда ўтирсин,
Севгинг, садоқатинг или уни ҳимоя қилгин.

⁹ Шунда Сенга ҳар доим ҳамду сано куйлайман,
Берган онтимни ҳар куни адo этаман.

61-САНО

¹ Ижрочилар раҳбари Ёдутунга*. Довуд саноси.

² Жоним ёлғиз Худога мунтазирдир,
Нажот менга Худодан келади.

³ Ҳа, Унинг Ўзи суянган қоям, нажотимдир.
Қалъам Удир, шу боис асло қоқилмасман.

⁴ Эй душманлар, қачонгача мени туртасизлар?!

Лиқиллаб турган четан деворга,
Қийшайган деворга ҳужум қилгандай
Ҳаммангиз менга ёпишаверасизларми?!

⁵ Сизнинг режангиз обрўйимни тўкишдир.
Ёлғон-яшиқ гаплардан завқ оласиз,
Оғзингиз билан дуо қиласиз,
Ичингиизда эса лаънат ўқийсиз.

⁶ Эй жоним, ёлғиз Худога мунтазир бўлгин,
Умидим манбаи Унинг Ўзиdir.

⁷ Ёлғиз Худодир суянган қоям, нажотим,
Қалъам Удир, шу боис қоқилмасман.

⁸ Нажотиму шарафим Худодан келар,
Кудратли қояму паноҳим Удир.

⁹ Эй халқим, умид қил Худодан,
Юрагингни очгин доимо Унга,
Бизнинг паноҳимиз Худодир.

¹⁰ Инсон зоти бир нафасдир,
Ҳа, инсон зоти ёлғондир!
Агар тарозида тортиб кўрилса,
Ҳаммаси бирга ҳаводан ҳам енгил чиқади.
Уларнинг асло вазни йўқдир.

¹¹ Юлғичликка ишониб қолма,
Талончиликка беҳуда умид қилма,
Мабодо бойлигинг кўпайиб қолса,
Бойлигингга кўнгил боғлама.

¹² Эй Худо, Сен менга бир нарса айтдинг,
Шу икки нарса ҳақида менга гапирдинг:
Сен қудратли Худосан.

¹³ Эй Раббий, Сенинг севгинг чексиздир.
Шу боис Сен ҳар бир инсонни
Қилган ишларига кўра, мукофотлайсан.

62-САНО

¹ Довуд Яхудо чўлида бўлгандан кейин*, унинг
айтган саноси.

² Эй Худо, менинг Худойимсан, интиламан Сенга,

Қуруқ, толиққан сувсиз тупроқдай
 Жоним ташнадир Сенга,
 Вужудим орзуманддир Сенга.
³ Муқаддас масканингда Сенга нигоҳ ташладим,
 Қудратингни, шуҳратингни кўрдим.
⁴ Ҳаётдан афзал Сенинг севгинг,
 Тилимдан тушмас Сенга мадхия.
⁵ Бир умр Сени олқишлийман,
 Қўлларимни кўтариб, Сенга сажда қиласман.
⁶ Илик билан ёғ егандай жоним мамнун бўлади,
 Шодиёна қўшиқлар ила Сени мадҳ қиласман.

⁷ Ўрнимда ётиб ҳам, Сени эслайман,
 Сени ўйлаб, тунни қарши оламан.
⁸ Ўзинг менинг мададкорим бўлдинг,
 Қанотларинг соясида севинч ила куйлайман.
⁹ Сенинг ортингдан қолмай эргашаман,
 Ўнг қўлинг мени маҳкам тутади.

¹⁰ Жонимнинг пайига тушганлар
 Ернинг қаърига тушиб йўқ бўлиб кетади.
¹¹ Улар қиличининг дамига йўлиқади,
 Чиябўриларга ем бўлади.

¹² Шоҳ эса Худодан севинч топади,
 Худо номи билан онт ичганлар Уни мадҳ қиласди,
 Ёлғончиларинг оғзи эса ёпилади.

63-САНО

¹ Ижрочилаr раҳбарига. Довуд саноси.
² Эй Худо, овозимни эшитгин илтижо
 қилганимда,
 Ҳаётимни душман ваҳимасидан қутқаргин.
³ Фосиқнинг фитнасидан мени яширгин,
 Бадкирдорлар тўдасидан ҳимоя қилгин.
⁴ Улар тилларини шамширдай қайрайди,
 Нишонга олиб, заҳарли сўзларини ўқдай отади.
⁵ Айбизиз одамни пистирмадан туриб отади,
 Ҳеч қўрқмай, бирданига унга ўқ узади.
⁶ Бир-бирининг қабиҳ режаларин
 қўллаб-куватлайди,
 Яширинча тузоқ қўйишга тил бириттиради,
 “Буни ким ҳам қўрарди”, деб ўйлайди.
⁷ Улар адолатсизликни қасд қиласди:
 “Ажойиб режа туздик,
 Ниятимизни ҳеч ким билмайди”, деб айтади.

⁸ Худо эса фосиқларга ўқ узади,
 Тўсатдан улар яраланади.

⁹ Уларнинг тили ўзларининг бошини ейди,
Уларни кўрганлар қалтираб кетади.

¹⁰ Жамики одамзод қўрқиб қолади,
Худонинг ишларини улар эълон қилади,
Худонинг қилганлари ҳақида ўйлаб кўради.

¹¹ Солиҳлар Эгамиз туфайли севинсин!
Солиҳлар Унда паноҳ топсин,
Ҳамма покдил инсонлар Уни мадҳ этсин.

64-САНО

¹ Ижрочилар раҳбарига. Довуд саноси. Қўшиқ.

² Эй Қуддусдаги* Худо, Сен лойиқсан ҳамду
санога,

Сенга берган онтимизни бажо қиласиз.

³ Сенсан ибодатларга жавоб бергувчи,
Жамики одамзод Сенга келади.

⁴ Гуноҳ устимииздан^{*} тантана қилган,
Сен эса кечирасан гуноҳларимизни*.

⁵ Қутлуғ ҳовлимда яшасин дея,
Сен Ўзинг танлаб, олиб келган инсон
Нақадар баҳтлидир!

Үйингнинг, муқаддас Маъбадингнинг
Неъматларидан биз баҳраманд бўламиз.

⁶ Ғаройиб ишлар кўрсатиб,
Ғалаба ила бизга жавоб берасан,
Эй нажоткоримиз Худо!
Ернинг тўрт томонининг,
Ҳамда энг узоқ денгизларнинг умиди Сенсан.

⁷ Куч билан Ўзингни қуроллантиргансан,
Қудратинг ила тоғларни жойлаштиргансан.

⁸ Денгизлар ҳайқириғини бостирасан,
Тўлқинлар шовқинини тинчитасан.
Халқлар шовқин-суронига барҳам берасан.

⁹ Дунёнинг у четида яшовчилар
Мўъжизаларингдан қўрқувга тушади.
Шарқдан ғарбгача халқлар
Сенинг ишларингни севинч ила куйлади.

¹⁰ Заминни Сен суғориб парваришлайсан,
Мўл-кўл қилиб уни бойитасан.
Эй Худо, дарёларинг суви лиммо-лимдир,
Инсонларни дон-дун билан таъминлашни
мўлжаллагансан.

¹¹ Эгатларини қондириб суғорасан,
Баланд жойларини Ўзинг текислайсан,
Ёмғир билан тупроғини юмшатасан,
Хосилига барака берасан.

- ¹² Мүл ҳосил билан йилга тож кийгизасан,
Араваларинг юрган йўллардан бойлик оқади.
¹³ Чўл серсув ўтлоқзорларга айланади,
Тепаликлар севинчга бурканади.
¹⁴ Яйловлар қўй сурувлари билан қопланади,
Водийлар донларга тўлади,
Улар севинчдан ҳайқириб қўшиқ айтади.

65-САНО

Ижрочилар раҳбарига. Сано. Қўшиқ

- ¹ Худога шодлик ила ҳайқиринг,
Эй ер юзидағи инсонлар!
² Худонинг улуғворлигини куйланг!
Унга ажойиб ҳамду санолар айтинг!
³ Худога айтинглар:
“Сенинг ишларинг нақадар ғаройиб!
Қудратинг буюклигидан
Душманларинг олдингда титраб тиз чўкади.
⁴ Бутун замин Сенга сажда қиласди,
Улар Сенга ҳамду сано айтади,
Ҳа, Ўзингга ҳамду сано куйлади.”
- ⁵ Кел! Худо нима қилганини кўргин!
Инсон манфаати учун қилган
Ғаройиб ишларини кўргин!
⁶ Худо денгизни қуруқ ерга айлантириди,
Ота-боболаримиз баҳрдан юриб ўтди*,
У ерда қилган ишларидан,
Худо туфайли биз севинамиз.
⁷ Қудрати ила то абад хукм суради,
Кўзлари халқларни кузатиб туради,
Унга қарши исёнчилар қўзғалмасин.
- ⁸ Эй халқлар, Худойимизга олқишлиар айтинг,
Унинг ҳамду саноси янграсин.
⁹ У бизнинг ҳаётимизни сақлаган,
Оёқларимизни тойиб кетишдан асраган.
- ¹⁰ Эй Худо, Сен бизни синадинг,
Кумушни тозалагандай бизни тозаладинг.
¹¹ Бизни тузоқса йўлиқтиридинг,
Елкамизга оғир юқ ортдинг.
¹² Араваларни бошимиз узра юргиздинг,
Олов, сувлардан биз кечиб ўтдик,
Фаровонликка* бизни олиб келдинг.
- ¹³ Куйдириладиган қурбонликлар билан
Сенга берган онтимни адо этгани
Мен Сенинг уйингга келаман.

- ¹⁴ Кулфатда қолганимда онт ичган эдим,
Тилим ваъда берган, оғзим сўйлаган эди.
- ¹⁵ Бўрдоқиларни куйдириб, Сенга қурбонлик
қиласман.
Кўчкор, така, буқаларни келтираман.
Қурбонликларнинг ҳиди самога етиб боради.
- ¹⁶ Эй Худодан қўрққанлар, келиб эшитинглар,
Мен учун У нима қилганин сўзлаб берайин.
- ¹⁷ Мадад сўраб Худога ёлвордим,
Унинг ҳамду саноси ҳеч тилимдан тушмади.
- ¹⁸ Юрагимда гуноҳим бўлса эди,
Мени асло эшитмас эди Раббий.
- ¹⁹ Худо мени тинглади,
Ибодат қилганимда, овозимни эшитди.
- ²⁰ Худога олқишлиар бўлсин!
Ибодатимни У рад қилмади,
Содик севгисини мендан дариғ тутмади.

66-САНО

- ¹ Ижрочилар раҳбарига. Торли асбоблар
жўрлигида айтиладиган сано. Кўшиқ.
- ² Эй Худо, меҳрибон бўлгин, барака бергин бизга,
Юзинг нурини сочгин лутф ила устимизга,
- ³ Заминда маълум бўлади Сенинг йўлларинг,
Жамики халқлар орасида маълум бўлади Сенинг
нажотинг.
- ⁴ Эй Худо, халқлар Сени мадҳ қилсин,
Жамики халқлар Сенга ҳамду сано айтсин.
- ⁵ Халқларни Сен одиллик ила ҳукм қиласан,
Замин узра әлатларга йўлбошлилик қиласан,
Севинсин халқлар, шодланиб қўшиқ айтсин.
- ⁶ Эй Худо, халқлар Сени мадҳ қилсин,
Жамики халқлар Сенга ҳамду сано айтсин.
- ⁷ Ер ўз ҳосилини берсин,
Худойимизнинг Ўзи бизга барака берсин.
- ⁸ Ҳа, Худо бизга барака берсин!
Ернинг тўрт томонидаги халқлар Унга тиз
чўксин.

67-САНО

- ¹ Ижрочилар раҳбарига. Довуд саноси. Кўшиқ.
- ² Қўзғалсин Худо, тарқалиб кетсин душманлари,
Олдидан қочиб кетсин Ундан нафратланганлар.
- ³ Тутунни шамол тарқатгани каби,

Худо уларни ҳайдаб юборсин.
 Мум оловда эригани каби,
 Худо олдида фосиқ ҳалок бўлсин.
⁴ Солиҳлар эса хурсанд бўлсин,
 Худо олдида шод бўлсин,
 Улар хурсандликка тўлиб-тошсин.

⁵ Худога ҳамду санолар қуйланг,
 Унинг номини тараннум этинг.
 У булутларни миниб боради,
 Уни улуғланг.

У Эгамиздир!

Хузурида шодланинг!

⁶ У Худодир, макони муқаддасдир,
 Етимларнинг отаси, бевалар ҳимоячисидир.

⁷ Худо ёлғизларни хонадонга жойлаштиради,
 Асирларни роҳатга, эркинликка олиб чиқади,
 Исёнкорлар эса қақраган ерга эга бўлади.

⁸ Эй Худо, йўз халқингнинг олдида борганингда,
 Саҳро бўйлаб юриш қилганингда,
 Замин титради, осмон ёмғирини қўйди.

⁹ Сенинг ҳузурингда, эй Синай тоғининг Худоси*,
 Сенинг олдингда, эй Исроил халқининг Худоси,
 Замин титради, осмон ёмғирини қўйди.

¹⁰ Сен, эй Худо, мўл ёмғир бердинг,
 Толикқан ерингга* қайтадан куч ато этдинг.

¹¹ Халқинг ўша ерда бошпана топди,
 Эй Худо, ҳимматингдан муҳтожларни баҳраманд
 қилдинг.

¹² Раббийдан амр келади,
 Аёлларнинг катта жамоаси хушхабарни элтади:

¹³ “Шоҳлару лашкарлар шоша-пиша қочди!”
 Ҳа, Исроил аёллари чодирларда ўлжани бўлишиб
 олади!

¹⁴ Ҳатто уйда қолганлар учун ҳам
 Бордир кумуш билан қопланган каптар
 қанотлари,

Ялтироқ олтин билан қопланган каптар патлари.

¹⁵ Қодир Худо шоҳларни тўзғитганда,
 Залмон тоғига* қор ёққандай бўлди.

¹⁶ Эй Башанинг тоғи*, улуғвор тоғ,
 Эй чўққилари кўп тоғ, Башанинг тоғи!

¹⁷ Эй чўққилари кўп тоғ!
 Худо макон қилиб танлаган тоққа*
 Нега ҳасад билан қарайсан?
 Эгамиз то абад у ерда истиқомат қиласди.

¹⁸Худонинг жанг аравалари сон-саноқсиздир,
Раббий Синайдан муқаддас маконига келади.

¹⁹Юксакларга* чиқди У,
Асиrlарни ортидан эргаштириди.
Халқлардан ҳадялар олди,
Ҳатто гуноҳкор исёнчилардан ҳам тухфалар
олди.

Ахир, Парвардигор Эгамиз у ерда яшайди!

²⁰Раббийга олқишлиар бўлсин,
У ҳар куни оғирлигимизни қўтаради.
Худо бизнинг нажотимиздир.

²¹Худойимиз — нажот бергувчи Худо,
Эгамиз Раббий ўлимдан кутқаради.

²²Худо шубҳасиз душманлар бошини янчади,
Гуноҳ йўлидан юрган одамнинг
Бош суякларини ҳам эзади.

²³Раббий шундай дейди:
“Душманларингни Башандан қайтариб келаман,
Уларни денгиз тубидан олиб келаман.

²⁴Оёғингни душманларинг қонига ботирасан,
Итларинг ҳам душман қонини ялаб,
Ўз улушкини олади.”

²⁵Эй Худо, зафарли карвонинг кўринмоқда!
Худойим, менинг Шоҳим, Сенинг карвонинг
Муқаддас маконингга бораётгани кўринмоқда!

²⁶Олдинда қўшиқчилар, орқада созандалар,
Уларнинг ўртасида чилдирма чалган қизлар
куйлар:

²⁷“Олқишлиар айтинг Худога буюк жамоа ичра,
Ҳамду санолар ўқинг Эгамизга,
Эй Исроилнинг манбаидан пайдо бўлганлар!”

²⁸Уларнинг энг кичиги — Бенямин қабиласи
олдинда келади,
Ортидан тўп бўлиб Яхудо шаҳзодалари келади,
Забулун, Нафтали* шаҳзодалари уларга
эргашади.

²⁹Эй Худо, кўрсатгин қудратингни!*

Эй Худо, аввалгидай намоён қил кучингни!

³⁰Қуддусдаги Маъбадинг ҳақи-хурмати
Шоҳлар Сенга ҳадялар келтиради.

³¹Мисрга, қамишзор орасидаги ўша ёввойи
ҳайвонга* танбеҳ бер,
Халқларга, ўша буқалар подасига, бузоқларига
танбеҳ бергин.

Сенга таъзим қилиб, кумушларини назр
қилишсин.

Урушдан лаззатланувчи бу халқларни түзғитгин.
³² Мисрдан бронза келтирилади*,
 Ҳабашистон* Сенга құлларин чўзиб, эй Худо,
 Ўлпон тұлашга шошилиб қолади.

³³⁻³⁴ Худони тараннум этинг, эй ер юзи
 шоҳликлари,
 Самолар — азалий самолар узра чиққан,
 Ҳайбатли овози гулдураган
 Раббийга ҳамду санолар куйланг.
³⁵ Ҳаммага эълон қилинг Худонинг құдратини,
 Унинг улуғворлиги Истроил устидадир,
 Унинг құдрати самолардадир.
³⁶ Худо қўрқинчлидир Ўзининг муқаддас
 масканида,
 Истроил халқининг Худоси куч-құдрат берар Ўз
 халқига.

Худога олқишлиар бўлсин!

68-САНО

¹ Ижрочилар раҳбарига. “Нилуфар” қуийга
 айтиладиган Довуд саноси.

² Эй Худо, мени Ўзинг қутқар,
 Сувлар бўғзимга қадар кўмди.
³ Ботқоққа чўкиб бораётиман,
 Оёғимни қўйгани қаттиқ ер йўқ.
 Чуқур сувларга ботиб кетдим,
 Энди тўлқинлар мени ютмоқда.
⁴ Мадад сўраб, силлам қуриди,
 Томоқларим қақраб кетди,
 Эй Худойим, Сени кутиб, кўз нурим сўнди.

⁵ Сабабсиз мендан нафратланганлар
 Бошимдаги сочимдан ҳам кўпdir.
 Кўпчилик сабабсиз менга душмандир,
 Улар жонимга қасд қилмоқчилар.
 Мен ўғирламаган нарсаларни улар,
 Қайтиб бер, деб мени мажбур қилмоқдалар.
⁶ Эй Худо, ақлсизлигимни Ўзинг биласан,
 Айбларим Сендан асло яширин эмас.

⁷ Эй Сарвари Олам — Раббий,
 Сендан умид қилганлар
 Мен туфайли уятга қолмасинлар.
 Эй Истроил халқининг Худоси,
 Сенга юз бурганлар
 Мен туфайли шарманда бўлмасинлар.
⁸ Сени деб ҳақоратга чидадим,

Хижолатдан юзим шувут.

⁹ Ака-укаларимга гүё бегонадайман,
Туғишиңларим орасида мусоғирдайман.

¹⁰ Сенинг уйингга бўлган севгим ичимни
ёндирап,

Сени ҳақоратлаганлар мени ҳақорат қилган
бўлар.

¹¹ Фарёд қилиб, рўза тутганимда,
Мен масхара бўлдим.

¹² Кулфатда қолиб, қанор кийганимда*,
Улар устимдан кулдилар.

¹³ Шаҳар дарвозаси олдида* ўтирганлар
Мени ғийбат қиларлар,
Маст-аластлар мен тўғримда қўшиқ айтарлар.

¹⁴ Мен эса, эй Эгам, Сенга ибодат қиласман.
Маъқул вақтда, содик севгинг соясида, эй Худо,
Ишончли нажотинг билан жавоб бер менга.

¹⁵ Мени қутқаргин, ботқоққа ботиб кетмай,
Мендан нафратланганлардан халос бўлай,
Мени чуқур сувлардан сақлагин.

¹⁶ Тўфон мени ғарқ қилмасин,
Тубсиз сувлар мени ютмасин,
Қабр менга оғзин очмасин.

¹⁷ Жавоб бер ибодатимга, эй Эгам,
Нақадар эзгудир содик севгинг,
Буюк шафқатинг ила менга юз бургин.

¹⁸ Мен, қулингни жамолингдан бебаҳра қилма,
Кулфатда қолганман, жавоб бер тезда.

¹⁹ Яқинроқ кел, қутқаргин мени,
Душманларимдан халос қил мени.

²⁰ Ҳақоратга дучор бўлганим,
Шармандаю шармисор бўлганим
Ўзингга равшан.

Ҳамма душманларимни биласан.

²¹ Ҳақоратлар қалбимни яралаб,
Тушкунликка туширди.

Бир ҳамдард изладим, ҳеч ким йўқ эди,
Тасалли берувчи изладим-у, топмадим.

²² Овқатимга улар заҳар солдилар,
Чанқаганимда менга узум сиркаси бердилар.

²³ Дастирхонлари ўзларига тузоқ бўлсин,
Ҳамтовоқлари учун қопқон бўлсин.

²⁴ Кўз нурлари сўнсин, кўрмай қолсин,
Беллари то абад буқчайиб қолсин.

²⁵ Улар устига ғазабингни сочгин,

Қаҳринг аланга олиб, уларни ютиб юборсин.
²⁶ Уларнинг макони ташландиқ бўлиб қолсин,
 Чодирларида тирик бир жон қолмасин.
²⁷ Сен урган инсонларни улар таъқиб қилади,
 Сен берган яра азобларини улар ғийбат қилади.
²⁸ Гуноҳлари устига гуноҳ қўшгин,
 Уларни Сен оқламагин.
²⁹ Номлари ҳаёт китобидан ўчирилсин,
 Солиҳлар билан ёнма-ён ёзилмасин.
³⁰ Мен азобда, кулфатда қолганман,
 Эй Худо, нажотинг мени ҳимоя қилсин.

³¹ Номини куйлаб, Худони мадҳ қиласман,
 Шукур айтиб, Уни мақтайман.
³² Қурбонлик қилингандан бузоқдан, ҳатто буқадан
 кўра,
 Ҳамдларим Эгамни кўпроқ мамнун қилади.
³³ Мазлумлар буни кўриб, севинсин,
 Худога интилаётганлар дадил бўлсин.
³⁴ Эгамиз мухтожларни эшигади,
 Асир бўлган халқидан нафратланмайди.
³⁵ Еру осмон Эгамизни мадҳ айласин,
 Денгизлару улардаги жонзотлар Уни улуғласин.
³⁶ Худо Куддусга* нажот беради,
 Яҳудо шаҳарларини қайта тиклайди,
 Халқ ўрнашиб, у ерни мулк қилади.
³⁷ Худо қулларининг авлоди у ерни эгаллайди,
 Худони севганлар у ерни маскан қилади.

69-САНО

¹ Ижрочилар раҳбарига. Довуд саноси. Эгамиздан
 мадад сўраб айтган илтижоси.

² Эй Худо, нажот бер менга,
 Келгин тезда, эй Эгам, мадад бер менга.

³ Жонимга қасд қилганлар
 Шармандаю шармисор бўлсин!
 Ҳалокатимни истаганлар
 Уятга қолиб, орқага қайтсин!

⁴ “Холинг қалай энди?!” деб мени
 масхаралаганлар
 Шарманда бўлиб, орқага қайтсин.

⁵ Сенга юз бурганларнинг ҳаммаси
 Сен туфайли севинч, шодликка тўлсин.
 Сенинг нажотингни севганлар:
 “Худо юксалаверсин”, деб доим айтсин.

⁶ Эҳ, мен ғариб, бечораман,
 Менга ёрдам беришга шошил, эй Худо!
 Мададкорим, нажоткорим Ўзингсан,

Кечикмагин, эй Эгам!

70-САНО

- ¹ Эй Эгам, Сенда мен паноҳ топаман,
Шарманда бўлишимга асло йўл қўймагин.
- ² Адолатлисан, мени халос қил, қутқаргин,
Қулоқ тут менга, нажот бергин.
- ³ Менинг паноҳ қоям бўлгин,
Ҳар доим Сенга бора олай.
Мени қутқармоқ учун амр бердинг.
Чиндан ҳам, Сен суянган қоямсан, қалъамсан.
- ⁴ Эй Худойим, фосиқнинг қўлидан мени
қутқаргин,
Адолатсиз, золим одамнинг исканжасидан
қутқаргин.
- ⁵ Сен, эй Эгам Раббий, менинг умидимсан,
Ёшлигимдан Сенга умид боғлаганман.
- ⁶ Туғилганимдан буён Сенга суяндим,
Онамнинг қорнидан мени олиб чиққансан,
Доимо Сенга ҳамду сано айтаман.
- ⁷ Ҳаётим кўпчиликка ўрнак бўлди,
Чунки Сен менинг мустаҳкам паноҳимсан.
- ⁸ Оғзимдан асло тушмас Сенга ҳамду санолар,
Кун бўйи шуҳратингни эълон қиласман.
- ⁹ Кексайган чоғимда мени ташлаб қўймагин,
Қувватим кетганда, мени тарк этмагин.
- ¹⁰ Ахир, душманларим менга қарши тил
бириқтиради,
Бирга фитна қилиб, мени ўлдирмоқчи бўлади.
- ¹¹ Душманларим айтар: “Худо тарк этган уни,
Қувинглар, ушланглар уни,
Уни қутқарадиган ҳеч кимса йўқдир.”
- ¹² Эй Худо, мендан узоқ кетмагин,
Тез кел, эй Худойим, менга мадад бер!
- ¹³ Мени айловчилар шармандалиқдан ерга
кириб кетсин,
Менга зарап етказмоқчи бўлганлар
Масхара бўлсин, бадном бўлсин.
- ¹⁴ Мен эса доимо Сенга умид боғлайман,
Янада кўп ҳамду сано айтаман.
- ¹⁵ Менга қилганларингдан ҳайратга тушдим,
Адолатингни ҳар кимга ҳикоя қиласвераман,
Нажотингни кун бўйи сўйлайвераман.
- ¹⁶ Қудратли ишларингни мадҳ қиласман, эй Эгам
Раббий,
Ёлғиз Сенинг одиллигингни мадҳ қиласман.

- ¹⁷ Эй Худо, ёшлигимдан Сен менга таълим бергансан,
Ажойиб ишларингни ҳамон айтиб юраман.
- ¹⁸ Соchlарим оқариб, кексайганимда,
Мени тарк этмагин, эй Худо!
Келгуси авлодларга кучинг ҳақида айтай,
Мендан кейин келадиганларга
Қудратинг ҳақида айтиб берай.
- ¹⁹ Адолатинг самоларга етади, эй Худо,
Буюк ишлар қилдинг Сен,
Сенга ўхшаган ким бор, эй Худо?!
- ²⁰ Дучор қилдинг мени кўп кулфат, азобларга,
Мени яна ҳаётга қайтарасан,
Ер остидан яна мени чиқариб оласан.
- ²¹ Шуҳратимни яна юксалтирасан,
Менга яна таскин берасан.
- ²² Арфа чалиб, Сенга ҳамду сано айтаман,
Сенинг садоқатингни куйлайман, эй Худойим.
Лира чалиб, Сени тараннум қиламан,
Эй Исроил халқининг Муқаддас Худоси!
- ²³ Сени мадҳ қилиб куйлаганимда,
Шодлиқдан ҳайқираман.
Мени Сен қутқаргансан.
- ²⁴ Менга зарап етказмоқчи бўлганлар
Шармандаи шармисор бўлдилар.
Кун бўйи тилим адолатинг ҳақида сўйлади.

71-САНО

- ¹ Сураймон саноси.
- Эй Худо, шоҳга адолатингни бергин,
Шоҳ ўғлига тӯғри ҳукм чиқаришни ўргатгин.
- ² Сенинг халқингни у адолат ила ҳукм этсин,
Бечораларни у тўғрилик билан ҳукм этсин.
- ³ Тоғлар халққа роҳат-фароғат олиб келсин,
Тепаликлар ҳақиқат самарасини келтирсин.
- ⁴ Шоҳ халқнинг қашшоқларини ҳимоя қилсин,
Бечораларнинг болаларига нажот берсин,
Золимларни эзib ташласин.
- ⁵ Насллар оша қуёшу ой самода тургандай,
Унинг умри ҳам шунчалик узоқ бўлсин!*
- ⁶ Шоҳимиз ўхшасин ўрилган далага,
Ёққан хузурбахш ёмғирга,
Ерни суғорган шаррос ёмғирга.
- ⁷ Унинг даврида солиҳ яшнасин,
Дунё тургунча мўл-қўлчилик бўлсин.
- ⁸ У бир денгиздан иккинчисига қадар,

Фурот дарёсидан тортиб,
Ер юзининг тўрт томонига хукмронлик қиласди.

⁹ Шоҳ олдида чўл қабилалари тиз чўксин,
Унинг душманлари тупроқ яласин.

¹⁰ Денгиз ортидаги юртларнинг шоҳлари,
Таршиш* шоҳлари унга ўлпон олиб келсинлар.
Шава* ҳамда Саво* шоҳлари
Унга ҳадялар келтирсинглар.

¹¹ Ҳамма шоҳлар унга таъзим айласин,
Ҳамма халқлар унга хизмат қилсан.

¹² Мазлум нола қилганда, шоҳ нажот беради,
Мададкори йўқ бечорани у қутқаради.

¹³ Заиф, бечорага у шафқат қўрсатади,
Мазлумларнинг ҳаётини сақлайди.

¹⁴ Мазлумларни жабр–зулмдан халос қиласди,
Мазлумлар қони унинг назарида азиздир.

¹⁵ Шоҳнинг умри узоқ бўлсин!
Шаванинг олтини уники бўлсин,
Халқ доимо у учун ибодат қилсан,
Кун бўйи дуо қилиб, Худодан барака тиласин.

¹⁶ Юртда дон мўл–кўл бўлсин,
Тепаликлар устида дон бошоқлари чайқалиб
турсин.

Лубон тоғларида бўлгани каби, ҳосили унумли
бўлсин.

Даладаги гиёҳлар каби, шаҳарлари одамга
тўлсин.

¹⁷ Шоҳнинг номи мангу яшасин,
Унинг донғи қуёш тургунча бор бўлсин,
Барча халқлар у орқали барака топсин,
Халқлар уни, бахтиёр, деб айтсин.

¹⁸ Истроил халқининг Худоси — Эгамизга
Олқишлиар бўлсин.

Ажойиб ишлар қиласидиган ёлғиз Удир.

¹⁹ Эгамизнинг улуғвор номига то абад олқишлиар
бўлсин,
Бутун ер юзи Унинг шуҳрати билан тўлсин.

Омин! Омин!

²⁰ Эссай ўғли Довуднинг ибодатлари ниҳоясига
етди.

72-САНО

Осиф саноси.*

¹ Ҳақиқатан ҳам, Истроил халқига,

Юраги пок бўлганларга Худо ҳиммат қилар.

² Оёқларим тойиб кетай, деди,

Сал бўлмаса сирпаниб йиқилай, дедим.

³ Фосиқнинг яшнаётганини кўрганимда,

Такаббурларга ҳасад қилдим.

⁴ Улар оғриқ нималигини билмайдилар*,
Таналари соппа-соғ, бақувват.

⁵ Бошқалардай улар дард тортмайдилар,
Бошқалардай улар азоб чекмайдилар.

⁶ Киборлик уларнинг бўйнидаги маржон бўлади,
Зўравонликни улар либос қилиб кийиб олган.

⁷ Уларнинг кўзларини ёғ босиб қолган,
Хаёлларида аҳмоқона ниятлар тўлиб-тошган.

⁸ Такаббурлар масхаралаб, хусумат билан
гапиради,

Мағрурланиб, зулм билан таҳдид қилади.

⁹ Фосиқлар оғизлари билан осмонга даъво
қилади,

Тиллари билан ер юзини мулк қилиб олади.

¹⁰ Шу боис ҳар ким уларга юз буради,
Уларнинг сўзларини сув каби ичади*.

¹¹ Яна улар шундай дейдилар:
“Худо қандай қилиб била олади?!”
Худойи Таоло нимани ҳам биларди?!”

¹² Фосиқлар ана шунаقا!

Доимо беташвиш бойлик орттиради.

¹³ Ҳа, мен бекорга юрагимни пок тутган
эканман-да!

Айбизман, дея бекорга қўлларимни
ювибман-да!

¹⁴ Ахир, кун бўйи азоб тортаман,
Ҳар куни эрталаб жазо оламан.

¹⁵ Мен ҳам фосиқ гапларни гапираверганимда,
Сенинг содик фарзандларингга хоинлик қилган
бўлар эдим.

¹⁶ Аммо буларни тушунай, десам,
Бу иш жуда ҳам мashaққатли туюлди.

¹⁷ Худонинг муқаддас масканига кирдим,
Шундагина фосиқлар қисмати не бўлишини
тушундим.

¹⁸ Эй Худо, чиндан ҳам уларни сирпанчик ерга
қўйгансан,

Уларни жарликка улоқтириб, барбод қиласан.

¹⁹ Улар бирдан қирилиб кетади,
Ваҳимадан қирилиб, йўқ бўлади.

²⁰ Уларнинг ҳаёти фақат тушдир,
Уйғонгандларида унут бўлади.

Сен ҳам қўзғалганингда, эй Раббий,
Уларнинг ҳаётига чек қўясан.

- ²¹ Фамга тўлган пайтларимда,
Юрагимда дард пайдо бўлганда,
²² Мен нодон, жоҳил бўлган эканман,
Қаршингда онгсиз ҳайвон каби бўлган эканман.
²³ Шундай бўлса ҳам, доимо Сен биланман,
Сен ўнг қўлимдан ушлагансан.
²⁴ Ўгитларинг билан менга йўл қўрсатасан,
Охири мени шон-шуҳрат ила кутиб оласан.
²⁵ Сендан бошқа кимим бор самода?!
- Сендан ўзгасини истамасман ер юзида.
²⁶ Адо бўлиши мумкин танаму юрагим,
Аммо Сен, эй Худо, қалбимнинг қувватисан,
Сен то абад барқарорлигимсан.
- ²⁷ Сендан узоқ бўлганлар ҳалок бўлади,
Қириб ташлайсан Сенга содик бўлмаганларни.
²⁸ Эй Худо, Сенга яқин бўлганим эса менга
яхшидир.
Эй Эгам Раббий, Сени паноҳим қилиб олдим,
Сенинг ҳамма ишларингни айтиб юраман.

73-САНО

Осиф қасидаси*.*

- ¹ Эй Худо! Нечун бизни то абад рад этасан?!
- Нечун яйловдаги қўйларингга ғазабингни
сочасан?!
- ² Азалда Ўзингники қилиб олган халқингни
ёдингда тут.
Ўзимнинг мулким бўлсин деб, қутқарган
халқингни,
Ўзинг маскан қилган Сион тоғини ёдингда тут.
³ Даҳшатли бу хароба томон қадам босиб кўр,
Қара, муқаддас маскандаги борини ғаним йўқ
қилди.

- ⁴ Ғанимларинг шовқин-сурони муқаддас
масканнинг тўлдириди,
Байроқларини улар белги қилиб ўрнатди.
⁵ Ўзларини болтаси бор одамдай тутдилар,
Ўрмондаги дараҳт кесувчилардай тутдилар.
⁶ Сўнгра болтаю болғалар билан
Парчаладилар унинг ўймакор ишларини.
⁷ Муқаддас масканнинг ўт қўйдилар,
Сен улуғланадиган маконни ҳаром қилдилар.
Маъбадингни ер билан битта қилдилар.
⁸ “Уларни тамомила қириб ташлаймиз”, деб ўз

күнглида айтдилар,
Юртдаги барча саждагоҳларни ёқиб ташладилар.

⁹ Биронта ҳам пайғамбар қолмади,
Мўъжиза аломатларини топа олмаймиз.
Қачонгача давом этар бу?
Биронтамиз билмаймиз.

¹⁰ Эй Худо, қачонгача ғаним Сени масхара қилар?!
Сени душман то абад ҳақорат қиласми?!

¹¹ Нечун ўнг қўлингни ишга солмайсан?!
Қўлингни қўйнингдан чиқариб,
Уларни қириб ташлагин!

¹² Эй Худо, азалдан менинг Шоҳимсан,
Ер юзига Сен нажот олиб келасан.

¹³ Қудратинг билан денгизни бўлган Сенсан,
Денгиз аждарларининг бошини мажаҳлагансан.

¹⁴ Махлуқ Левитаннинг* бошларини эзиб
ташлагансан,
Чўл жонзотларига* уни емиш қилиб бергансан.

¹⁵ Булоқлару анҳорларни очган Сенсан,
Оқар дарёларни қуритган ҳам Сенсан.

¹⁶ Кундуз Сеникидир, тун ҳам Сеники,
Куёш ва ойни* бунёд этгансан.

¹⁷ Заминнинг чегарасини Сен ўрнатгансан,
Ёз ва қиши ҳам ўрнатган Сенсан.

¹⁸ Эй Эгам, душманинг масхаралашини,
Аҳмоқ одамлар Сени ҳақоратлашини ёдингда
тут.

¹⁹ Каптарларинг ҳаётини ёввойи ҳайвонларга
берма,
Мазлум халқингнинг ҳаётини то абад унутма.

²⁰ Биз билан қилган аҳдингни эсла,
Юртдаги зулмат жойлар зўравонликка тўла.

²¹ Шармандаликка мазлум дучор бўлмасин,
Фақиру бечора Сенга ҳамду сано айтсин.

²² Қани, эй Худо, даъвоингни исбот қилгин,
Аҳмоқлар кун бўйи Сени масхара қилишини ёдда
тут.

²³ Душманларинг шовқин–сурони
кўтарилаверади,
Уларнинг бақир–чақириғини эътиборсиз
қолдирма.

74-САНО

¹ Ижрочилар раҳбарига. “Хароб этма” қуиға айтиладиган Осиф* саноси. Қўшиқ.

² Эй Худо, Сенга шукурлар айтамиз,
Шукурлар айтамиз, Сен бизга яқинсан,
Мўъжизаларинг ҳақида одамлар гапиради.

³ Худо айтар: “Белгиланган вақтни танлайман,
Ҳаққонийлик билан хукм қиласман.

⁴ Замин ва ундаги инсонлар титраган пайтда
Замин устунларини* маҳкам ушлаган Менман.”

⁵ Мақтанчоқларга Худо айтар: “Мақтанмагин”,
Фосиққа айтар: “Кучинг билан мақтанмагин.

⁶ Гердайиб, самоларга қучингни кўрсатма,
Қайсарларча киборлик билан гапирма.”

⁷ Ҳеч ким шарқдан ёки ғарбдан ёхуд саҳродан
Инсонни юксалтира олмайди.

⁸ Ҳукм қиласиган Худодир,
Бирони У йиқитар, бошқасини юксалтирас.

⁹ Ғазаб косаси Эгамизнинг қўлида,
Зиравор қўшилган кўпикли шаробга* тўла.
У шаробни қуяди,
Оламдаги жамики фосиқлар эса
Қуйқумигача ичиб тугатади.

¹⁰ Мен то абад Ёқубнинг Худоси ҳақида
гапираман,
Уни ҳамду сано ила тараннум этаман.

¹¹ Худо айтар: “Фосиқларнинг кучини қирқаман,
Солиҳларнинг қудратини ошираман.”

75-САНО

¹ Ижрочилар раҳбарига. Торли асбоблар
жўрлигида айтиладиган Осиф* саноси. Қўшиқ.

² Яхудо юртида Худо машҳурдир,
Исройлда Унинг номи буюқдир.

³ Унинг чодири Қуддусдадир*,
Макони Сиондадир.

⁴ Ўша ерда синдириди оташдай ўқларни,
Қалқону қилични, жанг қуролларини.

⁵ Эй Худо, нақадар буюксан!
Ўлжага бой тоғлардан Сен улуғвортсан!

⁶ Жасур аскарлар ўлжа бўлиб ётибди,
Улар ўлим уйқусига кетган.

Биронта жангчининг
Қўл кўтаришга кучи қолмади.

⁷ Эй Ёқубнинг Худоси! Сенинг ҳайқирифингдан,
Отлару чавандозлар караҳт бўлиб ётибди.

⁸ Чиндан ҳам Сен қўрқинчлисан,
Ким бардош бера олар Сенинг қаршингда,
Ғазабинг қўзғалган пайтда?!

⁹⁻¹⁰ Самолардан ҳукмингни эълон қилдинг!
Эй Худо! Сен ҳукм қиласай деб,
Оlamдаги мазлумларни қутқарай деб,
қўзғалдинг.

Шунда ер юзи қўрқиб сукутда қолди.

¹¹ Инсонга бўлган ғазабинг* Ўзингга ҳамду сано
келтирас,
Ғазабингдан кутулғанларни атрофингга
тўплайсан*.

¹² Эгангиз Худога онтингизни адо қилинглар,
Қўрқинчли Худога атрофидагилари*

Ҳадялар олиб келсинлар!

¹³ Худо такаббур шаҳзодаларни бўйсундириб
олади,

Ер юзи шоҳларини қўрқувга солади.

76-САНО

¹ Ижрочилар раҳбари Ёдутунга*. Осиф* саноси.

² Фарёд қилиб, Худога ёлвораман,
Эшитгин мени, деб Худога ҳайқираман*.

³ Қайғули кунимда Раббийга интилдим,
Тунда қўлларимни қўтариб илтижо қилдим,
Жоним тасалли топишни рад этди.

⁴ Эй Худо, Сени ўйлаганимда,
Фигон чекаман, руҳим заифлашади.

⁵ Тун бўйи Сен мени бедор қилдинг,
Сўзлай олмайман азобланганимдан.

⁶ Олдинги кунлар ҳақида ўйлаб юрдим,
Эски даврларни эслаб юрдим.

⁷ Тун бўйи ўзим билан ўзим сухбат қурдим*,
Қалбим хаёлга берилиб, руҳим
сўраб-суриштириди:

⁸ “Раббий то абад бизни рад этармикан?
Ҳеч қачон шафқат қўрсатмасмикан?

⁹ Унинг содик севгиси то абад йўқолганми?
Унинг ваъдалари бир умрга тамом бўлганми?

¹⁰ Худо шафқатли бўлишни унутиб қўйдими?
Раҳмдиллик ўрнини ғазаб эгалладими?”

¹¹ Ўзимга ўзим дедим:
“Худойи Таоло ўнг қўли орқали
Энди бизга ёрдам бермаяпти.
Бу менинг кулфатимдир.”

- ¹² Эй Эгам, ишларингни мен ёдга оламан,
Азалий мўъжизаларингни эсга оламан.
- ¹³ Ҳамма ишларингни хаёлимдан ўтказаман,
Кудратли ишларинг ҳақида фикр юритаман.
- ¹⁴ Сенинг йўлинг, эй Худо, муқаддасдир,
Қайси худо Сендай буюқдир?!
- ¹⁵ Мўъжизалар яратувчи Худо Сенсан,
Халқлар орасида қудратингни кўрсатган Сенсан.
- ¹⁶ Қудратинг билан Ўз халқингни,
Ёқуб ҳамда Юсуф наслларини кутқаргансан.
- ¹⁷ Эй Худо, сувлар Сени кўрганда,
Ҳа, сувлар Сени кўрганда, қўрқиб кетдилар,
Тубсиз денгизлар ларзага келди!
- ¹⁸ Булутлар ёмғирин қуиди,
Самолар гумбурлаб янгради,
Ўқларинг ҳар томонда
Ялт этиб пайдо бўлди.
- ¹⁹ Гумбур-гумбур эшитилди қуюн ичидা,
Чақмоқларинг оламни ёритди,
Замин титраб, тебранди.
- ²⁰ Йўлинг денгиз орқали ўтди,
Сўқмоғинг баҳайбат сувлардан ўтди,
Иzlаринг эса кўринмас эди.
- ²¹ Халқингни қўй сурувидай етаклаб бординг,
Мусо, Ҳорунни раҳнамо қилиб танладинг.

77-САНО

Осиф қасидаси*.*

- ¹ Қулоқ солинг, эй халқим, ўгитларимга,
Қулоқ туting оғзимдан чиққан сўзларга.
- ² Оғзимни очаман масалга,
Ўтмишнинг сирли сабоқларин ўргатаман сизга.
- ³ Буларни айтган эди ота-боболаримиз,
Улардан эшитганмиз, биламиз.
- ⁴ Эгамизнинг ҳамдга лойиқ ишларини,
Унинг қудратини, У қилган ажойиботларни
Биз яширмай айтамиз ота-боболаримиз наслига,
Ҳикоя қиласиз болаларимизга.
- ⁵ Ёқуб наслига У фармон берди,
Исройлга қонун тайинлади.
Ота-боболаримизга амр бериб:
“Болаларингизга ўргатинг”, деди*.
- ⁶ Токи келажак насллар буларни билсин,
Билсин ҳатто туғилмаган болалар,
Ўз навбатида болаларига айтсин улар.
- ⁷ Болалари ҳам умидини боғласин Худога,

Худонинг ишларини унутиб қўймай,
Риоя этсин Унинг амрларига.

⁸ Токи улар ота–боболарига ўхшаб,
Ўжар, исёнкор насл бўлмасин.

Юрагида Худога садоқати бўлмаган,
Руҳан бекарор насл бўлмасин.

⁹ Ўқ–ёй билан қуролланган Эфрайим
жангчилари*.

Жанг кунидаги ортига қайтди*.

¹⁰ Улар Худонинг аҳдига риоя қилмадилар,
Унинг қонунлари бўйича юришни рад этдилар.

¹¹ Улар унутдилар Худонинг қилган ишларини,
Худонинг уларга кўрсатган мўъжизаларини.

¹² Миср диёридаги Зўван текислигига*,
Уларнинг ота–боболари кўз ўнгида
Худо мўъжизалар кўрсатганди.

¹³ Денгизни ёриб, ўртасидан уларни ўтказди,
Сувларни девор каби тик қилиб қўйди*.

¹⁴ Кундузи уларни булат орқали етаклади,
Тун бўйи аланга ёруғи орқали етаклади*.

¹⁵ У саҳродағи қояларни парчалади,
Денгиз сувидай мўл сувни уларга берди.

¹⁶ Қоядан ирмоқларни чиқарди,
Сувларни дарёлардай оқизди*.

¹⁷ Улар саҳрода Худойи Таолога қарши исён
кўтариб,

Унга қарши гуноҳ қилавердилар.

¹⁸ Улар атайлаб Худони синадилар*,
Кўнгли тусаган овқатни талааб қилдилар.

¹⁹ Улар Худога қарши сўзлаб, дедилар:
“Саҳрода Худо бизга дастурхон ёза олармиди?!”

²⁰ Мана, У қояга урганда,
Сув дарё–дарё бўлиб оқди,
Ирмоқлар тўлиб–тошди.
Энди У йўз халқига нон бера олармикан?
Халқини гўшт билан таъминлай олармикан?”

²¹ Эгамиз уларнинг гапини эшишиб,
Қаттиқ ғазабга минди.
Ёқуб наслига қарши ғазаб алангасини пуркади,
Ҳа, Исройл наслига қарши қаҳрини сочди*.

²² Улар Худога ишонмадилар,
Унинг нажотига таянмадилар.

²³ Худо самолардан туриб амр берди,
Осмон қопқаларини очиб юборди.

²⁴ Улар есин деб, манна* ёғдирди,
Осмоннинг донини уларга берди.

²⁵ Одамзод фаришталар нонидан еди,

Худо уларга мўл–кўл таом юборди.

²⁶ У самолардан шарқ шамолини эстирди,
Қудрати билан жануб шамолига йўл кўрсатди.

²⁷ У чангдай мўл қилиб, халқига гўшт ёғдирди,
Ҳа, денгиздаги қумдай мўл қилиб қушлар
ёғдирди.

²⁸ Буларни уларнинг қароргоҳига ёғдирди,
Уларнинг ҷодирлари атрофига туширди.

²⁹ Улар тўйгуналарича едилар,
Худо уларга қўнгиллари тусаганини берди.

³⁰ Бироқ ҳали қўнгли тусаганига тўймаган,
Луқмалари ҳали уларнинг оғизларида экан,

³¹ Худо ғазабини уларга сочди,
Уларнинг кучлиларини ўлдирди,
Истроилнинг гулдай йигитларини ер тишлатди*.

³² Шуларга қарамай, улар гуноҳ қилавердилар,
Худонинг мўъжизаларига ишонмадилар.

³³ Худо уларнинг кунларини бир нафасдай
битирди,
Уларни ваҳимага солиб, умрларини барбод
қилди.

³⁴ Баъзиларини Худо ўлдирди,
Шундагина қолганлари Унга интилди,
Тавба қилиб, яна Худога қайтди.

³⁵ Улар шундай деб эсладилар:
“Ҳа, Худо суянган қоямиз,
Бизнинг қутқарувчимиз Худойи Таоло.”

³⁶ Аммо Худога хушомад қилардилар,
Унга тиллари билан ёлғон сўзлашарди.

³⁷ Юракларида эса Худога содик эмас эдилар,
Унинг аҳдига бевафолик қилдилар.

³⁸ Худо–чи, шафқат қилди,
Кечирди уларнинг гуноҳларини,
Қириб ташламади уларни.
Кўпинча У ғазабини босди,
Бутун ғазабини сочмади.

³⁹ Худо эслади: “Улар шунчаки бандалардир,
Эсиб, бошқа қайтиб келмас шамолдир.”

⁴⁰ Саҳрода Худога қанчалар кўп исён қилдилар!
Дашту биёбонда Уни хафа қилдилар.

⁴¹ Худони улар такрор–такрор синадилар,
Истроил халқининг Муқаддас Худосини
ранжитдилар.

⁴² Улар Худонинг қудратини,
Уларни душмандан қутқарган кунни эсдан
чиқардилар.

⁴³ Худо Мисрда кўрсатган мўъжизаларни,

Ха, Зўван текислигида* кўрсатган
ажойиботларни унутдилар.

⁴⁴ Мисрдаги дарёларни Худо қонга айлантириди,
Мисрликлар ирмоқлардан сув ичолмай қолди.

⁴⁵ Уларни еб битирсин дея, пашшалар галасини
юборди,
Юртни вайрон қилсин дея, қурбақалар юборди.

⁴⁶ Уларнинг ҳосилини Худо чигирткаларга* ем
қилди,
Уларнинг меҳнати маҳсулини чигирткаларга
берди.

⁴⁷ Узумзорларини дўл билан яксон қилди,
Шикамора-анжир дараҳтларини* жалада нобуд
этди.

⁴⁸ Уларнинг чорвасини дўлга дучор қилди,
Уларнинг подасини яшин алангасига берди.

⁴⁹ Кулфат элчиларини юборгандай
Худо уларга алангали ғазабини, қаҳрини,
Нафратини ҳамда мусибатни сочди.

⁵⁰ У Мисрдан ғазабини қайтармади,
Уларнинг жонларига шафқат қилмади,
Уларни вабога дучор қилди.

⁵¹ Мисрнинг ҳамма тўнғич ўғилларини нобуд
қилди*,
Ха, Хом авлодининг* фахри,
Қут-барака тимсолини йўқ қилди.

⁵² Ўз халқини эса Худо қўйдай етаклаб чиқди,
Уларни саҳро бўйлаб сурувдай бошлаб борди.

⁵³ Эгамиз эсон-омон бошлаб борди,
Улар қўрқмадилар,
Уларнинг ғанимларини эса денгиз ютди.

⁵⁴ Эгамиз халқини Ўз муқаддас юртига,
Ўз кучи билан қўлга киритган тоққа олиб келди.

⁵⁵ Ўз халқининг олдидан бошқа халқларни*
кувди,
Уларнинг юртини мулк қилиб бўлиб берди,
Исройл қабилаларини уларнинг чодирларида
ўрнаштириди.

⁵⁶ Улар ҳамон Худойи Таолони синардилар,
Унга қарши исён кўтариб, фармонларига
бўйсунмадилар.

⁵⁷ Оталари каби бевафолик қилиб, хоинлик
қилдилар,
Яроқсиз камонга ўхшаб ишончсиз чиқдилар.

⁵⁸ Саждагоҳлари билан улар Худони
ғазаблантиридилар,
Бутлари билан Унинг рашкини қўзғатдилар.

⁵⁹ Буларни эшитганда Худо, ғазабга минди,
Шундан сўнг Исройлни тамом рад этди.

- ⁶⁰ У Шилўдаги* Ўз масканини,
Инсонлар орасида тиккан Чодирини тарк этди.
⁶¹ Душманга асир қилиб берди Аҳд сандиғини,
Ўзининг қудратиу шухрати рамзини*.
⁶² Ўз халқини У қиличга рўпара қилди,
Ғазабини танлаган халқига сочди.
⁶³ Йигитларини аланг ямламай ютди,
Қизлари никоҳ қўшиқларини айтолмай қолди.
⁶⁴ Руҳонийлари қилич тифидан йиқилди,
Руҳонийларнинг бевалари аза тутолмай қолди.
⁶⁵ Шунда Раббий қўзғалди уйқудан уйғонгандай,
Шаробдан ҳайқираётган баҳодирдай.
⁶⁶ Душманларини У тирқиратиб қувди,
Уларни абадий шармандаликка дучор қилди.
- ⁶⁷ Юсуф наслини Худо рад этди,
Эфрайим қабиласини* танламади.
⁶⁸ Унинг ўрнига Яҳудо қабиласини*,
Ўзи севган Сион тоғини танлади*.
⁶⁹ Абадий ўрнатган ер курраси каби,
Самолар каби, Ўз муқаддас масканини қурди.
⁷⁰ Худо Ўз қули Довудни танлаб олди,
Қўй қўрасидан уни чақириб олди.
⁷¹ У Довудни совлиқ қўй, қўзиларга чўпонликдан
олди.
 Ўзининг халқи Исройлга,
Ёқуб наслига чўпон қилиб тайинлади.
⁷² Довуд уларга ҳалоллик билан чўпонлик қилди,
Моҳирлик билан уларни етаклаб борди.

78-САНО

*Осиф*саноси.*

- ¹ Эй Худо, бегона халқлар
Танлаган юртингни босиб олди,
Улар муқаддас Маъбадингни булғади,
Қуддусни вайронага айлантириди.
² Биз Сенинг қулларингмиз.
Улар қулларингнинг жасадларини
Қушларга емиш қилиб бердилар.
Тақводор халқингнинг этини
Заминдаги ёввойи ҳайвонларга бердилар.
³ Куддус атрофларида улар қонимизни сувдай
тўқди,
Жасадларни дафн қилишга бирон зот
қолдирмади.
⁴ Қўшниларимиз олдида масхара бўлдик,
Атрофимиздагиларга кулги, ўйинчоқ бўлдик.
⁵ Эй Эгам, қачонгача биздан ғазабланасан? То

абадми?

Қачонгача рашкинг алангадай ёнади?

⁶ Сени тан олмайдиган халқлар узра,

Сенга сажда құлмайдиган шоҳликлар узра

Ғазабингни сочгин.

⁷ Улар халқынг Исройлни* еб битирди,

Юртини ташландиқ сахрода айлантириди.

⁸ Бизга оталаримиз гуноҳларини эслатма,

Бизга тезда шафқатингни кўрсат,

Ахир, биз оёқ ости бўлиб кетдик-ку!

⁹ Ўз шуҳратинг ҳақи, бизга мадад бер,

Эй нажоткоримиз Худо!

Ўз номинг ҳақи, бизни қутқар,

Гуноҳларимизни кечир.

¹⁰ Нима учун бегона халқлар:

“Қаерда экан-а уларнинг Худоси”, дея айтмоғи
керак?!

Халқлардан ўч олганингни биз кўрайлик,

Ахир, улар бизнинг қонимизни тўккан.

¹¹ Маҳбусларнинг фифонини эшитгин,

Буюқ қудратингни намойиш қилиб,

Ўлимга маҳкум бўлганларни қутқаргин.

¹² Эй Раббий, қўшни халқлар Сени ҳақоратлагани
учун

Уларга етти баравар қайтаргин.

¹³ Биз Сенинг халқынг, яйловдаги сурувингмиз,

Сенга то абад шукур айтармиз,

Наслдан наслга Сени такрор мадҳ қиласмиз.

79-САНО

¹ Ижрочилаr раҳбарига. “Нилуфар” қуиiga
айтиладиган Осиф* саноси.

²⁻³ Тингла бизни, эй Исройлнинг Чўпони,
Юсуф наслини* қўй сурувидай етаклаб чиққан

Сенсан,

Карублар орасида тахт қургансан,

Эфрайим, Бенямин, Манаше* олдида нурингни
соч.

Қудратингни кўрсат, бизни қутқаргани кел.

⁴ Эй Худо, бизни олдинги ҳолимизга қайтаргин,
Жамолинг бизга нурларини сочсин, нажот
топайлик.

⁵ Эй Парвардигори Оlam — Эгамиз,
Қачонгача ғазабланиб, ибодатимизни рад
этасан?

⁶ Кўз ёшлар бердинг бизга нон ўрнига,

Челак тўла кўз ёшларни бизга ичирдинг.
⁷ Кўшнилар биздан нафратланишига имкон бердинг,
Душманларимиз бизни масхара қилмоқда.

⁸ Эй Парвардигори Олам, бизни олдинги ҳолимизга қайтаргин,
Жамолинг бизга нурларини сочсин, нажот топайлик.

⁹ Ток новдасини суғургандай,
Бизни Мисрдан келтиридинг.
Бегона халқларни қувиб, бизни ўтқаздинг.

¹⁰ Биз учун тупроқ тайёрладинг,
Илдиз отиб, юртни тўлдиридик.

¹¹ Тоғлар бизнинг соямиз билан қопланди,
Баҳайбат садрлар ҳам новдаларимиз билан қопланди.

¹² Биз шохларимизни денгизгача* ёйдик,
Новдаларимиз Фурот дарёсигача чўзилди.

¹³ Нега энди боғнинг деворларини бузиб ташладинг?

Ўтган–кетганлар меваларини юлсин дебми?

¹⁴ Ёввойи тўнғизлар уни хароб қиласди,
Ёввойи жониворлар* ундан еб қорнини тўйғизади.

¹⁵ Қайт яна бизга, эй Парвардигори Олам!
Назар солгин, қара самодан,
Бу ток новдасини қўриқлагин.

¹⁶ Ўнг қўлинг ўтқазган илдизни,
Ўзинг ўстирган новдани* қўриқлагин.

¹⁷ Ганимларинг узум токингни қирқсан эди,
Узум токингни оловда ёндириган эди,
Газабли боқишингдан улар йўқ бўлсин.

¹⁸ Ўзинг танлаганингга,
Ўзинг учун кучли қилган халқقا* таянч бўлгин.

¹⁹ Шунда биз ҳеч қачон Сендан қайтмаймиз,
Сенга сажда қиласми, бизга ҳаёт ато қил.

²⁰ Эй Парвардигори Олам — Эгамиз,
Бизни олдинги ҳолимизга қайтаргин,
Жамолинг бизга нурларини сочсин, нажот топайлик.

80-САНО

¹ Ижрочилаr раҳбарига. Соз жўрлигида айтиладиган Осиф* саноси.

² Худога, қудратимиз манбаига

Севинч билан куйланг!
 Ёқубнинг Худосига шодлик ила ҳайқириңг!
³ Қўшиқ куйланг, доира чертинг,
 Хушовоз лира, арфа чалинг.
⁴ Бургу чалинг янги ой шодиёнасида,
 Ой тўлганда, байрам кунимизда*.
⁵ Истроил учун бу қонундир,
 Ёқуб Худосининг фармонидир.
⁶ Миср юрти устига бостириб борганда,
 Худо буни Истроилга* қонун қилиб берди.

Мен нотаниш бир овозни эшитдим:
⁷ “Юкни олдим елкангиздан,
 — дейди У. —
 Қўлларингиз саватдан озод бўлди*.
⁸ Кулфатда Менга фарёд қилдингиз, сизни
 қутқардим,
 Булутлар орасидан сизларга жавоб бердим,
 Марива сувлари бўйида* сизларни синадим.
⁹ Эшитинг, эй халқим, танбех бераман сизга,
 Эй Истроил, кошкийди қулоқ солсангиз Менга!
¹⁰ Орангизда бегона худолар бўлмасин,
 Бошқа худоларга сажда қилманглар.
¹¹ Мен сизларнинг Эгангиз Худоман,
 Сизларни Миср юртидан Мен олиб чиққанман,
 Оғзингизни катта очинг, Мен уни тўлдираман.

¹² Эй халқим, сиз эса овозимга қулоқ
 солмадингиз,
 Эй Истроил, Менга итоат этишни рад этдингиз.
¹³ Ўз билганингизча яшанг, дея
 Юракларингизни ўжарлигича қолдирдим.
¹⁴ Эх, қанийди сиз Менга қулоқ солсангиз,
 Эй Истроил, Менинг йўлларимдан юрсангиз!
¹⁵ Тезда душманларингизни бўйсундирадим,
 Сизнинг ғанимларингизга зарба берардим.
¹⁶ Мен, Эгангиздан нафратланганлар
 Қўркувдан титраб, тиз чўйкан бўларди,
 Уларнинг ҳалокати то абад давом этарди.
¹⁷ Сизларни буғдойнинг энг яхшиси билан
 боқардим,
 Қоядан асал чиқариб, сизларни тўйдирадим.”

81-САНО

Осиф саноси.*

¹ Худо раислик қилар самодаги кенгашида*,
 У хукм чиқарар худолар* орасида:
² “Қачонгача сизлар ноҳақ хукм қиласиз?!
 Фосиққа тарафкашлик қиласиз?!”

³ Заиф, етимларгаadolat кўрсатинг,
Мазлум, қашшоқларнинг ҳақини ҳимоя қилинг.
⁴ Заиф, муҳтожларни қутқаринг,
Фосиқнинг қўлидан уларни озод этинг.
⁵ Ҳеч нарсани билмайсиз, тушунмайсиз,
Сизлар зулматда юрасиз,
Заминнинг пойдевори* ларзага келади.
⁶ Айтдимки: ҳаммангиз худоларсиз,
Худойи Таолонинг ўғилларисиз.
⁷ Аммо оддий одамдай ўлиб кетасиз,
Ҳар қандай ҳукмдор каби қулайсиз.”

⁸ Қани, эй Худо, оламни ҳукм қил,
Зотан, ҳамма халқлар Сеникидир.

82-САНО

¹ *Oсиф* саноси. Қўшиқ*
² Эй Худо, сукут сақламагин,
Жимжит бўлма, эй Худо, жим турмагин.
³ Душманларинг шовқин–сурон солмоқда,
Ғанимларинг исён қилмоқда.
⁴ Айёрлик билан улар халқингга фитна қиласди,
Сен ардоқлаганларга қарши қасд қиласди.
⁵ Улар айттар: “Қани, ўша халқнинг илдизини
қуритайлик,
То абад унутилсин Исройлнинг номи.”

⁶⁻⁸ Эдомликлар ва Исмоил авлодлари,
Мўабликлар* ва Ҳожар насллари*,
Габол*, Оммон ва Омолек* халқлари,
Тир халқи билан Филистия*
Тил бириктириб, фитна қиласди,
Сенга қарши иттифоқ тузади.
⁹ Лут насли* билан иттифоқ тузиб,
Оссурия ҳам уларга қўшилган эди.

¹⁰ Мидиёнларни жазолаганингдай* уларни
жазола,
Хишон дарёсида Сисаро, Ёбинни қирганингдай*
жазола.
¹¹ Улар Эн–Дўрда ҳалок бўлгандилар,
Ерга ташланган гўнгдай бўлгандилар.
¹² Орив ва Заёвдай* қилиб, уларнинг
йўлбошчиларини ўлдир,
Барча шаҳзодаларини Зевах ва Залмунодай*
қилгин.
¹³ Ахир, улар: “Худонинг ўтлоқларини
Ўзимиизники қилиб олайлик”, дедилар.

¹⁴ Эй Худойим, уларни хазондай совургин,
Шамолдаги сомондай уларни учиргин.
¹⁵⁻¹⁶ Ўрмонни аланга ёндиргандай,
Уларни бўронларинг ила таъқиб қил.
Тепаликларни олов билан куйдиргандай
Уларни довулларинг ила даҳшатга сол.
¹⁷ Юзларини шармандалиқдан қизартир,
Токи улар, эй Эгам, Сенга интилсин.
¹⁸ Улар доим шарманда бўлиб, қўрқувга тушсин,
Бадном бўлиб, йўқ бўлиб кетсин.
¹⁹ Улар билсин Эгамиз Сен эканингни,
Ер юзида буюк ҳукмдор ёлғиз Сен эканингни.

83-САНО

¹ Ижрочилар раҳбарига. Соз жўрлигида
айтиладиган Кўрах наслининг* саноси.

² Сенинг маконинг ажойибdir,
Эй Сарвари Олам!

³ Эй Эгам, Сенинг ҳовлингга кирмоқни
Жоним истар, ҳатто орзиқар.
Эй барҳаёт Худо! Қалбим, вужудим
Севинч ила Сенга куйлар.

⁴ Эй Сарвари Олам, Шоҳим, Худойим!
Қурбонгоҳинг ёнида чумчуқ ҳам бир уй топган,
Полапонларим учун жой топай дея,
Қалдирғоч ҳам ўзи учун бир ин қурган.

⁵ Бахтлидир Сенинг уйингда истиқомат
қиласидиганлар,
Улар доим Сенга ҳамду сано айтарлар.

⁶ Бахтлидир Сендан қудрат олган одамлар,
Куддусни чин дилдан зиёрат қилишга
интиладиганлар.

⁷ Қақраган сойликдан* улар ўтар эканлар,
Булоқлар оқа бошлар,

Илк ёмғир бу ерни сув ҳавзаларига* тўлдирап.

⁸ Улар юрган сари кучайиб борар,
Эй Худо, улар Куддусда* ҳузурингда ҳозир бўлар.

⁹ Эй Парвардигори Олам — Эгам, эшиит
ибодатимни,
Эй Ёқубнинг Худоси, тинглагин мени.

¹⁰ Эй Худо, қара шоҳга — қалқонимизга,
Ўзинг мой суртиб танлаганга лутф қилгин.

¹¹ Сенинг ҳовлиларингда ўтган бир кун
Афзалдир бошқа ерда ўтган минг кундан.
Фосиқларнинг чодирларида яшагандан кўра,

Бўлсайдим, эй Худойим, Сенинг уйингда
дарвазабон.

¹² Эй Парвардигор Эгам, қуёш ва қалқонсан,
Сен бизга меҳрибонлик кўрсатиб, шон-шуҳрат
ато этасан.

Эй Эгам, тўғри юрганлардан
Неъматингни дариғ тутмайсан.

¹³ Эй Сарвари Олам,
Сендан умид қилган одам баҳтилидир!

84-САНО

¹ Ижрочилар раҳбарига. Кўрах наслининг* саноси.

² Эй Эгам, Ўз юртингга марҳамат кўрсатгансан,
Ёқуб наслини яна фаровонликка эриштиргансан.

³ Халқингнинг айбларини унугтансан,
Уларнинг гуноҳларини кечиргансан.

⁴ Бутун ғазабингни жиловладинг,
Қахру ғазабингдан қайтдинг.

⁵ Эй нажоткоримиз Худо,
Олдинги ҳолимизга бизни қайтаргин,
Бизга қарши бўлган ғазабингни тўхтатгин.

⁶ Сен биздан то абад ғазабланасанми?
Ғазабингни насллар оша сочаверасанми?

⁷ Халқим Менда севинч топсин дея,
Бизга яна янги ҳаёт баҳш этмайсанми?

⁸ Эй Эгам, бизга содиқ севгингни кўрсат,
Бизга нажотингни ато қил.

⁹ Парвардигор Эгамиз айтиётганига қулоқ
соламан,
У Ўз халқига, Ўз тақводорларига тинчлик ваъда
қилаётир,

Энди улар бемаъни йўлларига* қайтмасин.

¹⁰ Шубҳасиз, Эгамиздан қўрққанларга
Унинг Ўзи нажот беришга тайёр туради,
Бизнинг еримизда Унинг улуғворлиги макон
топади.

¹¹ Севги ва ҳақиқат учрашади,
Адолат, тинчлик бир-бири ила ўпишади.

¹² Ҳақиқат заминдан ўсиб чиқади,
Адолат самодан туриб боқади.

¹³ Эгамиз чиндан неъматин ёғдиради,
Еримиз ўз ҳосилини беради.

¹⁴ Адолат Эгамизнинг олдида юради,
Унинг қадамлари учун йўл тайёрлайди.

85-САНО

Довуд ибодати.

- ¹ Тинглагин, эй Эгам, жавоб бер менга,
Мен муҳтоҷ ҳамда йўқсилман.
- ² Тақводорман, жонимни асрагин,
Сенга умид қиласман, мен, қулингни қутқаргин.
Сен менинг Худойимсан.
- ³ Шафқат қилгин менга, эй Раббий,
Кун бўйи Сенга илтижо қилмоқдаман.
- ⁴ Мен, қулингга шодлик баҳш этгин,
Эй Раббий, мен Сенга юрагимни очаман.
- ⁵ Сен, эй Раббий, яхисан, кечиримлисан,
Сенга илтижо қилганларга
Содик севгингни кўрсатасан.
- ⁶ Ибодатимга қулоқ сол, эй Эгам,
Шафқат сўраб қилган илтижоимга диққат қил.
- ⁷ Оғир кунда Сенга илтижо қиласман,
Илтижоларимга Сен жавоб берасан.
- ⁸ Эй Раббий, худолар орасида
Ҳеч қайсиси Сенга ўхшамайди,
Биронта буюк ишни Сеники билан қиёслаб
бўлмайди.
- ⁹ Жамики халқларни Сен яратгансан,
Эй Раббий, улар келиб, Сенга таъзим қиласди,
Номингга шуҳрат келтиради.
- ¹⁰ Зоро, Сен буюксан, мўъжизалар кўрсатасан,
Сен танҳо Худосан.
- ¹¹ Йўлингни менга кўрсат, эй Эгам,
Токи тўғри сўқмоқларингдан юрай,
Менга собит қалб бергин,
Мен Сендан қўрқайин.
- ¹² Эй Раббим Худо, бутун юрагим ила
Сенга шукур айтаман!
То абад Сенинг номингни улуғлайман.
- ¹³ Менга бўлган содик севгинг ғоят буюқдир,
Ўликлар диёридан* жонимни қутқаргансан.
- ¹⁴ Эй Худо, тақаббурлар менга ҳужум қилмоқда,
Зўравонлар тўдаси жоним пайига тушган.
Улар Сенга асло эътибор бермайди.
- ¹⁵ Сен, эй Раббий, раҳмдил ва иноятли,
Жаҳли тез чиқмайдиган Худосан,
Севгинг ва садоқатинг мўлдир.
- ¹⁶ Ҳолимга боқ, меҳр-шафқат қил,
Мен қулингман, Ўз чўрингнинг ўғлимани.
Менга қудратингдан ато қил,
Мени қутқаргин.

¹⁷ Марҳаматинг аломатини менга кўрсатгин,
Токи ғанимларим буни кўриб, шарманда бўлсин.
Мени қўллаб, тасалли бергансан, эй Эгам.

86-САНО

- ¹ Кўрах наслининг* саноси. Қўшиқ,
- ² Эгамиз яратган шаҳар муқаддас тоғда* турибди,
Ёқуб наслининг барча масканларидан кўра,
Эгамиз Қуддус* дарвозаларини кўпроқ севади.
- ³ Эй Худонинг шахри!
Сен тўғрингда Худо ажойиб сўзлар айтган:
- ⁴ “Мени эътироф этадиганлар орасида
Мисрни*, Бобилни, Филистияни,
Тир* билан Ҳабашистонни* ҳам қайд этаман.
Одамлар уларни ҳам: «Қуддусда туғилган», деб
айтади.”
- ⁵ Ҳа, Қуддус ҳақида одамлар шу сўзни айтади:
“Ҳар бири ўша ерда туғилган,
Худойи Таолонинг Ўзи Қуддусни мустаҳкам
қиласиди.”
- ⁶ Эгамиз халқларнинг рўйхатини тузиб:
“Бу одам ҳам Қуддусда туғилган”, деб ёзади.
- ⁷ Хониш қилиб, рақс тушиб улар:
“Ҳаётим манбай Сендадир”, деб айтади.

87-САНО

- ¹ Ижрочилар раҳбарига. Кўрах наслининг* саноси.
“Қайғу-алам” қуийга айтиладиган қўшиқ. Зерах
уругидан бўлган Ҳаманинг қасидаси*.
- ² Эй Эгам, нажоткорим Худо,
Кеча-кундуз фарёд қиласман олдингда.
- ³ Ибодатим Сенга етиб борсин,
Қулоғингни додимга тутгин.
- ⁴ Ҳаётим қулфатга тўла,
Ўзим ўликлар диёрига* яқинлашганман.
- ⁵ Мени қабрга тушганлар орасида
ҳисоблайдилар,
Бемажолларга ўхшаб қолганман.
- ⁶ Мурдалар орасига ташланганман,
Қабрда ётган марҳумларга ўхтайман,
Сен мени ўшалардай унугансан,
Улар Сенинг ҳимоянгдан маҳрумдирлар.
- ⁷ Сен ташладинг мени қабрнинг энг тубига,
Энг зулмат, чуқур жойларга.
- ⁸ Ғазабинг устимдан зилдай босади,

Қаҳринг түлқинлари ила мени эзасан.

⁹ Яқин дўстларимдан мени айирдинг,
Уларга мени жирканч қилдинг,
Қамалиб қолганман, халос бўла олмайман.

¹⁰ Кўзларим нури ғамдан адойи тамом бўлди.
Эй Эгам, ҳар қуни* Сенга илтижо қиласман,
Кўлларимни Сен томон чўзаман.

¹¹ Мўъжизаларингни марҳумларга
кўрсатасанми?!

Мурдалар туриб, Сенга ҳамду сано айтармикан?!

¹² Сенинг содиқ севгинг қабрда эълон
қилинарми?!

Ҳалокат диёрида* Сенинг садоқатинг ҳақида
айтиларми?!

¹³ Зулмат диёрида мўъжизаларинг маълум
бўларми?!

Унутилганлар маконида* одиллигинг ҳақида
сўйланарми?!

¹⁴ Эй Эгам, мен Сенга фарёд қиласман,
Ибодатим сахарданоқ Сенга етиб боради.

¹⁵ Эй Эгам, нечун мени рад қиласан?
Нечун мендан юз ўгирасан?

¹⁶ Ёшлигимдан буён хастаман, ўлим билан
юзма-юзман,

Ваҳималаринг қаршисида умидсиз қолганман*.

¹⁷ Қаҳру ғазабинг мени эзиб ташлади,
Ваҳималаринг мени адойи тамом қилди.

¹⁸ Қаҳр-ғазабинг кун бўйи мени тўфондай ўраб
олади,

Мени ҳар тарафдан қуршаб олади.

¹⁹ Яқин дўстимдан, қўшнимдан мени айирдинг,
Фақат зулмат менинг шеригим бўлиб қолди.

88-САНО

¹ Зераҳ уруғидан бўлган Этханнинг қасидаси*.

² Сенинг содиқ севгингни, эй Эгам, то абад
куйлайман,

Барча наслларга садоқатингни ўз оғзим билан
эълон қиласман.

³ Биламан, Сенинг содиқ севгинг то абад
мустаҳкамдир,

Сенинг садоқатинг самолардай барқарордир.

⁴ Сен шундай дединг*:

“Ўзим танлаганим билан аҳд қилганман.

Ҳа, қулим Довудга қасамёд қилганман:

⁵ «Сенинг наслингни то абад мустаҳкам қиласман,
Тахтингни бутун авлодлар оша ўрнатаман.»”

- ⁶ Ажойиботларингга, эй Эгам, самолар ҳамду сано айтсин,
- Муқаддас малаклар Сенинг садоқатингни куйласин.
- ⁷ Эй Эгам, самоларда Сенга тенглашадигани бормикан?!
- Илоҳий зотлардан^{*} қайси бири Сенга ўхшаркан?!
- ⁸ Эй Худо, муқаддас малаклар даврасида^{*} ҳайбатлисан,
- Тахтинг атрофидагиларнинг ҳаммасидан қўрқинчлисан.
- ⁹ Эй Парвардигори Олам — Эгам,
Ким Сенчалик қудратли, эй Эгам?!
- Садоқатинг атрофингни ўраган.
- ¹⁰ Асов денгизни йўлга солгувчи Сенсан,
Тўлқинлар кутурганда босгувчи Сенсан.
- ¹¹ Жасадни эзгандай махлуқ Раҳобни^{*} эздинг,
Қудратли қўлинг билан ғанимларингни тарқатдинг.
- ¹² Самолар Сеникидир, замин ҳам Сеникидир,
Оламу ундаги ҳар нарса Сеникидир,
Ҳаммасини Сен мустаҳкам қургансан.
- ¹³ Шимолу жанубни ҳам Сен яратгансан,
Товур, Хермон тоғлари*
- Сенинг номинг туфайли шодлиқдан куйлади.
- ¹⁴ Билагинг нақадар қудратлидир!
Қўлинг кучли, ўнг қўлинг музafferдир!
- ¹⁵ Адолат ва ҳаққониятдир тахтингнинг пойдевори,
Олдингда юради севги ва садоқат.
- ¹⁶ Бахтлидир севинч ҳайқириқларини билган халқ,
Эй Эгам, хузуринг нурида юрган халқ бахтлидир!
- ¹⁷ Сенинг номинг туфайли улар кун бўйи севинади,
Сенинг адолатинг туфайли улар юксалади.
- ¹⁸ Зотан, Сен уларнинг кучи, шуҳратисан,
Қудратимиз юксалар Сенинг лутғ–карамингдан.
- ¹⁹ Эй Эгам, қалқонимизни Сен танладинг,
Эй Исроил халқининг Муқаддас Худоси,
Сен бизга шоҳимизни бердинг.
- ²⁰ Қадимда Сен тақводорларингга ваҳийда айтдингки:
“Машхур жангчига Мен куч бердим,
Халқ орасидан ёш йигитни юксалтирдим.
- ²¹ Қулим Довудни Мен топдим,
Муқаддас мойимни суртиб уни танладим*.
- ²² Менинг қўлим доим уни қувватлайди,

Билагим уни кучли қилади.
²³ Ганим уни алдай олмайди,
 Золим уни қиса олмайди.
²⁴ Унинг кўз ўнгида душманларини эзиб
 ташлайман,
 Уни ёмон кўрганларни қириб ташлайман.
²⁵ Садоқатим, содиқ севгим у билан бўлади,
 Мен туфайли унинг қудрати юксалади.
²⁶ Унинг қудратини денгиз узра барқарор
 қиласман,
 Унинг хукмронлигини дарёлар узра ўрнатаман.
²⁷ У Менга айтади: «Сен Отамсан!
 Худойимсан, нажотим қояси Сенсан.»
²⁸ Мен уни тўнғич ўғил қилиб оламан*,
 Ер юзи шоҳларининг қудратлиси қиласман.
²⁹ Унга бўлган чексиз севгимда то абад событ
 тураман,
 У билан қилган аҳдимни давом эттираман.
³⁰ Унинг наслини то абад мустаҳкам қиласман,
 Унинг тахти осмон тургунча туради.
³¹ Борди-ю, унинг насли қонунимдан юз ўгирса,
 Менинг қоидаларим бўйича улар юрмасалар,
³² Агарда фармонларимни бузсалар,
 Менинг амрларимга риоя этмасалар,
³³ Уларни итоатсизлиги учун хивич билан
 жазолайман,
 Гуноҳи учун уларни таёқ билан жазолайман.
³⁴ Довуддан эса севгимни дариғ тутмайман,
 Садоқатимга асло хиёнат этмайман.
³⁵ Мен аҳдимни бузмайман,
 Айтган сўзимдан асло қайтмайман.
³⁶ Муқаддас номим ҳақи илк ва сўнг марта онт
 ичдим,
 Довудни Мен асло алдамайман.
³⁷ Унинг насли то абад давом этади,
 Унинг тахти қаршимда қуёш каби туради.
³⁸ Ойга, самолардаги ўша содиқ гувоҳга ўхшаб,
 Тахти то абад маҳкам туради.”
³⁹ Энди эса, эй Эгам, Сен уни нафрат билан рад
 этдинг,
 Ўзинг шоҳ қилиб танлаганингдан ғоят
 ғазабландинг.
⁴⁰ Мен — Ўз қулинг билан қилган аҳдингдан
 қайтдинг,
 Унинг тожини Сен тупроқقا қординг.
⁴¹ Шаҳарларининг ҳамма деворларини
 қулатдинг,
 Қалъаларини вайронага айлантирединг.

⁴² Йўлдан ўтаётганларнинг ҳаммаси уни талади,
Қўшни халқларга у масхара бўлди.

⁴³ Шоҳимизнинг душманларини ғолиб қилдинг,
Унинг ҳамма ғанимларини севинтирдинг.

⁴⁴ Қиличининг дамини қайтардинг,
Жангда унга Сен мадад бермадинг.

⁴⁵ Унинг улуғворлигига Сен чек қўйдинг,
Тахтини ерга улоқтириб юбординг.

⁴⁶ Ёшлик кунларини қисқартирдинг,
Уни шармандаю шармисор қилдинг.

⁴⁷ Эй Эгам, бу қачонгача давом этади?

Ўзингни биздан то абад яширасанми?
Қачонгача ғазабинг оташ каби ёнади?

⁴⁸ Эсингда тут, ҳаётим нақадар қисқа,
Не учун инсонни бехуда яратдинг?!

⁴⁹ Қайси инсон ўлимни кўрмас экан?!
Ким ўликлар диёри* чангалидан омон қолар
экан?!

⁵⁰ Эй Раббий, қани олдинги буюк севгинг?
Садоқатинг ила буни Довудга ваъда берган
эдинг-ку!

⁵¹ Эй Раббий, мен, қулинг, қанчалар масхара
бўлганимни* ёдингда тут.
Ҳамма халқларнинг ҳақоратларини бағримда
кўтариб юрибман-ку!

⁵² Эй Эгам, душманларинг танлаган шоҳингни
масхаралаганини,
Унинг ҳар бир қадамини таҳқир этганларини
ёдда тут!

⁵³ Эгамизга то абад олқишлиар бўлсин!

Омин! Омин!

89-САНО

¹ Худо одами Мусонинг ибодати.

² Эй Раббий, насллар оша
Сен паноҳимиз бўлган эдинг.

³ Тоғлар ҳали пайдо бўлмасдан олдин,
Еру оламни яратмасингдан олдин,
Абадулабад Сен Худосан.

⁴ Сен инсонни тупроққа қайтарасан*,
“Қайtingлар тупроққа, эй бандалар”, деб
айтасан.

⁵ Минг йил Сенинг назарингда бир кундайдир,
Қисқа бир тун вақтидайдир.

⁶ Сен одамларни супуриб ташлайсан,

Улар гүё тушга ўхшайды.
Улар тонгда унган янги майса кабидир.
Тонгда майса янгидан ўсиб чиқса ҳам
Оқшомда сўлиб, хазон бўлади.

⁷ Сенинг ғазабингдан адойи тамом бўлдик,
Қаҳрингдан биз ваҳимага тушдик.
⁸ Гуноҳларимизни Сен олдингга келтирдинг,
Яширин гуноҳларимизни нурларинг ёритиб
туради.

⁹ Кунларимиз Сенинг ғазабинг остида ўтади,
Йилларимиз бир оҳ каби, тез ниҳоясига етади.
¹⁰ Кунларимиз етмиш йил экан,
Агар бардам бўлсақ, саксон йил экан.
Энг ажойиб йиллар заҳмат, жафо билан
кечаркан,
Умримиз тез ўтар, ўзимиз учеб кетармиз.

¹¹ Сенинг ғазабинг қудратини ким била олар?!
Қаҳринг, Ўзингга лойиқ қўрқув каби буюқдир.
¹² Умримиз кунларини санашини бизга ўргатгин,
Токи биз доно қалбга эга бўлайлик.

¹³ Кел, эй Эгам! Қачонгача қутамиз?!

Ўз қулларингга шафқат қилгин!
¹⁴ Саҳарда содиқ севгинг билан бизни қондиргин,
Умримиз бўйи қўшиқ айтиб, хурсанд бўлайлик.
¹⁵ Кулфатлар кўрдик кўп кунлар,
Бизни қайғуга гирифтор қилдинг қанча йиллар,
Ўша кунлар эвазига бизни хурсанд қил.
¹⁶ Биз, Ўз қулларингга қудратли ишларингни
кўрсатгин,
Бизнинг наслимиз улуғворлигингни кўрсин.
¹⁷ Эй Раббимиз Худо, лутф-караминг бизга ёр
бўлсин,
Қилган ишимиз бароридан келсин,
Ха, ишларимизга барака бергин!

90-САНО

¹ Худойи Таоло паноҳида яшайдиганлар
Қодир Худо соясида ором топар.
² Мен Эгамга шундай дейман:
“Сен паноҳимсан, қалъамсан,
Мен умид боғлаган Худойимсан.”

³ Албатта У халос этар сени овчининг тузоғидан,
Халос этар сени қирғин келтирувчи вабодан.
⁴ Сени У қанотлари остига олар,
Унинг паноҳида бехатар бўласан,

Садоқати билан сенга қалқон, девор бўлар.

⁵ Шунда қўрқмайсан туннинг ваҳимасидан,

Қўрқмайсан кундузи учган ўқдан,

⁶ Зулматда билдиримай келадиган вабодан,

Қоқ пешинда қирғин келтирувчи ўлатдан.

⁷ Мингтаси чап ёнингда йиқилиб қолади,

Ўн мингтаси ўнг ёнингда йиқилиб қолади,

Аммо бу кулфатлар сенга яқин келмайди.

⁸ Фақат кўзларингни оч, шунда кўрасан

Фосиқнинг қандай жазо олганини.

⁹⁻¹⁰ Агар Эгамизни паноҳинг қилсанг,

Бошингга бирон баҳтсизлик келмас.

Худойи Таолони қўрғонинг қилсанг,

Бирон фалокат чодирингга йўламас.

¹¹ У сен тўғрингда фаришталарига амр беради,

Фаришталар ҳамма йўлларингни қўриқлади.

¹² Оёғинг тошга қоқилиб кетмасин дея,

Фаришталар қўлларида сени кўтариб боради.

¹³ Шер ва заҳарли илон* устидан босиб ўтасан,

Йиртқич шер, илонни оёғинг билан эзасан.

¹⁴ Эгамиз шундай дейди:

“У Мени яхши қўргани учун

Мен уни қутқараман.

Мени билгани учун

Мен уни ҳимоя қиласман.

¹⁵ У илтижо қилганда Мен жавоб бераман,

Оғир кунларида у билан бирга бўламан,

Уни қутқариб, унга иззат қўрсатаман.

¹⁶ Узоқ умр бериб, уни мамнун қиласман,

Унга нажот бераман.”

91-САНО

¹ Сано. Шаббат қуни айтилган қўшиқ.

² Эй Эгам, Сенга шукур айтмоқ яхшидир,

Эй Худойи Таоло, Сенга ҳамду сано куйламоқ

яхшидир.

³ Эълон қилмоқ яхшидир субҳидамда содик
севгингни,

Эълон қилмоқ яхшидир кечалари садоқатингни.

⁴ Яхшидир айтмоқ буларни мусиқа чалиб

Ўн торли асбобда, лирада, арфа жўрлигида!

⁵ Эй Эгам, қудратли ишларингдан мен шодман,

Қилган ишларингдан хурсанд бўлиб куйлайман.

⁶ Эй Эгам, ишларинг нақадар буюқдир!

Ўйларинг жуда ҳам терандир!

⁷ Ақлсиз кимса буни била олмайди,
Аҳмоқ кимса буни тушуна олмайди:
⁸ Гарчи фосиқлар майса каби униб чиқса ҳам,
Бадкирдорлар гуллаб-яшнаса ҳам,
Улар то абад йүқ бўлади.
⁹ Сен-чи, эй Эгам, то абад улуғворсан.
¹⁰ Эй Эгам, душманларинг албатта йүқ бўлади,
Улар шубҳасиз ҳалок бўлади.
Бадкирдорларнинг ҳаммаси тарқалиб кетади.
¹¹ Мени ёввойи буқадай кучли қилдинг,
Қудратинг билан менга қайтадан куч ато
этдинг*.
¹² Душманларим мағлубиятин кўзларим кўрди,
Бадкирдорлар заволин қулоқларим эшилди.

¹³ Солиҳлар пальма дараҳтидай гуллаб-яшнайди,
Лубнондаги садр дараҳтидай* юксалади.
¹⁴ Улар Эгамизнинг уйига ўтқазилган,
Худойимизнинг ҳовлисида улар яшнайди.
¹⁵ Кексаликда ҳам ҳамон ҳосил беради,
Ям-яшил, навқирон бўлиб тураверади.
¹⁶ Улар биргаликда шундай деб эълон қиласди:
“Эгамиз одиллар! У менинг суянган қоямдир,
Унда ноҳақлик йўқдир.”

92-САНО

¹ Эгамиз Шоҳдир, У улуғворликка бурканган,
Улуғворликка бурканиб, қудрат билан
қуролланган.
Оламни мустаҳкам ўрнатган, олам асло
тебранмас.

² Сенинг тахting қарор топган азалдан,
Сен Ўзинг мавжудсан азалдан.
³ Денгизлар гувилламоқда, эй Эгам,
Денгизлар ҳайқирмоқда, эй Эгам,
Денгизлар тўлқинларини кўтармоқда.
⁴ Юксакдаги Эгамиз денгиз тўлқинларидан ҳам
қудратлироқдир,
Баҳайбат сувларнинг пишқиришидан ҳам
қудратлироқдир.
⁵ Сенинг фармонларинг событидир,
Уйингга муқаддаслик зийнатдир
Абадулабад, эй Эгам!

93-САНО

¹ Эй Эгам, Сен қасоскор Худосан,
Эй қасоскор Худо, нурингни соч!
² Қани, бўл, эй ер юзини ҳукм этгувчи,

Мағурларнинг жазосини бер.
³ Қачонгача фосиқлар тантана қиласы?
 Эй Эгам, қачонгача?

⁴ Оғизларидан баландпарвоз сўзлар отилиб
 чиқяпти-ку!

Ҳамма бадкирдорлар мақтаняпти-ку!

⁵ Эй Эгам, улар халқингни эзяпти,
 Ўзинг танлаган элатингга зулм қиляпти.

⁶ Бева, мусофири улар ўлдиряпти,
 Етимларни йўқ қиляпти.

⁷ Улар айтяпти: “Эгамиз кўрмас,
 Ёқубнинг Худоси эътибор бермас.”

⁸ Тушуниб олинг, эй халқ орасидаги тентаклар.
 Қачон сизларга ақл кирав, эй аҳмоқлар?!

⁹ Қулоқни яратган эшитмайдими?!
 Кўзни ато этган кўрмайдими?!

¹⁰ Ҳалқларга танбех берувчи жазоламайдими?!

Унинг йўзи инсонга ўргатади-ку!

¹¹ Эгамиз инсоннинг ниятини англайди,
 Ниятларимиз беҳудалигини билади.

¹² Эй Эгам, баҳтлидир Сенинг танбеҳингни
 олганлар,

Баҳтлидир Сенинг қонунингдан ўрганувчилар.

¹³ Ёмон кунлардан уларни Сен омон сақлайсан.
 Фосиқ учун чуқур қазилгунча улар омон
 бўладилар.

¹⁴ Эй Эгам, йўз халқингни тарқ этмайсан,
 Ўзинг танлаган элатингни ташлаб қўймайсан.

¹⁵ Ҳукмнинг асоси яна адолат бўлади,
 Жамики покдиллар адолатни
 қўллаб-қуватлайди.

¹⁶ Фосиқлардан ким мени ҳимоя қиласы?

Бадкирдорларга қарши ким мен томон бўлади?

¹⁷ Эй Эгам, агарда Сен менга ёрдам
 бермаганингда,

Менинг жоним тезда ўлим суқунатига чўкарди.

¹⁸ “Оёқларим қоқиласи”, деб ўйлаганимда,
 Эй Эгам, содиқ севгинг мени қўллади.

¹⁹ Ичим хавотирга тўлиб кетганда,
 Сен берган тасалли менга қувонч келтирди.

²⁰ Золим ҳукмдорлар Худога шерик бўларми?!

Ахир, улар фармонлари билан кулфат

келтиради-ку!

²¹ Улар солиҳларга қарши бирлашади,

Гуноҳсизларни ўлимга маҳкум этади.

²² Аммо Эгам менинг қалъамдир,
Менинг паноҳ қоям Худодир.
²³ Фосиқлиги учун Эгамиз уларни қириб
ташлайди,
Гуноҳлари учун жазосини беради.
Ха, Эгамиз Худо уларни илдизидан қурилади.

94-САНО

¹ Келинглар, севинч ила Эгамизни куйлайлик,
Нажотимиз Қоясига шодлик ила ҳайқирайлик.
² Шукронда айтиб, Унинг ҳузурига борайлик,
Унга қўшиқлар айтиб, шодликдан ҳайқирайлик.
³ Зотан, Эгамиз улуғ Худодир,
Жамики худолар устидан улуғ Шоҳдир.
⁴ Заминнинг энг чуқур жойлари Унинг
қўлидадир,
Тоғларнинг чўққилари ҳам Уникидир.
⁵ Уникидир Ўзи яратган денгиз ҳам,
Қўли барпо қилган қуруқ ер ҳам.

⁶ Келинглар, таъзим қилиб, сажда этайлик,
Яратган Эгамиз олдида тиз чўкайлик.
⁷ У Худойимиздир, биз Унинг яйловидаги
халқмиз,
Биз Унинг қўл остидаги қўйлармиз.

Эгамиз шундай дейди:
“Қанийди, бугун Менинг овозимга қулоқ
солсангиз!
⁸ Оталарингиз каби тош юрак бўлманглар.
Маривада, сахродаги Массахда* улар қилган
ишни қилманглар.
⁹ Оталарингиз Менинг ишларимни кўрса ҳам,
У ерда Мени синааб кўрдилар.
¹⁰ Қирқ йил у наслдан нафратланиб*,
Шундай дедим: «Бу халқ Мендан юз ўгиради,
Амрларимга бўйсунишдан бош тортади.»
¹¹ Шу боис ғазабланиб, онт ичдим:
«Улар фароғат диёrimга кирмайди», дедим*.”

95-САНО

¹ Эй олам, Эгамизни тараннум этинг!
Эгамизга янги бир қўшиқ айтинг.
² Эгамизни тараннум этинг,
Унга олқишлиар бўлсин,
Унинг берган нажотидан ҳар куни сўйланг.
³ Эълон қилинг элатлар орасида Унинг
шухратини,
Жамики халқлар орасида Унинг

ажойиботларини.

- ⁴ Эгамиз буюқдир, күп мақтовга лойикдир,
Жамики худолардан У иззатидир.
⁵ Зотан, халқларнинг ҳамма худолари бутлардир,
Эгамиз эса самоларни яратгандир.
⁶ Шухрату улуғворлик Унинг ҳузуридадир,
Кудрату гўзаллик Унинг муқаддас
масканидадир.

- ⁷ Эгамизга ҳамдлар айтинг, эй замин халқлари!
Эгамизнинг қудратиу шуҳратига ҳамдлар ўқинг!
⁸ Эгамизнинг шарафига санолар айтинг!
Назрлар келтириб, Унинг ҳовлисига киринг!
⁹ Муқаддас улуғворликка бурканган Эгамизга
сажда қилинг!*
- Эй замин аҳли, Унинг олдида титраб туринг!
¹⁰ Элатлар орасида айтингки: “Эгамиз Шоҳдир!
Оlam мустаҳкам ўрнашган, ҳеч қачон
тебранмайди,
У халқларни ҳаққоний ҳукм қилар.”
- ¹¹ Самолар шод бўлсин, замин қувонсин,
Денгизу ундаги ҳамма жонзот гувилласин.
¹² Далалару ундаги ҳар нарса севинч ила жўшсин,
Ўрмондаги ҳамма дараҳт шодликдан қўшиқ
айтсин.
- ¹³ Эгамиз олдида улар қўшиқ айтар, ана, У
келаётир,
Заминни бошқармоқ учун У келаётир,
Оlamни адолат ила У бошқарар,
Халқларни йўз ҳақиқати ила бошқарар.

96-САНО

- ¹ Эгамиз Шоҳдир, замин қувонсин,
Денгиз ортидаги ҳамма юртлар шод бўлсин.
² Булутлар, зимзиё зулмат Унинг атрофини
ўраган,
Адолату ҳақиқат Унинг тахтига пойдевор бўлган.
³ Эгамиз оловини йўзидан олдин юборади,
Олови ҳар тарафдаги душманларни ютади.
⁴ Чақмоқлари оламни ёритади,
Замин буни кўриб титрайди.
⁵ Бутун оламнинг Раббийси олдида,
Эгамиз олдида тоғлар мумдай эрийди.
- ⁶ Самолар эълон қиласи Унинг адолатини,
Жамики халқлар кўради Унинг улуғворлигини.
⁷ Бутларга сажда қилувчилар,
Беҳуда санамлари ила мақтанувчилар
Шарманда бўлади.

Барча худолар Эгамизга таъзим қилади.

⁸ Эй Эгам! Сенинг адолатингдан
Яхудо шаҳарлари шод бўлади,
Куддус* эшишиб, қувонади.

⁹ Эй Эгам, ер юзидағи буюк ҳукмдор Сенсан,
Ҳамма худолардан Сен юксалгансан.

¹⁰ Эй Эгамизни севганлар!
Ёмонлиқдан нафратланинг.
У тақвадорларининг жонларини йзи асрайди,
Фосиқларнинг қўлидан уларни халос этади.

¹¹ Солиҳларга нур сочилгай,
Юраги поклар узра шодлик ёйилгай.

¹² Эй солиҳлар, Эгамиз туфайли шодланинг,
Унинг муқаддас номини олқишиланг!

97-САНО

Сано.

¹ Янги бир қўшиқ айтинг Эгамизга!
Ахир, У ажойиб ишлар қилди.
Ўзининг ўнг қўли, муқаддас билаги билан зафар
қозонди.

² Эгамиз зафарининг донғини таратди,
Халқларга нажотини намоён қилди.

³ Истроил халқига бўлган севгисию садоқатини
ёдида тутди.
Ернинг тўрт томони Худойимиз берган нажотни
кўрди.

⁴ Эй замин аҳли, Эгамизни олқишилаб, хитоб
қилинг,
Севинчли қуй-қўшиқлар ила Унга хитоб қилинг.
⁵ Лира чалиб, Эгамизга ҳамду сано куйланг,
Лира чалиб, қўшиқлар айтинг.
⁶ Карнайу бурғуларни чалинг,
Шоҳни — Эгамизни олқишилаб, хитоб қилинг.

⁷ Жўш урсин денгизу ундаги ҳамма жонзот,
Жўш урсин оламу унда яшовчи ҳамма махлуқот.
⁸ Эгамиз олдида дарёлар қарсак чалсин,
Қирлар бирга шодланиб қўшиқ айтсин.
⁹ Зотан, Эгамиз ерда ҳукм этгани келмоқда,
У оламни тўғри ҳукм этади,
Адолат ила халқларни ҳукм қилади.

98-САНО

¹ Эгамиз Шоҳдир, халқлар титрасин!
Карублар орасида таҳт қурган У!

Замин ларзага келсин!
² Эгамиз Қуддусда* улуғдир,
 Жамики халқлар узра юксакдадир.
³ Унинг номи улуғ, хайбатлидир!
 Ҳамма Уни мадҳ қилсин,
 Зеро, муқаддасдир У!

⁴ Шох қудратлидир, адолатпарвардир,
 У одилликни ўрнатган!
 Ёқуб насли орасида
 Адолатли ва тўғри хукм чиқарган!
⁵ Эгамиз Худони улуғланглар!
 Унинг пойига сажда қилинглар.
 Зеро, муқаддасдир У!

⁶ Мусо ва Ҳорун Унинг руҳонийларидан эди,
 Шомуил ҳам Эгамизга илтижо қилганлардан
 бири эди.
 Улар Эгамизга илтижо қилди, У жавоб берди.
⁷ Устун шаклидаги булут ичра улар билан
 гаплашди,
 Улар Эгамизнинг фармонларига
 Ҳамда У берган қонунларига риоя қиласади.

⁸ Уларга жавоб бердинг, эй Эгамиз Худо!
 Сен уларни кечиравчи Худо бўлдинг,
 Уларни жазоладинг ёмон йўлдан кетганларида.

⁹ Улуғланглар Эгамиз Худони!
 Сажда қилинг Унга муқаддас тоғида*.
 Зеро, муқаддасдир Эгамиз Худо!

99-САНО

Шукроналик саноси.

¹ Эй замин аҳли, Эгамизга шодлик ила ҳайқириңг,

² Ҳурсанд бўлиб Эгамизга сажда қилинг,
 Шодланиб, қўшиқ айтиб, Унинг ҳузурига келинг.

³ Билингки, Эгамиз Худодир,
 Бизни яратган Удир, биз Уникимиз.
 Биз Унинг халқимиз, яйловидаги қўйларимиз.

⁴ Шукrona айтиб, дарвозаларидан кириңг,
 Ҳамду сано айтиб, ҳовлиларига кириңг.
 Шукrona айтиб, Унинг номини олқишиланг!

⁵ Эгамиз яхшидир,
 Унинг содик севгиси абадий давом этади,
 Садоқати эса барча наслларга ўтади.

100-САНО

Довуд саноси.

¹ Садоқатингни,adolatiningни куйлайман,
Сени, эй Эгам, тараннум этаман.

² Бенуқсон ҳаёт кечиришни ўрганаман,
Қачон бунга эришаман?

Пок юрак ила ўз уйимда умр кечираман.

³ Ҳеч қандай ёвузликка йўл қўймайман.
Қинғир ишлардан нафратланаман,
Мен уларга ҳеч қўшилмайман.

⁴ Терс ишларни рад қиласман,
Ёмонлик мендан узоқ бўлади.

⁵ Дўсти ортидан ғийбат қиладиганни йўқ
қиласман,

Такаббурлик билан қарайдиган қўзларга,
Мағрур юракка асло тоқат қилмайман.

⁶ Ёнимда истиқомат қилсинлар дея,
Юртимнинг содик одамларига хайрихоҳ
бўласман.

Тўғри йўлдан юрадиган инсон
Менга хизмат қиласми.

⁷ Ҳийлагарлар менинг саройимда қолмайди,
Ёлғончилар қаршимда турмайди.

⁸ Ҳар сахарда юртдаги фосиқларни қираман,
Эй Эгам, Сенинг шаҳрингдан бадкирдорларни
йўқ қиласман.

101-САНО

¹ Дард-аламга ботганда, арзини Эгамиз олдига
тўқкан ғарибнинг ибодати.

² Эшитгин ибодатимни, эй Эгам,
Етиб борсин Сенга оҳу нолам.

³ Кулфатда қолганимда мендан юз ўгирма,
Менга қулоқ тутгин.

Чақирганимда менга тез жавоб бергин.

⁴ Умрим тутундай ўтиб кетди,
Иситмадан бутун танам ёниб кетяпти.

⁵ Юрагим қуриган ўтдай хазон бўлди,
Бирор нарса ейишга истак йўқолди.

⁶ Фарёд қилиб оҳ-нола чекаман,
Шу боис этим суюгимга ёпишган.

⁷ Даشتдаги қушга ўхшайман,
Вайронадаги бойўғли кабидирман.

⁸ Бедор бўлиб ётаман,
Томда ёлғиз қолган қушга ўхшайман.

⁹ Ганимларим доимо мени ҳақорат қилади,
Мени масхараловчилар

Исмимни лаънат ўқиши учун ишлатади.

¹⁰ Кулни нон каби емоқдаман,
Ичимлигимга кўз ёшларимни қўшмоқдаман.

¹¹ Сенинг қаҳру ғазабинг туфайли шундай
қиляпман,

Ахир, мени кўтариб, бир ёнга улоқтиридинг.

¹² Оқшомги кўланкага ўхшайди умрим,
Куриган майсадай бўлиб қолдим.

¹³ Сен эса, эй Эгам, то абад ўтирасан тахтингда,
Насллар оша Сенинг номинг давом этар!

¹⁴ Кўзғалиб, шафқат кўрсатасан Қуддусга*,
Унга марҳамат кўрсатиш вақти келди,
Белгиланган вақти-соати етиб келди.

¹⁵ Унинг тошлари ҳам Сенинг қулларинг учун
қимматбаҳодир,
Қуддуснинг ҳатто тупроғига ҳам меҳрибонлик
қиласиз.

¹⁶ Халқлар Эгамидан кўрқади,
Унинг шуҳратидан ер юзи шоҳлари титрайди.

¹⁷ Зеро, Эгамиз Қуддусни барпо қилади,
Ўзининг шуҳрати ила зоҳир бўлади.

¹⁸ Йўқсилларнинг ибодатига У эътибор беради,
Уларнинг илтижоларини рад этмайди.

¹⁹ Ҳали туғилмаган халқ ҳам Эгамизга ҳамду сано
айтсин,

Келажак насл учун бу ёзиб қўйилсин:

²⁰⁻²¹ Асиirlарнинг ноласига кулоқ солай деб,
Эгамиз юксайдаги муқаддас маконидан қаради.
Ўлимга маҳкум бўлганларни қутқарай деб,
У осмондан заминга назар ташлади.

²² Шу боис Эгамизнинг донғи Қуддусда эълон
қилинсин,

Унга Сионда ҳамду сано айтилсин.

²³ Эгамизга бирга сажда қилгани
Халқлару шоҳликлар йифилади.

²⁴ Ҳали ёш пайтимда Эгам мени заиф қилди,
Кунларимни Унинг Ўзи қисқартириди.

²⁵ Унга фарёд қилдим: “Эй Худойим,
Ёш умримни хазон қилмагин,
Барча насллар оша Сен доимо борсан.

²⁶ Азалда заминнинг пойdevорини* Сен
қўйгансан,

Самоларни Ўз қўлларинг ила яратгансан.

²⁷ Улар йўқ бўлиб кетар, Сен тураверасан,

Еру осмон кийим қаби эскириб кетади,
Тўзиб кетган кийимдай уларни алмаштирасан,
Ҳаммасини ташлаб юборасан.

²⁸ Сен эса ҳеч ўзгармассан,
Сен то абад яшайсан.

²⁹ Қулларингнинг фарзандлари хавфсиз яшар,
Уларнинг насли Сенинг ҳузурингда барқарор
бўлар.”

102-САНО

Довуд саноси.

¹ Эгамизни олқишилагин, эй жоним,
Унинг муқаддас номини олқишла, эй вужудим!

² Эгамизни олқишилагин, эй жоним,
Унинг қилган ҳамма яхшиликларини унутмагин!

³ Ҳамма гуноҳларимни У кечиради,
Барча хасталикларимга У шифо беради.

⁴ Мени қабрдан У қутқаради,
Севги, шафқат ила менга тож кийгизади.

⁵ Ҳаётимни* неъмат ила У қондиради,
Ёшлигим бургутнинг кучидай янгиланади.

⁶ Эгамиз тўғри иш қиласи,
Мазлумларгаadolat қиласи.

⁷ Ўз йўлларини У Мусога маълум қилган,
Ишларини Истроил халқига намоён этган.

⁸ Эгамиз раҳмдил, иноятлидир,
Жаҳли тез чиқмайди, содик севгиси мўлдир.

⁹ У доимо бизни айбламайди,
Ёки то абад ғазабини сочмайди.

¹⁰ Бизни У гуноҳларимизга қараб жазоламас,
Ёмонликларимизга қараб қайтармас.

¹¹ Самолар заминдан нақадар баланддир!
Эгамизнинг содик севгиси ҳам

Ундан қўрқанларга шундай юксакдир!

¹² Шарқ ғарбдан қанчалик узоқ бўлса,
Гуноҳларимизни биздан шу қадар узоқ қиласи.

¹³ Ота болаларига шафқат қилгандай,
Эгамиз Ўзидан қўрқанларга раҳм қиласи.

¹⁴ Биз қандай ясалганимизни У билади,
Биз тупроқ эканимизни* У ёдида тутади.

¹⁵ Инсонмиз, майсага ўхшар умримиз,
Дашт гулига ўхшаб гуллаймиз.

¹⁶ Шамол эсар, майса йўқ бўлар,
Уни ўз жойи эсламай қўяр.

¹⁷ Аммо Эгамизнинг содик севгиси
Абадулабад Ундан қўрқанлар билан биргадир!
Унинг содиклиги эса уларнинг наслига ўтади.

¹⁸ Ҳа, Эгамиз содиқ қолади Унинг аҳдига риоя
қилганларга,
Унинг амрларига садоқат ила итоат этганларга.

¹⁹ Эгамиз тахтини ўрнатгандир самода,
Унинг шоҳлиги ҳукмрондир ҳамма ерда.
²⁰ Эгамизни олқишиланг, эй Унинг фаришталари,
Унинг амрини ижро қилувчи баҳодирлар,
Унинг сўзларига итоат этувчилар!
²¹ Эй Эгамизнинг самовий лашкарлари!
Унинг иродасини ижро этувчи хизматкорлари!
Эгамизни олқишиланг!
²² Эй Эгамиз яратганларнинг ҳаммаси!
У ҳукмрон бўлган ҳар бир жойда
Уни олқишиланглар!
Эй жоним! Эгамизни олқишила!

103-САНО

¹ Эгамни олқишила, эй жоним.

Эй Эгам Худо! Сен нақадар буюксан,
Шуҳрату улуғворликка буркангансан.

² Ёпинчиққа ўралгандай нурга чулғангансан,
Самоларни бир чодир каби ёйгансан.

³ Осмондаги сувлар^{*} узра даргохингни қургансан,
Булутларни жанг араваси қиласан,
Шамол қанотларини миниб кетасан.

⁴ Шамолларни Ўзингга хабарчилар қиласан,
Ловуллаган оловни хизматкорларинг этасан.

⁵ Ҳеч қачон тебранмасин дея,
Сен заминнинг пойдеворини^{*} қўйгансан,

⁶ Заминни либосга ўрагандай,
Тубсиз сувлар ила ўраган эдинг,
Хатто тоғлар чўққисини сувлар кўмган.

⁷ Сенинг таҳдидларингдан сувлар чекинар,
Сен гумбурлатган садодан улар қочар.

⁸ Сувлар тоғлар устидан, водий бўйлаб оқар
Сен улар учун тайин этган жойга.

⁹ Бу сувлар тошмасин деб,
Яна ер юзини қайта қопламасин деб,
Сен чегара қўйгансан!

¹⁰ Булоқларни тоширдинг Сен сойликлардан,
Булоқлар оқиб келар тоғлар орасидан.

¹¹ Жамики ёввойи ҳайвонларни булоқлар
сугоради,

Ёввойи эшаклар ташналигини қондиради.

¹² Оқар сувлар бўйида қушлар ин қуради,
Шохлар орасидан улар сайрайди.

¹³ Тоғларни суғорасан юқоридаги даргоҳингдан.
Замин тўла Сен ўстирган мева билан.

¹⁴ Чорва учун Сен ўт-ўлан ўстирасан,
Инсон фойдалансин деб, экинлар ўстиргансан,
Егулигини тупроқдан олсин, дейсан.

¹⁵ Сен берасан инсон кўнглини чоғ қилувчи
шаробни,

Юзга жило берувчи зайдун мойини,
Инсон ҳаётига қувват берувчи нонни.

¹⁶ Эй Эгам, Сенинг дараҳтларинг,
Ҳа, Ўзинг Лубонда эккан садр дараҳтларинг*
Сувга яхши қонади.

¹⁷ Кушлар дараҳтларда уя қуради,
Сарв дараҳтида лайлак уй қилади.

¹⁸ Тоғ эчкиси баланд тоғларда яшар,
Бўрсиқлар эса қояларда уя қуар.

¹⁹ Вақтни белгиласин деб, ойни яратдинг,
Қуёш ҳам билади қачон ботишин.

²⁰ Коронғилик чўқтирганингда, тун бўлар,
Ўрмондаги бор ҳайвон кезгани чиқар.

²¹ Шерлар ўлжা ахтариб бўкирар,
Ўз ризқ-рўзини, эй Худо, Сендан излар.

²² Қуёш чиқар, улар ортга қайтарлар,
Ўзларининг инларида ётарлар.

²³ Одамлар ўз ишларига чиқарлар,
Оқшомгача юмушлари или банд бўларлар.

²⁴ Эй Эгам, ишларинг ғоят турли-тумандир!
Ҳаммасини донолик или яратгансан,
Замин Сен яратганларинг или тўладир.

²⁵ Мана, буюқ, бепоён денгиз,
Сон-саноқсиз яратилганлар билан тўла,
Катта-кичик жониворлар бор.

²⁶ Кемалар денгизларда қатнайди.
Сувларда ўйнасин дея,
Ўша маҳлуқ Левитани* яратгансан.

²⁷ Эй Эгам! Ўз вақтида ризқимизни берсин дея,
Уларнинг ҳаммаси Сенга кўз тикиди.

²⁸ Уларга ризқини берганингда, йиғиб олади,
Қўлларингни очганингда, улар еб тўяди.

²⁹ Юзингни яширганингда эса улар ваҳимага
тушади,
Жонларини олганингда, ўлиб, тупроқقا қайтади.

³⁰ Рухингни* юборганингда улар яратилади,
Ер юзига янгидан ҳаёт берасан.

³¹ Эгамизнинг шуҳрати то абад давом этсин,
Эгамиз Ўз яратганларидан хурсанд бўлсин.

³² Ерга У боққанда, ер титрар,
Тоғларга текканда, тоғлар тутун чиқарар.
³³ Ҳаёт эканман, Эгамни тараннум этаман,
Бор эканман, Худойимга ҳамду сано куйлайман.
³⁴ У ҳақидаги ўйларим хуш келсин Унга,
Зотан, севинаман мен Эгам туфайли.
³⁵ Ер юзидан ийқ бўлсин гуноҳкорлар,
Бўлмасин бошқа энди фосиқлар.

Эгамни олқишила, эй жоним!
Эгамизга ҳамду санолар бўлсин!

104-САНО

¹ Эгамизга шукур айтинг, Унга сажда қилинг,
Бошқа халқлар орасида Унинг ишларини
билиринг.
² Тараннум қилиб Уни, ҳамду сано ила қўшиқ
айтинг,
Унинг жамики ажойиб ишларини сўзлаб беринг.
³ Эгамизнинг муқаддас номи ила фахрланинг,
Эгамизга юз бурганларнинг қалби шодликка
тўлсин.
⁴ Қудратли Эгамизга юз буринг!
Унинг хузурида бўлишга интилинг.
⁵⁻⁶ Эй сизлар, Эгамизнинг қули Иброҳим насли,
Эй Ёкуб ўғиллари — Эгамизнинг танлаганлари,
Эгамиз қилган ажойиботларини эсда тутинг,
Унинг мўъжизаларини, чиқарган ҳукмларини
унутманг.
⁷ У Эгамиз Худодир,
У бутун ер юзини адолатли ҳукм қиласи.
⁸ Ўз аҳдини У то абад ёддан чиқармас,
Минглаб наслларга берган ваъдасини унумас.
⁹ Риоя қилар У Иброҳим билан қилган аҳдига,
Исҳоққа қасам ичиб берган ваъдасига.
¹⁰ Ёкуб учун бу аҳдни бир қонун қилди,
Ҳа, Исроил учун абадий бир аҳд қилди.
¹¹ Айтдики*: “Канъон юртини сенга бераман,
Уни ўзингга абадий мулк қилиб оласан.”
¹² Ўша вақтда уларнинг сони кам эди,
Ҳа, жуда камчилик эдилар.
Улар бу юртга келгинди эди.
¹³ Кезарди бир халқ орасидан бошқасига,
Бир шоҳлиқдан бошқа юртга.
¹⁴ Эгамиз ҳеч кимга уларни эзишларига йўл
қўймади,
Уларни деб шоҳларга танбеҳ берди.

¹⁵ Айтдики: “Мен танлаганларга тегманглар,
Пайғамбарларимга* зарар келтирманглар.”

¹⁶ Канъон юрти устига Эгамиз очарчилик
юборди,

Битта қолдирмай егуликларга қирғин келтирди.

¹⁷ Улардан олдин одам юборди,
Ха, Юсуф* күл каби сотилди.

¹⁸ Унинг оёқларига занжир урилди,
Бўйнидан темир ҳалқа ўтказилди.

¹⁹ Юсуфнинг сўзлари бажо бўладиган вақт
келгунча,

Эгамизнинг каломи Юсуфни синади.

²⁰ Миср шоҳи одам юбориб, Юсуфни кутқарди,
Элларнинг хукмдори уни озод қилди.

²¹ Юсуфни шоҳ саройининг бошқарувчиси қилиб
тайин этди,

Жамики мулкининг ҳокими қилди.

²² Хоҳласа саройдаги аъёнларимни занжирбанд
қилсин*,

Маслаҳатчиларимга донолик ила ўгит берсин
деб, шундай қилди.

²³ Сўнгра Исроил Мисрга келди,
Ха, Ёқуб насли Хом юртида* мусофири бўлди.

²⁴ Унинг ҳалқини Эгамиз баракали қилди,
Душманларига қараганда, кўпайтирди.

²⁵ Эгамиз Миср ҳалқининг юракларини
ўзгартирди,

Улар Эгамиз ҳалқидан нафратланди,
Эгамизнинг қулларига қарши улар фитна
уюштириди.

²⁶ Сўнгра Эгамиз қули Мусони юборди,
Танлаб олган Ҳорунни бирга жўнатди.

²⁷ Мисрликлар орасида, ўша Хом юртида
Иккаласи Эгамизнинг мўъжизаларини,
ажойиботларини кўрсатди*.

²⁸ Эгамиз зулмат юборди, Мисрни зулматга
буркади,

Ахир, Мисрликлар Эгамизнинг амрларига
итоатсизлик қилди*.

²⁹ Мисрнинг сувларини Эгамиз қонга
айлантириди,
Жамики балиқларини нобуд қилиб ташлади.

³⁰ Миср юрти тўлиб кетди қурбақаларга,
Етиб борди ҳатто хукмдорларнинг уйига.

³¹ Эгамиз амр бергандга, сўналар галаси келди,
Миср бўйлаб бургалар қайнаб кетди.

³² Ёмғир ўрнига уларга Эгамиз дўл ёғдирди,

Бутун Миср бўйлаб чақмоқ чақтирди.
³³ Узумзору анжирзорларини қуритди,
 Мисрдаги дараҳтларни қўпориб ташлади.
³⁴ Эгамиз амр берганда, чигирткалар* келди,
 Сон-саноқсиз майда чигирткалар чиқиб келди.
³⁵ Улар Мисрдаги бутун ўт-ўланни еб юборди,
 Миср ўлкасидаги ҳосилни еб битирди.
³⁶ Мисрдаги жамики тўнғич ўғилларни Эгамиз
 нобуд қилди,
 Ҳа, уларнинг фахри, қут-барака тимсолини йўқ
 қилди.

³⁷ Сўнг Эгамиз Ўз халқини
 Олтину кумушга бойитиб* олиб чиқди.
 Истроил қабилаларининг орасида қоқилиб
 қолгани бўлмади.
³⁸ Мисрликлар Истроилдан қўрқиб, ваҳимага
 тушганди,
 Улар кетгач, Миср халқи севинди.
³⁹ Халқи устида ёпинчиқ бўлсин деб,
 Эгамиз булутни ёйди,
 Кечаси ёруғлик бўлсин деб, алнга берди*.
⁴⁰ Истроил гўшт сўраганда Эгамиз беданалар
 берди,
 Осмондан нон ёғдириб, уларни тўйғазди*.
⁴¹ Эгамиз қояни очди, сув отилиб чиқди*,
 Саҳро бўйлаб дарёдай сув оқди.
⁴² Эгамиз Ўзининг муқаддас ваъдасини,
 Ўз қули Иброҳимга берган ваъдасини ёдда тутди.
⁴³ Шу боис халқини олиб чиқди севинч ила,
 Ўз танлаганларини шодлик ҳайқириқлари ила.
⁴⁴ Бегона халқларнинг юртларини уларга берди,
 Ўша халқларнинг бойлигини Истроил мулк қилиб
 олди.
⁴⁵ “Истроил халқи Менинг фармонимга риоя
 қилсин,
 Менинг қонунларимга итоат этсин”, дея
 Эгамиз мана шуларнинг ҳаммасини қилди.

Эгамизга ҳамду санолар бўлсин!

105-САНО

¹ Эгамизга ҳамду санолар бўлсин!
 Эгамизга шукrona айтинг, У яхшидир!
 Унинг содик севгиси абадийдир.
² Эгамизнинг қудратли ишларини ким батафсил
 айта олади?!

Ким Унга мукаммал ҳамду сано айта олади?!

³ Бахтлидир адолат ила иш тутганлар,
Хар доим түғри иш қилганлар.

⁴ Эй Эгам, халқингга муруватт күрсатганингда
мени эслагин,

Уларга нажот берганингда, менга ҳам ёрдам
бергин,

⁵ Токи танлаган халқингнинг иқболини күрайин,
Халқингнинг шодлигини күриб, мен ҳам
қувонайин,

Улар билан бирга фахрланиб юрайин.

⁶ Эй Истроил халқи, ота-боболаримиз каби, биз
гұнох қилдик,

Эгри ійлдан юрдик, ёмонлик қилдик.

⁷ Ота-боболаримиз Мисрда бўлганларида,
Эгамизнинг ажойиб ишларига эътибор
қилмадилар,

Унинг мўл содиқ севгисини эсламадилар,
Қизил денгизда* исён қилдилар.

⁸ Кудратли кучини билдириш учун,
Ўз номи ҳақи,

Эгамиз уларни қутқарди.

⁹ У Қизил денгизга дўқ урди, денгиз қуриди.
Қуп-қуруқ ердан етаклагандай,
Истроил халқини денгиз тубидан ўтказди*.

¹⁰ Эгамиз уларни ёв қўлидан қутқарди,
Ғаним қўлидан уларни озод қилди.

¹¹ Сувлар қайтиб, ғанимларни босиб қолди,
Душманларнинг биронтаси қутула олмади.

¹² Шунда Истроил халқи Эгамизнинг сўзига
ишенди,

Унга ҳамду санолар куйлади.

¹³ Улар тез орада Эгамизнинг ишларини унутди,
Эгамиздан бемаслаҳат иш қилдилар.

¹⁴ Саҳрода улар нафси бузуқлик қилди,
Дашту биёбонда улар Худони синади*.

¹⁵ Эгамиз уларга сўраганини берди-ю,
Уларга ҳалокатли хасталикни ҳам юборди.

¹⁶ Қароргоҳдаги халқ Мусога,
Эгамизга бағишиланган Ҳорунга ҳасад қилди*.

¹⁷ Ер ёрилиб, Датанинни ютиб юборди,
Абурам билан шерикларини ямлаб юборди.

¹⁸ Шериклари устига олов тушди,
Ўша фосиқларни аланга ёндириди.

¹⁹ Синай тоғида* улар бузоқ ясадилар,
Ўша олтин бутга сажда қилдилар*.

- ²⁰ Улар Худонинг улуғворлигини
Ўт ейдиган буқа тасвирига алишдилар.
- ²¹ Мисрда буюк ишлар қилган
Нажоткори Худони унутдилар.
- ²² Хом юртида* Эгамиз ажойиботлар
кўрсатганди,
Қизил денгизда қўрқинчли ишлар қилганди.
Ана шуларни Исройл халқи унутди.
- ²³ Шу боис Эгамиз, уларни қираман, деди.
Аммо Мусо, Эгамизниң танлагани ўртага тушиб,
Эгамиздан илтижо қилиб,
Уни қаҳру ғазабидан қайтарди.
- ²⁴ Сўнгра улар мафтункор юртни хор қилдилар,
Эгамизниң ваъдасига ишонмадилар*.
- ²⁵ Ўз чодирларида минғирлаб нолидилар,
Эгамизга итоат этмадилар.
- ²⁶ Эгамиз қўлини кўтариб, онт ичди:
“Сизларни саҳрова яксон қиламан.”
- ²⁷ Наслингизни халқлар орасига тарқатаман,
Бошқа юртларга уларни сочиб юбораман.”
- ²⁸ Сўнгра бизнинг ота-боболаримиз
Пиёр тоғидаги Баалга сажда қилишга
кўшилдилар*,
Ўликларга* келтирилган қурбонликдан едилар.
- ²⁹ Улар қилмишлари билан
Эгамизни ғазаблантирилар,
Улар ўлатга гирифтор бўлдилар.
- ³⁰ Финхаз қўзғалиб, аралашди,
Шунда ўлат ҳам тўхтади.
- ³¹ Шу боис Финхаз солиҳлик тимсоли бўлди,
Бу насллардан наслларга то абад давом этади.
- ³² Марива сувлари бўйида* улар Эгамизниң
қаҳрини келтирдилар,
Уларнинг дастидан Мусонинг бошига қайғулар
келди.
- ³³ Улар Мусонинг ғазабини қўзғатди,
Мусо ҳам ўйламай гапирди.
- ³⁴ Эгамиз, халқларни қиринглар, деб амр
берганди,
Улар Эгамизниң амрини бажармади.
- ³⁵ Бегона халқлар билан улар аралашиб,
Уларнинг одатларини ўргандилар.
- ³⁶ Улар бегона халқларнинг бутларига сажда
қилдилар,
Ўша бутлар Эгамизниң халқига тузоқ бўлди.
- ³⁷ Улар ўзларининг ўғил-қизларини

Жинларга қурбон қилдилар.
³⁸ Ҳа, ўзларининг ўғил-қизларини
 Канъон бутларига қурбон қилиб,
 Бегуноҳ қон тўқдилар.
 Уларнинг қони юртни ҳаром қилди.
³⁹ Ишлари билан ўзларини булғадилар,
 Қилмишлари билан Эгамизга бевафолик
 қилдилар.

⁴⁰ Шунда Эгамиз Ўз халқидан ғазабланди,
 Улардан жирканди.
⁴¹ Уларни ёт халқларнинг қўлига берди,
 Фанимлари улар устидан ҳукмон бўлди.
⁴² Душманлари уларни сиқувга олди,
 Куч билан уларни бўйин эгдирди.
⁴³ Кўп марта Эгамиз уларни қутқарди,
 Улар эса атайлаб исён қилган эди,
 Гуноҳлари туфайли паст кетдилар.
⁴⁴ Шунда ҳам Эгамиз Ўз халқининг нолаларини
 эшитиб,
 Уларнинг кулфатларига эътибор берди.
⁴⁵ Улар ҳақи Ўз аҳдини ёдида тутди,
 Мўл содиқ севгиси билан уларга шафқат
 кўрсатди.
⁴⁶ Уларни асир олганларни
 Шафқатли бўлишга ундади.

⁴⁷ Эй Эгамиз Худо, бизларни қутқар,
 Халқлар орасидан бизни тўплаб ол,
 Ўзинг муқаддассан, Сенга шукур айтайлик,
 Мадҳга лойик ишларинг билан фахрланайлик.

⁴⁸ Исроил халқининг Худоси — Эгамизга
 То абад олқишлиар бўлсин,
 Жамики халқлар: “Омин”, деб айтсин.

Эгамизга ҳамду санолар бўлсин!

106-САНО

¹ Эгамизга шукронга айтинг, У яхшидир,
 Унинг содиқ севгиси абадийдир.
² Шундай десин Эгамиздан нажот топганлар,
 У кулфатдан қутқарган одамлар.
³ Ахир, Эгамиз уларни шарқу ғарбдан,
 Шимолу жанубдан* тўплаган,
 Кўп юртлардан уларни йиғиб келган.

⁴ Баъзилари чўлу биёбонда тентираб юрдилар,
 Яшаш учун бирон шаҳарга йўл топмадилар.

⁵ Оч, ташна ҳолда қолдилар,

Сал бўлмаса ўлаёздилар.

⁶ Кулфатда қолганларида Эгамизга нола
қилдилар,
Эгамиз уларни азоб-уқубатлардан қутқарди.

⁷ Улар яшайдиган шаҳарга боргунга қадар,
Эгамиз уларни тўғри йўлдан етаклади.

⁸ Содиқ севгиси учун улар Эгамизга шукронга
айтсин!

Эгамизнинг инсониятга кўрсатган ажойиб
ишлари учун шукур қилсин!

⁹ Зотан, У қондирар ташна бўлганларни,
Тўйдирар неъматлар билан очларни.

¹⁰ Баъзилари зимзиё зулматда ўтирадилар,
Асир бўлиб, кишанда азоб чекардилар.

¹¹ Улар Худонинг сўзларига қарши исён
қилгандилар,
Худойи Таолонинг йўл-йўриқларини
менсимадилар.

¹² Шу боис Худо уларни оғир ишларга мажбур
этди,
Улар йиқилганда, ёрдам беришга бирон кимса
бўлмади.

¹³ Кулфатда қолганларида Эгамизга нола
қилдилар,
Эгамиз уларни азоб-уқубатлардан қутқарди.

¹⁴ Уларни зимзиё зулматдан олиб чиқди,
Уларнинг кишанларини парча-парча қилди.

¹⁵ Содиқ севгиси учун улар Эгамизга шукронга
айтсин!

Эгамизнинг инсониятга кўрсатган ажойиб
ишлари учун шукур қилсин!

¹⁶ Зотан, У бронза дарвозаларни синдирав,
Темир тамбаларни иккига бўлиб ташлар.

¹⁷ Баъзилари аҳмоқ бўлиб, итоатсизлик
қилдилар,
Гуноҳлари туфайли азобга дучор бўлдилар.

¹⁸ Ҳар қандай овқатдан жирканар эдилар,
Ўлим оғзига яқинлашиб қолган эдилар.

¹⁹ Кулфатда қолганларида Эгамизга нола
қилдилар,
Эгамиз уларни азоб-уқубатлардан қутқарди.

²⁰ Эгамиз гапириб, уларга шифо берди,
Қабрдан уларни сақлаб қолди.

²¹ Содиқ севгиси учун улар Эгамизга шукронга
айтсинлар!

Эгамизнинг инсониятга кўрсатган ажойиб
ишлари учун шукур қилсинлар!

²² Улар шукронга қурбонлигини келтирсинлар,

Унинг ишларини шодон қўшиқларда
куйласинлар.

- ²³ Баъзилари кемаларда денгизга чиқдилар,
Ваҳимали сувлар узра савдо қилдилар.
²⁴ Улар Эгамизнинг ишларини,
Чуқур сувда Унинг мўъжизаларини кўрдилар.
²⁵ У амр берганда, бўрон қўзғалди,
Денгиз тўлқинлари баланд қўтарили.
²⁶ Кема осмонга қўтарилиб, яна чуқур сувга
тушди,
Фалокатдан кемадагилар bemажол бўлиб қолди.
²⁷ Улар маст каби довдираб айланди,
Маҳоратлари фойда бермади.
²⁸ Кулфатда қолганларида Эгамизга нола
қилдилар,
Эгамиз уларни азоб-уқубатлардан қутқарди.
²⁹ У бўронни шабадага айлантириди,
Денгиз тўлқинлари сукутга чўмди.
³⁰ Тўлқинлар жим бўлганидан улар севинди,
Истаган бандаргоҳга* уларни келтириб қўйди.
³¹ Содиқ севгиси учун улар Эгамизга шукронा
айтсин!
Эгамизнинг инсониятга кўрсатган ажойиб
ишлари учун шукур қилсин!
³² Улар жамоа олдида Эгамизни улуғласин,
Оқсоқоллар йиғинида Унга ҳамду санолар
айтсин.
- ³³ Эгамиз дарёларни сахрога айлантирас,
Булоқларни қақраган ерга айлантирас.
³⁴ Аҳолисининг фосиқлиги сабабли
Ҳосилдор ерларни шўр ерга айлантирас.
³⁵ Саҳрони эса Эгамиз кўл қиласар,
Қақраган ердан булоқлар чиқарар.
³⁶ Оч-юпунларни у ерга олиб келиб ўрнаштирас.
Улар эса яшаш учун шаҳарлар қуарар.
³⁷ Далаларга уруғ экиб, узумзорлар яратар,
Далалардан мўл-кўл ҳосил олар.
³⁸ Эгамизнинг баракаси или улар жуда кўпаяр,
Уларнинг чорваси камайишига Эгамиз йўл
қўймас.
- ³⁹⁻⁴⁰ Эгамиз аслзодаларни хор қилди,
Йўлсиз сахрова уларни саргардон қилди.
Зулм, кулфат, ғамдан
Уларнинг сони камайди,
Улар қашшоқлашди.
⁴¹ Йўқсилларни эса Эгамиз кулфатдан қутқарар,
Уларнинг оиласини қўй сурувидай кўпайтирас.

⁴² Солиҳлар буни кўриб, севинар,
Фосиқлар эса оғзини ёпиб, жим бўлар.

⁴³ Донолар буларга эътибор берсин,
Эгамизнинг содиқ севгисини англасин.

107-САНО

¹ Довуд саноси. Қўшиқ,

² Эй Худо, юрагим Сенга содиқ,
Жоним борича Сени куйлаб, қўшиқ айтаман.

³ Уйғон, эй арфа, лира!
Тонгни ҳам мен уйғотаман!

⁴ Эй Эгам, халқлар орасида Сенга шукrona
айтаман,

Эллар орасида Сенга ҳамду сано куйлайман.

⁵ Содиқ севгинг самолардан ҳам юксакдир,
Садоқатинг булатлардан ҳам баланддир.

⁶ Эй Худо, фалақдан ҳам юқорида юксалавер!
Шуҳратинг бутун замин узра ёйилсин.

⁷ Ўнг қўлинг ила ғалаба ато қилгин,
Илтижоимга жавоб бергин,
Суюкли бандаларинг нажот топсин.

⁸ Эй Худо, Ўз муқаддас маконингдан ваъда
бергансан*:

“Шодланиб Шакамни* бўлиб ташлайман,
Сухот водийсини* тақсимлаб бераман.

⁹ Гилад Меникидир, Манаше* Меникидир,
Эфрайим дубулғамдир, Яхудо* салтанат
ҳассамдир.

¹⁰ Мўаб Менинг қўловгичимдир,
Эдом узра чоригимни отаман*,
Филистлар* узра зафар ила ҳайқираман.”

¹¹ Эй Худо, қанийди мустаҳкам шаҳарга* мени
олиб борсалар,

Эдомга мени бошлаб борсалар.

¹² Ахир, бизни Ўзинг рад этдинг-ку!
Энди лашкаrimизга йўлбошчилик
қилмаяпсан-ку!

¹³ Душмандан кутқариб, бизга ёрдам бер,
Инсоннинг ёрдами бутунлай беҳуда.

¹⁴ Эй Худо, Сен билан биз ғолиб бўламиз,
Душманларимизни Сен янчиб ташлайсан.

108-САНО

Ижрочилар раҳбарига. Довуд саноси.

- ¹ Сени олқышлайман, эй Худо,
Сукут сақламагин.
- ² Фосиқ, ёлғончилар менга қарши оғиз очган,
Ёлғончи тиллар билан менга қарши гапирад.
- ³ Нафратга тўла сўзларни устимга ёғдирарлар,
Сабабсиз менга хужум қиларлар.
- ⁴ Менга айб қўярлар дўстлигимга жавобан,
Ибодат қиласман ҳамон.
- ⁵ Яхшилик эвазига менга ёмонлик қайтарарлар,
Дўстлигим эвазига менга адоват қиласлар.

- ⁶ Фосиқни уларга қарши қўй,
Уларнинг ўнг томонида айбловчи турсин.
- ⁷ Синалганда, улар айбдор бўлсин,
Уларнинг ибодати гуноҳ деб ҳисоблансан.
- ⁸ Уларнинг умри қисқа бўлсин,
Ўрнини бошқаси олсин.
- ⁹ Етим бўлиб қолсин болалари,
Бева бўлиб қолсин хотинлари.
- ¹⁰ Болалари кулбасидан айрилиб, дарбадар
бўлсин,
Нон излаб тиланчи бўлсин.
- ¹¹ Мол-ҳолини судхўрлар эгалласин,
Меҳнати самарасини бегоналар тортиб олсин.
- ¹² Бирон кимса уларга шафқат қилмасин,
Уларнинг етим болаларига ҳеч ким ачинмасин.
- ¹³ Уларнинг насл-насаби қирилиб кетсин,
Бир наследан сўнг номлари йўқ бўлсин.
- ¹⁴ Эй Эгамиз! Оталари айбини эсга олгин,
Оналарининг гуноҳини ҳеч қачон унутмагин.
- ¹⁵ Эй Эгамиз, уларнинг гуноҳидан доим хабардор
бўлгин,
Ўша инсонларнинг хотирасини ер юзидан
ўчиригин.
- ¹⁶ Ахир, улар ҳеч қачон шафқат қилишни
ўйламади.
Мұхтожларни, умидсизликка тушганларни,
Камбағалларни таъқиб қилди, ўлдириди.
- ¹⁷ Улар лаънатлашни яхши кўрарди,
Энди лаънатлари ўзларининг бошига келсин.
Дуо қилишни ёқтирумасди,
Энди дуо улардан узоқ бўлсин*.
- ¹⁸ Лаънатни улар кийимдай киярди,
Уларнинг танасига лаънат сув каби кираради,
Суякларига мой каби сингарди.
- ¹⁹ Ҳа, кийим кийгандай, улар лаънатга ўраниб

олсин,
Лаънатни ҳар куни белга тақадиган камардай
қилиб олсин.

²⁰ Эй Эгам! Менга қарши ёмон гапиувчиларга,
Мени айловчиларга Сендан ана шулар мукофот
бўлсин.

²¹ Сен, эй Эгам Раббий,
Ўз номинг ҳақи менга мадад бер,
Эзгудир содик севгинг, мени қутқар.

²² Мен бир бечора, йўқсилман,
Ичимда юрагим яралангандир.

²³ Оқшомги соядай йўқ бўлиб боряпман,
Чигирткадай мен улоқтирилганман.

²⁴ Рўза тутганимдан тиззаларимда дармон йўқ,
Этим суягимга ёпишиб қолган.

²⁵ Душманларим ҳақоратининг нишониман,
Мени кўрганларида масхаралаб, бошларини
чайқашар.

²⁶ Эй Эгам Худо, менга мадад бергин,
Содик севгинг ҳақи мени халос қилгин.

²⁷ Буни Сенинг қўлинг қилганини душманларим
билинг,
Эй Эгам, менга нажот берган Сен эканингни улар
билинг.

²⁸ Майли, улар мени лаънатласин,
Сен эса менга барака берасан.
Улар ҳужум қилганда, шарманда бўлишсин,
Мен — қулинг эса шод-хуррам бўлай.

²⁹ Мени айловчилар бадномликка буркансин,
Чопон кийгандай, шармандаликка ўрансан.

³⁰ Эгамга чексиз шукроналар айтаман,
Халойиқ орасида Унга ҳамду сано ўқийман.

³¹ Эгамиз тураг йўқсилларнинг ўнг томонида,
Уларни ўлимга маҳкум этганлардан қутқармоқ
учун.

109-САНО

Довуд саноси.

¹ Эгамиз айтмоқда Раббимга*:
“Душманларингни оёқларинг остига пойандоз
қилмагунимча,
Сен Менинг ўнг томонимда* ўтиргин.”

² Эй Раббим! Эгамиз Сенинг ҳукмронлигингни
Қуддусдан* бошлаб кенгайтирас!
Душманларинг ўртасида Сен ҳукмронлик қил!

³ Сен жанг қиласында
Жангчиларинг ўз хохиши билан майдонга
чиқади.

Эрта тонг ёш йигитларинг
Шабнам каби атрофинда түпланади,
Улар муқаддас улуғорликка бурканган*.

⁴ Эгамиз оңт ичган, қарорини ўзгартирас:

“Сен Маликсидиқ сингари,
То абад руҳонийсан.”*

⁵ Эй Худо, Раббим ўнг томонингда ўтирад,
Ғазабланган кунда шоҳларни эзиб ташлар.

⁶ У халқларни ҳукм этиб, жасадларини уюм
қилас,

Бутун ер юзидаги ҳукмдорларни эзиб ташлар.

⁷ Йўл бўйидаги ирмоқдан сув ичар,
Кучга тўлиб, ғолиб бўлиб турар.

110-САНО

¹ Эгамизга ҳамду санолар бўлсин!

Солиҳлар жамоасида бўлганимда,
Бутун қалбимдан Эгамга шукур айтаман.

² Эгамизнинг ишлари буюқдир,
Улардан лаззат оловчилар улар ҳақда фикр
юритадилар.

³ Эгамизнинг ишлари улуғор, ҳайбатлидир,
Унинг адолати то абад давом этади.

⁴ Эгамиз унтилмас ажойиботларни яратди,
У раҳмдил ва шафқатлидир.

⁵ Ўзидан қўрқанларга ризқ–рўзини беради,
Ўз аҳдини доимо ёдида тутади.

⁶ Ҳалқига құдратли ишларини кўрсатди,
Бошқа халқлар ерини уларга берди.

⁷ Ҳамма ишларида содиқ, адолатлидир,
Унинг ҳамма амрлари ишончлидир.

⁸ Уларнинг ҳаммаси то абад мустаҳкам туради,
Эгамиз уларни садоқат, тўғрилик илиа ижро
қилди*.

⁹ У халқини қутқарди,
То абад аҳди билан уларни Ўзига боғлади.
Унинг номи муқаддас, қўрқинчлидир.

¹⁰ Эгамиздан қўрқиши доноликнинг бошидир,
Бундай йўл тутганларнинг ақли расодир,
Унинг ҳамду санолари то абад давом этади.

111-САНО

¹ Эгамизга ҳамду санолар бўлсин!

Бахтлидир Эгамиздан қўрқадиган одам,
 Унинг амрларини бажариб завқ оладиган одам!
² Бундай одамнинг авлоди юртда қудратли
 бўлади,
 Тўғри одамнинг насли барака топади.
³ Унинг уйида мўлчилик, бойлик бўлади,
 Унинг солиҳлиги то абад давом этади.
⁴ Ҳатто зулматда ҳам тўғри инсонга нур ёғилади,
 Раҳмдил, меҳрибон, солиҳ одамга ёғду сочилади.
⁵ Яхши одам сахий, қарз беради,
 Адолат билан иш юритади.
⁶ Солиҳ ҳеч қачон тебранмайди,
 У то абад унutilмайди.
⁷ У ёмон хабардан қўрқмайди,
 Бутун юракдан Эгамизга умид боғлайди.
⁸ Юраги барқарордир, қўрқув нималигини
 билмайди,
 Охири душманларининг мағлубиятини ўз кўзи
 билан кўради.
⁹ Бойлигини муҳтожларга сахийлик ила
 тақсимлайди,
 Унинг солиҳлиги то абад давом этади.
 У қудратли, ҳурматли бўлади.
¹⁰ Фосиқлар буни кўриб, ғазабга минади,
 Алам қилганидан тишларини ғичирлатади-ю,
 Аммо кучдан қолади.
 Ҳа, фосиқларнинг истаги пучга чиқади.

112-САНО

¹ Эгамизга ҳамду санолар бўлсин!
 Ҳамду сано айтинг, эй Эгамизнинг қуллари,
 Ҳамду санолар бўлсин Эгамизнинг номига!
² Эгамиз номига ҳозир ҳам,
 Абадулабад олқишлиар бўлсин.
³ Шарқдан то ғарбга қадар
 Эгамизнинг номига олқишлиар бўлсин!
⁴ Эгамиз барча халқлар устидан юксалган,
 Унинг шуҳрати самолардан ҳам буюқдир.
⁵ Эгамиз Худога ким ўхшайди?!

У юксакда таҳт қурган.
⁶ У самога, ер юзига эгилиб қарайди.
⁷ Тупроққа қорилган бечораҳолларни У кўтаради,
 Фақирларни ахлат уюмидан олиб, юксалтиради.
⁸ Уларга шаҳзодалар ёнидан жой беради,
 Ўз халқининг шаҳзодалари билан бирга
 ўтқазади.
⁹ Бефарзанд аёлни ўз уйида У шарафлайди,

Унга фарзанд ато этиб, бахтиёр қилади.

Эгамизга ҳамду санолар бўлсин!

113-САНО

¹⁻² Истроил халқи Мисрдан чиқиб кетганда,
Яхудо юрти Худонинг муқаддас маскани бўлди.
Ҳа, Ёқуб насли бегона юртдан кетганда,
Истроил юрти Худонинг шоҳлиги бўлди.

³ Денгиз Худони кўрди-ю, қочди*,
Иордан дарёси орқага қайтди*.

⁴ Тоғлар қўчқорлар каби сакради*,
Тепаликлар қўзилар каби ирғиди.

⁵ Не бўлди, эй денгиз, қочиб кетдинг?
Не бўлди, эй Иордан, орқага қайтдинг?

⁶ Эй тоғлар, нечун сакрадингиз такалар каби?
Эй тепаликлар, нечун ирғидингиз қўзилар каби?

⁷ Титрагин, эй замин, Раббий олдида,
Ёқубнинг Худоси ҳузурида.

⁸ У қояни сув ҳовузига айлантирган,
Қаттиқ қоядан булоқ чиқарган*.

⁹ Эй Эгам! Содик севгинг, садоқатинг ҳақи
Сенга шарафлар бўлсин!
Бизга эмас, Сенга шарафлар бўлсин!

¹⁰ Нима учун бегона халқлар:
“Қани уларнинг Худоси”, дея айтарлар?

¹¹ Бизнинг Худойимиз самолардадир,
У истаганини қиласверади.

¹² Халқларнинг худолари эса кумуш, олтиндан,
Инсон қўлларининг маҳсулидир.

¹³ Бутларнинг оғизлари бор, сўзлай олмаслар,
Кўзлари бор, кўра олмаслар.

¹⁴ Уларнинг қулоқлари бор, эшита олмаслар,
Бурунлари бор, ҳидлай олмаслар.

¹⁵ Уларнинг қўллари бор, сеза олмаслар,
Оёқлари бор, юра олмаслар,
Бўғизларидан овоз чиқара олмаслар.

¹⁶ Бутларни барпо қилганлар, бутларга
ишонганлар
Худди уларга ўхшаган бўлиб қолар.

¹⁷ Эй Истроил халқи! Ишонинг Эгамизга,
У мадад берар, қалқон бўлар сизга!

¹⁸ Эй Ҳорун хонадони!* Ишонинг Эгамизга,
У мадад берар, қалқон бўлар сизга!

¹⁹ Эй Эгамиздан қўрқанлар! Ишонинг Эгамизга,
У мадад берар, қалқон бўлар сизга!

²⁰ Эгамиз бизни ёдда тутиб, барака беради,
Исройл халқига У барака беради,
Хорун хонадонига У барака беради.

²¹ Эгамиз Ўзидан қўрқанларга барака беради,
Каттаю кичикка бир хилда барака беради.

²² Эгамиз сизларни,
Болаларингизни кўпайтирсин.

²³ Еру осмонни яратган Эгамиз
Сизларга барака берсин.

²⁴ Самолар Эгамизнинг самоларири, Ерни эса У инсонларга бергандир.

²⁵ Ўлим сукунатига ботган мархумлар Эгамизга ҳамду сано айтмаслар.

²⁶ Биз эса Эгамизга ҳозир ҳам, агадулабад Олқишилар айтамиз.

Эгамизга ҳамду санолар бўлсин!

114-САНО

¹ Эгамни севаман, У мени эшигади,
Менинг илтижоларимни У тинглайди.

² Қулоқ бериб мени тинглагани учун
Умрим бўйи Эгамга илтижо қиласман.

³ Мени ўлим тўрлари ўраб олди,
Ўликлар диёрининг* азоблари бошимга тушди,
Мени босди дарду ғам, аламлар.

⁴ Шунда Эгамга илтижо қилдим:
“Эй Эгам, ёлвораман, мени қутқаргин!”

⁵ Эгамиз меҳрибон, одилдир,
Худойимиз раҳмдилдир.

⁶ Эгамиз содда инсонларни ҳимоя қиласди,
Хавф-хатарда қолганимда, У мени қутқарди.

⁷ Эй жоним, яна хотиржам бўлгин,
Эгам менга эзгулик қилган.

⁸ Эгам жонимни ўлимдан қутқариб қолди,
Кўзларимни ёш тўкишдан,
Оёғимни қоқилишдан қутқарди.

⁹ Тириклар диёрида эканман
Эгамнинг йўлидан юравераман.

115-САНО

¹ Жуда кўп азоб чексам ҳам,
Худога бўлган ишончим йўқолмади.

² Ўйламасдан*: “Ҳамма одамлар ёлғончидир”,
дедим.

³ Эгам менга қилган яхшиликларини
Унга қандай қилиб қайтарай?

⁴ Нажот топганимни нишонлайман,
Эгамга сажда қиласман.

⁵ Эгамиз халқининг кўзи олдида
Унга берган онтимни адо этаман.

⁶ Тақводорларнинг ўлими
Эгамизнинг назарида жуда аччиқдир.

⁷ Эй Эгам, мен Сенинг қулингман,
Чўрингнинг ўғлимани,

Ўзинг кишанлардан мени озод қилассан.

⁸ Шукрона қурбонлигини Сенга назр қиласман,
Сенга сажда қиласман.

⁹⁻¹⁰ Куддусда, Сенинг уйинг ҳовлиларида,
Жамики халқингнинг кўзи олдида
Эй Эгам, Сенга берган онтимни адо этаман.

Эгамизга ҳамду санолар бўлсин!

116-САНО

¹ Эй барча халқлар, Эгамизга ҳамду санолар
бўлсин!

Эй жамики элатлар, Уни олқишлиланглар!

² Зеро, Унинг бизга бўлган севгиси улуғдир,
Эгамизнинг садоқати то абад давом этар.

Эгамизга ҳамду санолар бўлсин!

117-САНО

¹ Эгамизга шукрона айтинг, У яхшидир,
Унинг содиқ севгиси абадийдир.

² Истроил халқи шундай десин:
“Унинг содиқ севгиси абадийдир.”

³ Ҳорун авлоди шундай айтсин:
“Унинг содиқ севгиси абадийдир.”

⁴ Эгамиздан қўрқанлар шундай айтсин:
“Унинг содиқ севгиси абадийдир.”

⁵ Кулфатда қолганимда Эгамга илтижо қилдим,
Жавоб бериб, У мени озод қилди.

⁶ Эгам мен билан бирга, шу боис қўрқмайман.
Инсонлар менга нима қила олади?!

⁷ Эгам мен билан бирга, У менга мадад беради,
Кўзларим душманларим мағлубиятини кўради.

⁸ Инсондан умид қилғандан кўра,

Эгамиздан паноҳ излаш яхшидир.

⁹ Шаҳзодалардан умид қилғандан кўра,

Эгамиздан паноҳ излаш яхшидир.

¹⁰ Душман халқлар ўраб олган атрофимни,

Эгамнинг қудрати билан уларни улоқтиридим.

¹¹ Ҳар тарафдан ўраб, менга ҳужум қилғанди,

Эгамнинг қудрати билан уларни улоқтиридим.

¹² Атрофимни арилардай ўраб олдилар,

Тикан алангасидай лов этдилар-да, ўчдилар,

Эгамнинг қудрати билан уларни улоқтиридим.

¹³ Мени қаттиқ туртганларида, йиқилаёздим,

Эгам менга мадад берди.

¹⁴ Эгам менинг куч-қудратимдир*,

У менинг қутқарувчимдир.

¹⁵ Солиҳларнинг чодирларида

Шодлик, зафар қўшиқлари жаранглайди:

“Эгамизнинг ўнг қўли мағлуб қиласди.

¹⁶ Эгамизнинг ўнг қўли баланд кўтарилади,

Ҳа, Эгамизнинг ўнг қўли мағлуб қиласди.”

¹⁷ Мен ўлмайман. Ҳа, мен яшайман,

Эгамнинг ишларини нақл қиласман.

¹⁸ Эгам мени қаттиқ жазолади,

Лекин ўлишимга йўл қўймади.

¹⁹ Адолат дарвозаларини менга очинглар,

Токи мен дарвозадан кириб,

Эгамга шукроналар айтайн.

²⁰ Бу Эгамизнинг дарвозасидир,

Солиҳлар шу дарвозадан кирсин.

²¹ Эй Эгам, ибодатимга жавоб берганинг учун,

Менинг нажоткорим бўлганинг учун

Сенга шукронга айтаман.

²² Бинокорлар рад этган тош

Бинонинг тамал тоши* бўлди.

²³ Бу Эгамизнинг қилган ишидир,

Кўз олдимиздаги ажойиботдир.

²⁴ Эгамиз яратган кундир бу,

Бу кунда шод бўлиб, севинайлик.

²⁵ Нажот бер бизга, ёлворамиз, эй Эгам!

Муваффақият бер, ўтинамиз, эй Эгам!

²⁶ Эгамиз номидан келадиган зот барака топсин,

Эгамиз уйидан туриб, сени дуо қиласмиш.

²⁷ Эгамиз Худодир, У бизга нур берган.

Байрам нишонлашни бошланг!
Пальма шохларини олиб, қурбонгоҳ олдига
боринг*.

²⁸ Сен Худойимсан, Сенга шукур айтаман,
Сен Худойимсан, Сени улуғлайман.

²⁹ Эгамизга шукронда айтинг, У яхшидир,
Унинг содик севгиси абадийдир.

118-САНО

¹ Бахтлидир йўллари пок бўлганлар,
Эй Эгам, Сенинг қонунинг бўйича юрадиганлар.

² Бахтлидир Сенинг шартларингга риоя
қиласиганлар,

Бутун қалби билан Сенга интиладиганлар.

³ Улар асло ноҳақ иш қилмайдилар,
Сенинг йўлларингдан юрадилар.

⁴ Ўзинг бизга амр бериб,
Буйруқларимга диққат ила итоат этинг,
дегансан.

⁵ Қанийди фармонларингни адо этишда
барқарор бўлсам!

⁶ Мен шарманда бўлиб қолмай, дея
Ҳамма амрларингга диққат қиласман.

⁷ Сенинг одил қоидаларингни ўрганганимда,
Тоза қалб ила ҳамду сано айтаман Сенга.

⁸ Сенинг қонунларингни бажараман,
Мени ҳеч қачон тарк этмагин.

⁹ Йигит қандай қилиб йўлларини пок сақлайди?
Каломинг бўйича яшаб, шунга эришади.

¹⁰ Бутун қалбим билан Сенга интиламан,
Амрларингдан оғишимга йўл қўймагин.

¹¹ Сўзларингни юрагимда асрайман,
Токи Сенга қарши гуноҳ қилмайин.

¹² Эй Эгам, Сенга олқишилар бўлсин,
Фармонларингни ўргатгин менга.

¹³ Оғзингдан чиққан барча қоидаларни
Ўз оғзим билан эълон қиласман.

¹⁴ Шартларингга эргашиб, лаззат топаман,
Гўё катта бойлик топиб хурсанд бўламан.

¹⁵ Буйруқларинг ҳақида чуқур фикр юритаман,
Сенинг йўлларингга диққат қиласман.

¹⁶ Фармонларингдан лаззат оламан,
Каломингни мен унутмасман.

¹⁷ Мен, Ўз қулингга яхшилик қилгин,
Токи яшаб, каломингга итоат этайин.

¹⁸ Кўзларимни оч, токи кўрайин

- Қонунингдаги ажайиботларни.
- ¹⁹ Ер юзида мусофирай яшайман,
Амларингни мендан яширма.
- ²⁰ Жоним қуймоқда ҳасрат билан,
Қоидаларингни ўрганишни доим истайман.
- ²¹ Лаънатланган такаббурларга,
Амларингдан оғиб кетгандарга Сен танбех
берасан.
- ²² Ҳақорат, хўрликни мендан узоқлаштири,
Ахир, шартларингни доим бажарганман.
- ²³ Ҳатто шаҳзодалар тўпланиб, менга бўхтон
қилсалар ҳам
Мен фармонларинг ҳақида чуқур фикр
юритаман.
- ²⁴ Сенинг шартларинг менга лаззат бағишлайди,
Шартларинг мен учун маслаҳатчиidlар.
- ²⁵ Жоним чиқай деб турибди,
Ваъдангга кўра, ҳаётимни сақлагин.
- ²⁶ Ҳаётим ҳақида Сенга айтиб бердим,
Сен жавоб бердинг.
Энди фармонларингни менга ўргатгин.
- ²⁷ Менга буйруқларингни тушунтири,
Токи мўъжизаларинг ҳақида чуқур фикр юритай.
- ²⁸ Жоним адо бўлди ғам–ғуссадан,
Кувват бергин менга ваъдангга биноан.
- ²⁹ Сохта йўллардан мени сақлагин,
Илтифот ила қонунингни менга ўргатгин.
- ³⁰ Мен садоқат йўлини танлаганман,
Қоидаларингни юрагимга жо қилганман.
- ³¹ Эй Эгам, шартларингни маҳкам ушлаганман,
Энди шарманда бўлишимга йўл қўймагин.
- ³² Жоним билан амларингни бажараман,
Зотан, менга кўп заковат ато қиласан.
- ³³ Эй Эгам, менга фармонларингни ўргат,
Токи мен уларни охиригача бажарайин.
- ³⁴ Заковат бер менга, токи қонунингга риоя
қиласай,
Чин қалбимдан қонунингни бажарай.
- ³⁵ Амларинг сўқмоғидан мени етаклагин,
Мен ундан лаззат топаман.
- ³⁶ Юрагимни ноҳақ фойда томон эмас,
Ўз шартларинг томон бургин.
- ³⁷ Кўзларимни бефойда нарсалардан қайтаргин,
Ваъдангга биноан ҳаётимни сақлагин*.
- ³⁸ Мен, Ўз қулингга берган ваъданга тургин,
Бу ваъданг Сендан қўрқадиганлар учундир.
- ³⁹ Шармандалиқдан қўрқаман, мендан узоқ қил,
Зотан, қоидаларинг эзгудир.

- ⁴⁰ Буйруқларингга нақадар талпинаман,
Адолатинг билан ҳаётимни сақлагин.
- ⁴¹ Содиқ севгингни, эй Эгам, менга кўрсат,
Ваъданнга кўра, менга нажот бер.
- ⁴² Шунда мени ҳақорат қилганларга жавоб
бераман,
Сенинг каломингга умид қиласман.
- ⁴³ Оғзимдан ҳақиқат каломини тамом тортиб
олма,
Сенинг қоидаларингга умид боғлаганман.
- ⁴⁴ Қонунингга доимо риоя қиласман,
Абадулабад уни бажараман.
- ⁴⁵ Мен озод бўлиб юравераман,
Буйруқларингни излаб топганман.
- ⁴⁶ Шоҳлар олдида шартларингдан сўйлайман,
Шарманда бўлмасман.
- ⁴⁷ Амрларингдан лаззат топаман,
Мен амрларингни севаман.
- ⁴⁸ Амрларингга иззату севги кўрсатаман,
Фармонларинг ҳақида чуқур фикр юритаман.
- ⁴⁹ Эсла мен, қулингга берган ваъдангни,
Сен ваъда бериб, умидвор қилгансан мени.
- ⁵⁰ Кулфатда қолганимда шу менга тасалли
беради,
Сенинг ваъданг менинг ҳаётимни сақлади.
- ⁵¹ Такаббур мени тамом масхара қиласди,
Шунда ҳам қонунингдан юз ўгирмасман.
- ⁵² Азалий қоидаларингни, эй Эгам, эслайман,
Бу қоидаларингдан мен тасалли топаман.
- ⁵³ Фосиқ қонунингдан юз ўгирган,
Шу боис мен қаттиқ ғазабланаман.
- ⁵⁴ Қаерда бошпана қилган бўлмайин,
Фармонларингни қўшиқ қилиб куйлайман.
- ⁵⁵ Эй Эгам, тунда ҳам Сени эслайман,
Сенинг қонунларингга риоя этаман.
- ⁵⁶ Бу менга одат бўлган эди,
Буйруқларингга риоя қилдим.
- ⁵⁷ Эй Эгам, Сен менинг хавфсизлигим манбаисан,
Каломингга итоат этаман, деб ваъда бераман.
- ⁵⁸ Жамолингни изладим чин қалбимдан,
Мехрибон бўл менга ваъданнга биноан.
- ⁵⁹ Йўлларимга диққат қилдим,
Шартларинг бўйича қадам босаман.
- ⁶⁰ Мен шошиламан, кечикмасман
Амрларингга итоат этмоқ учун.
- ⁶¹ Фосиқлар мени арқонлар билан боғлайди,
Шунда ҳам Сенинг қонунингни унутмайман.

⁶² Ярим тунда уйғониб, одил қоидаларинг учун
Сенга ҳамду сано айтаман.

⁶³ Сендан қўрққанларга мен дўстман,
Буйруқларингга риоя қилганларга шерикман.

⁶⁴ Эй Эгам, содиқ севгингдан замин тўлгандир,
Фармонларингни менга ўргат.

⁶⁵ Эй Эгам, Ўзинг берган ваъдангга мувофиқ
Мен, Ўз қулингга яхшилик қилдинг.

⁶⁶ Менга донолик, зукколик бергин,
Сенинг амрларингга ишондим.

⁶⁷ Жазо олмасимдан олдин адашар эдим,
Энди Сенинг сўзингга итоат этаман.

⁶⁸ Нақадар яххисан, эзгулик қиласан,
Фармонларингни менга ўргатгин.

⁶⁹ Такаббур ёлғон сўйлаб, мени қорага чаплар,
Мен эса чин қалдан буйруқларингга итоат
этаман.

⁷⁰ Уларнинг қалбини ёғ боғлаган,
Мен эса қонунингдан лаззат оламан.

⁷¹ Тортган жазоим менга сабоқ бўлди,
Шу орқали фармонларингни ўргандим.

⁷² Минглаб олтину кумушдан кўра,
Яхшидир мен учун оғзингдан чиққан қонун.

⁷³ Қўлларинг мени яратган, барпо қилган,
Амрларингни ўрганишга менга идрок бергин.

⁷⁴ Сендан қўрққанлар мени қўриб, севинсинлар,
Зотан, Сенинг каломингда умид қилганман.

⁷⁵ Эй Эгам, хукмларинг адолатлиигини биламан,
Менга жазо берганингда, Сен ҳақ эдинг.

⁷⁶ Мен, Ўз қулингга берган ваъдангга кўра,
Содиқ севгинг менга тасалли бўлсин.

⁷⁷ Менга шафқат қилгин, тики яшайин,
Ахир, Сенинг қонунинг мен учун лаззат.

⁷⁸ Ёлғон гапириб, менга зарап қилгани учун
Такабурлар шарманда бўлсин.

Мен эса буйруқларинг ҳақида фикр юритаман.

⁷⁹ Мен томон келсин Сендан қўрққанлар,
Сенинг шартларингни биладиганлар.

⁸⁰ Фармонларингни битта қолмай бажарай,
Тики мен шарманда бўлиб қолмай.

⁸¹ Нажотингни кутиб, жоним адo бўлмоқда,
Сенинг каломингдан умид қилмоқдаман.

⁸² Ваъдаларингни кутиб, кўзимнинг нури сўнади,
“Қачон менга тасалли берасан?” дея сўрайман.

⁸³ Тутунда қорайиб, бужмайган мешдай* бўлсам
ҳам,

Сенинг фармонларингни мен унутмаганман.

- ⁸⁴ Қачонгача мен, қулинг, кутишим керак?
 Мени таъқиб қилувчиларни қачон ҳукм қиласан?
- ⁸⁵ Такаббурлар менга чуқур қазирлар,
 Сенинг қонунингга улар қарши чиқарлар.
- ⁸⁶ Ҳамма амрларинг умидбахшдир.
 Мени сабабсиз таъқиб этарлар, ёрдам бер!
- ⁸⁷ Улар мени ер юзидан йўқ қилай, деди,
 Аммо буйруқларингни мен тарк этмадим.
- ⁸⁸ Содиқ севгинг ҳақи сақла ҳаётимни,
 Токи оғзингдан чиқсан шартларга риоя қилай.
- ⁸⁹ Каломинг, эй Эгам, то абаддир,
 У самоларда мустаҳкам туради.
- ⁹⁰ Сенинг садоқатинг насллар оша давом этади,
 Ерни барқарор қилгансан, у то абад тураверади.
- ⁹¹ Қоидаларинг туфайли
 Еру осмон бугун ҳам мустаҳкамдир,
 Бутун олам қўлинг остидадир.
- ⁹² Агар қонунинг мен учун лаззат бўлмасайди,
 Тортган ғаму қулфатларимдан тамом бўлардим.
- ⁹³ Мен буйруқларингни ҳеч қачон унутмайман,
 Булар орқали Сен ҳаётимни сақлагансан.
- ⁹⁴ Мен Сеникидирман, мени қутқаргин,
 Зотан, мен буйруқларингни бажаришга
 интилганман.
- ⁹⁵ Фосиқлар мени ўлдиришга пайт пойлайди,
 Мен эса шартларинг ҳақида чуқур фикр
 юритаман.
- ⁹⁶ Жамики комилликнинг чекланганини кўрдим,
 Сенинг амрларинг эса чегарасиздир.
- ⁹⁷ О, нақадар севаман қонунингни!
 Кун бўйи хаёлимда тутаман уни.
- ⁹⁸ Амрларинг мени ғанимларимдан кўпроқ доно
 қилди,
 Амрларинг доимо мен билан бирга.
- ⁹⁹ Барча устозларимдан ҳам зийракроқ бўлдим,
 Сенинг шартларинг устида фикр юритаман.
- ¹⁰⁰ Ёши улуғлардан ҳам донороқ бўлдим,
 Чунки Сенинг буйруқларингга итоат этаман.
- ¹⁰¹ Ҳар қандай ёмон йўлдан қадамимни тийдим,
 Токи Сенинг каломингга итоат этай дедим.
- ¹⁰² Қоидаларингдан мен қайтмадим,
 Менга Ўзинг таълим бергансан.
- ¹⁰³ Сўзларинг мен учун нақадар мазалидир,
 Асалдан ҳам ширин туюлар оғзимга.
- ¹⁰⁴ Буйруқларинг туфайли мен доно бўламан,
 Ҳар қандай ёлғон йўлдан нафратланаман.
- ¹⁰⁵ Сенинг каломинг қадамларим учун чироқдир,

Йўлимга нур сочадиган ёруғлиқдир.

¹⁰⁶ Адолатли қоидаларингни бажараман, деб
ОНт ичдим ва бу онтимга вафо қиласман.

¹⁰⁷ Эй Эгам, мен кўп жафо чекдим,
Ваъдангга кўра, ҳаётимни сақла.

¹⁰⁸ Эй Эгам, мақтов назрларимни қабул этгин,
Менга қоидаларингни ўргатгин.

¹⁰⁹ Ҳаётим ҳар он хавфда бўлса ҳам,
Сенинг қонунингни мен унутмайман.

¹¹⁰ Фосиқлар менга тузоқ қўйдилар,
Шунда ҳам буйруқларингдан оғиб кетмадим.

¹¹¹ Сенинг шартларинг то абад менинг
мулкимдир,

Шартларинг қалбимнинг қувончиdir.

¹¹² Фармонларингни то абад ижро этмоққа
Юрагимни мойил қилдим.

¹¹³ Иккиюзламачилардан мен нафратланаман,
Сенинг қонунингни севаман.

¹¹⁴ Сен менинг паноҳимсан, қалқонимсан,
Сенинг каломингга умид боғлайман.

¹¹⁵ “Эй бадкирдорлар, йўқолинг кўз олдимдан,
Мен Худойимнинг амрларини бажарай”, деб
айтаман.

¹¹⁶ Ваъдангга кўра, менга таянч бўл, токи
яшайин,

Умидим пучга чиқмасин, шарманда бўлмайин.

¹¹⁷ Суянчиқ бўл менга, токи нажот топайин,
Фармонларингга доим диққат билан боқайин.

¹¹⁸ Фармонларингдан тойганларни рад этдинг,
Уларнинг ҳийлаю найранглари беҳудадир.

¹¹⁹ Ер юзидағи жамики фосиқларни
Ахлатдай улоқтириб ташлайсан,
Шу боис мен шартларингни севаман.

¹²⁰ Сендан қўрққанимдан вужудим титрайди,
Хукмларингдан мени ваҳима босади.

¹²¹ Адолатли, тўғри ишлар қилганман,
Мени золимлар қўлида қолдирма.

¹²² Мен, қулингнинг баҳтига кафолат бергин,
Такаббурлар мени эзишларига йўл қўймагин.

¹²³ Нажотингни кутавериб, қўзим тўрт бўлди,
Ваъда қилган нажотинг армонида қўзим нури
тўкилди.

¹²⁴ Мен, Ўз қулингга содиқ севгингни қўрсатгин,
Фармонларингни менга ўргатгин.

¹²⁵ Сенинг қулингман, менга идрок бергин,
Токи мен шартларингни билиб олайин.

¹²⁶ Эй Эгам, вақти келди, Ўз ишингни қил,
Сенинг қонунинг бузилди.

- ¹²⁷ Чиндан ҳам Сенинг амрларингни
Олтиндан, энг соф олтиндан ҳам қўпроқ севаман.
¹²⁸ Сенинг буйруқларингга қўра, қадам босаман,
Ҳар қандай ёлғон йўлдан нафратланаман.
- ¹²⁹ Сенинг шартларинг ажойибdir,
Шу боис уларга итоат этаман.
¹³⁰ Каломингнинг таълимоти зиё сочади,
Соддаларга ақл-идрок беради.
¹³¹ Оғзим очилиб, оғир нафас оламан,
Чунки Сенинг амрларингга жуда интиламан.
¹³² Мен томон юз бур, менга шафқат қилгин,
Ахир, Сени севганларга доим шафқат кўрсатасан.
¹³³ Сўзингга қўра, қадамимни Ўзинг бошқаргин,
Ҳеч қачон устимдан гуноҳ хукмон бўлмасин.
¹³⁴ Инсон зулмидан мени қутқаргин,
Токи Сенинг буйруқларингга итоат этайин.
¹³⁵ Жамолинг менга нурларини сочсин,
Фармонларингни менга ўргатгин.
¹³⁶ Кўзларимдан ёшлар дарё бўлиб қуйилар,
Ахир, одамлар қонунингга риоя қилмаяпти.
- ¹³⁷ Сен одилсан, эй Эгам,
Хукмларинг адолатлидир.
¹³⁸ Адолат ила шартларингни буюргансан,
Тамомила ишончлидир шартларинг.
¹³⁹ Газабим мени адо қилмоқда,
Душманларим қаломингни рад этмоқда.
¹⁴⁰ Ваъдаларинг нақадар софдир!
Мен ваъдаларингни нақадар севаман!
¹⁴¹ Мен кераксизман, хўрланганман,
Буйруқларингни унутмайман.
¹⁴² Сенинг адолатинг мангудир,
Сенинг қонунинг ҳақиқатдир.
¹⁴³ Бошимга қулфату азоб келди,
Амрларинг менга завқ берар.
¹⁴⁴ Шартларинг то абад адолатлидир,
Идрок бергин менга, токи яшайин.
- ¹⁴⁵ Эй Эгам, чин қўнгилдан ёлвораман, жавоб бер,
Фармонларингга риоя қиламан.
¹⁴⁶ Сенга фарёд қиламан, мени қутқаргин,
Токи шартларингга мен риоя қилай.
¹⁴⁷ Кун чиқмасдан Сендан мадад сўраб фарёд
қиламан,
Сенинг қаломингга мен умид боғлайман.
¹⁴⁸ Сенинг ваъдангни чуқур англай деб,
Кўзларимга тун бўйи уйқу келмайди.
¹⁴⁹ Содик севгингга қўра, овозимни эшитгин,
Эй Эгам, адолатинг билан ҳаётимни сақлагин.

- ¹⁵⁰ Қабиҳ режа тузадиганлар яқын келмоқда,
Улар қонунингдан узоқда юради.
- ¹⁵¹ Сен эса, эй Эгам, ёнимдасан,
Ҳамма амрларинг ҳақиқатдир.
- ¹⁵² Қонунингни Сен мангу барқарор қилгансан,
Ёшлигимдан буни мен биламан.
- ¹⁵³ Азобларимга қарагин, мени қутқаргин,
Ахир, мен Сенинг қонунингни унутмадим.
- ¹⁵⁴ Менинг даъвоимни исбот қил, мени қутқар,
Ваъдангга кўра, ҳаётимни сақла.
- ¹⁵⁵ Фосиқдан нажот узоқдадир,
Сенинг фармонларингни улар изламаслар.
- ¹⁵⁶ Эй Эгам, шафқатинг буюқдир,
Адолатинг билан ҳаётимни сақла.
- ¹⁵⁷ Мени таъқиб қилувчи душманларим кўп,
Мен шартларингдан юз ўғирмайман.
- ¹⁵⁸ Маккорларга нафрат ила қарайман,
Улар Сенинг амрларингга риоя қилмайди.
- ¹⁵⁹ Қарагин, нақадар севаман буйруқларингни,
Содик севгингга кўра, сақлагин ҳаётимни.
- ¹⁶⁰ Каломинг моҳияти ҳақиқатдир,
Адолатли қоидаларинг то абад давом этади.
- ¹⁶¹ Ҳукмдорлар мени сабабсиз таъқиб қилар,
Юрагим каломингдан қўрқиб титраб тураг.
- ¹⁶² Худди улкан хазина топган одамдай,
Сенинг сўзингдан шод бўламан.
- ¹⁶³ Ёлғондан нафратланиб, жирканаман,
Сенинг қонунингни эса севаман.
- ¹⁶⁴ Сенинг адолатли қоидаларинг туфайли
Етти марта кунига Сени мадҳ қиламан.
- ¹⁶⁵ Қонунингни севганлар буюк тинчликка эга
бўлар,
Ҳеч нарса уларга тўсиқ бўла олмайди.
- ¹⁶⁶ Эй Эгам, мен нажотингга умид қиламан,
Мен Сенинг амрларингни бажараман.
- ¹⁶⁷ Шартларингга итоат этаман,
Мен уларни ғоятда севаман.
- ¹⁶⁸ Буйруқ, шартларингга риоя қиламан,
Ҳамма йўлларим Сенга маълумдир.
- ¹⁶⁹ Эй Эгам, оҳу нолам етсин Сенга,
Каломингга кўра, менга идрок бергин.
- ¹⁷⁰ Илтижоим етиб борсин Сенга,
Берган ваъдангга кўра, мени қутқаргин.
- ¹⁷¹ Лабларимдан ҳамду сано тўлиб-тошсин,
Менга ўргатасан фармонларингни.
- ¹⁷² Тилим қуйлади Сенинг ваъдангни,
Зотан, адолатлидир барча амрларинг.

¹⁷³ Менга ёрдамга тайёр тургин,
Зотан, танлаганман мен буйруқларингни.
¹⁷⁴ Эй Эгам, нажотингга талпинаман,
Сенинг қонунингдан лаззат топаман.
¹⁷⁵ Умр бер менга, ҳамду сано айтайин Сенга,
Қоидаларинг ёрдам берсин менга.
¹⁷⁶ Адашган қўйдай йўлдан озганман,
Излаб топ мени, Ўз қулингни.
Зотан, мен амрларингни унутмаганман.

119-САНО

*Зиёрат қўшиғи**.

¹⁻² Қайғу-аламдан Эгамга фарёд қилдим:
“Эй Эгам, ёлғончи лаблардан,
Маккор тилдан жонимни асрагин!”
У фарёдимга жавоб берди.

³ Эй маккор тил, Эгамиз бошингга не кунни солар
экан?
Сенга қандай жазо берар экан?
⁴ У жангчининг ўткир ўқлари билан сени
жазолайди,
Ёнаётган юлғун бутасининг чўғлари билан сенга
жазо беради.

⁵ Ҳолимгавой, Мешеҳда мусофириман,
Кедар* чодирлари орасида яшайман.
⁶ Тинчлиқдан нафрат этувчи халқ орасида
Яшащдан чарчадим.
⁷ Мен тинчлик тарафдориман,
Аммо гапирай деб, оғиз очсан,
Улар урушни истайдилар.

120-САНО

Зиёрат қўшиғи.

¹ Тоғларга тикаман қўзларимни,
Қаердан келар менга мадад?
² Еру осмонни яратган
Эгамдан келар менга мадад.

³ Қоқилишингга У йўл қўймас,
У посбонингдир, асло мудрамас.
⁴ Ҳа, Истроилнинг посбонидир У,
Мудрамайди, ухламайди У.

⁵ Эгамиздир сенинг посбонинг,
Эгамиздир ёнингдаги соянг сенинг.
⁶ Кундузи офтоб сени урмас,

Кечаси ой сенга заар өтказмас.
⁷ Эгамиз сени ҳар қандай хатардан асрайди,
Жонингни Эгамиз омон сақлайди.
⁸ Ҳозир ва то абад қаерга борсанг ҳам,
Эгамиз доим сенга посбонлик қилади.

121-САНО

Довуднинг зиёрат қўшиғи.

¹ “Эгамизнинг уйига борайлик”, деб
Менга айтганларида шод бўлдим.
² Мана турибмиз, эй Қуддус,
Дарвозаларинг ичкарисида.
³ Қуддус яхши қурилган шаҳардир,
Деворлари бир-бирига туташтириб
солингандир.
⁴ Истроил халқига берилган қонунга кўра,
Қабилалар у ерга чиқиб борарлар!
Ха, Эгамизнинг қабилалари
Унга шукур айтмоқ учун чиқиб борарлар!
⁵ У ерда ҳукм тахтлари ўrnashgan,
Ха, Довуд хонадонининг тахтлари
У ерда жойлашган.
⁶ Дуо қилинг Қуддуснинг тинчлиги учун:
“Уни севганлар ҳузур-ҳаловат топсин.
⁷ Деворлари ичидаги тинчлик бўлсин,
Қалъалари бехатар бўлсин.”
⁸ Қариндошларим, дўстларим ҳақи-ҳурмати,
Қуддусга тинчлик бўлсин, дея айтаман.
⁹ Эгамиз Худонинг уйи ҳақи-ҳурмати
Қуддуснинг иқболини излайман.

122-САНО

Зиёрат қўшиғи.

¹ Эй самоларда таҳт қурган Худо!
Кўзларимни Сенга тикаман.
² Эй Эгамиз Худо!
Бизга шафқатингни кўрсатгин дея,
Биз Сендан умид қиласиз.
Хўжайнини қўлига қараган
Кулларнинг кўзлари каби,
Бекасининг қўлига қараган
Чўри қизнинг кўзлари каби,
Кўзларимиз Сенга қадалган.
³ Шафқат қил, эй Эгам, шафқат қил бизга,
Кўрган хўрликларимиз етиб ортар.

⁴ Беғамларнинг масхаралаши жонимиздан
тўйдирди,
Киборларнинг ҳақоратидан пичоқ бориб суюкка
етди.

123-САНО

Довуднинг зиёрат қўшиғи.

¹ Энди Истроил шундай десин:
“Эгамиз биз томонда бўлмаса эди,
² Ҳа, Эгамиз биз томонда бўлмаса эди,
Фанимларимиз бизга ҳужум қилганда,
³ Улар бизга ғазабини сочганда,
Бизни тириклайн ютган бўларди.
⁴ Тўфон бизни гирдобига тортган бўларди,
Сел бизни босиб олган бўларди.
⁵ Пишқирган сувлар устимиздан босган бўларди.”

⁶ Эгамизга олқишлиар бўлсин,
Йиртқич тишларга бизни ўлжа қилиб қўймади.
⁷ Биз овчининг тузоғидан қутулган
Қушларга ўхшаймиз.
Тузоқ синиб, биз қутулдик.

⁸ Еру осмонни яратган Эгамиздан
Бизга мадад келади.

124-САНО

Зиёрат қўшиғи.

¹ Эгамизга умид боғлаганлар Сион тоғига ўхшар,
Ҳеч қачон тебранмас, то абад мустаҳкам турар.
² Тоғлар Қуддусни ўрагандай,
Хозирдан бошлаб, то абад
Эгамиз Ўз халқини ўраб олгандир.

³ Фосиқ шоҳнинг салтанат ҳассаси*
Солиҳларнинг юртида узоқ қолмайди.
Бўлмаса солиҳлар қўлларини ёмон ишларга
узатади.

⁴ Эй Эгам, юраги тўғри бўлганларга,
Яхшиларга яхшилик қилгин.
⁵ Эй Эгам, эгри йўлларга бурилганларни
Бадкирдорлар билан бирга ҳайдаб юборгин.
Истроил узра тинчлик бўлсин!

125-САНО

Зиёрат қўшиғи.

- ¹ Эгамиз Қуддусни* яна фаровонликка
эриштирганда*,
Туш қўраётган одамларга ўхшар эдик.
² Оғзимиз кулги билан,
Тилларимиз шодлик қўшиғи билан тўла эди.
Шунда халқлар айтдилар:
“Улар учун Эгамиз буюк ишлар қилди.”
³ Ҳа, Эгамиз биз учун буюк ишлар қилганди,
Биз қувончга тўлгандик.

⁴ Нагав чўлидаги сойликларни қайта сувга
тўлдиргандай,
Эй Эгам, фаровонлигимизни қайта тиклагин.
⁵ Кўз ёш билан уруғ экканлар
Шодлик қўшиқлари ила ҳосил ўради.
⁶ Йиғлаб, уруғ халтасини олиб борувчилар
Шодлик қўшиқлари билан қайтиб келади,
Дон боғламларини олиб қайтади.

126-САНО

Сураймоннинг зиёрат қўшиғи.

- ¹ Агар уйни Эгамиз қурмаса,
Қурувчиларнинг иши бекор бўлади.
Агар Эгамиз шаҳарни қўриқламаса,
Қоровул бехуда пойлоқчилик қиласди.
² Эрта туриб, кеч ётганингиз ҳам,
Овқат топай деб, тортган мاشаққатингиз ҳам
бекордир.
Эгамиз Ўз севганларининг эҳтиёжини
Уйқуларида ҳам қондиради*.

³ Ўғиллар Эгамидан меросдир,
Фарзандлар Ундан мукофотдир.
⁴ Ёшлигинизда туғилган ўғилларингиз
Жангчининг кўлидаги ўқлардайдир.
⁵ Ўқдони тўла шундай инсон баҳтлидир!
Шаҳар дарвозаси олдида
Душмани билан даъволашганда,
У шарманда бўлиб қолмайди.

127-САНО

Зиёрат қўшиғи.

- ¹ Эй Эгамидан қўрқсанлар, ҳаммангиз
баҳтлисиз,

Эй Унинг йўлидан юрадиганлар, сизлар
бахтлисиз.

² Меҳнатингиз самарасини ейсиз,
Бахти бўлиб, ҳузур–ҳаловатга етасиз.

³ Хотинингиз ҳовлингиздаги серҳосил
Узум токига ўхшаган бўлади.

Дастурхонингиз атрофидаги болаларингиз
Ёш зайдун кўчатига ўхшаган бўлади.

⁴ Эй Эгамиздан қўрқадиганлар,
Шу тариқа барака топасиз.

⁵ Эгамиз Қуддусдан туриб сизга барака берсин,
Умрингиз бўйи Сионнинг гуллаб–яшнашини
кўринг.

⁶ Яшайверинг сиз, невара–чевара кўринг,
Исройл узра тинчлик бўлсин!

128-САНО

Зиёрат қўшиғи.

¹ Исройл шундай деб айтсин:
“Улар ёшлигимдан менга кўп зулм ўтказиб
келди.

² Ҳа, ёшлигимдан менга зулм ўтказиб келган,
Аммо мени енга олмаганлар.

³ Мени савалаб, елкаларимда чуқур излар
қолдирдилар,
Яраларим даладаги узун жўякларга ўхшар.

⁴ Эгамиз адолатпарвардир,
Фосиқларнинг арқонини қирқиб, мени озод
қилди.”

⁵ Қуддусдан* нафратланганларнинг ҳаммаси
Шарманда бўлиб, ортига қайтсин.

⁶ Том устидаги ўтларга* ўхшасин улар,
Ўсмасдан олдин қуриб қолсинлар.

⁷ Бундай ўтга ўроқчиларнинг ҳовучи тўлмайди,
Боғловчиларнинг қучоғи тўлмайди.

⁸ Ўтган–кетганлар уларга:
“Эгамиз сизларга барака берсин,
Эгамиз номи билан сизларни дуо қиласиз!” деб
айтмасин.

129-САНО

Зиёрат қўшиғи.

¹ Эй Эгам, тубсиз сувлардан Сенга нола қиласман.

² Эй Раббий, менинг овозимни эшитгин!

Илтижоларимга диққат ила қулоқ солгин!

³ Эй Эгам, гуноҳларни ҳисобга олсанг агар,
Эй Раббий, ким ҳам бардош бера олар?!

⁴ Аммо Сен кечиримлисан,
Шу боис Сендан қўрқамиз.

⁵ Эгамга умид боғлайман,
Ҳа, жоним Унга талпинади.

Унинг каломига умид боғлайман.

⁶ Тонгни кутган посбондан ҳам кўпроқ,
Ҳа, тонгни кутган посбондан ҳам кўпроқ
Менинг жоним Раббийга талпинади.

⁷ Эй Истроил! Умид қилгин Эгамииздан!
Эгамииз содиқ севгисини кўрсатади.

Кутқаришга У доим тайёр!

⁸ Истроилни барча гуноҳларидан
Кутқарадиган Унинг йўзидир.

130-САНО

Довуднинг зиёрат қўшиғи.

¹ Эй Эгам, юрагимда мағрурлик йўқ,
Кўзларим асло киборларча боқмайди.
Менга ғоят ҳайратли бўлган, буюк ишлар билан
Мен ўзимни банд қилмайман.

² Бола онаси бағрида тинчлангандай,
Мен ҳам енгил тортиб, тинчланганман.
Ҳа, жоним тинчланган.

³ Эй Истроил! Ҳозир ҳам, агадулабад Эгамииздан
умид қилгин!

131-САНО

Зиёрат қўшиғи.

¹ Эй Эгам, эслагин Довудни,
У тортган барча азоб-уқубатларни!

² Эй Эгам, у Сенга қасам ичганди.
Эй Ёқубнинг қудратли Худоси,
У Сенга ваъда берганди:

³ “Мен асло уйимга кирмайман,
Ёки ўрнимга ётмайман.

⁴ Кўзларимга уйқу бермайман,
Қовоқларим юмилишига йўл қўймайман.

⁵ Эгамииз учун бир жой топмагунимча,
Ёқубнинг қудратли Худоси учун
Бир маскан бўлмагунча асло дам олмайман.”

⁶ Аҳд сандиғи Эфратда*, деб эшигандик,
Биз уни Йўр* далаларида топиб олдик.

⁷ “Эгамизнинг масканига борайлик,
Унинг пойига сажда қилайлик”, дедик.

⁸ Қани, кел, эй Эгам, оромгоҳингга
Кудратинг рамзи бўлган Сандиқ билан бирга.

⁹ Руҳонийларинг солиҳликни кийсинлар,
Тақводорларинг шодлиқдан қуласинлар!

¹⁰ Ўз қулинг Довуднинг ҳақи-хурмати,
Танлаган шоҳингни рад қилмагин.

¹¹ Эй Эгам, Сен Довудга онт ичган эдинг,
Сен шу онтингдан асло қайтмай дейсан:
“Ўзингдан бино бўлган ўғилларингдан
Бирини сенинг тахtingга ўтқазаман.

¹² Агар ўғилларинг Менинг аҳдимга риоя қилса,
Уларга ўргатган амрларимга итоат этса,
Уларнинг ўғиллари ҳам
Шоҳ бўлиб, то абад сенинг тахtingда ўтиради.”

¹³ Эй Эгам, Сен Куддусни* танлагансан,
У ерни Ўзингга маскан қилишни истагансан.

¹⁴ Сен шундай дединг:
“Мен то абад яшайдиган жой шу жойдир,
Бу ерда истиқомат қилишни истаганман.

¹⁵ Унинг озуқаларига мўл қилиб барака бераман,
У ердаги фақирларни тўйдирааман.

¹⁶ Руҳонийларни нажотга буркайман,
Тақводорлари шодлиқдан куйладилар!

¹⁷ Довуднинг наслини бу ерда кўкартираман,
Ўзим танлаган шоҳнинг чироғини ўчирмайман.

¹⁸ Унинг ғанимларини шармандаликка ўрайман,
Шоҳнинг бошидаги тожи эса порлаб
тураверади.”

132-САНО

Довуднинг зиёрат қўшиғи.

¹ Нақадар яхшидир, ёқимлидир
Биродарлар бирга аҳил яшасалар.

² Аҳиллик Ҳоруннинг бошига суртилган,
Соқолигача оқиб тушган қимматбаҳо
мойдайдир*,

Кийимлари ёқасидан оқиб тушган мой кабидир.

³ Сион тоғларига келадиган барака*
Хермон тоғидаги мўл шабнамга ўхшайди.
Сиондан Эгамиз Ўз баракасини ва абадий ҳаётни
беради.

133-САНО

Зиёрат қўшиғи.

¹ Эй сизлар — Эгамизнинг қуллари,
Эгамизнинг уйида кечаси хизмат қиласиганлар,
Эгамизни олқишиланг!

² Муқаддас маскан томон
Қўлларингизни кўтариб,
Эгамизни олқишиланг!

³ Еру осмонни яратган Эгамиз
Куддусдан* туриб, сизга барака берсин.

134-САНО

¹ Эгамизга ҳамду санолар бўлсин!

Эгамизнинг номига мадҳиялар бўлсин!
Ҳамду сано айтинг, эй Эгамизнинг қуллари,
² Эй Эгамизнинг уйида хизмат қиласиганлар,
Эй Эгамиз уйининг ҳовлисида хизмат
қиласиганлар!

³ Эгамизга ҳамду санолар бўлсин,
У яхшидир!

Тараннум этинг Уни, бу* ёқимлидир.

⁴ Эгамиз Ўзи учун Ёқуб наслини танлади.
Ха, Ўзимнинг хазинам деб, Исройл халқини
танлади.

⁵ Ха, биламан, Эгамиз улуғдир,
Раббимиз барча худолардан юксакдир.

⁶ Осмонда ҳам, заминда ҳам,
Денгизларда, жамики тубсиз сувларда
Эгамиз истаганини қиласи.

⁷ У ернинг тўрт томонидан булутларни олиб
келади,
Ёмғир билан бирга чақмоқ юборади,
Омборларидан шамол олиб келади.

⁸ Эгамиз Мисрнинг тўнғичларини,
Инсон ҳамда ҳайвонларнинг биринчи
туғилганларини нобуд қиласи*.

⁹ Фиръавн ва унинг ҳамма аъёнларига қарши
Мисрнинг орасига Эгамиз аломату
мўъжизаларни юборди*.

¹⁰ У кўп эллар, халқларни қирган,
Қудратли шоҳларни бўғизлаган.

¹¹ Амор халқининг шоҳи Сихўнни, Башан шоҳи
Ўгни
Ҳамда Канъоннинг барча шоҳларини қирган*.

¹² Уларнинг ерини Исроил халқига мулк қилиб берди.

¹³ Эгамизнинг номи то абад давом этар,
Эгамизнинг шуҳрати насллар оша давом этар.

¹⁴ Эгамиз Ўз халқига адолат қиласди,
Ўз қулларига раҳм-шафқат қиласди.

¹⁵ Халқларнинг худолари эса кумуш, олтиндан,
Инсон қўлларининг маҳсулидир.

¹⁶ Бутларнинг оғизлари бор, сўзлай олмаслар,
Кўзлари бор, кўра олмаслар.

¹⁷ Қулоқлари бор уларнинг, эшига олмас,
Улар асло нафас ололмас.

¹⁸ Бутларни барпо қилганлар, бутларга
ишонганлар
Худди уларга ўхшаган бўлиб қолар.

¹⁹ Эй Исроил халқи, олқишлиар айтинг Эгамизга!
Эй Ҳорун хонадони*, мадҳиялар айтинг
Эгамизга!

²⁰ Эй Леви хонадони*, олқишлиар айтинг
Эгамизга!

Эй Эгамиздан қўрққанлар, мадҳиялар айтинг
Унга!

²¹ Қуддусда истиқомат қиласидиган Эгамизга
Сионда олқишлиар айтинг!

Эгамизга ҳамду санолар бўлсин!

135-САНО

¹ Шукронна айтинг Эгамизга, У яхшидир!
Унинг содиқ севгиси абадийдир.

² Шукронна айтинг худоларнинг Худосига,
Унинг содиқ севгиси абадийдир.

³ Шукронна айтинг эгаларнинг Эгасига*,
Унинг содиқ севгиси абадийдир.

⁴ Шукронна айтинг Худога,
Фақатгина У буюк ажойиботлар кўрсатади.
Унинг содиқ севгиси абадийдир.

⁵ Шукронна айтинг донолик билан самоларни
яратганга*,
Унинг содиқ севгиси абадийдир.

⁶ Шукронна айтинг сувлар узра ерни барпо
қилганга*,
Унинг содиқ севгиси абадийдир.

⁷ Шукронна айтинг улкан ёритқичларни
яратганга,
Унинг содиқ севгиси абадийдир.

- ⁸ Кундузи нур сочиб турсин дея,
Қуёшни яратганга шукрона айтинг.
Унинг содиқ севгиси абадийдир.
- ⁹ Тун узра нур сочиб турсин дея,
Юлдуzlару ойни яратганга шукрона айтинг.
Унинг содиқ севгиси абадийдир.
- ¹⁰ Шукрона айтинг Мисрнинг тўнғичларини
урганга*,
Унинг содиқ севгиси абадийдир.
- ¹¹ Шукрона айтинг Мисрдан Исройлни олиб
чиққанга*,
Унинг содиқ севгиси абадийдир.
- ¹² Шукрона айтинг йўғон билакларию
Кучли қўли или Исройлни олиб чиққанга,
Унинг содиқ севгиси абадийдир.
- ¹³ Шукрона айтинг Қизил денгизни* иккига
бўлганга*,
Унинг содиқ севгиси абадийдир.
- ¹⁴ Шукрона айтинг Исройлни денгиз ўртасидан
ўтказганга,
Унинг содиқ севгиси абадийдир.
- ¹⁵ Шукрона айтинг фиръавн ва унинг
лашкарларини
Қизил денгизга улоқтирганга,
Унинг содиқ севгиси абадийдир.
- ¹⁶ Шукрона айтинг Ўз халқини саҳро бўйлаб олиб
ўтганга,
Унинг содиқ севгиси абадийдир.
- ¹⁷ Шукрона айтинг буюк шоҳларни ҳалок
қилганга,
Унинг содиқ севгиси абадийдир.
- ¹⁸ Шукрона айтинг қудратли шоҳларни қирганга,
Унинг содиқ севгиси абадийдир.
- ¹⁹ Шукрона айтинг Амор халқининг шоҳи
Сихўнни ўлдирганга,
Унинг содиқ севгиси абадийдир.
- ²⁰ Шукрона айтинг Башан шоҳи Ўгни
ўлдирганга*,
Унинг содиқ севгиси абадийдир.
- ²¹ Шукрона айтинг уларнинг ерини
Ўз халқига мулк қилиб берганга,
Унинг содиқ севгиси абадийдир.
- ²² Шукрона айтинг у ерларни
Ўз қули Исройлга мулк қилиб берганга,
Унинг содиқ севгиси абадийдир.
- ²³ Шукрона айтинг хор бўлганимизда бизни
эслаганга,
Унинг содиқ севгиси абадийдир.

²⁴ Шукrona айтинг бизни душманларимиздан
қутқарганга,

Унинг содиқ севгиси абадийдир.

²⁵ Шукrona айтинг барча жонзотларни
озиқлантирадиганга,

Унинг содиқ севгиси абадийдир.

²⁶ Шукrona айтинг Самовий Худога,

Унинг содиқ севгиси абадийдир.

136-САНО

¹ Бобилдаги дарёлар бўйида ўтирардик,
Йиглаб, у ерларда Қуддусни* эслардик.

² Лиralаримизни ўша ердаги толларга
Осиб қўйгандик.

³ Бизни у ерда асирга олганлар:
“Кўшиқ айтиб беринглар”, дердилар,
Бизга зулм қилганлар кўнгилларини чоғ
қилгани:
“Бизга Қуддус қўшиқларидан қўйланглар”,
дердилар.

⁴ Қандай қилиб бегона юртда
Биз Эгамизга қўшиқ қўйлай олардик?!

⁵ Эй Қуддус, агар сени унутсан,
Ўнг қўлим қуриб қолсин.

⁶ Агар мен сени эсламасам,
Қуддусни энг катта шодлигим деб билмасам,
Тилим танглайимга ёпишиб қолсин.

⁷ Эй Эгам, Қуддус қулаган кунда
Эдомликлар* нима қилганини ёдда тутгин.
Ахир, улар: “Қулатинг, йиқитинг уни!
Пойдеворигача қулатиб ташланг!” деб бақирган.

⁸ Эй Бобил шаҳри! Қирғинга маҳкум бўлгансан*.
Бизга не қилган бўлсанг, ўшани
Бошингга соладиганлар баҳтлидир.

⁹ Сенинг гўдакларингни ушлаб, қояга уриб,
Тилка-пора қиладиганлар баҳтлидир.

137-САНО

Довуд саноси.

¹ Эй Эгам, чин дилдан Сенга шукrona айтаман,
Фаришталар* олдида Сенинг мадҳингни
кўйлайман.

² Муқаддас Маъбадинг олдида сажда қиласман,
Содиқ севгинг, садоқатинг учун Ўзингга шукrona
айтаман,

Номингни ҳам, сўзингни ҳам ҳар нарсадан юқори
қўйгансан.

³ Чақирганимда, менга жавоб бергансан,
Қудратинг билан мени жасур қилгансан.

⁴ Эй Эгам, замин шоҳлари Сенга шукур айтади,
Оғзингдан чиққан сўзларни улар эшитганлар.

⁵ Эй Эгам, ишларингни улар куйласинлар!
Зеро, Сенинг шуҳратинг буюқдир!

⁶ Гарчи Сен юксак бўлсанг-да, хор бўлганларга
боқасан,
Киборларни Сен узоқдан ҳам биласан.

⁷ Кулфатда юрсам ҳам, душманларим ғазабидан
сақлайсан,

Ўнг қўлингни узатиб, мени қутқарасан.

⁸ Эй Эгам, мен учун қасос оласан*.

Содик севгинг то абад давом этар,
Ўзинг яратганларни тарк этмагин.

138-САНО

Ижрочилар раҳбарига. Довуд саноси.

¹ Эй Эгам, мени Ўзинг синаб кўриб, билгансан,

² Қачон ўтириб, қачон туришимни Ўзинг биласан,
Ўй-хаёлларимни узоқдан туриб англаб оласан,

³ Юришимни, ётишимни Сен текширасан,
Барча йўлларим Сенга ойдай равшандир.

⁴ Бирон сўз тилимга келмасдан олдин,
Эй Эгам, Сен ҳаммасини биласан.

⁵ Мени ҳамма томондан ўраб олгансан,
Қўлларингни устимга қўйгансан.

⁶ Донолигинг мен учун жуда ажойибдир,
Шу қадар юксакки, мен англай олмасман.

⁷ Сенинг Руҳингдан қочиб, қаерга ҳам бора
оламан?!

Сенинг ҳузурингдан қаерга ҳам кета оламан?!

⁸ Агар осмонга чиқсан, Сен ўша ердасан!

Ўликлар диёрига* тушсам ҳам, Сен ўша ердасан!

⁹ Сахарнинг қанотларини олиб парвоз қилсан,
Денгизнинг энг узоқ четларига ўрнашсан,

¹⁰ Ҳатто у ерда ҳам қўлларинг мени етаклар,
Ўнг қўлинг мени қувватлар.

¹¹ Агарда: “Шубҳасиз, мени зулмат қамраб олади,
Атрофимда кундуз тунга айланади”, деб айтсан,

¹² Ҳатто зулмат ҳам Сен учун қоронғи эмас,
Тун кундуз каби нур сочар,
Туну кундуз Сен учун бирдир.

- ¹³ Ички аъзоларимни Сен яратгансан,
Онамнинг қорнида менга шакл бергансан.
- ¹⁴ Сенга шукronа айтаман.
Ахир, қандай ажойиб қилиб яратилганман!
Сенинг барча ишларинг нақадар ажойиб,
Буни мен жуда яхши биламан.
- ¹⁵ Мен пинҳон яратилганимда,
Ернинг тубида* маҳорат ила тўқилганимда,
Суякларим Сендан яширин эмас эди.
- ¹⁶ Кўзларинг кўрганди ҳомила эканимни.
Менга ажратилган кунлар келмасдан,
Ҳаммаси китобингга ёзилганди.
- ¹⁷ Сенинг ниятларинг, эй Худо, менга қадрлидир,
Ниятларингнинг сон-саноғи нақадар кўпdir.
- ¹⁸ Қумдан ҳам кўп бўларди агар уларни
санаганимда,
Уйғонганимда қарасам, ҳамон мен билан экансан
бирга.
- ¹⁹ Эй Худо, кошки фосиқни ўлдирсанг эди,
Қонхўр мендан узоқлашса эди,
- ²⁰ Сен ҳақингда улар фитна қиладилар,
Душманларинг Сенинг номинг билан ёлғон
қасам ичадилар.
- ²¹ Эй Эгам! Сендан нафратланганлардан мен
нафратланмайманми?!
- Сенга қарши исён қилганлардан мен
жирканмайманми?!
- ²² Улардан бутунлай нафратланаман,
Уларни ўзимнинг душманим деб биламан.
- ²³ Текшириб кўр мени, эй Худо, юрагимни бил,
Синаб кўр мени, ташвишларимни бил.
- ²⁴ Билгин-чи, менинг бирон қабиҳлигим
бормикан?
Мени абадий йўлдан* етаклаб боргин.

139-САНО

- ¹ Ижрочилаr раҳбарига. Довуд саноси.
- ² Ёмонлардан мени қутқар, эй Эгам,
Зўравонлардан ҳимоя қил мени.
- ³ Улар юракларида қабиҳликни қасд қилади,
Доимо уруш-жанжалларни қўзғайди.
- ⁴ Улар тилларини илондай ўткир қилади,
Тилларидан илон заҳри томади.
- ⁵ Эй Эгам, мени қабиҳларнинг қўлидан қутқар,
Йиқитмоқчи бўлган зўравонлардан мени ҳимоя
қил.

⁶ Такаббурлар мен учун тузоқ қўйганлар,
Улар тўрларининг илларини ёйганлар,
Йўлим бўйлаб менга қопқон қўйганлар.

⁷ Эй Эгам, Сенга айтаман: “Сен Менинг
Худойимсан.”

Қулоқ сол, эй Эгам, Сенга илтижо қиласман.

⁸ Эй Эгам Раббий, қудратли нажоткорим!

Жанг кунида бошимни омон сақладинг.

⁹ Эй Эгам, фосиқнинг истагини бажо қилмагин,
Уларнинг қабих режаларига омад бермагин,
Улар мағрурланиб кетмасин.

¹⁰ Атрофимни ўраб олганларнинг таҳдидлари,
Ўзларининг бошига келсин.

¹¹ Ёнаётган кўмир чўғи ўзларига ёғилсин,
Улар оловга, ифлос чуқурларга улоқтирилсин-у,
Асло қайтиб чиқмасин.

¹² Тухматчиларга юртда асло жой бўлмасин,
кўкармасин,
Фалокат золимнинг изидан тушиб, уни йўқ
қилсин.

¹³ Биласман, эй Эгам, мазлумни ҳимоя қиласан,
Бечораҳолни адолат ила қўллаб-қувватлайсан.

¹⁴ Солиҳлар албатта Сенга шукронга айтади,
Тўғри инсонлар ҳузурингда истиқомат қиласди.

140-САНО

Довуд саноси.

¹ Сенга ёлвораман, эй Эгам, ёнимга тез келгин,
Сенга ёлворганимда овозимга қулоқ солгин.

² Ибодатимни тутатқи назридан қабул қилгин,
Қўлларимни кўтарганимни кечки қурбонлик деб
билигин.

³ Эй Эгам, оғзимга посбон қўйгин,
Лабларим эшигини қўриқлагин.

⁴ Юрагимни қабиҳликка бурмагин,
Ёмон ишларга қўшилишимга йўл қўймагин,
Бадкирдорларнинг жамоасида
Зиёфатларини ейишимга йўл қўймагин.

⁵ Майли, солиҳ одам мени ураверсин,
Содик одам мени тўғриласин,
Бошим шундай аъло мойни рад қилмасин.

Менинг ибодатим муттасил
Бадкирдорларнинг қабих ишларига қаршиидир.

⁶ Уларнинг ҳакамлари қоядан улоқтирилади,

Шунда фосиқлар сўзларим ҳақ эканлигини
билиб олишади.

⁷ Бадкирдорлар айтар: “Шудгор қилиниб,
парчаланган ердай,
Суякларимиз қабр* оғзида майдаланиб, сочилиб
ётибди.”

⁸ Кўзларим Сендадир, эй Эгам Раббий,
Сендан паноҳ излайман,
Мени ташлаб қўймагин.

⁹ Бадкирдорларнинг қопқонларидан,
Улар қўйган тузоқдан мени сақлагин.

¹⁰ Мен соғ–омон ўтиб кетайин,
Фосиқлар қўйган тўрларига ўзлари тушсин.

141-САНО

Довуд ғорда бўлгандан кейин айтган қасидаси*.
Ибодат.*

¹ Эй Эгам, Сенга қаттиқ фарёд қиламан,
Эй Эгам, Сенга қаттиқ ёлвораман.

² Дардларимни Сенга тўкиб соламан,
Қайгуларимни Сенинг олдингда айтаман.

³ Рухим сўлғин бўлганда,
Йўлларимни Сен биласан.

Мен юрадиган сўқмоқларда
Ғанимларим менга тузоқ қўйишган.

⁴ Ўнг томонимга қараб кўр:
Менга эътибор берадиган бирон кимса йўқ.
Ҳеч қаерга қочиб кета олмайман,
Мен учун ҳеч ким қайғурмас.

⁵ Сенга ёлвориб айтаман, эй Эгам:
“Сен менинг паноҳимсан,
Бу дунёдаги хавфсизлигим Сенсан.”

⁶ Фарёдимга қулоқ солгин,
Ахир, оёқ ости бўлиб кетдим-ку.

Мени таъқиб қилувчилардан қутқар,
Улар мендан ғоят кучлидирлар.

⁷ Мени тутқунликдан чиқариб олгин,
Токи Сенга шукронга айтай.
Менга эзгулик қилганинг учун
Солиҳлар атрофимни ўраб олади.

142-САНО

Довуд саноси.

¹ Эшиитгин, эй Эгам, ибодатларимни,

Сен содиқсан, илтижоимга қулоқ сол,
Сен одилсан, жавоб бер.

² Мен, Ўз қулингни хукм қилмагин,
Ахир, Сенинг назарингда ҳеч ким солиҳ эмас.

³ Душманлар мени таъқиб қилган,
Менинг танамни тупроққа қорған,
Азалда оламдан ўтганлар каби,
Мени зулматда яшашга мажбур қилар.

⁴ Шу боис рухим сўлган,
Юрагим қўрқувдан увушиб қолган.

⁵ Мен олдинги кунларни эслайман,
Сенинг ҳамма ишларинг ҳақида ўйлайман,
Қўлларинг ижодини хаёлимга келтираман.

⁶ Қўлларимни Сенга ибодат учун очаман,
Қақраган ер каби жоним Сенга ташна.

⁷ Эй Эгам, менга тез жавоб бер,
Рухим тушкунликда,
Мендан юз ўгирмагин,
Токи қабрга киргандардай бўлиб қолмайин.

⁸ Сахарда содиқ севгингни менга билдиригин,
Умидимни Сенга боғлайман.
Юрадиган йўлимни Ўзинг қўрсатгин,
Юрагимни Сенга очаман.

⁹ Эй Эгам, мени ғанимларимдан қутқар,
Паноҳ истаб Сенга қочиб борганман.

¹⁰ Сенинг хоҳишингни бажармоққа мени ўргат,
Сен Худойимсан, Сенинг эзгу Руҳинг
Мени текис сўқмоқдан етаклаб борсин.

¹¹ Эй Эгам, Ўз номинг ҳақи мени сақлагин,
Адолатинг билан мени қулфатдан қутқаргин.

¹² Содиқ севгинг ҳақи қиргин ғанимларимни,
Йўқ қилиб ташлагин ҳамма душманларимни,
Ахир, мен Сенинг қулингман-ку.

143-САНО

Довуд саноси.

¹ Эгамга, суянган қоямга олқишлиар бўлсин,
У қўлларимни урушга, бармоқларимни жангга
ўргатган.

² Эгам доим менга содиқдир,
У менинг қалъам, қўрғоним, халоскоримдир.
Ҳа, Эгам менинг қалқоним,
Унда мен паноҳ топаман,
Халқларни* У менга бўйсундиради.

³ Эй Эгам, инсон зоти кимдирки, унга эътибор берсанг?!

Бандалар* кимдирки, улар ҳақда ўйласанг?!

⁴ Инсон умри оғиздан чиққан нафасга ўхшар,
Одамзоднинг ҳаёти ўткинчи сояга ўхшар.

⁵ Эй Эгам, кўкларни ёриб, пастга тушгин,
Тоғларга теккин, улардан тутун чиқсин.

⁶ Чақмоқ чақтири, ёвларни тирқиратгин,
Ўқларингни от, уларни саросимага солгин.

⁷ Юқоридан узат қўлингни, мени қутқаргин,
Азим сувлардан мени чиқариб олгин,
Бегоналар қўлидан мени қутқаргин.

⁸ Уларнинг сўзлари бехуда,
Қўлини кўтариб, улар ёлғон қасам ичади.

⁹ Эй Худо, Сенга янги қўшиқ қуйлайман,
Ўн торли арфа чалиб Сени тараннум этаман.

¹⁰ Шоҳларга Сен зафар ато этасан,
Қулинг Довудни шафқатсиз қиличдан
қутқарасан.

¹¹ Келгиндиларнинг қўлидан
Мени халос қил, қутқаргин.
Уларнинг сўзлари бехуда,
Қўлини кўтариб, улар ёлғон қасам ичади.

¹² Ўғилларимиз ёшлигига яхши ўсган қўчатга
ўхшасин,
Кизларимиз саройнинг ўймакор устунларига
ўхшасин.

¹³ Омборларимиз ноз-неъматларга
тўлиб-тошсин,
Қўйларимиз минглаб, ўн минглаб яйловларда
кўпайсин.

¹⁴ Ҳўқизимиз оғир юкларни тортсин*,
Деворларимиз дарз кетмасин,
Одамларимиз сургун бўлмасин,
Кўчаларимизда оҳ-воҳ, ғаму кулфат бўлмасин.

¹⁵ Нақадар баҳтлидир бундай инсонлар!
Баҳтлидир Худони Эгамиз деб билган халқ!

144-САНО

Довуднинг ҳамду саноси.

¹ Эй Худойим, Шоҳим! Сени улуғлайман!
То абад Сенинг номингни олқишилайман!

² Ҳар куни Сени олқишилайман,
Сенга то абад ҳамду сано айтаман.

³ Эгамиз буюқдир, мадҳ этилсин янада,
Ақл етмас Унинг буюклигига.

⁴ Эй Эгам, бир насл бошқасига маңтар
ишлиарингни,
Улар эълон қиласр қудратли ишиларингни.

⁵ Улар шонли дабдабангни, улуғворлигингни
сўйлайдилар,
Мен эса ажойиб мўъжизаларинг ҳақида
ўйлайман*.

⁶ Одамлар кўрқинчли ишиларинг қудрати ҳақида
айтадилар,

Мен эса буюклигингни эълон қилгайман.

⁷ Инсонлар чексиз эзгулигингни хотирлаб,
гапираверадилар.

Адолатингни улар севинч ила қуйладилар.

⁸ Эгамиз иноятли, раҳмдилдир,
Жаҳли тез чиқмайди, содик севгиси мўлдир.

⁹ Эгамиз ҳар кимсага ҳиммат қиласр,
Яратганларининг ҳар бирига шафқат айлар.

¹⁰ Эй Эгам, жамики яратганларинг Сенга шукур
айтар,

Жамики тақводорларинг Сенга олқишилар
куйлар.

¹¹ Салтанатинг шуҳратини улар ҳикоя қиласр,
Сенинг қудратинг ҳақида улар сўйлаб юрап.

¹² Ҳаммани қудратли ишиларингдан,
Салтанатинг шуҳратию дабдабасидан хабардор
қиласр.

¹³ Сенинг салтанатинг абадий шоҳлиқдир,
Хукмронлигинг насллар оша давом этар*.

¹⁴ Йиқилаётганларга Эгамиз таянч бўлади,
Икки букилганларнинг қаддини ростлайди.

¹⁵ Эй Эгам, ҳамманинг кўзи умид билан Сенга
тикилар,
Ўз пайтида уларнинг ризқини берасан.

¹⁶ Сен қўлингни очиб,
Жамики жонзотнинг истагини қондирасан.

¹⁷ Эгамиз ҳамма йўлларида адолат қиласр,
Ҳамма ишиларида севгисини кўрсатар.

¹⁸ Эгамиз Ўзига ёлворганларнинг ёнидадир,
Чин дилдан илтижо қилганларнинг ёнидадир.

¹⁹ Ундан кўрқсанларнинг тилагини Эгамиз
қондирар,
Уларнинг ноласини эшитиб, уларга нажот берар.
²⁰ Эгамиз Ўзини севувчиларни асрайди,

Ҳамма фосиқларни қириб ташлайди.

²¹ Эгамизнинг ҳамду саноси доимо тилимда
бўлади,
Жамики жонзот Унинг муқаддас номини то абад
олқишлийди.

145-САНО

¹ Эгамизга ҳамду санолар бўлсин!

Эгамни мадҳ қил, эй жоним!
² Тирик эканман, Эгамга ҳамду сано айтаман,
Умрим борича Худойимга ҳамду сано қуйлайман.

³ Умид боғламанг шаҳзодаларга,
Нажот беролмайдиган инсон зотига.

⁴ Улар жон бергач, тупроққа қайтар,
Ўша ондаёқ уларнинг режаси йўққа чиқар.

⁵ Ёқубнинг Худосини мададкорим, деб айтганлар
баҳтлидир,
Ўзларининг Эгаси Худодан умид қилганлар
баҳтлидир.

⁶ Ҳа, Ёқубнинг Худоси
Осмонни, ерни ҳамда денгизни яратган.
Денгизу ундаги ҳамма жонзотни У яратган,
У то абад содиқ бўлиб қолади,

⁷ Мазлумларга адолат қиласи,
Очларга У нон беради.

Асиirlарни озод қилувчи Эгамиздир.

⁸ Эгамиз кўрнинг кўзларини очади,
Икки букилганларнинг қаддини ростлайди,
Эгамиз солиҳларни севади.

⁹ Эгамиз мусофиirlарни асрайди,
Етим ва беваларни қўллайди,
Фосиқнинг йўлларига халақит беради.

¹⁰ Эгамиз то абад ҳукмдордир,
Эй Қуддус*, сенинг Худойинг насллар оша
ҳукмдордир!

Эгамизга ҳамду санолар бўлсин!

146-САНО

¹ Эгамизга ҳамду санолар бўлсин!

Нақадар яхшидир Худойимизни тараннум этмоқ!
Нақадар лаззатли, муносиб Унга ҳамду сано
айтмоқ!

² Эгамиз Қуддусни қайтадан қуради,

Сургундагиларни Исроилга йиғади.
³ Эзилган күнгилларга У шифо беради,
Уларнинг яраларига малҳам қўяди.
⁴ Юлдузларнинг сонини У аниқлаб чиқади,
Уларнинг ҳаммасига ном беради.
⁵ Раббимиз буюқdir, қудрати азимdir,
Унинг донолиги чексизdir.
⁶ Эгамиз мазлумларни юксалтиради,
Фосиқларни эса ерга уриб эзади.

⁷ Эгамизга шукrona айтиб таранnum қилинг,
Худойимизга атаб лирада куй чалинг.
⁸ У самоларни булутлар ила қоплайди,
У ерни ёмғир билан таъминлайди,
Қир-адирларда ўт-ўлан ўстиради.
⁹ У ҳайвонларнинг ризқ-рўзини беради,
Қарға болалари қағиллагандада уларга озиқ
беради.
¹⁰ У отларнинг қучидан завқ олмайди,
Сипоҳнинг қучли оёқларидан хушланмайди.
¹¹ Эгамиз Ўзидан қўрққанлардан хушланади,
Унинг содик севгисига умид қилганлардан
мамнун бўлади.

147-САНО

¹ Эгангни олқишилагин, эй Қуддус!
Худойингга ҳамду сано айт, эй Сион!
² Дарвозаларинг тамбаларини У мустаҳкам
қиласди,
Ичингдаги болаларингга У барака беради.
³ Шоҳлигингга У тинчлик ато қиласди,
Буғдойнинг энг яхшиси билан тўйдиради.

⁴ Худо амрларини ер юзига юборади,
Унинг айтган сўzlари тез ёйлади.
⁵ У қорни оппоқ кўрпадай ёяди,
Қировни кул каби сочади.
⁶ Дўлни ушоқ каби ёғдиради,
Унинг совуғи олдида ким бардош бера олади?!

⁷ Каломини юбориб, Эгамиз музларни эритади,
Шамолини эсдириб, сувлар оқизади.

⁸ Ёқуб наслига сўзини аён қиласди,
Қонун-қоидаларини Исроилга билдиради.
⁹ Бошқа халқларга Эгамиз шундай қилмади,
Ўша халқлар Унинг қонунларини билмайди.

Эгамизга ҳамду санолар бўлсин!

148-САНО

¹ Эгамизга ҳамду санолар бўлсин!

Эгамизга ҳамду санолар бўлсин самолардан,
Унга ҳамду санолар бўлсин фалаклардан!

² Эй Унинг фаришталари,
Эгамизга ҳамду санолар бўлсин!
Эй Унинг самовий лашкарлари,
Эгамизга ҳамду санолар бўлсин!

³ Унга ҳамду санолар бўлсин, эй қуёш, эй ой,
Ҳамду санолар бўлсин Унга, нурли юлдузлар!

⁴ Ҳамду санолар бўлсин Унга, эй фалаклар тоқи,
Эй самолар узра жойлашган сувлар!*

⁵ Эгамизга ҳамду сано айтсин улар,
Эгамизнинг амри билан яратилган улар.

⁶ Эгамиз бир фармон билан уларни то абад
жойига ўрнаштириди,
Бу фармон бекор қилинмайди.

⁷ Ер юзидан Эгамизга ҳамду санолар бўлсин!
Эй жамики тубсиз сувлар, денгиз махлуқлари,

⁸ Эй чақмоқ, қор, дўл, булутлар,
Унинг амрига бўйсунувчи бўронлар
Эгамизга ҳамду санолар айтинг!

⁹ Маддиялар айтинг Унга, эй тоғлар, жамики
қирлар,

Мевали дараҳтлар, жамики садр дараҳтлари!

¹⁰ Ҳамду сано айтинг Унга,
Эй ёввойи ҳайвонлар, жамики чорва,
Судралиб юрувчилару учар қушлар!

¹¹ Маддиялар айтинг Унга,
Эй заминдаги шоҳлар, жамики халқлар,
Шаҳзодалар, заминдаги ҳамма ҳукмдорлар!

¹² Унга ҳамду сано айтинг йигитлар, қизлар,
Ёшу қари — ҳаммангиз бирга.

¹³ Ҳаммаси Эгамизга ҳамду сано айтсин,
Ёлғиз Унинг номи юксакдир,

Шуҳрати замину осмондан баланддир.

¹⁴ Эгамиз Ўз халқини қудратли қилди*.
Шу боис тақводорлари Уни улуғламоқда,
Қадрдони Исройл халқи Уни мадҳ этмоқда.

Эгамизга ҳамду санолар бўлсин!

149-САНО

¹ Эгамизга ҳамду санолар бўлсин!

Эгамизга янги бир қўшиқ айтинг,
Тақводорлар жамоасига ҳамду сано айтинг.

² Исройл ўз Яратувчиси туфайли қувонсин,
Куддус* халқи ўз Шохидан шод бўлсин.

³ Эгамизга улар рақс ила ҳамду сано айтсин,
Доира, лира Унга атаб қуй чалсин.

⁴ Эгамиз Ўз халқидан хушнуддир,
Мазлумларга нажотни тож қилиб кийдиради.

⁵ Эришган шарафи туфайли тақводорлар шод
бўлсин,

Тўшакларида ётганларида шодланиб қўшиқ
айтсин.

⁶ Худога ҳамду сано тилларидан тушмасин,
Қўлларида дудама қиличлар бўлсин,

⁷ Токи ёт халқлардан қасос олсин,
Элатларга жазосини берсин,

⁸ Уларнинг шоҳларини занжирбанд қилсин,
Аслзодаларига темир кишанлар солсин.

⁹ Улар устидан Худонинг ҳукмини ижро этсин,
Тақводорлари учун шараф шудир.

Эгамизга ҳамду санолар бўлсин!

150-САНО

¹ Эгамизга ҳамду санолар бўлсин!

Худога ҳамду санолар бўлсин муқаддас
масканида,

Унга ҳамду санолар бўлсин
Самода — мустаҳкам қалъасида.

² Қудратли ишлари учун Унга ҳамду санолар
бўлсин,

Тенгсиз буюклиги учун мадҳиялар бўлсин.

³ Унга ҳамду сано айтинг бурғу чалиб,
Унга ҳамду сано айтинг арфа, лира чалиб.

⁴ Доира чалиб, рақс ила Унга ҳамду сано айтинг,
Торли асбоб, най чалиб, Унга мадҳиялар айтинг.

⁵ Жарангдор зиллар чалиб, Унга ҳамду сано
айтинг,

Оҳангдор зилларни қаттиқ чалиб, Унга
мадҳиялар айтинг.

⁶ Эгамизга ҳамду сано айтинг,
Эй жамики тирик жонзотлар!

Эгамизга ҳамду санолар бўлсин!

ИЗОҲЛАР

2:6 Сион — Эски Аҳддаги шеърий парчаларда ва пайғамбарлар битикларида Сион сўзи кўпинча Куддус шаҳрига ёки Худонинг халқига нисбатан ишлатилган. Тўлиқроқ маълумотга эга бўлиш учун луғатдаги СИОН сўзига қаранг.

2:7 ...Сен менинг ўғлимсан, Бугун Мен сенга ота бўлдим — қадимги пайтларда баъзан шоҳаншоҳ ва унинг қўли остидаги бошқа бир шоҳ орасидаги муносабат ота-ўғил муносабатидай тасвирланган. Ушбу оятда Довуд наслидан бўлган, тож кийдирилган янги шоҳ Худонинг ўғли деб айтилган. Шоҳаншоҳ Худо эса бу оятда ўша шоҳнинг отаси сифатида тасвирланган. 2 Шоҳлар 7:8-16, Забур 88:20-30 га қаранг.

2:9 ...уларни уриб эзасан... — ибронийча матндан. Қадимиј юонча таржимада **...уларни бошқарасан....**

2:11 Ваҳима ила тавба қилинг! — ёки *Титраб, шод бўлинг!*

2:12 Унинг ўғли — шу санонинг 7-оятига ва ўша оятнинг изоҳига қаранг.

3:1 Ўғли Абсаломдан қочиб кетгандан кейин... — 2 Шоҳлар 15:13-17:22 га қаранг.

3:5 Муқаддас тепалиги — Куддусдаги Сион тоғига ишора. 47:3 нинг иккинчи изоҳига қаранг.

4:3 Эй инсонлар, қачонгача...ёлғонларни излаб юрасиз?! — ёки *Эй инсонлар, қачонгача менинг улуғвор Худойимни камситасиз?!* Қачонгача арзимас нарсаларга кўнгил қўясиз?! Сохта худоларни излаб юрасиз?!

4:5 Ҳатто ғазабланганингизда ҳам гуноҳ қилманг... — ёки *Қўрқувдан титранг, гуноҳ қилманг....*

6:6 Ўликлар диёри — ибронийча матнда *Шеўл*. Қадимда Исройл халқи *Шеўлни* ер остидаги тубсиз чуқурлик, мархумлар борадиган қоронғи жой деб тушунарди. Яна 87:11-13 га қаранг.

8:5 Бандалар — ибронийча матндан сўзма-сўз таржимаси *Инсон ўғли*. Бу ибронийча ибора кўчма маънода ишлатилиб, одамнинг ўткинчи эканлигини билдиради.

8:6 Ўзинг — ибронийча матнда элоҳим. Одатда бу сўз Худога ишора қиласди, аммо қудратли хукмдорлар, илоҳий мавжудотлар ёки фаришталарни ҳам билдириши мумкин.

8:7 Жамики яратганинг узра уларни ҳукмрон қилдинг... — Ибтидо 1:26-28 га қаранг.

9:1 Қизлар — ёки *Ўғилнинг ўлими*.

9:12 Қуддус — ибронийча матнда *Сион* (шу санонинг 15-оятида ҳам бор). 2:6 изоҳига қаранг.

9:16 Халқлар ўzlари қазиган чуқурга ўzlари йиқилди... — 7:16-17 га қаранг.

9:18 Ўликлар диёри — ибронийча матнда *Шеўл*. 6:6 изоҳига қаранг.

10:6 Қабиҳнинг устига чўғ, олтингугурт ёғдиради... — Ибтидо 19:24-25 га қаранг.

10:6 гармсел — ҳосилга катта зиён келтирадиган иссиқ шамол. Бу ўринда мажозий маънода ишлатилиб, Худонинг ҳукмини билдиради.

13:1 Аҳмоқлар — аҳмоқлар деб таржима қилинган ибронийча сўз ахлоқсиз

одамларга ишора қиласы. Бундай одамлар Худони севишини ва Унга ишонишни рад қиласылар.

13:7 *Күддус* — ибронийча матнда *Сион*. 2:6 изохига қаранг.

14:1 *Сенинг муқаддас тоғинг* — Қүддусдаги Сион тоғига ишора. 47:3 нинг иккинчи изохига қаранг.

15:10 *ўликлар диёри* — ибронийча матнда *Шеўл*. 6:6 изохига қаранг.

15:10 *Тақводоринг* — ибронийча матндан сўзма-сўз таржимаси *Муқаддас бўлганинг*.

17:3 *қоя* — бу образ баъзан иброний шеъриятида кўчма маънода қўлланган бўлиб, Эгамизни тоққа ўҳшатади. Эгамизнинг халқи ўз душманларидан қутулиш учун, қочиб Эгамизда паноҳ топади. Бу образ Эгамизнинг барқарорлигини ва қоядай мустаҳкам эканлигини кўрсатади.

17:3 *қудратли нажоткорим* — ибронийча матндан сўзма-сўз таржимаси *нажотимнинг шохи ёки мени қутқарадиган шох*. Ҳўқизнинг шохи куч-қудрат рамзи эди, чунки хўқиз қадимий Яқин Шарқдаги энг кучли ҳайвонлардан бири эди.

17:6 *ўликлар диёри* — ибронийча матнда *Шеўл*. 6:6 изохига қаранг.

17:11 *каруб* — қанотли самовий мавжудот. Тўлиқроқ маълумотга эга бўлиш учун луғатдаги КАРУБ, КАРУБЛАР сўзига қаранг.

17:14 ...Худойи Таолонинг садоси эшишилди — баъзи иброний қўлёзмаларидан ва қадимий юонча таржимадан (яна 2 Шоҳлар 22:14 га қаранг). Ибронийча матнда *дўл ва қип-қизил чўғ* деган ибора бу мисранинг охирига қўшилган.

17:16 *Замин пойдевори* — қадимда Истроил халқининг тасаввурига қўра, ер теп-текис бўлиб, ер остида буюк денгиз бор эди, денгиз тубида ўрнатилган улкан устунлар ерни ушлаб турарди. Бу устунлар денгиз тубидаги пойдеворга таянарди.

18:4-5 *Само, фалак айтмас бир гап...*⁵ Аммо хабарлари... — ёки *Бирон халқ йўқки, самою фалакнинг овозини эшиштмаса, Тил йўқки, уни тушунмаса.* ⁵ Аммо уларнинг оҳанглари....

19:3 *Күддус* — ибронийча матнда *Сион*. 2:6 изохига қаранг.

19:10 Эй Эгам...жавоб бергина бизга — ёки Эй Эгам, ато қилгин ғалаба. Эй Шоҳимиз, илтижо қилганимизда, жавоб бергина бизга.

21:13 *буқалар* — сано ижодкори бу сўз орқали душманларини назарда тутган. У душманларини яна шерлар (шу санонинг 14, 22-оятларига қаранг), кўпраклар (шу санонинг 17, 21-оятларига қаранг) ва ёввойи буқалар (шу санонинг 22-оятига қаранг) деб атайди.

21:13 *Башан ўлкаси* — Башан Жалила қўлининг шимоли-шарқида жойлашган бўлиб, ўзининг кўм-кўк яйловлари ва соғлом наслдор, чорваси билан машҳур эди.

21:16 *Мадорим қуриб, сопол парчасидай бўлиб қолдим* — ёки *Оғзим сопол парчасидай қуриб кетди*.

21:17 ...*Қўлу оёқларимни улар илма-тешик қиласы* — баъзи иброний қўлёзмаларидан, қадимий юонча ва сурёнийча таржималардан. Ибронийча матндан сўзма-сўз таржимаси ...*Шер каби, қўл-оёқларим*. Бу иборани ...*Улар шер каби, қўл-оёқларимни босиб турадилар* ёки ...*Улар шер каби, қўл-оёқларимни*

ғажийдилар деб таржима қиласа ҳам бўлади.

21:27 ...*еб тўядилар...* — сано ижодкори Худодан олган ёрдами учун Худога шукронга билдириш ниятида Маъбадга назр олиб келган. Сўнг ўша назрнинг бир қисмини таом сифатида қашшоқларга улашиб берган.

22:4 *зулмат водийси* — ёки *ўлим водийси зулмати*.

22:4 *таёқ* — ёввойи ҳайвонларни ҳайдаб юбориш учун ишлатилган.

22:4 *Хивич* — қўйларга йўл кўрсатиш, уларни бошқариш ва хавфли жойлардан қутқариш учун ишлатилган.

23:2 *Уоламни ўрнатган...уммонлар узра* — қадимда Исройл халқининг тасаввурига кўра, ер теп-текис бўлиб, ер остида буюк денгиз бор эди, денгиз тубида ўрнатилган улкан устунлар ерни ушлаб турарди. Бу устунлар денгиз тубидаги пойдеворга таянарди.

23:3 *Унинг тепалиги* — Куддусдаги Сион тоғига ишора. 47:3 нинг иккинчи изоҳига қаранг.

23:6 ...*Худога интилган Ёқуб насли...* — ёки ...*Ёқубнинг Худосига интилган одамлар....*

24:1 Бу сано ибронийчада мувашшах усулида ёзилган шеърdir. Бу санонинг ҳар бир оятидаги биринчи сўз иброний алифбеси тартиби бўйича бошланади.

25:3 ...*Сенга доим содиқман* — ёки ...*Садоқатинг туфайли йўлимни топаман.*

27:2 *маскан* — бу ўриндаги ибронийча сўз Маъбаднинг Энг муқаддас хонасига ишора қиласи.

28:1 *илоҳий зотлар* — ибронийча матндан сўзма-сўз таржимаси *Худонинг ўғиллари*. Бу ибора самода яшайдиган мавжудотларга, жумладан, фаришталарга нисбатан ишлатилган. Худонинг тахти атрофида самовий мавжудотлар йиғилгани ҳақида Эски Аҳдда бир неча марта сўз юритилган (мисол учун, 81:1, 88:6-8 га ва 3 Шоҳлар 22:19-22, Ишаё 6:1-8 га қаранг).

28:2 *Муқаддас улуғворликка бурканган Эгамизга сажда қилинг!* — ёки Эгамизнинг муқаддас маскани улуғворлиги ичра *Унга сажда қилинг!* ёхуд *Муқаддас либосларда Эгамизга сажда қилинг!*

28:5 *Лубондаги садр дарахтлари* — Лубон тоғларида ўсадиган бу садр дарахтлари дунёнинг ўша худудидаги энг катта дарахт турларидан эди.

28:6 *Хермон тоғи* — ибронийча матнда *Сириён*, Хермон тоғининг яна бир номи (Қонунлар 3:9 га қаранг). Хермон тоғи — ҳозирги Сурияning энг баланд тоғи.

28:9 ...*улкан дарахтларни эгиб юборади...* — ёки ...*буғу туғишига сабаб бўлади....*

28:10 *тўфон* — шу санонинг 3-оятида айтиб ўтилган сувларга ишора қилинган, шунингдек, оламни йўқ қилиб юборган тўфонга ишора қилаётган бўлиши ҳам мумкин (Ибитдо 7:1-8:22 га қаранг). Худо бу қудратли кучларни бошқаради.

29:4 *ўликлар диёри* — ибронийча матнда *Шеўл*. 6:6 изоҳига қаранг.

29:10 *Тупроқ Сенга ҳамду сано айтарми?!* — 6:6 га қаранг.

29:12 *Аза либоси* — ибронийча матнда *Қанор*. Қанор дағал қорамтири мато бўлиб, эчки ёки тужунидан тўқилган. Қанорга ўраниб олиш умидсизликни ва қайғули ҳолатни ифодалайди. Кўпинча бу ҳаракат Худодан кечирим сўраб ибодат қилиш ва Ундан мадад тилаш билан биргаликда амалга оширилган (шу санонинг 8-10-оятларига қаранг).

30:11 Гуноҳларим — ибронийча матндан. Қадимий юончада сурёнийча таржималарда кулфатларим.

30:18 Ўликлар диёри — ибронийча матнда Шеўл. 6:6 изоҳига қаранг.

31 қасида — таълим берадиган ёки марсия мазмунидаги шеър. Бу ўриндаги ибронийча сўзнинг маъноси баҳсли.

32:7 Уденгиз сувларини...жойлаб қўйган — Ибтидо 1:6-8 га қаранг.

33:1 Довуд...унинг ҳузуридан қувилгандан кейин... — 1 Шоҳлар 21:10-22:1 га қаранг (Абумалек номи Филист шоҳларига нисбатан ишлатилган унвон бўлиши мумкин).

33:2 Бу сано ибронийчада мувашшаҳ усулида ёзилган шеърdir. Бу санонинг ҳар бир оядидаги биринчи сўз иброний алифбеси тартиби бўйича бошланади.

34:13 ...Мен қанор кийиб, рўза тутиб, қайғу чекардим — қанор дағал қорамтири мато бўлиб, эчки ёки тужунидан тўқилган. Қанор кийиб олиш ва рўза тутиш умидсизликни ва қайғули ҳолатни ифодалайди. Кўпинча бу ҳаракат Худодан кечирим сўраб ибодат қилиш ва Ундан мадад тилаш билан биргалиқда амалга оширилган.

34:13 Бошимни қуи солиб, ибодат қилардим — ёки Улар учун ибодат қилардим, аммо менинг ибодатларим жавобсиз қоларди.

36:1 Бу сано ибронийчада мувашшаҳ усулида ёзилган шеърdir. Бу санонинг ҳар бир оядидаги биринчи сўз иброний алифбеси тартиби бўйича бошланади.

37:6 Ақлсизлигим — гуноҳкорона хулқ-атвор назарда тутилган.

38:1 Ёдутун — 1 Солномалар 16:41-42, 25:1, 3 га қаранг.

39:7 Гуноҳ қурбонлиги — бирортаси билмай қилган гуноҳи учун Худодан кечирим сўраб келтирган қурбонлиги. Тўлиқроқ маълумотга эга бўлиш учун лугатдаги ҚУРБОНИК сўзи остида берилган ГУНОҲ ҚУРБОНИГИ иборасига қаранг.

39:7 Сен қурбонлигу назрни истамадинг...Итоат қилишим учун Сен қулоқларимни очдинг — 1 Шоҳлар 15:22 га қаранг.

39:8 Муқаддас битикларда мен ҳақимда ёзилган — Қонунлар 17:14-20 назарда тутилган бўлиши мумкин, бу оятларда Исройл шоҳлари учун кўрсатмалар берилган.

41:1 Кўрах насли — улар Маъбад созандалари эди (1 Солномалар 6:31-38 га қаранг).

41:1 қасида — 31-санонинг изоҳига қаранг.

41:7 Хермон — ҳозирги Суриянинг энг баланд тоғи.

41:7 Мизор тоғи — айнан қаерда жойлашгани маълум эмас. Хермон тоғига яқин ерда бўлиши мумкин.

42:3 Муқаддас тоғинг — Куддусдаги Сион тоғига ишора. 47:3 нинг иккинчи изоҳига қаранг.

43:1 Кўрах насли — 41:1 нинг биринчи изоҳига қаранг.

43:1 қасида — 31-санонинг изоҳига қаранг.

43:3 ...Озод қилдинг Сен оталаримизни — ёки ...Сен оталаримизни гуллатиб-яшнатдинг ёхуд ...Сен бегона ҳалқларни қувиб юбординг.

44:1 Кўрах насли — 41:1 нинг биринчи изоҳига қаранг.

44:1 қасида — 31-санонинг изоҳига қаранг.

44:7 *Худо берган тахтинг...* — ёки *Эй Худо, тахтинг....*

44:9 *мирра* — маълум бир дараҳтларнинг қотган елимидан тайёрланган хушбўй модда.

44:10 *Офир* — бу юрт Арабистон ярим оролининг жанубида жойлашган бўлиши мумкин. Офир олтини энг сифатли олтин ҳисобланган.

44:13 *Тир* — Финикияда муҳим аҳамиятга эга бўлган шаҳар. Бу шаҳар Истроилдан шимолда, Ўрта ер денгизи бўйида жойлашган эди. Бугунги кунда бу ер Ливан мамлакатининг жанубий қисмини ташкил қиласиди.

45:1 *Кўрах насли* — 41:1 нинг биринчи изоҳига қаранг.

45:5 *Худо шаҳри* — Куддусга ишора.

45:10 *Қалқонлар* — ёки *Жанг аравалари*.

46:1 *Кўрах насли* — 41:1 нинг биринчи изоҳига қаранг.

46:10 *Заминнинг шоҳлари* — ибронийча матндан сўзма-сўз таржимаси *Заминнинг қалқонлари* (83:10 га қаранг).

47:1 *Кўрах насли* — 41:1 нинг биринчи изоҳига қаранг.

47:2 *Ўзининг муқаддас тоғи* — Куддусдаги Сион тоғига ишора. 47:3 нинг иккинчи изоҳига қаранг.

47:3 *Буюк Шоҳнинг шаҳридаги, Унинг шимолидаги...* — ёки *Буюк Шоҳнинг шаҳри бўлган, Зофуннинг буюк чўққиларига уҳшаган....* Иброний тилида одатда Зофун сўзи “шимол” маъносини ифодалаб, Сион тоғи Куддус шаҳрининг шимолий қисмida жойлашганига ишора қилаётган бўлиши мумкин. Аммо Зофун Истроилдан шимолда, Финикияда жойлашган бир тоғнинг ҳам номидир. Бу ҳудудда яшаган халқларнинг эътиқоди ва тасаввурига кўра, худолар айнан шу тоғда йиғилишарди. Баъзи олимларнинг фикри бўйича, сано ижодкори бу ерда ўзининг, Худо Сион тоғида яшайди, деган ишончини таъкидлаш учун бу парчада Зофун тоғига ишора қиласиди.

47:3 *Сион тоғи* — Куддусдаги Маъбад қурилган тепалик Сион тоғи деб аталган. Эски Аҳддаги шеърий парчаларда ва пайғамбарлар битикларида Сион сўзи кўпинча Куддус шаҳрига ёки Худонинг халқига нисбатан ишлатилган. Тўлиқроқ маълумотга эга бўлиш учун луғатдаги СИОН сўзига қаранг.

47:8 *Таршиш* — ҳозирги Испаниянинг ҳудудида жойлашган бу бандаргоҳ шаҳар ўзининг катта ва ҳайбатли кемалари билан машхур эди. Тўлиқроқ маълумотга эга бўлиш учун луғатдаги БАНДАРГОҲ сўзига қаранг.

47:13 *Куддус* — ибронийча матнда *Сион*. 2:6 изоҳига қаранг.

48:1 *Кўрах насли* — 41:1 нинг биринчи изоҳига қаранг.

48:8 *ҳаёти* — ёки *биродарининг ҳаёти*.

48:12 ...*берганда ҳам...Маскани наслдан наслга ўтаверади* — қадимий юононча ва сурёнийча таржималардан. Ибронийча матнда ...*берган. Улар, уйларимиз то абаддир, масканларимиз наслдан наслга ўтаверади, деб ўйлайдилар*.

48:15 ...*ўликлар диёри...Ўликлар диёри...* — ибронийча матнда ...*Шеўл...Шеўл...* (шу санонинг 16-оятида ҳам бор). 6:6 изоҳига қаранг.

49 *Осиф* — 1 Солномалар 6:31-33, 39-43, 25:1-2 ва Эзра 2:41 га қаранг.

49:2 *Күддус — ибронийча матнда Сион. 2:6 изоҳига қаранг.*

50:1-2 *Натан пайғамбар келиб, Довуднинг Ботшева билан қилган гуноҳини фош этгандан кейин... — 2 Шоҳлар 11:1-12:25 га қаранг.*

50:8 *ўргатгин — ёки ўргатасан.*

50:9 *иссон ўти — бу ўсимлиқдан кўпинча поклаш маросимларида одамларга ё нарсаларга сув ёки қон сепиш учун ишлатилган* (Чиқиши 12:21-23, Левилар 14:1-7 ва Саҳрода 19:1-19 га қаранг). Бу ўринда сано ижодкори кечирим орқали руҳан покланиш истагини ифодалаб, покланиш маросимига ишора қиляпти.

51:1-2 *Эдомлик Доег...хабар бергандан кейин... — 1 Шоҳлар 21:7, 22:9-10 га қаранг.*

51:1-2 *қасида — 31-санонинг изоҳига қаранг.*

52:1 *қасида — 31-санонинг изоҳига қаранг.*

52:2 *Аҳмоқлар — 13:1 изоҳига қаранг.*

52:7 *Күддус — ибронийча матнда Сион. 2:6 изоҳига қаранг.*

53:1-2 *Зифликлар...хабар берганларидан кейин... — 1 Шоҳлар 23:14-25, 26:1-5 га қаранг.*

53:1-2 *қасида — 31-санонинг изоҳига қаранг.*

54:1 *қасида — 31-санонинг изоҳига қаранг.*

54:16 *ўликлар диёри — ибронийча матнда Шеўл. 6:6 изоҳига қаранг.*

55:1 *Филист халқи Довудни Гат шаҳрида тутиб олгандан кейин... — 1 Шоҳлар 21:10-15, 27:1-4 га қаранг.*

55:8 *Жиноятлари учун уларни улоқтири... — ёки Ўзларининг жиноятлари учун улар жазодан қутулиб қоладиларми?!*

56:1 ...*горда яшириниб қутулганидан кейин... — 1 Шоҳлар 24:1-22 га қаранг.*

56:3 ...*Мен учун қасос олувчи Худога — ёки ...Хаётим учун Ўз мақсадини амалга оширадиган Худога ёхуд ...Менга эзгулик қиласидиган Худога.*

56:5 *шерлар — сано ижодкорининг душманларига ишора қилаётган кўчма маънодаги сўз.*

58:1 *Шоул Довудни ўлдириш учун унинг уйини қузатишга киши юборгандан кейин... — 1 Шоҳлар 19:11-17 га қаранг.*

59:1-2 *Орам-Наҳрайим — ибронийчадаги маъноси Икки дарёнинг Орами демакдир. Бу ер Фурот дарёси бўйида жойлашган бўлиб, ҳозирги Сурия мамлакатининг шимолий қисмини ва ҳозирги Туркияning жануби-шарқий қисмини қамраб оларди.*

59:1-2 *Орам-Зўво — бу ер ҳозирги Сурия мамлакатининг марказий қисмida жойлашган эди.*

59:1-2 *Довуд Орам-Наҳрайим ва Орам-Зўво халқи билан уруш қилаётган пайтда... — 2 Шоҳлар 8:3-8, 10:16-18 ва 1 Солномалар 18:3-11, 19:6-19 га қаранг.*

59:1-2 *Туз водийси — Ўлик денгизнинг жанубидаги ўлка.*

59:5 *шароб — бу ўринда Худо ғазабининг рамзи бўлиб, шаробдан маст бўлиш Худонинг хукмига дучор бўлишни билдиради* (Ишаё 51:17-23, Еремиё 25:15-29 га қаранг).

59:6 *Улар камон ўқларидан яшириниб олсин дея... — ёки Улар ҳақиқат ҳақи байроқ*

остида йиғилсін, дея....

59:7 ...*Илтижоимизга жавоб бергін... — ёки ...Илтижоимга жавоб бергін....*

59:8 ...*Үз мұқаддас маконингдан ваъда бергансан... — ёки ...Сен мұқаддассан, ваъда бергансан....*

59:8 *Шакам* — Куддусдан қарийб 50 километр шимолда, Исроил тепаликларида жойлашган шаҳар.

59:8 *Сухот водийси* — Иордан дарёсининг шарқ томонида жойлашган.

59:9 *Гилад...Манаше...* — Гилад үлкаси Иордан дарёсининг шарқ томонида жойлашган. Манаше Исроил халқининг қабилаларидан бири бўлиб, бу қабиланинг ҳудуди Иордан дарёсининг шарқ ва ғарб томонида жойлашган эди.

59:9 ...*Эфрайим...Яхудо...* — Исроил халқининг иккита етакчи қабиласи. Эфрайим Исроилнинг шимолида, Яхудо жануб томонида жойлашган эди. Иккала қабила рамзий маънода бутун Исроил халқини ифода этади.

59:10 ...*чоригимни отаман...* — қадимги Исроилда кимdir ердан бир қисмини мулк қилиб олишга даъвогарлик қилганда чоригини отган, шу рамзий хатти-ҳаракат одат бўлиб қолган.

59:10 *Мўаб...Эдом...Филистлар* — Исроилнинг шарқ, жануб ва ғарбидаги қўшни халқлари бўлиб, улар Исроилга душман эдилар. Мўаб юрти Ўлик денгизнинг шарқида, Эдом юрти Ўлик денгизнинг жанубида жойлашган эди. Филистлар Ўрта ер денгизи бўйида яшаган.

59:11 *мустаҳкам шаҳар* — Эдом юртининг пойтахти Села назарда тутилган бўлиши мумкин.

61:1 *Ёдутун* — 1 Солномалар 16:41-42, 25:1, 3 га қаранг.

62:1 *Довуд Яхудо чўлида бўлгандан кейин...* — 2 Шоҳлар 15:13-28, 16:1-2, 13-14, 17:16, 27-29 га қаранг.

64:2 *Куддус* — ибронийча матнда Сион. 2:6 изоҳига қаранг.

64:4 *устимиздан* — қадимий юононча ва лотинча таржималардан. Ибронийча матнда *устимдан*.

64:4 ...*кечирасан гуноҳларимизни* — ёки ...*поклайсан гуноҳларимиздан*.

65:6 *Худо денгизни қуруқ ерга айлантириди, Ота-боболаримиз баҳрдан юриб ўтди...* — Чиқиш 14:21-22 га қаранг.

65:12 *Фаровонлик* — ибронийча матндан. Қадимий юононча, сурёнийча ва лотинча таржималарда *кенг ер, яъни озод, бехатар ўлка*.

67:9 *Синай тоғининг Худоси* — Исроил халқи Мисрдан Канъон юртига кетганда, Худо Синай тоғида уларга Ўзини зоҳир қилган эди (Чиқиш 19:10-25 га қаранг).

67:10 *еринг* — Исроил халқи ўрнашган Канъон юрти.

67:15 *Залмон тоғи* — Шакам шаҳри яқинида жойлашган Эбал тоғининг ёки Гаризим тоғининг яна бир номи (Ҳакамлар 9:46-49 га қаранг) ёки Иордан дарёсининг шарқидаги бир тоғ.

67:16 *Башаннинг тоғи* — Башан үлкасида, Жалила кўлидан қарийб 60 километр шимоли-шарқда жойлашган Хермон тоғи назарда тутилган бўлиши мумкин. Хермон тоғи ҳозирги Суриянинг энг баланд тоғи бўлиб, учта алоҳида-алоҳида чўққиси бор.

67:17 *Худо макон қилиб танлаган тоғ* — Куддусдаги Сион тоғига ишора.

47:3 нинг иккинчи изоҳига қаранг.

67:19 *Юксаклар* — Сион тоғида жойлашган Маъбад назарда тутилган бўлиши мумкин. Сано ижодкори Раббийни ўз тахтига кўтарилаётган ғолиб шоҳ сифатида тасвирлайди.

67:28 ...*Бенямин...Яхудо...Забулун, Нафтали...* — Истроил халқининг қабилаларидан тўрттаси. Бенямин ва Яхудо қабилалари Истроил юртининг жанубида, Забулун ва Нафтали қабилалари шимолида жойлашган эди.

67:29 *Эй Худо, қўрсатгин қудратингни!* — кўплаб иброний қўлёзмаларидан, қадимиюнонча ва сурёнийча таржималардан. Ибронийча матнда *Сизлар қудратли бўласизлар, деб Худойингиз қарор қилган* эди.

67:31 ...*қамишзор орасидаги ўша ёввойи ҳайвон...* — Нил дарёсидаги бегемот назарда тутилган бўлиши мумкин. Бегемот Миср халқининг рамзи эди.

67:32 *Мисрдан бронза келтирилади...* — ёки *Аслзодалар Мисрдан келади....*

67:32 *Ҳабашистон* — ибронийча матнда *Куш*. Бу жой Мисрдан жанубда бўлиб, ҳозирги Судан ва Эфиопия мамлакатларининг бир қисмини ўз ичига олган эди.

68:11-12 ...*рўза тутганимда...¹²...қанор кийганимда...* — қанор дағал қорамтир мато бўлиб, эчки ёки тую жунидан тўқилган. Қанор кийиб олиш ва рўза тутиш умидсизликни ва қайғули ҳолатни ифодалайди. Кўпинча бу ҳаракат Худодан кечирим сўраб ибодат қилиш ва Ундан мадад тилаш билан биргалиқда амалга оширилган.

68:13 *Шаҳар дарвозаси олдида...* — қадимги пайтларда одамлар савдо-сотик, ижтимоий ва хуқуқий масалаларни ҳал қилиш учун шаҳар дарвозаси олдида йиғилишарди.

68:36 *Куддус* — ибронийча матнда *Сион*. 2:6 изоҳига қаранг.

71:5 ...*Унинг умри ҳам шунчалик узоқ бўлсин* — қадимиюнонча таржимадан. Ибронийча матнда ...*Шундай узоқ вақт давомида Сендан қўрқсинлар*.

71:10 *Таршиш* — 47:8 изоҳига қаранг.

71:10 *Шава* — Арабистон ярим оролининг жануби-ғарб томонида бўлгани эҳтимолдан ҳоли эмас. Кейинчалик Шава маликаси шоҳ Сулаймонга ҳадялар олиб келган эди (3 Шоҳлар 10:1-13 га қаранг).

71:10 *Саво* — Арабистон ярим оролининг жанубида ёки Африкада, Қизил дengизнинг ғарбий бўйида жойлашган бўлиши мумкин.

72 *Осиф* — 49-санонинг изоҳига қаранг.

72:4 *Улар оғриқ нималигини билмайдилар...* — ёки *Улар ўлим пайтигача оғриқни сезмайдилар....*

72:10 *Шу боис ҳар ким уларга юз буради, Уларнинг сўзларини сув каби ичади* — ибронийча матндан сўзма-сўз таржимаси *Шу боис унинг ҳалқи шу ерга қайтиб келади ва мўл-қўл сувни симириб ичади*. Ибронийча матнда бу оятнинг маъноси баҳсли.

73 *Осиф* — 49-санонинг изоҳига қаранг.

73 *қасида* — 31-санонинг изоҳига қаранг.

73:14 *Левитан* — Канъон халқларининг қадимиюн афсоналарида учрайдиган маҳлуқ. Левитан ҳалокат келтирувчи дengиз кучларининг ва ўрнатилган барча

тартибга таҳдид соладиган бузғунчи кучларнинг рамзиdir. Муқаддас Китобда Худонинг Левитан устидан қозонган ғалабаси Унинг куч-қудрати рамзиdir. Зотан, Худо бутун борлиқ устидан, шунингдек, Ўз халқининг душманлари устидан ғолиб бўлган қудратли Ҳукмдордир.

73:14 Ҷўл жонзотлари — ёки Ҷўлда яшайдиган одамлар.

73:16 ой — ёки юлдузлар.

74:1 Осиф — 49-санонинг изоҳига қаранг.

74:4 Замин устунлари — 17:16 изоҳига қаранг.

74:9 шароб — 59:5 изоҳига қаранг.

75:1 Осиф — 49-санонинг изоҳига қаранг.

75:3 Куддус — ибронийча матнда Салим, Куддуснинг қадимги номи.

75:11 Инсонга бўлган ғазабинг... — ёки Сенга бўлган инсон ғазаби....

75:11 ...Ғазабингдан қутулганларни атрофингга тўплайсан — ибронийча матндан сўзма-сўз таржимаси ...Ғазабнинг қолганини кийиб оласан. Оятнинг бу қисмидаги ибронийча матннинг маъноси баҳсли.

75:12 атрофидагилари — атрофдаги халқларнинг ҳукмдорлари (шу санонинг 13-оятига қаранг) ёки самодаги кенгашда иштирок этган илоҳий зотлар назарда тутилган (81:1, 88:8 га қаранг).

76:1 Ёдутун — 1 Солномалар 16:41-42, 25:1, 3 га қаранг.

76:1 Осиф — 49-санонинг изоҳига қаранг.

76:2 ...Эшиитгин мени, деб Худога ҳайқираман — ёки ...Худога ҳайқираман, мени эшитади.

76:7 Тун бўйи ўзим билан ўзим суҳбат қурдим... — қадимий юонча ва сурёнийча таржималардан. Ибронийча матнда Тунда айтган қўшиқларимни эсладим....

77 Осиф — 49-санонинг изоҳига қаранг.

77 қасида — 31-санонинг изоҳига қаранг.

77:5 Ота-боболаримизга амр бериб...деди — Қонунлар 6:6-7 га қаранг.

77:9 Эфрайим жангчилари — Эфрайим қабиласи Исроилнинг шимолий қисмидаги энг катта ва нуфузли қабила бўлгани боис, Эски Аҳднинг баъзи ўринларида Эфрайим деган ном Исроилга, яъни шимолий шоҳликка нисбатан ишлатилган. Бу шоҳликнинг пойтахти Самария эди. Тўлиқроқ маълумотга эга бўлиш учун луғатдаги ЭФРАЙИМ сўзига қаранг.

77:9 ...Жанг қунида ортига қайтди — Эфрайим қабиласи ва Исроил, яъни шимолий шоҳлик жангда қўрқоқлик кўрсатганлиги ҳақида ҳеч қаерда айтиб ўтилмаган. Бу ерда сано ижодкори улар ҳақида, жангдан орқага қайтди, деб айтганда, Исроил халқининг Худо билан қилган аҳдига бевафолик қилгани ва шу сабабли уларнинг шоҳлиги қулаганини назарда тутган бўлса керак (шу санонинг 60, 67-68-оятларига ва 60-оятнинг изоҳига қаранг).

77:12 Зўван текислиги — Гўшен ерларининг яна бир номи, бу жой Нил дельтасининг шарқ томонида жойлашган эди. Зўван бу текислиқдаги муҳим шаҳар бўлиб, Рамзес номи билан ҳам аталар эди. Ибтидо 47:11, 27 га қаранг.

77:13 Денгизни ёриб...Сувларни девор каби тик қилиб қўйди — Чиқиш 14:21-29 га қаранг.

77:14 Кундузи уларни...Тун бўйи...етаклади — Чиқиш 13:21-22 га қаранг.

77:15-16 У саҳродаги қояларни парчалади...¹⁶...Сувларни...оқизди — Чиқиш 17:1-7 ва Саҳрода 20:2-11 га қаранг.

77:18 Улар атайлаб Худони синадилар... — Чиқиш 16:2-15, Саҳрода 11:4-23 га қаранг.

77:21 Эгамиз уларнинг гапини эшишиб...Исроил наслига қарши қаҳрини сочди — Саҳрода 11:1-3 га қаранг.

77:24 манна — Исроил халқи Мисрдан чиққандан кейин то Канъон юртига киргунча, Худо уларга етказиб турган маҳсус егулик. Манна, Шаббат кунидан ташқари, ҳар куни кечаси ерга ёғиларди, одамлар саҳарда туриб, уни йиғиб олишарди (Чиқиш 16:13-35, Ёшуа 5:12 га қаранг).

77:31 ...Исроилнинг гулдай йигитларини ер тишлатди — Саҳрода 11:31-35 га қаранг.

77:43 Зўван текислиги — шу санонинг 12-ояти изоҳига қаранг.

77:46 чигирткалар — баъзан тўда-тўда бўлиб келиб, далалардаги ҳосилга катта зарар етказадиган ҳашарот.

77:47 шикамора-анжир дараҳтлари — анжирнинг қадимги Яқин Шарқда кенг тарқалган бир тури. Катталиги ёнғоқ дараҳтидай, барглари эса тут баргларига ўхшаш бўлиб, йил давомида бир неча бор ҳосил берадиган серсоя дараҳт.

77:44-51 ⁴⁴Мисрдаги дарёларни Худо қонга айлантириди...⁵¹ Мисрнинг ҳамма тўнғич ўғилларини нобуд қилди... — Чиқиш 7:14-12:32 га қаранг.

77:51 Хом авлоди — Мисрликларга нисбатан қўлланган шеърий усул. Хомнинг ўғли Мизра Миср халқининг бобокалонидир (Ибтидо 10:6 га ва ўша оятнинг иккинчи изоҳига қаранг).

77:55 бошқа халқлар — Конунлар 7:1 га қаранг.

77:60 Шилў — Қуддусдан қариб 32 километр шимолда жойлашган бу шаҳар Эфрайим қабиласининг худудида эди. Шоҳ Довуд давридан олдин Шилў Исроил халқининг сажда маркази бўлган эди (Ёшуа 18:1, 1 Шоҳлар 1:3 га қаранг).

Кейинчалик Яхудо қабиласининг худудидаги Куддус сажда маркази бўлиб қолди, Маъбад Қуддусда қурилди (шу санонинг 67-69-оятларига қаранг).

77:61 ...асир қилиб берди Аҳд сандигини, Ўзининг қудратию шуҳрати рамзини — ибронийча матндан сўзма-сўз таржимаси ...асир қилиб берди Ўз қудратию шуҳратини.

77:67 Эфрайим қабиласи — шу санонинг 9-оятига берилган биринчи изоҳга қаранг.

77:68 Яхудо қабиласи — Яхудо қабиласи Исроилнинг жанубий қисмидаги энг катта қабила эди. Шу боис Эски Аҳднинг баъзи парчаларида Яхудо сўзи жанубий шоҳликка нисбатан ишлатилган. Тўлиқроқ маълумотга эга бўлиш учун луғатдаги ЯХУДО сўзига қаранг.

77:67-68 ...Эфрайим қабиласини танламади. ⁶⁸...Яхудо қабиласини...Сион тоғини танлади — Маъбаднинг Яхудо худудида, Қуддусдаги Сион тоғида қурилганига ишора (шу санонинг 60-оятига ва ўша оятнинг изоҳига қаранг).

78 Осиф — 49-санонинг изоҳига қаранг.

78:7 Исроил — ибронийча матнда Ёкуб, Исроил наслининг яна бир номи (Ибтидо

32:27-28 га қаранг).

79:1 *Осиф* — 49-санонинг изоҳига қаранг.

79:2-3 *Юсуф насли* — бу ўринда Истроил халқи назарда тутилган. Юсуф Ѓқубнинг Роҳиладан кўрган тўйғич ўғли эди. Эфрайим ва Манаше қабилалари Юсуфнинг иккала ўғлидан тарқалган насллардир.

79:2-3 ...Эфрайим, Бенямин, Манаше... — Истроил халқининг қабилаларидан учтаси. Эфрайим ва Манаше ғоят муҳим ўрин тутган шимолий қабилалар эди.

79:12 *денгиз* — яъни Ўрта ер денгизи.

79:14 *Ёввойи тўйғизлар...Ёввойи жониворлар...* — Истроил халқининг душманларига ишора қилаётган кўчма маънодаги иборалар.

79:16 *новда* — ибронийча матндан сўзма-сўз таржимаси ўғил, Худо ўтқазган токка, яъни Истроил халқига ишора қилаётган кўчма маънодаги сўз.

79:18 *халқ* — ибронийча матндан сўзма-сўз таржимаси инсон ўғли. Шу санонинг 16-оятига ва ўша оятнинг изоҳига қаранг. Яна 8:5 изоҳига қаранг.

80:1 *Осиф* — 49-санонинг изоҳига қаранг.

80:4 *байрам кунимиз* — Чайла байрами назарда тутилган бўлиши мумкин (Левилар 23:33-43 га қаранг).

80:6 *Истроил* — ибронийча матнда *Юсуф*. 79:2-3 нинг биринчи изоҳига қаранг.

80:7 *Юкни олдим елкангиздан...Қўлларингиз саватдан озод бўлди* — Истроил халқининг Мисрда қилган оғир меҳнати назарда тутилган (Чиқиш 1:11-14 га қаранг).

80:8 ...*Марива сувлари бўйида...* — Чиқиш 17:1-7 ва Сахрода 20:1-13 га қаранг.

81 *Осиф* — 49-санонинг изоҳига қаранг.

81:1 *самодаги кенгаш* — Худонинг таҳти атрофида самовий мавжудотлар йиғилгани ҳақида Эски Аҳдда бир неча марта сўз юритилган (мисол учун, 88:6-8, 3 Шоҳлар 22:19-22, Аюб 1:6-12, 2:1-6, 15:8, Ишаё 6:1-8 га қаранг).

81:1 *худолар* — ибронийча матнда элоҳим (шу санонинг 6-оятида ҳам бор). Одатда бу сўз Худога ишора қиласи, аммо ҳукмдорлар, илоҳий мавжудотлар ёки фаришталарни ҳам билдириши мумкин.

81:5 *Заминнинг пойдевори* — 17:16 изоҳига қаранг.

82:1 *Осиф* — 49-санонинг изоҳига қаранг.

82:6-8 *Эдомликлар...Мўабликлар...* — Эдом Ўлик денгизнинг жанубида, Мўаб шу денгизнинг шарқида жойлашган юртлар эди.

82:6-8 ...*Исмоил авлодлари...Хожар насллари...* — Иордан дарёсининг шарқ томонида яшаган қариндош икки араб қабиласи (Ибитидо 25:12-18, 1 Солнномалар 5:10 га қаранг).

82:6-8 *Габол* — бу ўринда ё Ўрта ер денгизи бўйидаги Финикияга қарашли шаҳар (Библ номи билан ҳам маълум бўлиб, Тир шаҳридан шимолда жойлашган) ёки Ўлик денгизнинг жанубидаги ерлар назарда тутилган.

82:6-8 ...*Оммон ва Омолек...* — Оммон халқи Иордан дарёсининг шарқ томонида, Омолек халқи эса Истроилдан жануби-тарбда, Синай ярим оролида яшаган.

82:6-8 ...*Тир...Филистия...* — Тир Финикиядаги шаҳар бўлиб, Истроилдан шимолда, Ўрта ер денгизи бўйида жойлашган. Филистия Ўрта ер денгизи бўйида

жойлашган юрт эди.

82:9 *Лут насли — яъни Эдом ва Мўаб халқлари* (Ибтидо 19:30-38 га қаранг).

82:10 ...*Мидиёнларни жазолаганингдай...* — Ҳакамлар 7:1-23 га қаранг.

82:10 ...*Сисаро, Ёбинни қирганингдай...* — Ҳакамлар 4:1-24 га қаранг.

82:12 *Орив ва Заёвдай...* — Ҳакамлар 7:25 га қаранг.

82:12 ...*Зевах ва Залмунодай...* — Ҳакамлар 8:21 га қаранг.

83:1 *Кўрах насли — 41:1 нинг биринчи изоҳига қаранг.*

83:7 *Қақраган сойликдан — ибронийча матнда Бака сойлиги.* Ибронийчадаги бака сўзи қуруқ ерларда ўсадиган дарахтнинг бир турини билдириши мумкин. Баъзи иброний қўлёзмаларида, қадимий юононча, сурёнийча ва лотинча таржималарда *Йиги сойлиги*. Бу сойликнинг қаерда жойлашгани маълум эмас.

83:7 *сув ҳавзалари — ёки баракалар.*

83:8 *Куддус — ибронийча матнда Сион.* 2:6 изоҳига қаранг.

84:1 *Кўрах насли — 41:1 нинг биринчи изоҳига қаранг.*

84:9 *бемаъни ўйллар — гуноҳкорона хулқ-атвор назарда тутилган.*

85:13 *Ўликлар диёри — ибронийча матнда Шеўл.* 6:6 изоҳига қаранг.

86:1 *Кўрах насли — 41:1 нинг биринчи изоҳига қаранг.*

86:2 *муқаддас тоғ — Куддусдаги Сион тоғига ишора.* 47:3 нинг иккинчи изоҳига қаранг.

86:2 *Куддус — ибронийча матнда Сион* (шу санонинг 4, 5, 6-оятларида ҳам бор). 2:6 изоҳига қаранг.

86:4 *Миср — ибронийча матнда Раҳоб,* Левитаннинг яна бир исми, Канъон халқларининг қадимий афсоналарида учрайдиган махлуқ (73:14 нинг биринчи изоҳига қаранг). Бу ўринда Раҳоб Мисрнинг шеърий номи сифатида келган (Ишаё 30:7 га қаранг).

86:4 ...*Филистия...Тир...* — Филистия Ўрта ер денгизи бўйида жойлашган юрт эди. Тир Финикиядаги шаҳар бўлиб, Исроилдан шимолда, Ўрта ер денгизи бўйида жойлашган.

86:4 *Ҳабашистон — ибронийча матнда Куш.* Бу жой Мисрдан жанубда бўлиб, ҳозирги Судан ва Эфиопия мамлакатларининг бир қисмини ўз ичига олган эди.

87:1 *Кўрах насли — 41:1 нинг биринчи изоҳига қаранг.*

87:1 *қасида — 31-санонинг изоҳига қаранг.*

87:4 *ўликлар диёри — ибронийча матнда Шеўл.* 6:6 изоҳига қаранг.

87:10 *ҳар куни — ёки кун бўйи.*

87:12 *Ҳалокат диёри — ибронийча матнда Абаддўн.* Бу сўз Шеўлни, яъни ўликлар диёрини билдиради.

87:12-13 ...*қабр...*¹³ *Зулмат диёри...Унумилганлар макони...* — Шеўл, яъни ўликлар диёри назарда тутилган. 6:6 изоҳига қаранг.

87:16 ...*умидсиз қолганман — ёки ...менинг тинка-мадорим қуриган.*

88:1 *қасида — 31-санонинг изоҳига қаранг.*

88:4 *Сен шундай дединг... — 2 Шоҳлар 7:16 га қаранг.*

88:7 Илоҳий зотлар — ибронийча матндан сўзма–сўз таржимаси *Худонинг ўғиллари*. 28:1 изоҳига қаранг.

88:8 муқаддас малаклар давраси — 81:1 нинг биринчи изоҳига қаранг.

88:11 Раҳоб — Левитаннинг яна бир исми, Канъон халқларининг қадимий афсоналарида учрайдиган махлуқ (73:14 нинг биринчи изоҳига қаранг).

88:13 ...Товур, Хермон тоғлари... — Товур тоғи Жалила кўлининг жанубий қирғоғидан қарийб 19 километр ғарбда жойлашган. Хермон ҳозирги Суриянинг энг баланд тоғидир.

88:21 ...Муқаддас мойимни суртиб уни танладим — 1 Шоҳлар 16:1-13 га қаранг.

88:28 Мен уни тўнғич ўғил қилиб оламан... — 2:7 га ва ўша оятнинг изоҳига қаранг.

88:49 ўликлар диёри — ибронийча матнда *Шеўл*. 6:6 изоҳига қаранг.

88:51 ...мен, қулинг, қанчалар масхара бўлганимни... — кўплаб иброний қўллэзмаларидан, қадимий юончча ва сурёнийча таржималардан. Ибронийча матнда ...қулларинг қанчалар масхара бўлганини....

89:4 Сен инсонни тупроққа қайтарасан... — Ибтидо 3:19 га қаранг.

90:13 Шер ва заҳарли илон — Истроил халқининг душманларига ишора қилаётган кўчма маънодаги ибора.

91:11 ...Қудратинг билан менга қайтадан куч ато этдинг — ибронийча матндан сўзма–сўз таржимаси ...Менга янги мой суртилган. Бу ўринда мой Худодан куч олишга ишора бўлиб, кўчма маънода қўлланган.

91:13 Lubnonдаги садр дараҳти — 28:5 изоҳига қаранг.

94:8 Маривада...Массахда... — Чиқиш 17:1-7 га қаранг.

94:10 Қирқ йил у наслдан нафратланиб... — Саҳрова 14:33-34 га қаранг.

94:11 ...«Улар фароғат диёримга кирмайди», дедим — Саҳрова 14:20-23 га қаранг.

95:9 Муқаддас улуғворликка бурканган Эгамизга сажда қилинг! — ёки Эгамизнинг муқаддас маскани улуғворлиги ичра Унга сажда қилинг! ёхуд Муқаддас либосларда Эгамизга сажда қилинг!

96:8 Қуддус — ибронийча матнда *Сион*. 2:6 изоҳига қаранг.

98:2 Қуддус — ибронийча матнда *Сион*. 2:6 изоҳига қаранг.

98:9 муқаддас тоғи — Қуддусдаги Сион тоғига ишора. 47:3 нинг иккинчи изоҳига қаранг.

101:14 Қуддус — ибронийча матнда *Сион* (шу санонинг 17-оятида ҳам бор). 2:6 изоҳига қаранг.

101:26 заминнинг пойдевори — 17:16 изоҳига қаранг.

102:5 Ҳаётим — ёки *Орзу–истакларим*.

102:14 ...Биз тупроқ эканимиз... — Ибтидо 3:19 га қаранг.

103:3 Осмондаги сувлар — Ибтидо 1:6-8 га қаранг.

103:5 заминнинг пойдевори — 17:16 изоҳига қаранг.

103:16 ...Лубнонда...садр дараҳтларинг... — 28:5 изоҳига қаранг.

103:26 Левитан — Канъон халқларининг қадимий афсоналарида учрайдиган махлуққа ишора қиласди (73:14 нинг биринчи изоҳига қаранг). Аммо бу ўринда

китга ёки баҳайбат денгиз махлуқига ишора қилинган бўлиши ҳам мумкин.

103:30 Руҳ — бу ўриндаги ибронийча сўз *нафас* маъносини ҳам ифодалайди.

104:11 Айтдики... — Ибтидо 12:7, 17:8, 26:3, 28:13 га қаранг.

104:15 Пайғамбарларим — Иброҳим, Исҳоқ, Ёқубга ишора.

104:17 Юсуф — Ибтидо 37:1-36, 39:1-41:57, 45:4-7 га қаранг.

104:22 ...аъёнларимни занжирбанд қилсин... — ёки ...у аъёнларим устидан ҳукмронлик қилсин... ёхуд ...у аъёнларимга кўрсатма берсин....

104:23 Хом юрти — Мисрга нисбатан қўлланган шеърий усул. Хомнинг ўғли Мизра Миср халқининг бобокалонидир (Ибтидо 10:6 га ва ўша оятнинг иккинчи изоҳига қаранг).

104:27 Мисрликлар орасида...мўъжизаларини, ажойиботларини кўрсатди — Чиқиш 7:8-11:10, 12:29-30 га қаранг.

104:28 ...Ахир, Мисрликлар Эгамизнинг амрларига итоатсизлик қилди — қадими юончча ва сурёнийча таржималардан. Ибронийча матнда ...Улар Эгамизнинг амрларига итоатсизлик қилмади, яъни ...*Мусо ва Ҳорун Эгамизнинг амрларига итоатсизлик қилмади*.

104:34 чигирткалар — баъзан тўда-тўда бўлиб келиб, далалардаги ҳосилга катта зарар етказадиган ҳашарот.

104:37 ...Эгамиз Ўз халқини Олтину кумушга бойитиб... — Чиқиш 12:33-36 га қаранг.

104:39 ...Эгамиз булутни ёйди, Кечаси...аланга берди — Чиқиш 13:20-22 га қаранг.

104:40 ...Эгамиз беданалар берди, Осмондан нон ёғдириб, уларни тўйғазди — Чиқиш 16:2-15 га қаранг.

104:41 Эгамиз қояни очди, сув отилиб чиқди... — Чиқиш 17:1-7 ва Саҳрода 20:2-11 га қаранг.

105:7 Қизил денгиз — ибронийча матнда Ём-Суф, маъноси Қамиш денгизи (шу санонинг 9, 22-оятларида ҳам бор). Бу санодаги мана шу ном остида ҳозирги Суэц қўлтиғи (яъни Қизил денгизнинг шимоли-ғарбидаги қўлтиқ) ёки Суэц қўлтиғи ва Ўрта ер денгизи оралиғида жойлашган қўллардан бири назарда тутилган. Чиқиш 14:10-31 даги ҳодисаларнинг тафсилотига кўра, бу денгиз катталигидан Исроил халқига тўсиқ бўлган, чуқурлигидан Миср лашқари чўкиб кетган.

105:9 У Қизил денгизга дўйқурди...Исроил халқини денгиз тубидан ўтказди — Чиқиш 14:1-31 га қаранг.

105:14 Саҳрода...улар Ҳудони синади — Саҳрода 11:4-34 га қаранг.

105:16 ...Мусога...Ҳорунга ҳасад қилди — Саҳрода 16:1-35 га қаранг.

105:19 Синай тоғи — ибронийча матнда Ҳорев тоғи, Синай тоғининг яна бир номи.

105:19 Синай тоғида...олтин бутга сажда қилдилар — Чиқиш 32:1-14 га қаранг.

105:22 Хом юрти — Мисрга нисбатан қўлланган шеърий усул. Хомнинг ўғли Мизра Миср халқининг бобокалонидир (Ибтидо 10:6 га ва ўша оятнинг иккинчи изоҳига қаранг).

105:24 ...улар...Эгамизнинг ваъдасига ишонмадилар — Саҳрода 14:1-35 га қаранг.

105:28 ...бизнинг ота-боболаримиз Пиёр тоғидаги Баалга сажда қилишга

қўшилдила... — Саҳрода 25:1-13 га қаранг.

105:28 ...Ўликларга... — ёки ...Жонсиз бутларга....

105:32 Марива сувлари бўйида... — Саҳрода 20:1-13 га қаранг.

106:3 жануб — ибронийча матнда денгиз. Бу ўринда Ўрта ер денгизининг жанубий соҳили ёки Ақаба қўлтиғи назарда тутилган бўлиши мумкин.

106:30 бандаргоҳ — кемалар тўхтайдиган жой, порт. Тўлиқроқ маълумотга эга бўлиш учун луғатдаги БАНДАРГОҲ сўзига қаранг.

107:8 ...Ўз муқаддас маконингдан ваъда бергансан... — ёки ...Сен муқаддассан, ваъда бергансан....

107:8 Шакам — Куддусдан қарийб 50 километр шимолда, Исроил тепаликларида жойлашган шаҳар.

107:8 Сухот водийси — Иордан дарёсининг шарқ томонида жойлашган.

107:9 Гилад...Манаше... — Гилад ўлкаси Иордан дарёсининг шарқ томонида жойлашган. Манаше Исроил халқининг қабилаларидан бири бўлиб, бу қабиланинг ҳудуди Иордан дарёсининг шарқ ва ғарб томонида жойлашган эди.

107:9 ...Эфрайим...Яхудо... — Исроил халқининг иккита етакчи қабиласи. Эфрайим Исроилнинг шимолида, Яхудо жануб томонида жойлашган эди. Иккала қабила рамзий маънода бутун Исроил халқини ифода этади.

107:10 ...чориғимни отаман... — қадимги Исроилда кимдир ердан бир қисмини мулк қилиб олишга даъвогарлик қилганда чориғини отган, шу рамзий хатти-ҳаракат одат бўлиб қолган.

107:10 Мўаб...Эдом...Филистлар... — Исроилнинг шарқ, жануб ва ғарбидаги қўшни халқлар бўлиб, улар Исроилга душман эдилар. Мўаб юрти Ўлик денгизининг шарқида, Эдом юрти Ўлик денгизининг жанубида жойлашган эди. Филистлар Ўрта ер денгизи бўйида яшаган.

107:11 мустаҳкам шаҳар — Эдом юртининг пойтахти Села назарда тутилган бўлиши мумкин.

108:17 ...келсин...бўлсин — ёки ...келди...бўлди.

109:1 Раббим — ибронийча матнда адон. Бу ўринда адон сўзи Худо танлаган шоҳга ишора қиласи. Мазкур санода Довуд ўзининг авлоди ва келажак шоҳ ҳақида башорат қилган. Ўша шоҳ руҳоний ҳам бўлади ва Худонинг ўнг томонида ўтириб, абадий хукмронлик қиласи (шу санонинг 4-оятига ва 2 Шоҳлар 7:16, 23:2-5 га қаранг).

109:1 Менинг ўнг томоним — ўнг томон муруват ва барака ўрни деб ҳисобланган.

109:2 Қуддус — ибронийча матнда Сион. 2:6 изоҳига қаранг.

109:3 Эрта тонг ёш йигитларинг...Улар муқаддас улуғворликка бурканган — ёки Сиз муқаддас улуғворликка буркангансиз, сизнинг куч-қудратингиз тонгги шабнамга ўхшаб ҳар куни янгиланиб туради. Ибронийча матндан сўзма-сўз таржимаси Бачадондан, саҳардан сизда ёшлигиниз шабнами бор ёки ...йигитларингизнинг шабнами бор.

109:4 “Сен Маликсидиқ сингари, То абад руҳонийсан” — Довуд насли, Маликсидиқ сингари, ҳам шоҳ, ҳам руҳоний бўлади (Ибитдо 14:18-20 га қаранг). Ҳорун ва унинг наслига берилган мартабага қараганда, бу руҳонийлик мартабаси юксак

эди (Ибронийлар 7:1-28 га қаранг).

110:1 Бу сано ибронийчада мувашшаҳ усулида ёзилган шеърдир. Бу санонинг ҳар бир оядаги биринчи сўз иброний алифбеси тартиби бўйича бошланади.

110:8 ...Эгамиз уларни садоқат, тўғрилик или ижро қилди — ёки ...Уларга садоқат ва тўғрилик билан итоат этиш шарт.

111:1 Бу сано ибронийчада мувашшаҳ усулида ёзилган шеърдир. Бу санонинг ҳар бир оядаги биринчи сўз иброний алифбеси тартиби бўйича бошланади.

113:3 Денгиз Худони кўрди-ю, қочди... — Чиқиш 14:21-22 га қаранг.

113:3 ...Иордан дарёси орқага қайтди — Ёшуа 3:7-17 га қаранг.

113:4 Тоглар қўчқорлар каби сакради... — Чиқиш 19:16-19 ва Ҳакамлар 5:4-5 га қаранг.

113:8 У...қоядан булоқ чиқарган — Чиқиш 17:1-7 га қаранг.

113:18 Ҳорун хонадони — Маъбадда руҳонийлар бўлиб хизмат қилган Ҳорун насли.

114:3 Ўликлар диёри — ибронийча матнда Шеўл. 6:6 изоҳига қаранг.

115:1-2 Жуда кўп азоб чексам ҳам, Ҳудога бўлган ишончим йўқолмади.² Ўйламасдан... — ёки Мен Ҳудога ишондим. Жуда кўп азоб чекканимдан, ўйламасдан²...

117:14 ...куч-қудратимдир... — ёки ...қудратим, шукронा қўшиғимдир...

117:22 тамал тоши — қадимги пайтларда қурилишда пойdevor учун қўйилган биринчи ва энг муҳим тош ҳисобланарди. Бу тош пойdevornинг бир бурчагини ҳосил қилиб, бинонинг қолган қисми ўша тошнинг жойлашуви бўйича қуриларди.

117:27 Пальма шохларини олиб, қурбонгоҳ олдига боринг — ёки Қурбонлик қилинадиган ҳайвонни арқон билан боғлаб, қурбонгоҳга олиб келинг.

118:1 Бу сано ибронийчада мувашшаҳ усулида ёзилган шеърдир. Бу санода 22 байт бўлиб, ҳар бир байт 8 оятдан иборат. Байтнинг ҳар бир ояти иброний алифбесининг бир хил ҳарфи билан бошланади. Мисол учун, биринчи байтдаги ояtlар иброний алифбесининг биринчи ҳарфи билан бошланади, иккинчи байтдаги ояtlар иброний алифбесининг иккинчи ҳарфи билан бошланади ва ҳоказо.

118:37 ...Ваъданга биноан ҳаётимни сақлагин — Қумрон қўлёзмаларидан ва баъзи иброний қўлёзмаларидан. Ибронийча матнда ...Сенинг йўлларингдан юрарканман, ҳаётимни сақлагин.

118:83 Тутунда қорайиб, бужмайган мешдай... — қадимги пайтларда суюқлик одатда ҳайвон терисидан қилинган мешларда сақланарди. Сано ижодкори ўзини шипда осилиб, тутундан қорайиб, буришиб кетган мешга қиёслайди. Бундай меш яроқсиз бўлиб, ундан фойдаланиб бўлмайди.

119 Зиёрат қўшиғи — ибронийча матндан сўзма-сўз таржимаси *Юқорига чиқиши қўшиғи*, яъни Куддусга ва Маъбад турган тепаликка чиқилаётганда айтиладиган қўшиқ. 119-133-саноларнинг ҳаммаси “зиёрат қўшиқлари” деб аталган.

Зиёратчилар диний байрамларни нишонлаш учун Куддусга бораётганларида ҳам, байрамларни Маъбадда нишонлаганларида ҳам, сажда сифатида шу қўшиқларни куйлаган бўлишлари мумкин. Яна 83-санога қаранг.

119:5 ...*Мешех...Кедар...* — Мешех худуди Каспий денгизи билан Қора денгиз орасида, Кедар ерлари эса Арабистон саҳросида жойлашган. Одамларнинг тасаввурига қўра, бу жойларда яшайдиган халқлар варварлар бўлиб, уларнинг ерлари ниҳоятда олисда деб ҳисобланган.

124:3 *салтанат ҳассаси* — бу маҳсус ҳасса бўлиб, шоҳ ва ҳукмдорларнинг ҳокимиятини билдирувчи рамз эди.

125:1 *Қуддус* — ибронийча матнда *Сион. 2:6* изоҳига қаранг.

125:1 *Эгамиз Қуддусни яна фаровонликка эриштирганд... — ёки Эгамиз бизни сургундан Қуддусга қайтариб олиб келганда....*

126:2 *Эгамиз Ўз севғанларининг эҳтиёжини Уйқуларида ҳам қондиради — ёки Эгамиз Ўз севғанларига уйқу ато қиласи.*

128:5 *Қуддус* — ибронийча матнда *Сион. 2:6* изоҳига қаранг.

128:6 *Том устидаги ўтлар* — қадимги Исройлда одатда уйларнинг томлари тупроқдан бўлиб, шиббаланган. Баъзан томларда майсалар ўсиб чиқар, лекин қўёш ва гармсел таъсирида тез қуриб қолар эди.

131:6 *Эфрат* — Байтлаҳм шаҳри атрофидаги ерлар.

131:6 *Йўр — Хират-Йўримнинг қисқа шакли бўлиши мумкин. Хират-Йўрим Қуддусдан 15 километр шимоли-ғарбда жойлашган шаҳар эди. Филист ҳалқи жангда Аҳд сандиғини ўлжа қилиб олган эди. Исройл ҳалқи Аҳд сандиғини улардан тортиб олиб, мана шу ерга олиб келган эди (1 Шоҳлар 6:13-7:2 га қаранг).*

131:13 *Қуддус* — ибронийча матнда *Сион. 2:6* изоҳига қаранг.

132:2 *қимматбаҳо мой* — Чиқиш 30:22-33 га қаранг.

132:3 *барака* — ибронийча матндан сўзма-сўз таржимаси *шабнам*. Шабнам Худо марҳаматининг рамзиdir. Худонинг Сион тоғига берган мўл-кўл баракаси Хермон тоғига тушадиган мўл шабнамга таққосланган. Хермон тоғи ҳозирги Сурияning энг баланд тоғидир. Қуддус ва Маъбад жойлашган тоғлар ундан анчагина паст эди.

133:3 *Қуддус* — ибронийча матнда *Сион. 2:6* изоҳига қаранг.

134:3 *бу* — ёки *У*.

134:8 *Эгамиз Мисрнинг тўнғичларини...нобуд қилди* — Чиқиш 12:29-30 га қаранг.

134:9 *Фиръавн ва унинг ҳамма аъёнларига қарши...Эгамиз аломату мўъжизаларни юборди* — Чиқиш 7:8-11:10 га қаранг.

134:11 *Амор ҳалқининг шоҳи Сихўнни, Башан шоҳи Ўгни...қирган* — Саҳрода 21:21-35 ва Қонунлар 2:24-3:11 га қаранг.

134:19 *Ҳорун хонадони* — Ҳоруннинг авлоди Маъбадда руҳоний бўлиб хизмат қилган.

134:20 *Леви хонадони* — Маъбаддаги хизматларда руҳонийларга ёрдам берадиган Леви қабиласининг аъзолари.

135:2-3 *худоларнинг Худоси...³...эгаларнинг Эгаси* — Қонунлар 10:17 изоҳига қаранг.

135:5 ...*самоларни яратганга...* — Ибтидо 1:1, 6-8, 14 га қаранг.

135:6 ...*сувлар узра ерни барпо қилганга...* — 23:2 изоҳига қаранг.

135:10 ...*Мисрнинг тўнғичларини урганга...* — Чиқиш 12:29-30 га қаранг.

- 135:11** ...*Мисрдан Исроилни олиб чиққанга...* — Чиқиш 6:6, 13:3-4 га қаранг.
- 135:13** *Қизил денгиз* — ибронийча матнда Ём-Суф, маъноси Қамиш денгизи (шу санонинг 15-оятида ҳам бор). 105:7 изоҳига қаранг.
- 135:13** ...*Қизил денгизни иккига бўлганга...* — Чиқиш 14:1-31 га қаранг.
- 135:19-20** ...*Амор халқининг шоҳи Сихўнни ўлдирганга...*²⁰...*Башан шоҳи Ўгни ўлдирганга...* — Саҳрода 21:21-35 ва Қонунлар 2:24-3:11 га қаранг.
- 136:1** *Қуддус* — ибронийча матнда Сион (шу санонинг 3-оятида ҳам бор). 2:6 изоҳига қаранг.
- 136:7** *Эдомликлар* — азалдан Исроил халқига душман бўлиб келган халқ, уларнинг юрти Ўлик денгизнинг жанубида жойлашган эди. Бобилликлар Қуддусни вайрон қилганларида, Эдом халқи уларга ёрдам берган эди (яна Ҳизқиёл 35:5 ва Ободиё 10-14-оятларга қаранг). Тўлиқроқ маълумотга эга бўлиш учун луғатдаги ЭДОМ сўзига қаранг.
- 136:8** *Қирғинга маҳкум бўлгансан* — ёки Эй қотил!
- 137:1** *Фаришталар* — ибронийча матнда Элоҳим, 8:6 изоҳига қаранг.
- 137:8** ...мен учун қасос оласан — ёки ...менинг ҳаётим учун қўйган ўз мақсадингни бажарасан ёхуд ...менга эзгулик қиласан.
- 138:8** *Ўликлар диёри* — ибронийча матнда Шеўл. 6:6 изоҳига қаранг.
- 138:15** *Ернинг туби* — она қорнига ишора қилаётган кўчма маънодаги ибора (яна Аюб 1:21 га қаранг).
- 138:24** *абадий йўл* — ёки қадимги йўл, яъни вақт синовларига бардош берган ишончли йўл (Еремиё 6:16 га қаранг).
- 140:7** *қабр* — ибронийча матнда Шеўл. 6:6 изоҳига қаранг.
- 141** *Довуд ғорда бўлгандан кейин...* — 1 Шоҳлар 22:1-2 да ёки 1 Шоҳлар 24:1-22 да тасвирланган воқеага ишора.
- 141** *қасида* — 31-санонинг изоҳига қаранг.
- 143:2** *Халқлар* — Кумрон қўлёзмаларидан, кўплаб иброний қўлёзмаларидан, қадимий сурёнийча ва лотинча таржималардан. Ибронийча матнда Халқим.
- 143:3** *Бандалар* — ибронийча матндан сўзма-сўз таржимаси Инсон ўғли. Бу ибронийча ибора кўчма маънода ишлатилиб, одамнинг ўткинчи эканлигини билдиради.
- 143:14** *Ҳўқизимиз оғир юкларни тортсин...* — ёки Ҳўқизларимиз семирсин... ёхуд Чорвамиз бузоқлар туғсин....
- 144:1** Бу сано ибронийчада мувашшаҳ усулида ёзилган шеърdir. Бу санонинг ҳар бир оятидаги биринчи сўз иброний алифбеси тартиби бўйича бошланади.
- 144:5** *Улар...сўйлайдилар, Мен эса...ўйлайман* — Кумрон қўлёзмаларидан, қадимий юончча ва сурёнийча таржималардан. Ибронийча матнда Шонли дабдабанг, улуғворлигинг, ажойиб мўъжизаларинг ҳақида мен ўйлайман.
- 144:13** ...*Ҳукмронлигинг насллар оша давом этар* — Кумрон қўлёзмаларида, битта иброний қўлёзмасида, қадимий юончча ва сурёнийча таржималарда шу оятнинг охирига Эгамиз Ўзининг ваъдаларига содик ва Ўзи яратганларнинг ҳаммасига меҳрибон, деб қўшимча қилинган.
- 145:10** *Қуддус* — ибронийча матнда Сион. 2:6 изоҳига қаранг.

148:4 самолар узра жойлашган сувлар — Ибтидо 1:6-8 га қаранг.

148:14 ...Үз халқини қудратли қилди — ибронийча матндан сўзма-сўз таржимаси
...Үз халқи учун бир шох чиқарди. Эски Аҳдда буқанинг шохи кўпинча кўчма
маънода ишлатилиб, кучли хукмдорга ёки ҳарбий қудратга ишора қилган.

149:2 Қуддус — ибронийча матнда Сион. 2:6 изоҳига қаранг.